

REFORMATIO
LEGUM
ECCLESIASTICARUM,

EX AUTHORITYATE PRIMUM
Regis HENRICI 8. inchoata:

Deinde per Regem EDOVARDUM 6. pro-
vecta, adauctaque in hunc modum, atq;
nunc ad pleniorum ipsarum reformati-
onem in lucem edita.



LONDINI,
Typis T. H. & R. H. impensis Danielis Frere habi-
tantis in parva Britannia, ad insigne Tauri
rubri. An. Dom. M. DC XL.



AD
Doctum et can-
didum L E C T O R E M

P R Æ F A T I O .

A. F.



Quum nihil sit, quod vel ad communem omnium naturam, vel ad privatam cuiusque salutem propius pertineat, quam ut in quaque Reipub. societate recta religionis doctrina retineatur, tum ad hanc ipsam optimæ religionis institutionem non parùm retulerit, optimarum pariter legum accedere disciplinam: Quarum altera nos ad pietatem informet, altera externam hominum inter ipsos vitam moresq; componat. Quæ duæ res simul conjunctæ ut plurimum in omni Reipub. rectè administranda valent, seseq; mutuo juvant; ita si divellantur, perinde ac si navem seces mediam, haud ita multum video, quid aut hæc sine illa, aut utraq; pars sine altera, his præsertim temporibus contulerit. Nam ut nulla quantumvis morata civitas, aut regnum commodè haberi possit, si absit, aut aberrat religionis regula: sic neque religio rursus quantumlibet exulta præstiterit ad absolvendam felicitatis perfectionem, ubi nec morum cura habetur, nec judiciorum servatur severitas. Unde non iniecit ab Augustino dictum est, quid de Dei scribens civitate, posse reipub. felicem esse negat, *ubi stantibus quidem moribus, mores ruinam patiuntur.* Ideoq; non abs re à sapientissimis majoribus prospectum arbitror, qui præmia pariter cum pœnis temperantes, si-

*Cum religi-
one conjun-
genda mo-
rum disci-
plina.*

Præfatio ad Lectorem.

mulq; cum religione legum colligantes instituta, omni reipub. parti consulendum putaverunt, quo videlicet nec bonis deesset, quo ad virtutes, sincerumq; Dei cultum incitari possent; nec malis suppliciorum abesset metus, quo revocentur à flagitio: simulq; injuriarum controversiæ, (si quæ emergerent) tolli eodem pacto & finiri possent.

*Legibus
condendis
stationes
adhibende.*

Ceterum diligens hic cum primis, & multiplex adhibenda cautio est. Quemadmodum enim non omnis admittenda est in cætus politicos religio, nisi quæ ad expressam divinæ voluntatis normam quam simplicissimè respondeat: Ita & in condendis legibus prudenti cum primis delectu utendum censeo, ut reipub. accommodentur, non quæ temerè cujusvis effundit temeritas, aut tyrannis obtrudit, sed quæ ad archetypum æqui & honesti, atque perfectæ rationis regulam accedant quam proximè. Prospiciendum deinde, ne aut filici lucrû oleant, aut privatam sapiant utilitatem, cujusmodi *Epitade* fuisse feruntur, qui cum legem fulisset, ut liberum esset cuiq; sua, cui vellet, relinquere, nihil interim agebat, nisi ut ipse filium, quem odisset, posset exheredare. Porro ne credulitatem spirent, quales erant *Draconis*, & *Phalaridis* Agrigentinarum tyranni, quibus & Episcopi Romani addas licebit. Profuerit & illud insuper cavere, ne leges immodica superfluitate, ac multitudine scitorum onerent magis, quam ornent.

1. Tim. 1.

*Legum
necessitas.*

Leges Atticæ.

*Leges Romanæ
duodecim tabularum.*

Quamquam verò longè id præstantissimum fuerat votisq; omnibus optandum, ejusmodi omnium esse Christianorum mores, ut non paucis aut moderatis modo, sed nullis potius omnino opus esset legibus: tantumque posse religionis vigorem apud omnes, ut de nobis verè affirmari posset Paulinum illud, *Lex justo posita non est, &c.* Verum quando hoc in tanta vitæ infirmitate obtinere non datur, nescio etiam an sperare liceat, in invisibili hac Ecclesia, ubi promiscuè cum bonis ita permisti mali sunt, ut amplior plerumque pars vincat meliorem; idcirco legum necessario comparata sunt præsidia, ut quos ducere religio nequeat, disciplinæ saltem, legumq; retineat coercio. Sine quibus nullam posse humanæ societatis gubernationem constare, non modo recentiorum temporum exempla, sed vetustissimæ etiam antiquitatis ubique comprobant historiæ: Sive Atticam primum, sive Spartanam spectemus rempublicam. Quarum utraque post varias civilium conflictationum agitationes, tandem acceptis altera a *Solone*, altera a *Lycurgo* legibus, multo dehinc pacatior auctiorq; est reddita. Sic enim de *Athenis* constat, quod cum sine certo aliquo jure tres simul per id tempus factiones inter se contenderent, eaq; dissensio, gliscentibus magis odiis, universis exitium minaretur, *Soloni* reipub. mandata est. Is leges tulit, quibus libertatem & otium, per quingentos postea annos, ei restituit reipub. Porro ut non puduit Atticos ea tempestate Ægyptias leges quasdam usucapere, atque in suam transferre rempub. (ut testis est *Herodotus*) idem & *Romani* postea usu venit, quos cum publica cogeret necessitas leges in civitate sua conscribere, missi sunt in *Græciam* decemviri, qui ex Atticis legibus *Solonis*, *Zaleucii* apud *Locras*, *Chaconde* apud *Thurinos*, *Lycurgi* apud *Lacedæmonios*, *Phorontis* apud *Argivos*, certas legum formulas colligerent, & de rep. instituenda summos in *Græcia* homines consulerent.

Atque ex iis demum leges duodecim tabularum conflatae sunt, quibus tantum

Præfatio ad Lectorem.

tum tribuit *M. Cicero*, ut alicubi de optimo civitatis statu disputans, à natura discedere prædicat, qui à *Romanis* legibus dissident: Breviter nulla gens, nulla civitas, aut patria tam immanis unquam, aut barbara fuit, quæ non leges, etsi non ubiq; consimiles, non aliquas tamen habuerit, quibus si non omnia propellerentur vitia, at aliquam saltem morum honestatem retineret. Sic neq; Angliæ nostræ jam olim sua defuerunt legum decreta sapienter à prudentissimis majoribus constituta. Declarant id *Bractbonis nomothetica*, *Ine Regis, Edvardi senioris, Athelstani, Eadmundi, Eadgari, Alaredi, Ethelredi, Canuti*, cæterorumq; principum auspiciis institutæ sanctiones. Quæ leges quam diu suam tueri auctoritatem potuerunt, viguit aliqua saltem in hoc regno morum disciplina. Tandem non multo post hæc descendit in *Orchestra Scænicus* planè artifex suam saltaturus fabulam, urbis Romæ Pontifex: qui cæteris paulatim explosis actoribus, solus ipse Scenam occupare, omnesq; omnium actiones sustinere voluit. Primumq; prophanis magistratibus ea tantum relinquens, quæ prophana videbantur, reliquam partem illam de moribus universam ad se populumq; suum transtulit Ecclesiasticum, callidissimo nimirum commento, dum se fingit Christi in terris vicarium, & Apostolicæ cathedræ hæreditarium successorem: Quod simulatq; semel principibus esse persuasum sensisset, hinc illico majora conandi materiam accipit. Neq; porro defuit occasione audacia. Pergens itaq; in cœpta fabula mirus hic histrio, postquam exordium sibi tam pulchre videt procedere, ad reliquas similiter actionis partes se parat, quas nihilo etiam segnius tractat. Ac primum ad Reges ipsos, summosq; Monarchas affectat viam, eorum auctoritatem paulatim vellicare, mox & æquare, tum superare etiam, superatamq; sub jugum mittere pertentat. Hoc ubi etiam succedere intelligit, majore sumpta fiducia, ulterius adhuc progreditur sese dilatare, ac penas nido majores distendere, nihil jam humile aut plebeium de se cogitans. Qui prius humili focco incedebat, nunc alto cothurno ingreditur, ex Pontifice Rex factus planè tragicus. Quin nec amplius subditi jam nomen agnoscit, qui jubetur à Christo, ne dominetur suis. Deniq; eousque intumescit magnitudinis hic *Ecclesiarcha*, ut qui leges prius ab aliis accipere, atq; in ordine teneri sit solitus, nunc inversa rerum scæna, leges ipse imponit aliis, ac jura præscribit universis: Quod jus nunc canonicum appellamus. In quo ipso jure, neq; ullum tamen modum tenet illius impudentia, quin leges legibus, decreta decretis, ac iis insuper decretalia, aliis alia, atq; item alia accumulet, nec ullum penè statuit cumulandi finem, donec tandem suis *Clementinis, Sextinis, Intra & Extravagantibus, Constitutionibus provincialibus, & Synodalibus, Paleis, Glosulis, Sententiis, Capitulis, Summariis, Rescriptis, Breviculis, Casibus longis, & brevibus, ac infinitis Rhapsodiis* adeo orbem confarcinavit, ut Atlas mons, quo sustineri cælum dicitur, huic (si imponeretur) oneri vix ferendo sufficeret.

Atque hunc quidem in modum se habuit pontificæ hujus fabulæ epitasis, satis quidem turbulenta, & prodigiosa: In qua mirum quas ille turbas dedit, quos mundo ludos fecit, & quos errores involvit, foris nonnullam quidem religionis faciem obtendens, sed ita ut propius intuenti haud difficile esset videre, longe aliud mysterium in animo eum instituisse, nempe ut ecclesia-

*Leges Saxo-
num anti-
quæ.*

*Pontificis
supremita-
tis in-asio*

*Jus Ponti-
ficium seu
canonicum.*

Præfatio ad Lectorem.

Pontifex
vendicat u-
trumque
gladium.

Pontificii
iuris cor-
ruptela.

Rex Henricus
octavus

Legum ec-
clesiasti-
carum per
regem Hen-
ricum octa-
vum reforma-
tio.

sticum imperium aliquod in hoc mundo eminentiæ singularis tolleret. Tū nec his contentus, jus fori sui haud prius destitit hætenas dilatare, quoad totum etiam civilem gladium, cum plena potestate in suam traduxisset possessionem: non huc spectans interim, ut morum disciplinam in melius proveheret (quod fortassis nunquam illi serio curæ fuit) sed partim ut sedis dignitatem omnibus munitam modis constabiliret, partim ut opes undecumque quam maximas ad explendam ipsius avaritiam converteret, haud multum dissimili exemplo, quale de *Dionysio Syracusano* commemorat Plutarchus, qui quā insidioso consilio quam plurimas tulisset leges, alias super alias ingerens, tum easdem pari rursus astutia à populo negligi patiebatur, quo cūctos hac ratione sibi obnoxios redderet. Nec aliud in consilio fuisse huic pontifici videtur in tot congerendis legum æentonibus, quam ut plurimos canonicis suis articulis irretitos teneret, quo ubi or quæstus ei ex dispensationibus & condemnationibus accresceret. Atque hanc puta catastrophem esse hujus choragii. Nam ut veteres olim Comædiæ exhibant ferè in nuptias, ita pontificis omnes ferè molitiones desinebant in pecunias. Breviter sub hoc pontifice ita gubernata est res ecclesiastica, ut in pejori loco nec aliàs fuerit unquam, nec tum esse potuerit: quando nihil in religione ferè rectum, in moribus nihil sanum, nihil in conscientis liberum, nec in cultu sincerum relinquebatur: nec in legibus quicquam, nisi quod ad inutiles quasdam ceremonias, vel absurda dogmata, vel ad ordinis magnificentiam tuendam pertinebat. Et si in consistoriis ostendebatur nonnulla forsan justitiæ umbra, & morum inspectio, sic tamen res gerebatur, ut pretio nulli non venalis foret impunitas. Cui & hoc porro accedebat incommodi, quod quum ab iis judiciis procul omnis politica potestas arceretur, interim tota fori tractatio, nescio quibus Canonistis, & officialibus patebat, quorum magna pars ex litibus victitans suum magis spectabat compendium, quam virtutis, ac morum rectitudinem. Ut multa hic suppressim modestiæ causa, fortassis non prætereunda, si non pudori magis consulere, quam calamo indulgere hoc loco libuisset.

Postulabat sane hæc tanta rerum dissipatio necessariam emendationem. Neque fefellit ecclesiam suam divina providentia, cuius singulari beneficio cepit tandem utcumque scintillare, velut è crassa nebula, promican. sincerioris religionis aura, regnante auspiciatissimæ memoriæ Rege Henrico octavo: qui regum omnium, in hoc regno primus, magno reipublicæ bono, pontificis hujus nomen, cum superbissimis fascibus, prorsus è regni sinibus excussit. Quin nec eo contentus cordatus rex, ut nomen, nudosque solum titulos à se suisque depelleret, nisi & jura decretaque omnia, quibus adhuc obstringebatur ecclesia, perfringeret: huc quoque animum adiecit, ut universam secum rempub. in plenam assereret libertatem. Quocirca cum ex ipsius, tum ex publico Senatus decreto delecti sunt viri aliquot, usu & doctrina præstantes, numero triginta duo, qui penitus abolendo pontificio juri (quod can. cum vocamus) cum omni illa decretorum & decretalium facultate, quas ipsi leges, quæ controversiarum & morum judicia regerent, regis nomine & auctoritatē subrogarent. Id quod ex ipsius regis epistola, quam huic præfiximus libro, constare poterit, quæ & serium ipsius in hac re studium, & piam voluntatem aperiat. Laudandum profecto regis propositum, nec illaudandi fortassis eorum conatus,

Præfatio ad Lectorem.

conatus, qui leges tum illas, licet his longè dissimiles conscripserant. Sed nescio quo modo, quaque occasione res successu caruit, sive temporum iniquitate, sive nimia eorum cessatione quibus tunc negotium committebatur.

Sequitur post hæc regis tandem *Henrici* mors, æquo pulsans pede pauperum tabernas, regumque turres: Post quem subiit in regni habenas relictus à patre filius nunquam satis laudati nominis *Edwardus* sextus. Qui in emendanda primum religione quam adhuc inchoatam reliquit pater, majores impetus, ac vires addidit, nec omnino profecit infelicitè. Quo factum, ut religionis fontes multo, quam antea, purgatiores nativo quodammodo nitori sint restituti. Sed iniquissimi illorum temporum mores, longè à professione distantes, & religioni labem & bonis omnibus dolorem non mediocrem asperferunt. In causa creditur, quòd cum doctrina reformatà, non item adhibita essent legum idonea repagula, quæ effrænem multitudinis impunitatem cohererent. Durabant enim adhuc hæc ipsa, quæ & hodie regnant in curiis, & consistoriis pontificii juris instituta, & constitutiones provinciales, quæ præter verbosam ceremoniarum congeriem, nihil ferè habebant, quod corrigendæ Christianorù vitæ magnopere conducere. Neq; interim hoc nesciebat, pro diuina sua indole, *Edwardus* noster. Itaque coacto mox Senatu, indictoque frequentissimis comitiis parlamento, non solum in animo habuit, sed diligenter etiam curavit, paternum sequutus exemplum, ut quod ille factum prius voluisset, in reformandis pontificiorum canonum decretis, id ipse absolutiori expeditione perfectum redderet.

Quid multis? ex communi ordinum omnium suffragio, datum id negotii est viris, si non iisdem, quibus superius, at pari tamen numero, nec impari excellentia præditis, triginta videlicet duobus (quod idem etiam ab *Henrico* prius octavo instituebatur) partim ex Episcopis, partim ex Theologia, partim ex utriusque juris prudentia, partim ex communis quoque juris professione, ad octenos, in quatuor classes, ad hoc ipsum designatis, ut ipsorum arbitrio certa quædam sanctionum capita, in legum formulas redacta figerentur, quæ in locum suffecta Romanarum constitutionum, reip. & moribus in melius formandis quam maxime salutares proponerentur.

Nec longum erat, quin regis voluntati satisfactum sit. Res enim, tanquam pensum, in varias distributa operas felicitate non minori, quam celeritate confecta est, hoc observato ordine: ut Duo hi & triginta (quos diximus) in quatuor classes, æqua proportionè ita dividerentur, ut in singulis octonariis duo Episcopi, duo item Theologi, rursusque duo juris utriusque, similiter & communis juris consulti totidem continerentur. Inter quos sic deniq; conventum est, ut quod in singulis classibus conclusum & definitum esset, id per reliquas classes considerandum atque inspiciendum transmitteretur. Quanquam verò ex hoc ipso omni numero, octo potissimum selecta fuerunt capita, quibus prima operis præformatio, quasiq; materiæ præparatio committebatur, quorum nomina Regis in *Edwardi* epistola comprehensa videre liceat.

Atq; hoc modo confecta hæc quidem leges sunt. sive eas ecclesiasticas, sive politicas appellare libeat. Quarum materia ab optimis undiq; legibus petita videtur,

Rex *Edwardus* 6.
de religio-
nis & disci-
plinæ cura
solicitus.

Leges eccle-
siasticæ per
Regem *Edwardum* 6.
renovatæ.

Legum ec-
clesiasticarum
authores,
& Ordo.

Præfatio ad Lectorem.

Tho. Cran-
merus Ar-
chiepif.
Gualterus
Haddonus.

videtur, non solum ecclesiasticis, sed civilibus etiam, veterumq; Romanorum præcipua antiquitate. Summæ negotii præfuit *Tho. Cranmerus* Archiepif. Cant. Orationis lumen & splendorem addidit *Gualterus Haddonus*, vir disertus, & in hac ipsa juris facultate non imperitus. Quin nec satis scio an *Joan. Checi* viri singularis eidem negotio adjuvix adfuerit manus. Quo factum est, ut cultiori stylo concinnatæ sint istæ leges, quam pro communi cæterarum legum more. Atq; equidem lubens optarim, si quid votis meis proficerem, ut consimili exemplo, nec dissimili etiam oratione ac stylo, profiliat nunc aliquis, qui in vernaculis nostris legibus perpoliendis idem efficiat, quod in ecclesiasticis istis præstitit clarissimæ memoriæ hic Haddonus.

Sed hæc aliorum relinquens perpensionem, ad ecclesiasticas nostras redeo, quæ quemadmodum elaboratæ fuerint, quibusq; authoribus conscriptæ, jam aperuimus. Restabat nunc de illarum dignitate & æstimatione aliquid porro mihi differendum. Sed quia nolim meo iudicio cæteris præcurrere, liberam suam cuiq; censuram relinquo. Nobis sat erit, quoniam jampridem in superioribus Monumentis nostris promissa sunt, studiosis lectoribus hæc proposuisse, non ut vim illico legum auctoritatemq; induant; sed ut specimen duntaxat rei, velut ad gustum ista lætitare volentibus, exhiberemus, quæ ubi perlecta fuerint, pro suo quisq; capiti, quid de iis statuendum putet, libere secum pensitet. Ut nihil est, nec unquam fuit, tam feliciter humano elucubratum ingenio, cui non aliquid inhaerere navi, ita neq; hic fortasse defutura sunt, quæ *de viciis & polidæ* & acriorem lectoris discussionem flagitare nonnullis videbuntur. In quo genere præter alia quæ brevitatis causa transilire cogor, hoc unum minime, vel prætereundum mihi, vel doctis iudiciis admittendum videtur, quod lex ista vetat in titulo de divinis officiis, Cap. 16. ne quicquam omnino præter præscripta peragatur, & formulas illius libri nostra communi lingua scripti quem proprium & perfectum omnis divini cultus magistrum esse statuit, &c. Nos verò perfectum omnis divini cultus magistrum, solum dei verbum agnoscimus, cum interim in hoc libro non esse nulla constat, quæ per omnia minus quadrare ad amussim ecclesiasticæ reformationis videantur, multoq; rectius fortasse mutarentur. Sed hæc ab aliis rectius perspicere, quam à me admoneri poterint.

Interim Illustrissimi Principis *Edovardi* nostri tam piam vereq; christianam sollicitudinem nunquam satis laudare queo, nec minus præclarorum etiam doctorum hominum navatam diligentiam arbitror, qui congerendis his legibus præfuerunt, quas summa approbatione & applausu illorum tum temporum fuisse receptas constat. Nec dubium quin Parlamentari etiam auctoritate eadem sanctiones istæ constabilerent, atq; in publicum usum consecratæ fuissent, si vita regi paulo longior suppetisset. Quod ut valde tū dolendum est non contigisse, ita nunc vicissim optandum, quod, per præmataram mortem regis illius negatum est ecclesiæ felicitati per feliciora tempora Serenissimæ Reginæ nostræ *Elizabethæ* suppleatur, accedente publica hujus nunc Parliamenti auctoritate, simulq; faventibus doctorum hominum suffragiis. Quos ut nostram hanc in edendo audaciam boni consulant impensè rogamus.



REX HENRICUS OCTAVUS.



ENRICUS OCTAVUS Dei gratia, Angliæ & Franciæ Rex, fidei defensor, & Dominus Hiberniæ, ac in terris Anglicanis sub Deo caput supremum; Omnibus Archiepiscopis, Abbatibus, Clericis, Ducibus, Marchionibus, Comitibus, Baronibus, Militibus, generosis, ac altis cujuscunque generis hominibus, subditis & legiis nostris, per regnum nostrum, & dominia nostra ubilibet commorantibus, salutem & Evangelicæ veritatis incrementum. Cum vos optimi cives mei mihi que charissimi, me nunc unum atque solum hujus Regni principem, interrisq; secundum deum, hujus ecclesiæ Anglicanæ unicum supremumque caput, quemadmodum divini atque humani juris ratio postulat, potestatemque tam ecclesiasticæ quàm mundanæ politiæ mihi, majoribusque meis, ipso jure divino concessam, (verùm multis sæculis unius Romani Episcopi malitia,

B

tia,

Reg. Henr. 8. Epistola.

tia, fraude, dolis, atque astutia, ereptam) ad me & successores meos pertinere una voce, uno omnium assensu agnoscitis: non possum indies magis magisque muneris, atque officii mei rationem non habere, deque illustranda Dei gloria, de Christianæ pietatis vera doctrina propaganda, de imperii huius incolumitate, & quiete tuenda, summa animi cura, atque cogitatione non esse sollicitus. Occurrunt enim subinde animo meo verba illa, quæ Sapientiæ Cap. 7. habentur ad hunc modum: Audite reges, & intelligite, quoniam data est à Domino potestas vobis, & virtus ab Altissimo, qui interrogabit opera vestra, & scrutabitur cogitationes. Ad vos ergo reges sunt hii sermones mei, ut discatis sapientiam, & ne excidatis. Qui enim custodiunt iustitiam, iustè judicabuntur; et qui didicerunt iusta, invenient quid respondeant, &c. Hinc facile perspicitur potest ex ætissimè à regibus potestatis suæ reddendam esse rationem, illosque gravissimas manere pœnas, si non, ut oportuit, in republica administranda sese gesserint.

Quòd si tanta cura, ac solitudine quibuscunque regibus opus est, quàm anxios igitur ac sollicitos Christianos reges esse debere censendum est, quibus non politica modo civilis, sed ecclesiastica etiam potestas data est? Hos enim non tantum quæ ad humanam societatem

Sapient.
Cap. 7.

Reg. Henr. 8. Epistola.

tem pertinent, sed etiam quæ divinæ Christianæque religioni maximè consentanea sunt, curare necesse est: præsentem hujus sæculi fœlicitatem principes Christianos ita metiri convenit, ut hac potestate sua ad Dei cultum dilatandum utantur, ut in hoc incumbant, ut recta doctrina propagetur, orneturque Dei gloria.

Cum igitur à Christianis regibus justitiam in imperio, pacis tuendæ curam, pietatem, studium juvandæ & ornandæ religionis Christianæ exigi animadvertirem, nihil mihi potius esse debere judicabam, quam ut omnes inirem rationes, quò minus in hoc meo regno hæc à me desiderentur, & quoad possem, muneri imposito satisfacerem: Hoc ut faciliùs expeditiùsque præstare valeam, non ignoratis vos, quantam curam adhibuerim in illis rebus promovendis, tuendisque, quæ huic negotio maximè conducere atque adjuvamento esse videbantur; quæ contra impedire atque obesse visa sunt, quanto studio tollere, ac delere conatus sum, assiduèq; conor. Abundè enim vobis declaratum hætenus fuit, quàm in hac nostra Britania, multis verò sæculis, episcopi Romani vis injusta, ac non ferenda sacrosancto divino nomini inimica fuit; quantopere religioni Christianæ, veræ doctrinæ propagandæ adversata est, quantû hujus reipublicæ pacem ac tranquillitatem sæpiissime interturbavit, potestatemq;

Reg. Henr. 8. Epistola.

regiam divinitus constitutam labefactando, divinam omnium obedientiam, à vero ac justo principis sui imperio, contra omne jus divinum & humanum, ad se transferre ausus est. Hujus potestatem huic cum divino munere sublatam esse manifestum est, & ne quid superesset, quo non planè fractam illius vim esse constaret, leges omnes, decreta atq; instituta, quæ ab authore episcopo Romano profecta sunt, prorsus abroganda censuimus. Quorum loco, ut faciliùs imposterum Dei Opt. Max. gloria illustretur, & vera Philosophia christiana regnumq; Christi vigere possit, & quo omnia decenter & ordine in Christi hac ecclesia gerantur; en vobis autoritate nostra editas leges damus, quas à vobis omnibus suscipi, coli, & observari volumus, & sub nostræ indignationis pœna mandamus, ut vestra in Deum pietas, amor erga patriam, principemq; vestrum obedientia, non sine immensa divini nominis gloria omnibus conspicua sit, ac vosmetipsos non minus de vestris rationibus sollicitos ostendatis, quàm ego vestra causa de officio fuerim meo, stricte præcipientes, ut his nostris constitutionibus vos omnes & singuli, tam in judiciis, quàm in gymnasiis utamini, severe prohibentes, ne quisquam vestrum alias præter has, & regni nostri leges, admittere præsumat. Valete.

REX



R E X
EDOVARDUS
SEXTUS.



EDOVARDUS Sextus, Dei gratia,
Angliæ, Franciæ, & Hiberniæ Rex,
fidei defensor, & in terra, Ecclesiæ
Anglicanæ & Hibernicæ supremum
Caput : Reverendissimo in Christo
Patri, *Thomæ*, eadem gratia Cantuari-
ensi Archiepiscopo, totius *Angliæ* Pri-
mati & Metropolitano : Reverendoq; in Christo Patri,
Thomæ, Eliensi Episcopo : Ac dilectis nobis in Christo,
Richardo Cox, Eleemosynario nostro, *Petro Martyr*, Sa-
cræ Theologiæ professoribus, *Willibaldo Maye*, *Roulan-*
do Taylour de Hadley, Legum Doctoribus : Nec non di-
lectis & fidelibus nostris, *Johanni Lucas*, & *Richardo*
Gooderike Armigeris, salutem : Cum vos triginta duos vi-
ros, ad leges nostras Ecclesiasticas perlegendas & compo-
nendas, juxta vim, formam, & effectum cujusdam Acti
Parliamenti, in tertio Regni nostri anno, apud *Westm.*
facti, brevi assignare & deputare proponimus, & ubi nu-
merus prædictus ad tractatum legum prædictarum, descri-
bendarum & componendarum nimius videtur, tametsi
id tum propter consultationem & judicium super eo ha-
bendum,

Reg. Edovard. 6. Epistola.

bendum, tum etiam propter perfectionem & complementum earundem longè expediens existit, nobis, moventibus Consiliariis nostris à secretis, consentaneum magis videtur, hujus rei initium, introitum, primam formam, & lineaturam numero octavo, qui doctorum triginta erit portio, committere: nempe quasi præparationem quandam grandiori numero futuram.

Quapropter de prudentia, scientia, & diligentia vestris plurimum confidentes, de sententia consilii, novimus, & deputavimus vos commissarios nostros, & vobis auctoritatem per præsentem impartimus, ut loco & tempore congruis, & oportunis, celeritate conveniente, qua poteritis maxima, insimul conveniatis, cursumq; legum Ecclesiasticarum, infra regnum nostrum in usu existentium, aut antehac uti solitarum, diligenter perlegatis, consideretis, & ponderetis, eoq; facto, illarum loco & vice, collectionem, compilationem, & ordinem talium legum Ecclesiasticarum inveniatis, faciatis, & in scripta redigi faciatis, quales in usu esse, practicari, & in quibuscunq; curiis & jurisdictionibus nostris Ecclesiasticis, infra istud regnum nostrum & alia nostra dominia, proponi & publicari, de scientia, sapientia, & judicio vestris maximè expediens fore putaveritis. Habentes considerationem & respectum debitum ad tenorem statuti prædicti, pro præservatione legum nostrarum communium, in suo vigore remanentium, & pro omnibus aliis articulis & ramis dicti statuti. Et quamprimum leges prædictæ per vos adinventæ, formatæ, descriptæ & compilatæ fiunt, easdem statim nobis exhiberi, & in scriptis tradi volumus, ut eas de consilii nostri sententia, de residuo triginta duorum, unà vobiscum, pro ulteriore legum prædictarum Ecclesiasticarum ratificatione & perfectione, tanquam commissariorum nostrorum, juxta

Reg. Edouard. 6. Epistola.

juxta formam statuti prædicti, conjunctim nominandorum transmittamus.

Et quamvis vos ea modestia & sapientia præditos esse scimus, quòd onus istud humeris vestris commissum & impositum, haud parvi esse momenti & ponderis aestimabitis; considerantes tamen, quòd propositum nostrum non est aliud, quàm preparationis cujusdam gratia istud à vobis effectum reddi: ita quòd major numerus ad consultationem, & perfectionem ejusdem, magis certò & ordinatè procedere valeat, certiores vos esse volumus, quòd actiones & studia vestra in hac parte, cùm erunt nobis gratissima, tum aut benignissima, & maximè favorabili interpretatione accepta.

Et præterea volumus, quòd statim post receptionem præsentium unà conveniatis, & hac in re, celeritate & expeditione ea utamini, quàm causa exposcit: Mandantes & strictè præcipientes omnibus & singulis personis, quarum consilio, sententia, & ope, in hac parte, vos opus habebitis, quòd illi per vos requisiti opem præstent, consulant, & juvent, quemadmodum nobis placere cupiunt. In cujus testimonium has Literas nostras fieri fecimus Patentes. Teste
meipso apud *Westm.* xi. die
Novemb. Anno regni
Regis quinto.

Marton.

*Per ipsum Regem, & de data
prædicta auctoritate Parliamen-
menti.*



Tabulæ Titulorum.

I	D E summa trinitate & fide Catho- lica.	148	De penis Ecclesiasticis.
8	De hæresibus.	151	De Suspensione.
22	De iudiciis contra hæreses.	155	De Sequestratione.
27	De Blasphemia.	157	De Deprivatione.
28	De Sacramentis.	159	De excommunicatione.
31	De Idololatria, &c.	179	De iudiciis.
34	De concionatoribus.	181	De criminibus.
37	De matrimonio.	183	De iudiciis.
44	De gradibus prohibitis.	189	De officio iudicum.
47	De adulteriis & divorciis.	200	De litis contestatione.
56	De admittendis ad Ecclesiast. benefi- cia.	205	De Juramentis.
67	De renunciatione beneficiorum, &c.	210	De Juramento calumnie.
67	De permutatione beneficiorum.	213	De probationibus.
70	De purgatione.	219	De possessione.
77	De dilapidationibus.	224	De fide.
80	De alienatione bonorum Ecclesie.	229	De Crimine falsi.
81	De electione.	245	De Testibus.
81	De beneficiis conferendis.	246	De Consuetudine.
84	De Divinis officiis.	250	De prescriptionibus.
92	De Ecclesia & ministris ejus.	250	De vi contra Clericum.
106	De Ecclesiarum guardianis.	254	De presumptionibus.
113	De Academiis.	256	De diffamationibus.
115	De Decimis.	264	De delationibus.
124	De visitationibus.	270	De exceptionibus.
128	De Testamentis.	279	De sententia.
		299	De appellationibus.
			De regulis juris.

DE SUMMA TRINITATE ET FIDE CATHOLICA.

¶ *De fide Christiana ab omnibus amplectenda
& profitenda. Cap. I.*

Quoniam Regni potestas, & legum administrandarum jus ad nos ex Deo pervenit, principium nobis ab eodem Deo capiendum erit. De cuius natura cum rectè fuerit & ordine constitutum, facilius erit reliquarum legum provisio, quas ad confirmandum in Regno nostro verum Dei cultum, & ad ipsum Ecclesiæ statum conservandum, adhiberi curavimus. Quapropter omnes homines ad quos imperium nostrum ulla ratione pertinet, Christianam religionem suscipere & profiteri volumus, & jubemus. Contra quam qui cogitationes, aut actiones ulla suscipiunt, impietate sua Deum à se abalienant: nos autem qui divinæ Majestatis administratores sumus, & facultates universas & ipsam denique vitam illis abjudicandam esse statuimus, quicumque tam immani se scelere impietatis obligaverint. Et hoc in omnibus valeat nostris subditis, quocumque nomine, loco, vel conditione censeantur.

¶ *De Natura Dei, & beata Trinitate, quid sit credendum. Cap. 2.*

Omnes filii Dei per *Jesum Christum* renati, ex corde puro, conscientia bona, & fide non ficta credant & confite-

De summa Trinitate,

confiteantur, unum esse vivum & verum Deum æternum, & incorporeum, impassibilem, immensæ potentia, sapientia & bonitatis, creatorem & conservatorem omnium rerum tum visibilium tum invisibilium. Et in unitate ejus divinæ naturæ, tres esse personas, ejusdem essentia ac æternitatis, patrem, filium, & spiritum sanctum. Patrem verò à seipso esse, nec ab alio quoquam vel generari vel procedere: & filium quidem à patre generari; Spiritum sanctum verò & à patre & à filio procedere: nec ullam naturæ diversitatem aut inæqualitatem in ista personarum distinctione poni, sed quoad substantiam, vel ut dicunt, essentiam divinam, omnia inter eos paria & æqualia esse.

¶ *De Christo & mysteriis nostræ redemptionis.* Cap. 3.

CRedatur etiam, cum venisset plenitudo temporis, filium qui est verbum patris, in utero beatæ virginis *Mariæ*, ex ipsius carnis substantia, naturam humanam assumpsisse, ita ut duæ naturæ, divina & humana, integrè atque perfectè in unitate personæ fuerint inseparabiliter conjunctæ: ex quibus unus est Christus verus Deus & verus homo: qui verè passus est, crucifixus, mortuus & sepultus, descendit ad inferos, ac tertia die resurrexit, nobisque per suum sanguinem reconciliavit patrem, sese hostiâ offerens illi, non solum pro culpa originis, verum etiam pro omnibus peccatis quæ homines propria voluntate adjecerunt.

¶ *De duabus Christi naturis post resurrectionem.* Cap. 4.

CRedatur item Dominus noster *Jesus Christus*, etiam post resurrectionem, duplici natura constare: divina quidem, immensa, incircumscripita, & infinita, quæ ubiq; sit & omnia impleat; Humana vero, finita & descripta hu-

humani corporis terminis ac finibus, qua, postquam peccata nostra perpurgavisset, in cœlos ascendit, ibique ita sedet ad dexteram patris, ut non ubique sit, quippe quem oportet in cœlo remanere, usque ad tempus restitutionis omnium, cùm ad iudicandum viuos, & mortuos veniet, ut reddat cuique juxta opera sua.

¶ *De tribus Symbolis. Cap. 5.*

ET quoniam omnia ferme, quæ ad fidem spectant Catholicam, tum quoad beatissimam Trinitatem, tum quoad mysteria nostræ redemptionis, tribus Symbolis, hoc est, Apostolico, Niceno, & Athanasii breviter continentur: idcirco ista tria Symbola, ut fidei nostræ compendia quædam, recipimus & amplectimur, quod firmissimis divinarum & canonicarum Scripturarum testimoniis facile probari possint.

¶ *Quæ sint canonica Scripturæ, quoad vetus Testamentum. Cap. 6.*

UT autem quæ sint Scripturæ illæ canonicae, ex quibus solis religionis & fidei dogmata constare & confirmari debent, non ambigant fideles, illarum catalogum hic ascribendum duximus, secuti in veteri Testamento illum, quo Hebræi utuntur, ordinem, qui sic habet.

(Libris Moyfis quinque.	Job.
Josue.	Proverbia.
Judicum.	Daniel sepositis Apocryphis
Samuel's. 2.	Paralipomenon. 2.
Regum. 2.	Canticum Canticorum.
Esayas.	Ruth.
Hieremias.	Threni.
Ezechiel.	Ecclesiastes.
Prophetæ minores. 12.	Hester.
(Psalterium.	Esdras, & Nehemias.

Omnes isti libri, quos recensuimus, certò sunt catonici.

¶ *Libri sacri, non tamen canonici.* Cap. 7.

Liber verò qui Sapientia Salomonis inscribitur, Ecclesiasticus, item Judith, Tobias, Baruch, tertius & quartus Esdræ, Libri Machabeorum, cum Apocryphis Hester & Danielis, leguntur quidem à fidelibus, & in ecclesia recitantur, quòd ad edificationem plebis plurima in illis valeant, quibus tamen non tantum authoritatis tribuitur, ut fidei nostræ dogmata ex ipsis solis, & separatim citra alios indubitata Scripturæ locos constitui, constabilisque vel possint, vel debeant. Sunt ergo & cum iudicio, & sobriè isti tum audiendi tum legendi.

¶ *De libris canonicis novi Testamenti.* Cap. 8.

In novo autem Testamento pro canonicis libris agnoscit, & admittit ecclesia hos qui sequuntur.

Quatuor Evangelia,
videlicet.

{ Matthæi.
{ Marci.
{ Lucæ.
{ Johannis.

Acta Apostolica.

Epistolæ Pauli ad---

{ Romanos.
{ Corinthios. 2.
{ Galatas.
{ Ephesios.
{ Philippenses.
{ Colossenses.
{ Thessalonicenses. 2.
{ Timotheum. 2.
{ Titum.
{ Philemonem.
{ Hebræos.

Epistolas Canonicas { Jacobi. 1.
Petri. 2.
Johannis. 3.
Judæ. 1.

Apocalypsim.

¶ *Omnia credenda ex canonicis haberi
Scripturis. Cap. 9.*

HÆc igitur generatim est sancta Scriptura, qua omnia creditu ad salutem necessaria, plenè & perfectè contineri credimus, usque adeo ut quicquid in eâ non legitur, nec reperitur, nec denique ex eadem aut consequitur, aut convincitur, à nemine sit exigendum ut tanquam articulus fidei credatur.

¶ *Suprema est in ecclesia scripturæ divina
authoritas. Cap. 10.*

Divina Scripturæ tanta credatur autoritas, ut nulla creaturæ cujusvis excellentia ipsi vel anteponenda sit vel æquanda.

¶ *Ecclesia contra Scripturas nil potest constitue-
re, nilque præter easdem obtrudere debet
necessario credendum. Cap. 11.*

Quamobrem non licet Ecclesiæ quicquam constituere, quod verbo Dei scripto adversetur, neque potest sic unum locum exponere, ut alteri contradicat. Quamquam ergo divinorum librorum testis sit & custos & conserva- trix ecclesia, hæc tamen prærogativa ei minime concedi debet, ut contra hos libros vel quicquam decernat, vel absque horum librorum testimonio ullos fidei articulos con- dat, eosque populo Christiano credendos obtrudat.

¶ *Ad codices Hebraicos in veteri Testamento recurrendum, ac in novo ad Græcos. Cap. 12.*

CÆterum in lectione divinarum Scripturarum si qua occurrerint ambigua, vel obscura in veteri Testamento, eorum interpretatio ex fonte Hebraicæ veritatis petatur, in novo autem Græci codices consulantur.

¶ *Symbola fidei utilia sunt ad interpretandam Scripturam. Cap. 13.*

SUMMA præterea fidei capita (quæ articulos appellamus) è sacris scripturis clarissimis desumpta, & in Symbolis breviter comprehensa in exponendo sacras literas ob oculos perpetuo habeantur, ne quid contra ea aliquando interpretemur, aut definiamus.

¶ *De Conciliis quid sentiendum. Cap. 14.*

JAM verò conciliis, potissimum generalibus, tametsi ingentem honorem libenter deferimus, ea tamen longe omnia infra Scripturarum canonicarum dignitatem ponenda judicamus, sed & inter ipsa concilia magnum discrimen ponimus. Nam quædam illorum, qualia sunt præcipua illa quatuor, Nicenum, Constantinopolitanum primum, Ephesinum, & Calcedonense, magna cum reverentia amplectimur & suscipimus. Quod quidem iudicium de multis aliis quæ postea celebrata sunt ferimus, in quibus videmus & confitemur sanctissimos patres de beata & summa Trinitate, De Jesu Christo Domino & servatore nostro, & humana redemptione per eum procurata, juxta Scripturas divinas multa gravissimè & perquam sanctè constituisse. Quibus tamen non aliter fidem nostram obligandam esse censemus, nisi quatenus ex Scripturis sanctis confirmari possint. Nam concilia nonnulla interdum

dū errasse, & contraria inter sese definivisse, partim in actionibus juris, partim etiam in fide, manifestum est. Itaque legantur concilia quidem cum honore atque Christiana reverentia, sed interim ad Scripturarum piā, certam rectamque regulam examinentur.

¶ *Quæ sanctorum patrum autoritas. Cap. 15.*

Postremo Orthodoxorum patrum etiam auctoritatem minime censemus esse contemnendam: sunt enim per multa ab illis præclare, & utiliter dicta: ut tamen ex eorum sententia de sacris literis iudicetur, non admittimus. Debent enim sacre literæ nobis omnis Christianæ doctrinæ, & regulæ esse & iudices. Quin & ipsi patres tantum honoris sibi deferri recusarunt, sæpius admonentes lectorem, ut tantisper suas admittat sententias & interpretationes, quoad cum sacris literis consentire eas animadverterit. Maneat ergo illis sua autoritas & reverentia, sed quæ sacrorum librorum sententiæ, veritati atque auctoritati cedat & subjiciatur.

¶ *Epilogus. Cap. 16.*

Cæterū quoniam perlongum esset, & plane opus valde laboriosum, omnia nunc distinctè scribere quæ Catholica fide sunt credenda, sufficere iudicamus quæ breviter de summa Trinitate, De *Jesu Christo* Domino nostro, & de salute per eum humano generi parta diximus.

¶ *Pereunt qui Catholica fidei adversantur, vel ab ea deficiunt. Cap. 17.*

Hoc ipsum tamen silentio præterire non possumus, eos omnes misere perire qui Orthodoxam Catholicamque fidem amplecti nolunt: & longe gravius eos esse damnandos qui ab ea semel agnita & suscepta defecerunt.

¶ DE

DE HÆRESIBUS.

¶ *Qui sint Hæretici, & qui non sint.*

Cap. 1.



Hæreticos statuimus omnes, quicumq; communis nostræ fidei decretū aliquod secus accipiūt, quam sacra Scriptura determinatum est, & in errore sic habitant, ut omnino se non sinant ab illo removeri. Nec illud in hoc genere spectandum est, utrum aliquis ipse sibi erroris fuerit author, an illum aliunde acceptum ipse sequatur, & defendat. Qui vero non comorantur in hæresi, non illum defendunt, sed inquirunt veritatem, & cum à legitimis iudicibus plenè fuerint instructi, suam ipsi culpam agnoscunt, & in eo se corrigi facile patiuntur, in hæreticorum numero poni non debent.

¶ *Schismatici, & hæretici quomodo differant.* Cap. 2.

Schismaticos plerique cum hæreticis confuderunt. Sed tamē magna inter illos est differentia. Nec enim schismatici fidem aliam habent, quàm cæteri: sed à communi illa, quæ inter Christianos esse debeat, societate se distinguunt. Itaque nonnunquam usu venit, ut cum longe à piis aliorum institutis, & officiis, peregrinati sunt, tandem ad aliquam hæresim dilabantur, ut se vehementius à recepta bonorum communitate segregent.

¶ *De hiis qui sacrarum Scripturarum auctoritatem rejiciunt.* Cap. 3.

Capitalis Christiani nominis hostis Satan, ad salutare divinarum Scripturarum semen in Dei ecclesia sparsum, tam pestilentem hæresim, quasi loliorum & zizaniorum

orum, infundit, ut universæ vix enumerari possint hæ fa-
ces, quibus Ecclesia conflagravit, & adhuc miserabiliter
ardet, diabolo majorem quotidie falsarum opinionum
materiam accumulante. Nos igitur his constitutionibus
nostris breviter per illas hæreses prætervehemur, quarum
præsens pestis perniciem religionis nostrorum temporum
adhuc incubat. In quo genere teterrimi illi sunt, (itaque
à nobis primum nominabuntur) qui sacras Scripturas ad
infirmorum tantum hominum debilitatem ablegant & de-
trudunt, sibi sic ipsi interim præsidentes, ut earum autho-
ritate se teneri non putent, sed peculiarem quendam spiri-
tum jactant, à quo sibi omnia suppeditari aiunt quæcunq;
docent & faciunt.

¶ *De his qui vetus Testamentum aut totum rejiciunt,
aut totum exigunt. Cap. 4.*

DEinde quomodo priscis temporibus Marcionitarum
sordes, Valentinianorum & Manicheorum fluxerunt,
& aliæ similes earum multæ feces, à quibus vetus Testa-
mentum ut absurdum malumque, & cum novo dissidens
repudiabatur: sic multi nostris temporibus inveniuntur,
inter quos Anabaptistæ præcipue sunt collocandi, ad quos
si quis vetus Testamentum alleget, illud pro abrogato jam
& obsoleto penitus habent, omnia quæ in illo posita sunt
ad prisca majorum nostrorum tempora referentes. Itaque
nihil eorum ad nos statuunt pervenire debere. Aliorum
autem contrarius est, sed ejusdem impietatis error, qui us-
que adeo ad vetus Testamentum adhærescunt, ut ad cir-
cumcisionem & à *Mose* quondam institutas ceremonias ne-
cessario nos revocent.

¶ *De duabus naturis Christi. Cap. 5.*

Circa duplicem Christi naturam, perniciosus est & va-
rius error: ex quibus alii sunt ex Arrianorum secta,
D Chri-

Christum ita ponentes hominem, ut Deum negent. Alii eum sic Deum judicant, ut hominem non agnoscant, & de corpore nugantur de cœlo divinitus assumpto, & in virginis utero lapsa, quod tanquam in transitu, per *Mariam*, quasi per canalem aut fistulam præterfluxerit. Quidam verbū in carnis naturam conversum, asserūt quam, quamprimū à morte in cœlum fuit recepta, rursus volūt in naturam divinam reversam & absorptam esse. Quorum illi delirium imitantur, qui corpori Christi tam latos fines dant, ut illo credant aut omnes locos simul, aut numeros obsideri: Quod si confiteremur, humanam è Christo naturam eximeremus. Quemadmodum enim Dei natura sibi hoc assumit, ut per omnia permeet, sic humanæ semper illud attributum est, ut certis locorum finibus circumscripta sit. Quidam corpus ipsum sæpe dicunt, & subinde factum esse. Qui errores omnes sacrarum Scripturarum autoritate sic corrigendi sunt, ut Christus meliore natura Deus sempiternus accipiatur, & quidem æqualis sit Dei Patris: humanā verò corpus habeat ex tempore factum, neq; sapius quàm semel, neq; ex alia materia quàm ex Mariæ virginis vera, & sola substantia, ac quemadmodum reliqua humana corpora suis loci finibus circumscriptum.

¶ *De Spiritu sancto* Cap. 6.

Quomodo verò hæc putida membra sunt ab Ecclesiæ corpore segreganda, quæ de Christo capite tam perverse sentiunt: sic illorum etiam est execrabilis impudentia, qui cum Macedonio contra Spiritum sanctum conspiraverunt, illum pro Deo non agnoscentes.

¶ *De peccato originis, libero arbitrio, & justificatione.* Cap. 7.

I N labe peccati ex ortu nostro contracta, quam vitiū originis appellamus, primū quidem Pelagianorum, deinde

de etiam Anabaptistarum nobis vitandus, & submovendus est error, quorum in eo consensus contra veritatem sacrarum Scripturarum est, quod peccatum originis in Adamo solo hæserit, & non ad posteros transierit, nec ullam afferat naturæ nostræ perversitatem, nisi quod ex Adami delicto propositum sit peccandi noxiū exemplum, quod homines ad eandem pravitatem invitat imitandam, & usurpandam. Et similiter nobis contra illos progrediendum est, qui tantum in libero arbitrio roboris, & nervorum ponunt, ut eo solo, sine alia speciali Christi gratia, rectè ab hominibus vivi posse constituent. Deinde nec illi sunt audiendi, quorum impietas salutarem & in sacris Scripturis fundatam justificationis nostræ doctrinam oppugnant, in qua tenendū est, non operum momentis justitiam hominum collocari.

¶ *De perfectione justificatorum, & de operibus
supererogationis. Cap. 8.*

Illorum etiā superbia legibus nostris est frangenda, qui tantam vitæ perfectionem hominibus justificatis attribuant, quantam nec imbecillitas nostræ naturæ fert, nec quisquam sibi præter Christum sumere potest; nimirum ut omnis peccati sint expertes, si mentem ad rectè pièq; vivendum instituerint. Et hanc volunt absolutam morum perfectionem in hanc præsentem vitam cadere, cum debilis ipsa sit, & fragilis, & ad omnes virtutis, & officii ruinas præceptis. Tum & illorum arrogantia comprimenda est, & autoritate legum domanda, qui supererogationis opera quædam importaverunt, quibus existimant non solum cumulatè Dei legibus, & expletè satisfieri, sed aliquid etiam in illis amplius superesse quàm Dei mandata postulent, unde & sibi mereri, & aliis merita applicare possint.

¶ De casu justificatorum, & peccato in spiritum-
sanctum. Cap. 9.

ETiam illi de justificatis perversè sentiunt, qui credunt illos postquam iusti semel facti sunt, in peccatum non posse incidere, aut si fortè quicquam eorum faciunt quæ Dei legibus prohibentur, ea Deum pro peccatis non accipere. Quibus opinione contrarii, sed impietate pares sunt, qui quodcunque peccatum mortale quod post baptismum à nobis susceptum voluntate nostra committitur, illud omne contra Spiritum sanctum affirmant gestum esse, & remitti non posse.

¶ De Missis & Purgatorio. Cap. 10.

Quorundam nimis est curiosa perversitas, qui veniam quidem peccatorum expectant, sed hanc morte *Christi* per solam fidem ad nos accommodatam plenè non credunt, & omnibus partibus impleri: quapropter alia conquirunt sacrificia, quibus perpurgarì possint, & ad hanc rem Missas exhibent in quibus sacrificium Deo Patri credunt oblatum esse, nimirum corpus & sanguinem Domini nostri *Iesu Christi* verè, quomodoq; illi dicunt, realiter ad veniam peccatorum impetrandam, & salutem tam mortuorum quam vivorum procurandam, quibus etiam Regium tam latum dant, ut illis aliquando minui, nonnunquam omnino tolli Purgatorii tormenta statuunt. Qua in re Sacrificium illud unicum (quod *Christus* Dei filius in cruce Deo patri representavit & plenissimè exhibuit) largiter imminuunt, & sacerdotium quod unius *Christi* proprium est, ad miserabilem hominum conditionem devolvunt. Verùm sacræ Scripturæ solam *Christi* mortem nobis & delictorum purgationem reservant nec ullum ponunt aliud Sacrificiū quod ad hanc rem valere possit, imò de Purgatorio sane ipsorum ne una quidem Syllaba sacris in Scripturis invenitur.

¶ De

¶ *De incredulorum & impiorum damnatione.* Cap. 11.

Horribilis est & inanis illorum audacia, qui contendunt in omni Religione vel secta quam homines professi fuerint, salutem illis esse sperandam, si tantum ad innocentiam & integritatem vitæ pro viribus enitantur juxta lumen quod illis præluceat à natura infusum, Autoritate vero sacrarum literarum confixæ sunt hujusmodi pestes. Solum enim & unicum ibi *Iesu Christi* nomen nobis commendatum est, ut omnis ex eo salus ad nos perveniat. Nec minor est illorum amentia, qui periculofam *Origenis* hæresim in hac ætate nostra rursus excitant, nimirum omnes homines (quantumcunque sceleribus se contaminaverint) salutem ad extremum consequuturos, cum definito tempore à justitia divina poenas de admissis flagitiis luerint: Sed sacra Scriptura damnatos sæpe pronunciat in perpetuos cruciatus & æternas flammæ præcipitari.

¶ *De Animarum interitu vel somno, & de Resurrectione.* Cap. 12.

Quidam impiè philosophantur Animas hominum ex hac vita migrantium, quando semel ex corporibus excesserunt, usque ad supremum ultimi Judicii tempus, vel somno involvi, vel prorsus ad nihilum recidere, tum autem cum extremi judicii dies erit, illas rursus vel è somno excitari, vel cum propriis corporibus ab interitu resurgere. Affinis est iis error de resurrectione quam multi (cum *Hymenæo* consentientes & *Phileto*) perfectam jam esse dicunt & conclusam, quia solum debet ad Animum referri quem Christus (affusa nobis beneficio suæ mortis gratia) prorsus ex morte peccatorum excitavit. Sed hæc illorum abrupta est, & curta doctrina. Quemadmodum enim ipse *Iesus*

Christus à morte ad vitam corpore integro, vero & perfecto revocatus est, nec ejus interim animus aut interiit, aut dormivit: Ita nos, qui membra sumus Christi, post mortem quidē animo vivimus; caput vero nostrū sequuti, cū animis & corporibus ad extremū illud judicium consurgemus.

¶ *De Magistratibus.* Cap. 13.

Quin & Anabaptistarum profligendus agrestis stupor, qui negant licere Christianis Magistratum gerere, quali propterea Christus in terras descenderit, ut rerum publicarum administrationes aboleret. Imo vero Spiritus sanctus statuit Principes & Magistratus esse Dei ministros, ut benefactis favorem suum impartiant, & maleficia suppliciiis constringant; quæ duo si rebus humanis abessent, maxima sequeretur omnium rerum confusio.

¶ *De communitate bonorum, & uxorum.* Cap. 14.

Excludatur etiam ab eisdem Anabaptistis inducta bonorum, & possessionum communitas, quam tantopere urgent, ut nemini quicquam relinquunt proprium & suū: In quo mirabiliter loquuntur, cum furta prohiberi divina Scriptura cernant, & Eleemosynas in utroque testamento laudari videant, quas ex propriis facultatibus nostris elargimur, quorum sanè neutrum consistere posset, nisi Christianis proprietas bonorum & possessionum suarum relinqueretur. Emergunt etiam ex Anabaptistarum lacunis quidam Nicolaitæ inquinatissimi sanè homines, qui foeminarum, imò & uxorum disputant usum per omnes promiscuè pervagari debere. Quæ facta illorum & conscelerata libido, Primum pietati contraria est & sacris literis; deinde cum universa civili honestate, & naturali illa incorruptaque in mentibus nostris accensa luce vehementer pugnat.

¶ De Juramentis & participatione Dominicæ
Cenæ. Cap. 15.

PRæterea nec Juramentorum Anabaptistæ legitimum relinquunt usum, in quo contra Scripturarum sententiā & Veteris Testamenti, patrum exempla, *Pauli* etiam Apostoli, imo Christi, imo Dei Patris procedunt, quorum Juramenta sæpe sunt in sacris literis repetita, deinde ab Ecclesiæ corpore seipsos segregant, & ad sacrosanctam Domini mensam cum aliis recusant accedere, seque dicunt detineri vel ministrorum improbitate, vel aliorum fratrum; quasi prius excommunicatio possit in quoquam intelligi, quàm Ecclesiam sententiam excommunicationis contra illum direxerit, in qua pronunciatur illum non secùs vitandum quàm Ethnicum & publicanum.

¶ De Ministris & Ordinibus. Cap. 16

Similis est illorum amentia, qui institutionem ministrorum ab Ecclesia disjungunt, negantes in certis locis certos doctores, pastores, atque ministros collocari debere, nec admittunt legitimas vocationes, nec solennem manuum impositionem, sed per omnes publicè docendi potestatem divulgant, qui sacris literis utcunque sunt aspersi, & Spiritum sibi vendicant, nec illos solum adhibent ad docendum, sed etiam ad moderandam Ecclesiam, & distribuenda Sacramenta; quæ sanè universa cum scriptis Apostolorum manifestè pugnant.

¶ De Sacramentorum natura. Cap. 14.

Magna quoque temeritas illorum est, qui Sacramenta sic extenuant, ut ea pro nudis signis, & externis tantum indiciis capi velint, quibus tanquam notis hominum Christi-

stia-

Christianorum religio possit à cæteris internosci, nec animadvertunt quantū sit scelus, hæc sancta instituta, inania & vacua reddere. Quæ cum inter nos dispersiuntur, ut divini spiritus fides confirmetur, erigitur conscientia, promissio etiam veniæ peccatorum per Christum facta intrinsecus exhibetur, extrinsecus vero istis Sacramentis quasi Sigillo quodam consignatur. Præterea verbo Dei quod intercedit & Symbolorum adhibitorum naturis erudiuntur fideles de pretio nostræ redemptionis per Christum comparatæ, Spiritus sanctus & gratia in mentibus fidelium ulterius instillatur, tum etiam fœdus quod per Christum inter Deum & nos ictum est, corroboratur, ut nobis ille proprius sit Deus, nos illi peculiaris populus; & astringimus nos ipsos ad peccatorum abolitionem, & integritatem vitæ suscipiendam. Quæ si rectè ponderentur, necesse est ut obmutescat illorum calumnia, qui Sacramentorum inopem volunt, & nudam naturam relinquere.

¶ *De Baptismo.* Cap. 18.

DEinde crudelis illorum impietas in Baptismū irruit, quem infantibus impartiri nolunt, sed omnino nulla ratione. Nec enim minùs ad Deum & Ecclesiam pertinent Christianorum infantes, quàm liberi quōdam Hebreorum pertinebāt, quibus in infantia cū circumcisio adhiberetur, nostris etiā infantibus debet baptismus admoveri, quoniā ejusdem promissionis & fœderis divini participes sunt, & à Christo sunt etiam summa cum humanitate suscepti. Plures item ab aliis cumulantur errores in baptismo, quem aliqui sic attoniti spectant, ut ab ipso illo externo credant elemento Spiritum sanctum emergere, vimq; ejus, nomen, & virtutem ex qua recreamur, & gratiam & reliqua ex eo proficiscentia dona in ipsis baptismi fonticulis innatare. In
summa

summa totam regenerationem nostram illi sacro puteo deberi volunt, qui in sensus nostros incurrit. Verum salus animarum, instauratio spiritus, & beneficium adoptionis, quo nos Deus pro filiis agnoscit, à misericordia divina per Christum ad nos dimanante, tum etiam ex promissione sacris in Scripturis apparente proveniunt. Illorum etiam impia videri debet scrupulosa superstitio, qui Dei gratiam, & spiritum sanctum tantopere cum Sacramentorum elementis colligant, ut planè affirment nullum Christianorum infantem æternam salutem esse consequuturum, qui prius à morte fuerit occupatus, quàm ad Baptismum adduci potuerit: quod longè secus habere judicamus. Salus enim illis solàm adimitur, qui sacrum hunc Baptismi fontem contemnunt, aut superbia quadam ab eo, vel contumacia resiliunt: quæ importunitas cum in puerorum ætatem non cadat, nihil contra salutem illorum autoritate Scripturarum decerni potest; immo contrà, cum illos communis promissio pueros in se comprehendat, optima nobis spes de illorum salute concipienda est.

¶ *De transubstantiatione in Eucharistia, & impanatione, ut vocant, corporis Christi. Cap. 19.*

OBrepfit etiam in Eucharistia periculosissimus error eorū qui docent, concionantur, & contendunt, virtute certorū verborum quæ minister ad Symbola hujus Sacramenti insufurrat, panem converti vel (ut ipsi loquuntur) transubstantiari in Christi corpus, & itidem vinum in sanguinem: quod sanè dogma, quoniam sacris literis adversatur, à natura Sacramenti discrepat, & verum Christi corpus ita depravat, ut vel divinam in illud inducat naturam omnibus locis diffusam, vel ex eo spectrum aut machinā quamdam

dā comminiscatur. Totum hoc Papisticae facis somnium auferri volumus, & naturā veram panis & vini in Eucharistia remanentē planè agnosci, quomodo Spiritus Sāctus apertis verbis attestatur. Itaq; nec in altū tolli Sacramentū hoc, nec circumferri per agros patimur, nec cōservari in crastinū, nec adorari, deniq; nullā relinquimus majorē Eucharistiae venerationē, quā Baptismi & verbi Dei: Symbola vero panis & vini, nisi pium & institutum à Scripturis usum communicationis retineant, non maiorem æstimationem habere volumus, quā panis & vinum habent quæ quotidie inter nos in usu habentur. In eodem luto hærent, qui panis & vini substantiam in Eucharistia ponunt, sed vi consecrationis per ministrū appositæ, corpus & sanguinem Christi verum & naturalem adjungi putant, & cum Symbolorum naturis permisceri, & subter eas subjici, usq; adeo, ut sive pii sint sive impii, qui ad Domini mēsam se admovent, verum & naturale Christi corpus, & expressum ejus sanguinem unā cum pane & vino sumant. Verum Symbola Sacramentorū, quoniam res quas significant non intra se clausas realiter & substantialiter (ut loquuntur) continent; deinde cū sacris Scripturis determinatum sit, Christum suam in cœlum humanam naturam invexisse, nec cum illa sit in terras ante tempus extremi judicii descensurus. Præterea cū hæc commentitia naturalis corporis Christi præsentia nullum habeat majus momentum ad ædificationem nostræ Religionis, quā hæc Christi præsentia quæ fide percipitur, imo multas secum afferat quæstiones inexplicabiles, ac assertiones falsas & portentosas; absurdam hanc doctrinam, qua Christi corpus & sanguis naturaliter & substantialiter (ut illi loquuntur) ad Eucharistiam adrepunt, & in ea includuntur, prorsus aboleri volumus: peregrinum enim est, & alienum à sacris literis

ris; deinde, contrarium humanæ naturæ veritati, quam Christus assumpsit, & à conditione Sacramentorum longè dissidens; postremò, communis quædã sentina superstitionum multarum in Ecclesiam Dei comportatarum.

¶ *De Matrimonio. Cap. 20.*

JAm inde à primis Ecclesiæ temporibus magna fuit hæreticorum turba, quæ Matrimonium averfabatur ut sædam rem & inquinatam, & vel funditus è cœtu fidelium auferebant, vel, si semel imbecillitati nostræ permetteretur, tamen illud nullo modo repetendum esse putabant: quorum sententia, quoniam à regula pietatis, quæ sacris in literis lucet, vehementer abhorrebat, Ecclesiæ censura veteri jam olim explosa est. Sed diabolus pro hac impietate aliam subjecit, nimirum ut omnes qui solitariam vitam profiterentur, aut ad Ecclesiæ administrationem aggregarentur, Matrimonii contrahendi facultatem in omne tempus amitterēt. Quod eorum iniquum institutum, quoniam pugnat cum sacris Scripturis, aboleri penitus, & pro nullo volumus haberi.

¶ *De Romana Ecclesia, & potestate Romani pontificis. Cap. 21.*

ETiam illorum insania legum vinculis est constringēda, qui Romanam Ecclesiam in hujusmodi petra fundatā esse existimant, ut nec erraverit, nec errare possit, cum & multi possint ejus errores ex superiore majorum memoria repeti, & etiam ex hac nostra proferri, partim in his quibus vita nostra debet informari, partim etiam in his quibus fides debet institui. Quapropter illorum etiam intolerabilis est error, qui totius Christiani orbis universam Ecclesiam solius Episcopi Romani principatu contineri volunt. Nos enim eam, quæ cerni potest, Ecclesiam sic

definimus, ut omnium cœtus sit fidelium hominum, in quo sacra Scriptura, sincerè docetur, & Sacramenta (saltem his eorum partibus quæ necessariae sunt) juxta Christi præscriptum administrantur.

¶ De Prædestinatione. Cap. 22.

AD extremum, in Ecclesia multi feris & dissolutis moribus vivunt, qui cum re ipsa curiosi sint, differti luxu, & à Christi spiritu prorsus alieni, semper prædestinationem, & rejectionem, vel, ut usitatè loquantur, reprobationem in sermone jactant, ut, cum æterno consilio Deus vel de salute, vel de interitu aliquid certi constituerit, inde latebram suis maleficiis, & sceleribus, & omnis generis perversitati quærant. Et cum pastores dissipatam illorum & flagitiosam vitam coarguunt, in voluntatem Dei criminum suorum culpam conferunt, & hac defensione profligatas admonitionum repræhensiones existimant, ac ita tandem, duce diabolo, vel in desperationem præsentem abjiciuntur præcipites, vel ad solutam quandam, & mollem vitæ securitatem, sine aut poenitentia, aut scelerum conscientia dilabuntur. Quæ duo mala disparem naturam, sed finem videntur eundem habere. Nos verò sacris Scripturis eruditi, talē in hac re doctrinam ponimus, quod diligens, & accurata cogitatio, de prædestinatione nostra, & electione suscepta sit (de quibus Dei voluntate determinatū fuit antequā mundi fundamenta jacerentur.) Hæc itaq; diligens, & seria, quam diximus, his de Rebus cogitatio, piorum hominum animos spiritu Christi afflatos, & carnis & membrorum subjectionem præsentem, & ad cœlestia sursum tendētes, dulcissima quadā, & jucundissima cōsolatione permulcet, quoniā fidem nostrā de perpetua salute per Christū ad nos perventura confirmat, vehementissimas charitatis in Deum

Deū flāmas accendit, mirabiliter ad gratias agendas exulci-
tat, ad bona nos opera propinquissimè adducit, & à pecca-
tis longissimè abducit, quoniam à Deo sumus electi, & filii
ejus instituti : quæ singularis & eximia conditio summā à
nobis salubritatem morum, & excellentissimā vīrtutis per-
fectionem requirit. Denique nobis arrogantiam minuit, ne
viribus nostris geri credamus, quæ gratuita Dei benefi-
centia, & infinita bonitate indulgentur. Præterea neminē
ex hoc loco purgationem censemus vitiorū suorum afferre
posse, quia Deus nihil ulla in re injustè cōstituit, nec ad pec-
cata voluntates nostras unquam inuitas trudit. Quapro-
pter omnes nobis admonendi sunt, ut in actionibus suscipi-
endis ad decreta prædestinationis se non referāt, sed uni-
versam vitæ suæ rationem ad Dei leges accommodent, cum
& promissiones bonis, & minas malis, in sacris Scripturis
generaliter propositas contemplentur. Debemus enim ad
Dei cultum viis illis ingredi, & in illa Dei voluntate
commorari, quam in sacris Scripturis patefactam esse vi-
demus.

¶ *Epilogus.*

Posset magna colluvies aliarum hæresium accumulari,
sed hoc tempore illas nominare solū voluimus, quæ
potissimum hisce nostris temporibus per Ecclesiam diffun-
duntur; fideles omnes in nomine Dei, & Domini nostri
Jesu Christi obtestantes, ut ab his opinionibus pestilentis-
simis se longissimè abducant; & ab illis etiam vehementer
contendimus, qui rem publicam & Ecclesiam admini-
strant, ut istas hæreses ex Regno nostro penitus evellen-
das, & radicibus extirpandas (quantum in se est) curent.

DE JUDICIIS CONTRA HÆRESSES.

¶ *Sub quibus Judicibus cognoscatur de
hæresi. Cap. 1.*

Iudicium de hæresibus informatur quatuor
rationibus; inquisitione, vel accusatione, vel
Evangelica denunciatione, vel exceptione. Is
qui vel accusatione, vel inquisitione, vel E-
vangelica denunciatione reus fit, quod ali-
quam hæresin, aut affirmaverit, aut defenderit, aut prædi-
caverit, aut docuerit, coram Episcopo vel Archiepiscopo
causam dicet: Qui verò loci privilegiū habent, & exempti
dicuntur, apud illos vel Episcopos vel Archiepiscopos cau-
sam dicent, intra quorū diœceses illorum exempti loci cō-
stituerint. Appellatio tamen reo conceditur, ab Episcopo
ad Archiepiscopum, & ab Archiepiscopo nostram ad Re-
galem personam.

¶ *Modus procedendi contra hæreticos. Cap. 2.*

Primū autem crimen hæresis, quoties per inquisitio-
nem intentatur, sive fama plenè contra reum cōpro-
bata fuerit, sive reus in eo nullam exceptionē opposuerit,
quantumcunq; postea negaverit illos ad se articulos perti-
nere, tamen nisi fidejussores idoneos exhibeat, quod juri
stare velit, tantisper in carcere potest ab Episcopo detineri,
donec lis ad finem pervenerit. Si verò de errore cōfiteatur,
& dicat se ab eo paratum esse decedere, dimittendus erit;
hac tamen adhibita cautione, ut si quos vel sermone vel do-
ctrina offenderit, aut corruperit, illis Ordinarii arbitratu
satisfaciat, ne contagio serpat erroris, & foras ad multitu-
dinem

dinem emanet. Præterea, qui propter crimen hæresis in iudicium à legitimo iudice vocatus fuerit, si negligat, & animi contumacia non adfuerit in tempore; Primùm in poenā excommunicationis incurrat; deinde, quamprimùm investigari potuerit ab ordinario, & præhendi; conjiciatur in carcerē, donec locupletes interposuerit fidejussores, quòd juri stare velit. Cum vero crimen hæresis per inquisitionē, aut Evangelicā denuntiationē procedit, summatim tractatur, sine solempni rerum ad judicia pertinentium apparatu.

¶ *De Hæreticis Resipiscentibus.* Cap. 3.

Cumq; omnia fuerint in utramq; partem in iudicio disputata, siue reus fuerit convictus, siue crimen ipse cōfiteatur, Primùm admonendus est ut ab errore desistat; quod si facturū se sponderit, juramento se ad id astringet; deinde poenitentiae fructus edet, & ita demùm dimittetur. Hoc tamen proviso, fratrum ut offensionem (si quæ fuerit) quantum in se est, medeatur, & quibus in locis errorem prius disseminavit, in eisdem publicè fateatur se in hæresi versatum esse. Quod si suam ad hæresin pertinaciter adhæserit, amandetur aliquandiu ad homines scientia præditos, qui illum in viam revocare possint. Et si illorum persuasus sententia decedat, juramento interposito, quòd hæresin velit relinquere, liberari potest, illa semper repetita conditione quam antè posuimus, nimirum ut poenitentiae certa signa det, ac contraria doctrina fratres in illis locis erudiat, in quibus eos prius hæresi contaminaverat.

¶ *De contumacibus hæreticis.* Cap. 4.

Qui verò nec admonitionem, nec doctrinā ulla ratione admittunt, sed in hæresi prorsus induraverūt, Primū hæretici pronuncientur, à iudice deinde legitimo feriantur

tur excommunicationis supplicio. Quæ sententia cum lata fuerit, si infra spatium sexdecim dierum ab hæresi recesserint, primum exhibeant publicè manifesta poenitentiae indicia; deinde solemniter jurent in illa se nunquam hæresi rursus versaturos; tertio contraria doctrina publicè satisfaciant, ac his omnibus impletis absolvantur; sed illis seria prius & vehemens adhibeatur exhortatio, ut post illud tempus, cum à præsentī errore, tum etiam ab omnibus aliis hæresibus se longissimè disjungant: cum verò sic penitus infederit error, & tam altè radices egerit, ut nec sententiâ quidem excommunicationis ad veritatem reus inflecti possit, tum, consumptis omnibus aliis remediis, ad extremum ad civiles Magistratus ablegetur puniendus.

¶ *De his qui abjurant hæresin. Cap. 5.*

Qui vero juramento se obligaverit ad repudiandâ hæresin, primum profiteri debet, se ab hac hæresi separatim abhorre, de qua præsens tractatio fit; deinde contrariam opinionem publicè affirmabit, & apertè testificabitur se tota ea in re hoc sequi, & firmè tenere, quod sancta, & universa Dei Ecclesia sacrarum Scripturarum authoritate sequitur & tenet, nec in hæresin, à qua jam destiterit, unquam rursus ullò modo relapsurum.

¶ *Hæresis quomodo probari debeat. Cap. 6.*

Et quoniam crimen hæresis magnam atrocitatem, & summam contumeliâ habet, solâ famâ plenè convinci non potest, nec aliis ejus generis semiplenis, (ut lex vocat) & curtis probationibus; sed tamen hæc ipsa tantam vim habent, ut reo necessitatem afferant se purgandi: quæ sanè purgatio, si ritè non possit ab eo impleri, condemnari reum

reum. in eo ipso statui oportet.

¶ *Judicium iniquitas quomodo punienda. Cap. 7.*

Quemadmodū hæreses ex Regno nostro prorsus (quā-
tum fieri potest) excludendæ sunt, summoperè caven-
dū est, ne quisquam in periculū tam horribilis & invidiosi
criminis sine justa causa vocetur. Itaq; si judex, sivè quòd
oderit quempiam, sive pecuniam ut eliciat, aut ut illi mo-
lestiam exhibeat, iniquè litem hanc hæresis intenderit, &
in eo judicis culpa legitimis probationibus cōstitit, arbi-
trio superioris Judicis Supplicium de eo sumetur.

¶ *Quomodo ferenda sententia sit, & quomo-
do interrogandi Testes. Cap. 8.*

Cum hæresis crimen cognoscetur, Judices inferenda
sententia Theologorū & jure consultorū aliquot u-
tentur consilio, qui prius omnia causæ acta diligenter per-
scrutati fuerint. Et testes qui adhibebuntur, ab ipsis Judi-
cibus interrogari par est, nisi fortè morbus, aut aliqua justa
causa judices impediverint. Qui si ipsi fortè impediuntur,
duos substituant pro se viros honestos, quibus hoc Testi-
moniorum interrogandorum munus tuto committi possit.

¶ *Cum lis in hæresis causa pendet, & reus fugerit,
quid sit faciendum. Cap. 9.*

Si lis in hæresis controversia pendeat, & interim reus in
alium locū dilabatur, ubi prior judex in jure dicēdo per-
gere nequeat, postulabit judex, aut à Vicecomite, aut præ-
fecto oppidi (quem Majorem vocant) illius loci in quo reus
versatur, ut sibi reum & proprio foro restituendum curet,
Vicecomes autem, sive Major, cum judicis sententiā intel-
lexerit,

lexerit, in literis iudicis perscriptam, & ejus signo communicam, statim providebit ut reus apprehendatur, eumq; ad proprium judicē relegabit. Quod si Vicecomes, aut Major facere neglexerit, in eo ipso, quod neglexit, protinus excommunicatus, & ab Ecclesia separatus esse judicabitur.

¶ *De his qui confessi, aut convicti sint, quid statuendum sit. Cap. 10.*

QUI de crimine fuerit hæresis cōfessus, aut qui sic convictus fuerit, ut sententia iudicis contra illū processerit, & pronunciata fuerit, si nec appellaverit, nec intra tempus appellationi concessum resipuerit, & arbitrato sui iudicis pro crimine satisfecerit, ex illo tempore sit hac ipsa contumacia factus infamis; nec ad officia publica gerenda, nec ad consilia, nec ad testimoniū dicendum, ullo tempore assumatur, imò nec Testamentū illi condere fas erit; præterea, quodcunq; negotium illi cū aliis intercesserit, ipse quidem omnibus, illi verò nullus cogatur in iudicio respondere. Crimen enim hæresis publicum esse statuimus, quoniam Dei Religio communis inter omnes cū violatur, in eo publicè videtur omnibus injuria fieri.

¶ *De Ministris Ecclesiæ Resipiscentibus. Cap. 11.*

SI contingat Ecclesiæ ministros hæresis esse reos, & si in eadē convicti sententiam passi fuerint, & post deponant errorem, & resipiscant, tamen communi jure suam ad priorem administrationem Ecclesiæ non redibunt, quoniā Ecclesiæ ministros integra fama esse oportet, non solum apud domesticos, & suos, verum etiam externos. Quod licet jure communi sic procedere debeat, tamen si hujusmodi tempora inciderint, ut Ecclesia bonis ministris admodum denuda-

ta sit, aut quietis & concordiae causa id requirat, Ecclesiastico iudici id permittimus, ut quos verè suorum errorū poenituerit, suos ad gradus & Officia redire sinat, ut ita necessitatibus Ecclesiarum succurri possit, neq; pax impediatur: in quo tamen hoc tenere volumus, ut ad ampliorem in Ecclesia locum quàm prius habuerint nunquam ascendant, nisi summa necessitas urserit, cui non possit ulla alia ratione occurri.

DE BLASPHEMIA.

¶ *Quibus in rebus versetur Blasphemia. Cap. 1.*

EX omni peccatorum genere nullum esse horribilius, nec in quo Dominus Deus noster vehementius indignatur, aut maiore afficitur contumelia, nec in quod acerbum ultionis telum citius intorquet, quàm illud blasphemiae scelus; quando vel superbissimo contemptus proposito Deum averfantes, vel fervescente furoris impetu contra illum elati, convicium vel in illum, vel in illa quæ ad ejus divinam maiestatem pertinent, evomimus: & hæc est inter blasphemiam & hæresin differentia, quòd blasphemia contemptu contumelias in Deum projicit, & iracundia, sed hæresis errore falsas opiniones suscipit, & inscianter.

¶ *Quomodo punienda sit blasphemia. Cap. 2.*

SIt igitur hoc à nobis constitutum, ut hæc execrabilis blasphemiarum impietas, quàm primùm de ea ritè constiterit ab Episcopis, nulla ratione toleretur, sed eodem

supplicio confixa sit, quo pertinax hæreticorum insania plectitur. Nec immerito, cum ira Dei contra hunc blasphemiae furorem sic priscis temporibus exarsit, ut ad opprimendum, & obruendum huius criminis reum, populorum, & integræ multitudinis concursus esse voluerit, ut sic, publica lapidatione facta, contereretur. Et ipse Deus invecas à se publicas sæpe calamitates attestatur, ut in illis blasphemiae flagitium ulcisceretur.

DE SACRAMENTIS.

¶ *Quid sit Sacramentum. Cap. 1.*



Sacramentum (quomodo nos illud in hoc loco capimus) signum est institutum à Deo quod videri potest, quo gratia Christi promissis & meritis ad nos profecta, condonatioque peccatorum ipsis remissorum expressa consignatur, quod duplicem in animis nostris vim habet. Primum enim horum externorum sumptio, & attributarum illis propriè virtutum nobis recuperatæ salutis nostræ pretium in memoriam revocat, & id, ut apertè profiteamur, efficit, deinde fidem acuit, & exultat, & illi robur addit. Præterea charitate nos mutua conferit, & in mentibus nostris Dei timorem diffundit. Postremo vitam ad sinceram & integram extimulat. Ex hoc genere circumcisio priscis temporibus erat. Nunc baptismus, & Eucharistia successerunt.

¶ *Quid in Sacramento querendum sit.* Cap. 2.

AD Sacramenti perfectionē tria concurrere debent. Primum evidens est & illustris nota quæ manifestè cerni possit.

possit. Secundum est Dei promissum, quod externo signo nobis repræsentatur, & planè confirmatur. Tertium est Dei præceptum, quo necessitas nobis imponitur, ista partim faciendi, partim commemorandi : quæ tria, cum auctoritate Scripturarum in Baptismo solum occurrant, & Eucharistia nos hæc duo sola pro veris & propriis novi Testamenti Sacramentis ponimus.

¶ *Quid sit Baptismus. Cap. 3.*

Baptismus est Sacramentum, quo secunda generatio nostra nobis externa consignatur conspersione, veniaque peccatorum indulgetur, & Spiritus sancti virtus infunditur, quemadmodum verbis comprehensum est in Baptismo propositis, ut erectior in nobis & perfectior esset fides. Dum autem in aquas demergimur, & rursus ex illis emergimus, Christi mors primum & sepultura commendatur, deinde suscitatio quidem illius, & reditus ad vitam, ut istius mortis & vitæ monumentis recordemur, & palam testificemur peccatum in nobis mortuum & sepultum jacere, sed novum & salutarem Dei spiritum reviviscere in nobis, & reflorescere; tinctoque foras externis aquis corpore, nostras intus animas, absterfis peccatorum sordibus, puras & perpuratas ad æternas & coelestes cras se attollere.

¶ *Quid sit Eucharistia, quos fructus habeat. Cap. 4.*

Eucharistia Sacramentum est, in quo cibum ex pane sumunt, & potum ex vino, qui convivæ sedent in sacra Domini mensa: cujus panis inter illos & vini communicatione ob signatur gratia Spiritus sancti, veniaque peccatorum ad quam ex eo perveniunt, quod fide comprehendunt & percipiunt, Christi sacrosanctum corpus respectu nostræ salutis

ad crucē fixum, & cruorē pro tollendis fufum nostris peccatis, ut Dei promiffa palàm ipfa loquuntur. Deinde etiam his illuftribus fignis, quæ coràm cerni poffint, inftruntur, & ad confitendum adducuntur, quòd Chriftus illos enutriat, & in illis remaneat; & ipfi viciffim in Chrifto collocati fint. Præterea difcunt summam debere effe fuam cum cæteris fidelibus viris omnium officiorum conjunctionem, quoniam omnes membra funt ad unum & idē Chrifti corpus agglutinata. Cum autem ad hæc omnia nec tranfubftantiatione opus fit, nec illa, quam fingere solebant, reali præfentia Chrifti; fed quidem potiùs hæc curiofa hominum inventa funt: Primum contra naturam humanam à filio Dei noftra caufa fumptam; deinde cum Scripturis divinis pugnent, & præterea cum univerfa Sacramentorum ratione confligant, ifta tanquam frivola fomnia meritò defecanda curavimus, & oblivione obruenda; præfertim cùm magnum ex illis, & perniciofum agmen fuperftitionum in Ecclefiam Dei importatum fuerit.

¶ *Qui funt admittendi ad menfam Domini.* Cap. 5.

2 **N**eminem ad menfam Domini volumus admitti, donec fidem in Ecclefia profeffus fuerit.

¶ *Impositionem manuum effe retinendam.* Cap. 6.

IN præficiendis Ecclefiarum Ministris (quales funt Diaconi, Presbyteri, & Epifcopi) ceremoniam manuum imponendarum retineri placet, quoniam illius in facris Scripturis mentio fit, & perpetuum habuerit ufum in Ecclefia.

¶ *Nuptias folemniter celebrandas effe.* Cap. 7.

Nuptiarum folemnes ritus in oculis omnis Ecclefiæ fumma cum gravitate & fide collocari ftatuimus; quibus

quibus si quiequam absit eorum quæ nos nullis sancimus, pro nullis statim haberi placet.

¶ *Quo tempore confirmatio esse debet.* Cap. 8.

EPiscopis nostris damus jus illos confirmandi qui Catechismum didicerint, quod in his temporibus nostris præcipuè fieri debet, in quibus infantes baptizati suam ipsi fidem ac voluntatem adhuc profiteri non possunt. Itaque confirmationis eorum tempus hanc ad rem aptissimum erit.

¶ *Pastores visitare debent afflictos.* Cap. 9.

Pastores Ecclesiarum debiles, afflictos, & ægros diligenter visitent, & precibus illos ac solationibus, quantum possunt, in difficillimis illorum, & periculosissimis temporibus sustentent.

¶ *Quomodo sit in his procedendum.* Cap. 10.

Horum formulas universorum officiorum inclusimus in unum librum, qui de ceremoniis propriè tractat Ecclesiarum nostrarum: ex eo volumus rerum administrationem singularem depromi.

DE IDOLOLATRIA, ET ALIIS HUIUSMODI CRIMINIBUS.

¶ *Quæ vitia vitanda sunt in Ecclesia.* Cap. 1.

Devitentur prorsus & exterminentur Idolorum cultus, magia, divinatio, sortilegium, & superstitiones: quibus se criminibus si quisquam contaminaverit, arbitrato iudicium Ecclesiasticorum

ricorū pœnas det ; quas si repudiaverit, ejiciatur excommunicationis fulmine ex Ecclesia : à quibus ut facilius nos abstineamus, singula separatim per se collocata definie-
mus.

¶ *Quid Idolorum cultus sit.* Cap. 2.

Idololatria, quomodo vulgò loquimur, cultus quidem est, in quo non creator, sed creatura, vel hominis ali-
quod inventum adoratur.

¶ *Quid Magia sit.* Cap. 3.

Magia pactum est, vel fœdus cum diabolo percussum, & ejus ministris, carminibus, precibus, characteribus, vel similibus impietatis instrumentis conflatum, quod vel ad futurorum casuum investigationem refertur, vel ad certarum rerum, quas expetimus, conquestionem.

¶ *Quid divinatio sit.* Cap. 4.

Divinatio rerum est secretarum prænuntiatio, mali cujusdam impii spiritus instinctu proveniens, & ex auguriis coagmentatur, auspiciis, & ominibus, & reliqua hujusmodi prava levitate : quam in reprehensionem illorum etiam incidit curiosum ingenium, qui specie figurarū Astrologiæ præceptis delimitarum, ut videri volunt, rerum, vel furto, vel alia ratione quacumq; summotarum, deinde etiam actionum in omni vita susceptarum vias & eventus se scire profitentur.

¶ *Quid sortilegium sit.* Cap. 5.

Sortilegium intelligitur cum per sortes cujuscumq; generis abditæ res patefactæ sunt, vel futurus præsentium factorum aliquis finis persignificatur.

¶ *Quid superstitio sit.* Cap. 6.

Superstitio cultus est ad Deum relatus, immenso quodam proficiscens humano studio, vel animi certa propen-

pensione, quam vulgò bonam intentionem vocant, & ortum semper habet ex hominis ingenio separatim sine Scripturarum divinarum auctoritate.

¶ *Pastoris in his criminibus officium.*

Cap. 7

PAstores diligenter populum commonefaciant, ut ab his flagitiis, tanquam gravissimis quibusdam Christianæ fidei pestibus, se longissimè abducant, nec ullo respectu quarumcunque rerum (sive lucrum, exempli causa, sit, sive voluptas, sive sit honor aut sanitas, aut rerum abstrusarum intelligentia, sive quisquam alius in animis obstrepat, aut tumultuetur pravus affectus) unquàm huiusmodi impulsu vitiosorum motuum diaboli vinculis se teneri patiantur, & suavissima Christiana libertate desistere.

¶ *Qui propter hæc crimina puniendi sint.* Cap. 8.

POenas autem gravissimas non solum illis denuntiamus qui curiosis utuntur, & pestiferis artibus, verumetiam illis qui tam sceleratos artifices de rebus suis interrogant, vel illorum ullam operam, quacunque ratione, suas ad causas accomodant.

¶ *Damnum his artibus datum esse compensandum.* Cap. 9.

SI quisquam sceleratis istorum artibus damnum ullum in frumento, fructibus, ædificiis, pecoribus, aut quibuscunque bonis suis acceperit, id universum plenissimè cogantur restituere.

DE CONCIONATORIBUS.

¶ *Concionandi munus quale sit, & quomodo
suscipi debeat. Cap. 1.*



Uoniam concionandi munus populo Dei maximè necessariū est, Ecclesia nunquam destitui debet. Illud tamen diligentissimè providendum est, nè quisquam ad officium tam præclarum assumatur, nisi pietatem ad illum locum, & convenientem doctrinam secum adferat. Quod ut meliùs sciri possit, præsulū auctoritatem ad concionatores in Ecclesiis disponendis intercedere volumus. Nec ulli permittimus ut hoc concionandi munus suscipiat, aut in eo se ipse collocet, nisi legitima potestate eorum, quorum interest, fuerit ad illud advocatus. In quo tantam Episcoporum diligentiam esse volumus, ut temerè non omnes adsciscant, quicumque se spiritu Dei jactant afflatos, sed illorum vitam & eruditionem considerent & perpendant, ut ex eo cognosci possit an illorum spiritus à Deo proficiantur.

¶ *Concionatoribus errores esse cavendos,
& errorum libros. Cap. 2*

Quibus vero concionandi potestas conceditur, hi vehementer advigilare debent, ne vel errores disseminent in Ecclesia, vel inutiles quæstiones, hominum inventa & commenta, voces novas, aut ulla deniq; superstitionum fermenta; nominatim autem nec Anabaptistarum libellos auctoritate publica toto damnatos in nostro Regno, nec aliorum quorumcunque quos sectarios vocant, vel jam explosa volumina, vel quæ posthac explodentur, aut ullo modo

do doceant, aut tradant, aut illorum nomina proferant, ad aliquam illius doctrinæ partem confirmandam de qua publicè concionatur.

¶ *Concionatorum mores & doctrinæ quales esse debeant. Cap. 3*

IN concionatoribus, vitæ magistris, huiusmodi placabilitas & modestia debet inesse, nunquam ut acerbè contendant, nec inter se, nec alter in alterum maledicta intorqueat: quòd si fortè quispiam ex illis sit qui doctrinam impiam in concione pervulgaverit, admoneri debet, ut publicè suum errorem agnoscat; quòd si recusaverit facere, iudex illum afficiat hæretici pœna, nisi de sententia decesserit: & hoc etiam accuretur, ut ubi perniciosam hanc doctrinam conseruit, ibi sanus & pius aliquis concionator ejus hæresin convincat, ne populus erroris venenum hauriens, à vera desciscat & communi fide: Concionatores acriter vitiorum improbitatem objurgent, sed in eo sic illis oratio progrediatur, nullius ut hominis occulta maleficia separatim & propriè demonstrent. Nec quemquam nominatim reum coram multitudine citent, nisi tam importunus quispiam fuerit, ut Ecclesiasticas admonitiones antegressas cōtempserit. Evidens etiam & apertus sit concionatorum sermo, non obscurus, nec perplexus, nec verba sponte sic involvant & implicent, ut æquè possint in utramque partem distorqueri.

¶ *Ad quos propriè concionandi munus pertineat. Cap. 4.*

ARchiepiscopi in hoc concionandi munere principatū habere debent. Succedant Episcopi, Decani & quicunque sunt in dignitatibus (ut vocant) constituti: Nec hi solum in hac occupatione sanctissima debent esse, sed pastoribus

etiam & parochis eadem potestas in suis gregibus concedi debet, nisi justæ causæ subsint ob quas Episcopi sui silentium illis indixerint.

¶ *De convocandis per Episcopum concionatoribus. Cap. 5.*

ET ut concionum sit uberior fructus, & concionatorū major consensus, Episcopus omnes concionatores quibus speciale privilegium, hoc est, præcipuam & peculiarem potestatem indulsit latè per universam diocesim suam concionandi, certis temporibus ad se singulis annis congreget, cum illis de concionibus communicet, ac ex illis prædiscat quæ vitia quibus in locis maximè frequententur, & quibus remediis possit illis facillimè occurrere, ut communi quadam conspiratione concionatorum improbitas coerceatur, & pietas dilatetur.

¶ *De his qui interesse debent concionibus. Cap. 6.*

QUoniam præcipuus sabbatorū cultus in præcipienda sacrarum Scripturarum scientia consistit, illos Ecclesiasticis feriri volumus, qui concionibus interesse nolunt, aut negligunt, nisi morbus illos impediatur, vel necessarium iter, vel alia pietatis exercitia, vel aliqua hujusmodi negotia quæ omnino necesse est statim obiri. Et hoc in loco primæ partes nobilium, & principum virorum esse debent, ut suo pulcherrimo & honoratissimo exemplo, studia plebeiorum & inferiorum invitent: deinde præcipimus ut, propter majorem hujus rei disciplinam sancendam, Magistratus, Justiciarii, Præfecti Civitatum, & reliqui, quocunque jurisdictionis nomine censeantur, concionibus intersint, nisi magna illos & omninò non prætermittenda causa detineat.

¶ *Quid*

¶ *Quid de his statuendum sit qui in concione obstrepunt. Cap. 7.*

SI qui tanta importunitate sint, ut concionatore adhuc sex pulpito loquente, vel interfari, vel obstrepere velint, vel ad illū aliquomodo allatrare, ab Ecclesia segregentur, & communionis sint expertes, donec palàm crimen agnoverint & resipuerint. Itidem quicumq; vel otiosè obambulando, vel intempestivè garriendo, vel ex cœtu sacro sic emigrando, concionis ut contemptus in eo vel concionatoris depræhendi possit, vel quacunque alia ratione populum ad concionem attentum scientes & volentes avertent, aut interturbaverint, meritas huiusmodi sceleratæ levitatis pœnas dabunt, & Ecclesiæ in eo satisfacient, quòd eam sub pravissimo exemplo offenderint.

DE MATRIMONIO.

¶ *Matrimonium quid sit. Cap. 1.*

Matrimonium est legitimus contractus, mutuam & perpetuam viri cum foemina conjunctionem Dei iussu inducens, & perficiens, in quo tradit uterq; alteri potestatem sui corporis, vel ad prolem suscipiendam, vel ad scortationem evitandam, vel ad vitam mutuis officiis gubernandam. Nam nullis promissis, aut contractibus matrimonium posthàc procedere volumus, quotcunque verbis, & quibuscunque concurrentibus, nisi fuerit hac formula quam hic subjiciendam esse curavimus.

¶ *Matrimonium quomodo contrahatur.*

Cap. 2.

PRincipio, qui minister est Ecclesiæ, tribus dominicis, aut saltem tribus festis diebus publicè futuras nuptias in Ecclesia populo denuntiet. Deinde sponsus & sponsa se palàm in Ecclesia collocabunt, & coràm eas ceremonias & ritus obibunt quæ nostræ de rebus divinis sanctiones in hoc genere postulant: huic autem formulæ tantam auctoritatē damus, ut quicquid præter eam dictum, gestumve fuerit, quacunque ratione matrimonium in eo non possit existere, sed omnia huiusmodi præparationes sint, aut prælusiones quædam ad matrimonium, non autem ipsum matrimonium in illis inest. Itaq; liberæ solutæq; sint utræque personæ, nec altera potest ab altera matrimonii jus ullum postulare, donec, adhibito legitimo ceremoniarum apparatu, mutuam fidem coram Ecclesia certis verbis dederint & acceperint.

¶ *Corruptores mulierum quomodo puniendi.* Cap. 3.

NEc tamen illorum foeda libido gravi pœna carere debet, qui simplicitatem puellarum, & mulierum innocentiam circumveniunt, & illarum castitatem promissis & blanditiis obsident, donec turpissimè corporibus earum tandem illudant. Nam cum pudicitiae thesaurum illis detrahunt, omnibus reliquis opibus & copiis preciosiorem, in graviores illos æquum est pœnas incidere, quàm fures, quorum in rebus externis peccat improbitas. Ecclesia igitur illos excommunicationis telo præcipimus exturbari. Nec ullum ad eas reditum illis esse, nisi velint illas uxores ducere, quibus abutebantur priùs ut scortis: verùm hoc si fortè fieri non potest, Iudices illorum bona agnoscent, & ex eorum diligenti consideratione tertiam partem ad mulieres

lieres sevocabunt quæ libidine sunt illorum inquinatæ. Quod si bona partitionem hanc non ferant, tamen ad prolem suis impensis sustentandam damnabuntur. Et præterea tantas sibi pœnas impositas habebunt, quantas iudex Ecclesiasticus ad Ecclesiæ tollendam offensionem satis esse putabit, si divulgatum crimen eorum fuerit.

¶ *Matrimonium sine consensu parentum non valere. Cap. 4.*

Quoniam sacræ Scripturæ pietati, justitiæq; conveniens est, ut matrimonia damnentur, & pro nullis habeantur quæ vel liberi, vel orphani, nec scientibus, nec consentientibus aut parentibus, aut tutoribus contrahunt; Præcipimus ut nec liberi, nec orphani uxores ducant aut ineant, nisi autoritas illorum intercefferit in quorum potestate sunt; quod si fecerint, tales nuptias omnino non valere sancimus, & ad nihilum recidere. Quod si parentes vel tutores in providendis nuptiarum conditionibus nimium cessaverint, aut in illis proponendis nimium duri & acerbî extiterint, ad magistratum Ecclesiasticum confugiatur, à quo partes eorum in huiusmodi difficultatibus agi volumus, & ejus æquitate totam causam transigi.

¶ *Ætas, tempus, & locus Matrimonii. quæ sint. Cap. 5.*

Sequitur, ut certâ ætatem ponamus in qua nuptiæ concludi possint, & tempora designemus, ad quæ revocari debeant. Igitur fœmina cum ad duodecimum annum plenè pervenerit, virum sponsum; vir cum ad annum decimū quartū ascenderit, fœminam sponsā accipere potest. Nec annos hic inferiores ullo modo nuptiarum participes esse sinimus, tempora verò nulla sunt excepta ad celebrandas nuptias, modo sint huiusmodi, ceremoniæ ut admittunt
in

in hac lege nostra cōprehensæ. In loco vel (ut vocant) par-
recia semper hoc servari placet, ut is sumatur ad nuptias in
quo vel sponsa vel sponsus inhabitat. Et si quis minister il-
los in alio loco matrimonio conjunxerit, pœnas excom-
municationis incurret.

¶ *De prohibendis nuptiis. Cap. 6.*

CUM in Ecclesia sponsus & sponsa convenerint ut ma-
trimonio jungantur, si se quispiam interposuerit
eo tempore, causamq; afferat, aut afferre posse dicat, cur
in matrimonio esse non possint, & hanc rem intra mensem
proximè consequuturum se probaturum esse spondeat, &
nisi ita faciat satisfacturum se plenè pro omni apparatu qui
fuerat in celebratione nuptiarum futurus, & ad id non so-
lùm se, sed etiam pro se fidejussores locupletes obligave-
rit, tum demum audiatur, & matrimonium totum mensem
differatur. Hæc tamen dilatio, quoniam aliquando dolum
malum habere potest & fraudem, ut interim novis nuptiis
locus esse possit, ad tollendam astutiam omnem, hoc ista
lege præcavetur, ut pendente controversia prioris matri-
monii, totum mensem exitum illius expectent, nec ad ullas
interim novas nuptias divertant. Quam constitutionem
nostram si levitate sua violaverint, nomen omne hujusmo-
di matrimonii damnamus & tollimus, & persona quæ rea
fuerit hujus defectionis, excommunicationis pœnam su-
stinebit, donec personæ satisfecerit, à qua descivit.

¶ *Quæ matrimonium impediunt.*

Cap. 7.

QUORUM natura perenni aliqua clade sic extenuata est,
ut prorsus veneris participes esse non possint, & con-
jugē lateat quanquam consensus mutuus extiterit, & omni
reliqua

reliqua ceremonia matrimonium fuerit progressum, tamen verum in huiusmodi conjunctione matrimonium subesse non potest, destituitur enim altera persona beneficio suscipiendæ prolis, & etiam usu conjugii caret. Verum si nota sit utrique perversitas hæc corporis, & tamen mutuus perduret de matrimonio consensus, nuptiæ procedant, quoniam volentibus nulla injuria potest fieri. Par est ratio corporum maleficis artibus excantatorum & enervatorum, in quibus quoniam fructus nuptiarum tollitur, ipsas quoque nuptias detrahi necesse est. Præterea matrimonium dissolvitur, si uni personæ de altera non constiterit, vel quæ fuerit vel qua conditione fuerit; conditionem autem hoc in loco capimus vel pro libertatis statu, vel servitutis

¶ *Quæ difficultates non impediant matrimonium. Cap. 8.*

MUtis, & surdis qui mente consistunt, matrimonium permittimus, quoniam signis inter se voluntatem & consensum testificari possunt: furiosi verò, nisi quædam habeant furoris intervalla, quibus res suas ratione moderari possint, omnino à nuptiis summovendi. Cum his qui non sunt Christiana fide, Christianis matrimonium non instituetur. Nam cum liberos Christianos in fide Christiana par sit enutriri, magnus est metus, ne id, nisi utroque Christiano parente, ita esse non possit. Sed si contingat, ut eorum qui jam sunt conjuges diversa religio fuerit, non temerè distraherentur huiusmodi personæ, sed juxta *Pauli* doctrinam, respectu Christianæ charitatis tam diu cohærebunt, quàm diu persona quæ aliena religione est unà vivere, ac cohabitare sustinebit.

¶ *Omni bus permittendum esse Matrimonium. Cap. 9.*

QUoniam matrimonium legitimus & pius usus est, & turpitudinem multorum flagitiorum excludit, illa

H

quoties

quoties opus erit, modo ritè fiant, repeti posse volumus. Nec ullas personas, cujuscunque sint conditionis, ordinis, aut ætatis, à nuptiis abarcemus. Tamen Christianis fœminis quæ grandes sunt, & ætate multum provectæ, consilium damus, & illas etiam magnoperè cohortamur, ne se velint cum adolescentibus matrimonio conjungere, cumque liberos ex illis habere non possint, cumque in illa levitate, magna sit & multiplex perversitas.

¶ *Polygamiam esse vitandam.* Cap. 10.

Polygamiam autem profligari legibus nostris volumus, & in eisdem nuptiis solum ponimus unum, atque adeò unicum par; sic enim matrimonium fuit à Deo primò fundatum. Itaque si quis plures uxores acceperit, omnes posteriores amandet, & solum retineat quam sumpsit primam (si maritum velit illum agnoscere) cæteris verò quibus abundū est, singulis dotem dispertiat, & Ecclesiæ præterea satisfaciatur, affectus illa pœna quam judex tanto sceleris convenire existimabit. Tum mulierum etiam nequitia supplicio castigabitur, si scientes ad eundem se virum contulerint, & si illarum in eo maleficio culpa illa deprehendi possit.

¶ *Propter contentiones & rixas non tollitur matrimonium.* Cap. 11.

Concluso jam matrimonio si tales rixæ, contentiones, injuriæ, concertationes, acerbitates, contumeliæ, luxus, pravitates multiplicis generis tam vehementer exæstuant, ut in eisdem ædibus conjuges commorari nolunt, nec cætera matrimonii jura sibi mutuò præstare, pœnis implicentur Ecclesiasticis, & in easdem ædes compellantur, & etiam revocentur ad pia inter se communicanda matrimonii officia, modò nulli tales casus inciderint propter quos ipso jure divortium petere liceat.

¶ *Matrimonia vi & metu contracta non
valent. Cap. 12.*

Summatim hoc ad omnia matrimonia pertinere volumus, ut si vis & metus illa coegerint, modò tanta fuerint ut in viros constantes juxta juris civilis doctrinam cadere potuerunt, omninò tales violentæ nuptiæ distrahantur, & pro nullis habeantur. Quanquam difficillimè quidem, & vix hæ difficultates ad matrimonium irrumpere possunt, si legitimos omnes ritus habeat, & totum perpolitum sit illa forma quam ante posuimus; tamen vis & metus si ulla ratione irruerint, matrimonium ex illis expressum prorsus dissolvi placet.

¶ *Ut matres propriis uberibus infantes
alant. Cap. 13.*

In veteravit in uxorum moribus nimium mollis & delicata consuetudo, suam ut prolem à propriis uberibus ablegent, & ad alias nutrices amendant; quæ res cum plærumque nullis probabilibus causis nitatur, sed tenera quadam suorum corporum indulgentia, fit ut sibi ipsæ parcant, & honestos & naturales æducationis labores subterfugiant; & cum hæc inhumana matrum, & degener ignavia multorum causam malorum afferat, ad officium concionatorum nostrorum arbitramur pertinere, matres ut cohortentur ne prolem in lucem æditam inhumaniter destituant, & beneficium illis uberum suorum negent, quibus paulò antè beneficium impertiverunt suorum uterorum & viscerum.

DE GRADIBUS IN MATRIMONIO PROHIBITIS.

¶ *Inter personas non legitimas non debere
matrimonium esse. Cap. 1.*



Uoniam matrimonium est legitima viri cum
foemina conjunctio, magna cautio adhiberi
debet, ne tales personæ contra jus & fas ad
nuptias accedant, & earum vinculo colligen-
tur, quales divinæ leges ad hujusmodi con-
junctionis societatem admitti nolunt. Nam id si contige-
rit, regnum nostrum, & Ecclesias in illo dispositas incestus
contaminaret, deinde personas ipsas nefariis congressibus
turpificatas necesse esset in Dei summum odium incurrere.

¶ *Consanguinitas & affinitas quid sint. Cap. 2.*

Multiplices consanguinitatis, & affinitatis gradus
sunt, in quibus matrimonium consistere non potest.
Primum autem ut ipsa capita cognoscantur, consanguini-
tas in illis intelligatur qui majoribus eisdem procreati sunt,
quibus nos generati sumus, vel propagatione carnis & san-
guinis descenderunt. Affinitas verò per conjunctionem
maris & foeminae ingreditur: hæc autem duo capita con-
sanguinitatis & affinitatis sic comparata sunt, ut primum
divinæ leges, deinde civiles in utroq; genere gradus anno-
tarint, in quos matrimonium intrare nullo modo debet.

¶ *Divinum jus in Matrimonio prohibendo
quale sit. Cap. 3.*

Deus id his gradibus certum jus posuit, Levit. xviii. &
xx. capite, quo jure nos & omnem nostram posteritatem
tenere necesse est. Nec enim hæc illorum capitum
præcepta

præcepta veteris Israelitarum Reipub. propria fuerunt (ut quidam somniant) sed idem authoritatis pondus habent, quod religio nostra decalogo tribuit, ut nulla possit humana potestas quicquam in illis ullo modo constituere. Itaq; Pontifex Romanus illam impiè sibi facultatem arrogat; & conscientias suas graviter consauciant, quicumq; vel à pontifice Romano, vel à quocunque alio tales in hac causa dispensationes (ut vocant) conquirunt. Hoc tamen in illis Levitici capitibus diligenter animadvertendum est, minime ibi omnes non legitimas personas nominatim explicari. Nam Spiritus sanctus illas ibi personas evidenter & expressè posuit, ex quibus similia spatia reliquorum graduum, & differentia inter se facile possint conjectari & inveniri. Quemadmodum exempli causa, cum filio non datur uxor mater, consequens est, ut ne filia quidem patri conjunx dari potest. Et si patrui non licet uxorem in matrimonio habere, nec cum avunculi profectò conjuge nobis nuptiæ concedi possunt.

¶ *Regula observanda in Jure Levitico. Cap. 4.*

UT ergo pellantur omnes errores, reliquæ nobis enumerandæ sunt, & intexendæ personæ, quæ paribus graduum finibus conjunctæ sunt cum illis personis quarum sacræ Scripturæ mentionem certam faciunt; in quo duas Regulas magnoperè volumus attendi, quarum una est, ut qui loci viris attribuuntur, eosdem sciamus foeminis assignari, paribus semper proportionum & propinquitatum gradibus. Secunda regula est, ut vir & uxor unam & eandem inter se carnem habere existimentur, & ita quo quisque gradu consanguinitatis quemque contingit, eodem jus uxorem continget affinitatis gradu, quod etiam in contrariam partem eadem ratione valet. Et istis finibus si nos tenebimus, plures non inducemus illegitimas personas quam

sacrae Scripturae constituunt, & illos gradus integros & inviolatos conservabimus de quibus nobis Deus praecepit.

¶ *Enumeratio personarum in Levitico prohibitarum. Cap. 5.*

IN Levitico dispositae personae citantur hiis nominibus mater, noverca, soror, filia filii, filia filiae, amita, matertera, uxor patruj, nurus, uxor fratris, filia uxoris, filia filii uxoris, filia filiae uxoris, soror uxoris. Personae verò quas praetermittit Leviticus, haec sunt. Socrus, avia, & quae supra ea sunt directa via, quoniam omnes hujusmodi matrum loco nobis esse videntur. Et ex altera parte filia proneptis, & quaecunque infra sunt & ex illis procreantur; à quibus, quoniam filiarum similitudinem habeant, nos abstinere debemus. Adjiciuntur fratris filia, sororis filia, & quae recta linea descendendo ex eis procreantur, uxor filii fratris, uxor filii sororis, filia fratris uxoris, filia sororis uxoris, soror matris uxoris, filius leviri, filius gloris, maritus sororis patris, maritus sororis matris, maritus filiae fratris, filius privigni, filius privignae.

¶ *Quae consideratae sunt in superiore Catalogo. Cap. 6.*

ET hi superioris legis antegressi gradus duplicem considerationem habent. Primum enim non solum in legitimis matrimoniis talem habent dispositionem qualem jam posuimus, sed eundem in corporum illegitima conjunctione locum habent; filius enim quo jure matrem non potest uxorem sumere, eodem nec patris concubinam habere potest; & pater quomodo filii non debet uxorem contractare, sic ab illa se removerè debet qua filius est abusus. Qua ratione mater nec cum filiae marito jungi debet, nec

nec etiam cum illo congredi quæ filium oppresserit. Secunda cautior est, non solum istas maritis adhuc superstitionibus disjungi personas quas diximus, sed etiam, illis mortuis, idem perpetuo valere. Quemadmodum enim horribile flagitium est in vita patris, fratris, patrui, aut avunculi, audere illorum uxores violare, sic post mortem illorum matrimonium cum illis contrahere parem turpitudinem habet.

¶ *Cognatio spiritualis non impedit nuptias. Cap. 7.*

Spiritualis illa, quæ vulgò dicitur, necessitudo, cum nec inducta sit sacris Scripturis, nec ullis fulciatur solidis & firmis rationibus, matrimonii cursum prorsus impedire non debet.

DE ADULTERIIS ET DIVORTIIS.

¶ *Adulteria severè punienda esse. Cap. I.*

Turpitudine tam horribilis adulteriorum est, ut apertè decalogi præcepto confossa sit, & etiam veteribus divinis legibus per Mosen latis publica populi lapidatione obruta & consépulta esset: Denique jure civili etiam capite plecteretur. Rem igitur Deo tam odiosam & à sanctissimis majoribus nostris singulari cruciatu crucifixam, Ecclesiastici judices nostri non debent sine gravissima poena dimittere.

¶ *Mi-*

¶ *Ministri de Adulterio convicti quomodo puniendi sunt.* Cap. 2.

ORdiamur ab Ecclesiarum ministris, quorum vitæ præcipua quædam integritas esse deberet. Itaq; si quis ex illis adulterii, scortationis, aut incestus convictus fuerit, si propriam habuerit uxorem, omnes ejus opes, & bona devolventur ad eam, & ad liberos, si qui sint ex ea, vel ex aliquo priore matrimonio legitimè nati. Si verò nec suam uxorem nec liberos habeat, omnes ejus facultates arbitratu judicis, vel inter pauperes dispertientur, vel in alia pietatis officia conferentur. Deinde si quod illi beneficium fuerit, postquam adulterii vel incestus, vel scortationis convictus fuerit, ex eo tempore protinus illud amittat, nec illi potestas ullum aliud accipiendi. Præterea vel in perpetuum ablegetur exilium, vel ad æternas carceris tenebras deprimatur.

¶ *Laicus quomodo puniendus.* Cap. 3.

LAicus adulterii damnatus uxori suæ dotem restituito. Deinde bonorum universorum dimidiam partem eidem uxori concedito. Præterea vel in perpetuum exilium ito, vel æternæ carceris custodiæ mancipator.

¶ *Uxores sive Ministrorum, sive laicorum, quomodo puniende.* Cap. 4.

UXores ex contraria parte, tam laicorum quam ministrorum, si crimen adulterii contra illas probatum fuerit, & judex adversus illas pronunciaverit, dotibus carebunt, & omnibus emolumentis quæ vel ullo Regni nostri jure, vel consuetudine, vel pacto, vel promisso poterant ex bonis maritorum ad illas descendere, tùm etiam vel in sempiternum exilium ejicientur, vel perpetuæ carceris custodiæ mandabuntur.

¶ *Integra persona transit ad novas nuptias. Cap. 5.*

CUmalter conjunx adulterii damnatus est, alteri licebit innocentem novum ad matrimonium (si volet) progredi. Nec enim usque adeò debet integra persona crimine alieno premi, coelibatus ut invitè possit obtrudi; quapropter integra persona non habebitur adultera, si novo se matrimonio devinxerit, quoniam ipse causam adulterii Christus excepit.

¶ *Reconciliationem esse optandam. Cap. 6.*

QUoniam in matrimonio summa conjunctio rerum omnium est, & tantus amor quantus potest maximus cogitari, vehementer optamus ut integra persona damnatae veniam indulgeat, & illam ad se rursus assumat, si credibilis melioris vitae spes ostendatur; quam animi mansuetudinem licet nullae possint externae leges praecipere, tamen Christiana charitas saepe nos ad eam adducere potest. Quod si damnata persona non possit ad superiorem conditionem admitti, nullum illi novum matrimonium conceditur.

¶ *Nemo conjugem arbitratu suo potest relinquere. Cap. 7.*

Magna res est, & ingentem affert totius familiae perturbationem, cum uxor à viro distrahitur. Quapropter adulterii respectu, nemo suam à se conjugem autoritate propria removeat, & aliam adsciscat, nisi iudex Ecclesiasticus totam causam ritè prius cognoverit & definiverit. Quod si facere quispiam ausus fuerit, jus omne agendi adversus conjugem amittat. Iudex autem quoties alterum conjugem adulterii condemnat, alteri sinceræ personae libertatem denunciare debet ad novum matrimonium

I

transe-

transeundi, cum hac tamen exceptione, certum ut tempus assignet in quo superiorem ad conjugem (si velit) redire possit; quod si tempore jam absumpto recuset facere, tum ad aliud matrimonium descendere potest. Et hoc tempus quod iudex indulgebit, omnino volumus anni spatio vel sex mensibus definiri.

¶ *Divortium propter desertum matrimonium.* Cap. 8.

CUM alter ex conjugibus aufugerit, seque abalienarit ab altero, si persona absens possit inveniri, consiliis, hortationibus, & poenis cogatur ut ad conjugem se rursus adjungat, & unà cum illo conventer vivat; quam ad rem si nulla ratione potest adduci, contumax in eo persona debet accipi, legumque divinarum & humanarum contemptrix: & propterea perpētuae carceris custodiæ dedatur, & desertæ persona novarum potestatem nuptiarum ab Ecclesiastico iudice sumat. Cùm autem contumax non possit absens investigari, nec erui, nec locus ullus in hoc crimine levitativi vel temeritati relinquatur; Primum absentem personam nominatim requiri volumus, illa juris formula, quam viis & modis appellant: Quo tempore si se non ostenderit, aut ejus aliquis vicarius qui causam ejus velit agere, Iudex illi biennium vel triennium indulgebit in quo persona possit absens se repræsentare; quo tempore consumpto, si se ipse non sistat, & justas afferat absentiae tam diuturnæ causas, destituta persona nuptiarum vinculis liberabitur, & novum sibi conjugem (si velit) sumat. Desertrix autem persona, si iudicio jam peracto novisque consequutis nuptiis, serò, post biennii vel triennii spatium expletum sui potestatem fecerit, in æternas carceris tenebras detrudatur, & secundum matrimonium plenissimo jure valeat.

¶ *Divortium propter nimis longam conjugis
absentiam. Cap. 9*

QUando non aufugerit conjunx, sed militiam, aut mercaturam, aut aliquam habet hujusmodi legitimam & honestam peregrinationis suæ causam, & abfuerit diu domo, nec illius vel de vita vel quicquam certò sciatur, largientur alteri conjugii iudices (siquidem hoc ab illis requiratur) biennii vel triennii spatium in quo mariti reditum expectet. Quo tempore toto si non revertatur, nec de vita possit illius aliquid esse explorati, cum diligentissimè de ea fuerit interim perquisitum, alteri conjugii novas concedi nuptias æquum est; cum hac tamen conditione, prior ut maritus si tandem se repræsentet, uxor illum rursus ad se recipiat, si quidem ostendere possit culpa sua factum non esse quod foras tam diu peregrinatus sit; tantam enim & tam longi temporis absentiam nisi plena magnaque cum ratione possit excusare, custodiam in perpetuam carceris dimittatur, nullum ad uxorem reditum habeat, & illa secundis in nuptiis ritè permaneat.

¶ *Inimicitie Capitales divortium inducunt. Cap. 10.*

INter conjuges si capitales intercedant inimicitie, tamque vehementer exarserint, ut alter alterum aut insidiis, aut venenis appetat, aut aliqua vel aperta vi, vel occulta peste vitam velit eripere, quamprimùm tam horribile crimen probatum fuerit, ritè in judicio divortio volumus hujusmodi personas distrahi: majorem enim conjugii facit injuriam persona, quæ salutem & vitam oppugnat, quam ea quæ ex consuetudine se conjugis eximit, aut corporis sui potestatem alteri facit. Nec inter illos ullum consortium esse potest, inter quos capitale periculum cogitari cœpit & metui.

metui. Cum igitur unà non possunt esse, juxta *Pauli* doctrinam dissolvi par est.

¶ *Mala tractationis crimen tandem divortium inducit.* Cap. II.

SI vir in uxorem sæviat, & acerbitem in ea nimiam factorum & verborum expromat, quam diu spes ulla placibilitatis est, cum illo iudex Ecclesiasticus agat, nimiam ferociam objurgans; & si non potest monitis & hortationibus proficere, pignoribus oblatis, aut fidejussoribus acceptis, eum cavere compellat de nulla vehementi conjugii inferenda injuria, & de illa tractanda quomodo matrimonii intima conjunctio postulat. Quòd si ne pignoribus quidem, aut fidejussoribus coerceri potest maritus, nec asperitatem velit isto modo deponere, tum capitalem illum conjugis inimicum esse existimandum est, & illius vitam infestare. Quapropter divortii remedio periclitanti succurrendum erit, non minus quàm si vita manifestè fuisset oppugnata. Nec tamen præterea juris dempta est potestas coercendi uxores quibus modis opus fuerit, si rebelles, contumaces, petulantes, acerbæ sint & improbæ, modò rationis & æquitatis fines mariti non egrediantur. Et cum in hoc, tum in his superioribus delictis hoc teneri placet, ut solutæ personæ novas (si velint) nuptiarum condiciones legant, convictæ verò priorum criminum vel exiliis perpetuis, vel æterna carceris custodia plectantur.

¶ *Parvæ contentiones, nisi perpetuæ sint, divortium non inducunt.* Cap. I 2.

SI minores quædam contentiones, aut offensiones obrepsent in matrimonio, *Pauli* sententia moderatrix earum esse debet, ut aut uxor marito se reconciliet, quod omnibus pœnarum & hortationum ordinariis, & extraordinariis

nariis viis procurari debet, aut absque novo conjugio maneat, id quod & viro pariter faciendum statuimus.

¶ *Perpetuus morbus non tollit matrimonium.* Cap. 13.

SI fortè conjugum alteruter perpetuum aliquem morbum contraxerit, cujus nulla levatio potest inveniri, tamen matrimonium in omnibus hujusmodi difficultatibus perdurabit. Quoniam hoc unum esse debet præcipuum & eximium matrimonii commodum, ut multa mala mutuis conjugum officiis sedari, leniriq; possint.

¶ *Durante lite quomodo rea persona sustentabitur.* Cap. 14.

QUoniam sæpè magnā controversiam habent, & longissimi sunt temporis lites adulteriorum, veneficiorū, capitalium insidiarum, & malæ tractationis, vir uxorem interim honestis & convenientibus impensis sustentet, habita ratione dignitatis & conditionis in qua est.

¶ *Pæna falsa accusationis.* Cap. 15.

Multorum libidines hujusmodi pruritum habent, ut nova subinde matrimonia consecutentur, & ad varias uxores devolare concupiscant. Quapropter falsas innocentibus calumnias struent adulteriorum, & aliorum hujus generis criminum, nisi sceleribus illorum suppliciorum acerbitate fuerit occursum. Itaque si vir uxorem adulterii, vel veneficii ream fecerit, & post causacadat, dimidia bonorum pars ad uxorem sevocetur. Nec in illis vendendi, distrahendi, legandi, permutandi, donandi, vel alienandi quacunque ratione jus ullum habeat, nisi uxor in id consentiat. Et uxor ex altera parte si maritum adulterii, vel veneficii, capitalis injuriæ vel malæ tractationis postulaverit,

verit, & litem amittat, dote primùm careat ; deinde orbetur omni emolumento quod jure per maritum debuit ad illam pervenire, nisi maritus illi sponte voluerit aliquid aspergere ; postremò matrimonium inter illos, ita ut erat, integrum conservetur.

Si non conjunx conjugem, sed alterum ex his externa quædam persona reum faciat, & in judicio succubuerit, Ecclesiasticus judex illum arbitrato suo, magna tamen & acri pœna feriat, & etiam conjugi satisfaciat cui damnum dedit. Deniq; calumniatores hujusmodi nec ad Ecclesiam redeant, nec admittantur ad sacramenta, nisi famam ejus personæ, quam calumnia & mendacio dedecoraverunt, plenè restituerint quantum possint ; & pœnitentia scelere digna perfuncti fuerint. Et has in hoc genere pœnas omnibus sive laicis sive clericis communes esse volumus.

¶ *Mariti pœna suadentis uxori adulterium. Cap. 16.*

SI maritus uxori sua for aut author ulla ratione fuerit adulterii committendi, damnabitur illa quidem adulterii, sed & maritus lenocinii reus pronunciabitur, & matrimonii conjunctione neuter liberabitur. Quod & de uxore similiter intelligi volumus.

¶ *Quæ pœna sit cum par adulterium est in utroque conjugè. Cap. 17.*

SI persona quæ fuerit adulterii convicta crimen in altero conjugè possit idem ostendere, & ostenderit priusquam conjunx ad novas nuptias diverterit, utriusq; conjugis culpa par in pares incidet pœnas, & prius inter illos firmum manebit matrimonium.

¶ *Recep-*

¶ *Receptatorum & fautorum adulterii quæ
pœna sit. Cap. 18.*

NE illi quidem judicum Ecclesiasticorum diligentiam subterfugere debent qui receptatores sunt adulteriorum, aut illorum flagitia, ope, opera, vel consilio quacunque ratione procurant; quo in genere sunt exempli causa qui domum adulteris scientes expediunt, vel locum qualemcunque, qui sermonum, literarum, aut munerum cujuscunque generis sint internuncii. Quaproptet omnem hujusmodi facem, quæ cœnum adulterii quacunque parte commoveret, Ecclesiasticis pœnis & arbitriis etiam judicis constringendum esse decernimus.

¶ *Separatio à mensa & Thoro tollitur.
Cap. 19.*

Mensæ societas & thori solebat in certis criminibus adimi conjugibus, salvo tamen inter illos reliquo matrimonii jure; quæ constitutio cum à sacris literis aliena sit, & maximam perversitatem habeat, & malorum sentinam in matrimonium comportaverit, illud autoritate nostra totum aboleri placet.

¶ *Incestus & Scortationes laicorum quomodo puniuntur. Cap. 20.*

Incestus, nominatim autem is qui primum ad gradum ascendit, afficietur pœna sempiterna carceris. Deinde scortationes & vagæ licentiosæq; libidines omnis generis magna suppliciorum acerbitate compræhendantur, ut tandem aliquando radicitus ex regno nostro extirpentur. Ecclesiastici igitur judices diligenter evigilent, ut quascunque personas & cujuscunque sexus flagitiosis & impuris libidinum congressibus implicatas in excommunicationem ejiciant;

ejiciant, nisi maturè moniti resipuerint. Et licèt se ipsi correxerint, tamen publicè cogantur Ecclesiæ satisfacere. Præterea decem libras in pauperum cistam Ecclesiæ suæ propriam imponant, vel, si minores illorum facultates sunt, tantum imponant quantum de bonis illorum commodè detrahi potest.

¶ *Filius non legitimus quomodo sit alendus.* Cap. 21.

Filius ex adulterio susceptus, aut ex simplici scortatione, quemadmodum appellant, patris impensis alatur, siquidem is inveniri poterit. Qui si non poterit erui, mater suum ipsa foetum propriis impensis sustentet.

DE ADMITTENDIS AD ECCLESIASTICA BENEFICIA.

Cap. 1.



Uemadmodum reipublicæ status ruit, cum à stupidis & flagitiosis & ardentibus ambitione viris temperatur, sic Ecclesia Dei nostris hisce temporibus gravissimè laborat, quando illorum curæ committitur qui tam præclarum ad munus obeundum omnino sunt inepti: qua in re multùm, & longè longèq; plurimum ab illis beati *Pauli* formulis recessum est, de quibus ad *Titum* & *Timotheum* præscripsit. Quapropter huic tam insigni nostrarum Ecclesiarum cladi maturum aliquod remedium à nobis inveniendum est.

¶ *Diligenter in Ministros inquirendum.* Cap. 2.

Omnès quibus aliqua ratione sacerdotium obvenit, diligentissimè ritu, & præscripto legum nostrarum explorantur

plorentur & pernoscantur, ne temerè cuiquam Episcopus manum imponat, & alienorum criminum paticeps sit. Nec admittatur ullus ad Ecclesiam administrandam, nisi priùs ritè fuerit examinatus.

¶ *Patronorum officium. Cap. 3.*

PRætereà patronis beneficiorum Ecclesiasticorum præcipimus, ut omnibus seclufis, vel necessitudinum, vel quorumcunque respectuum affectibus, illorum rationem habeant qui munus hoc sacrum, ad quod adhibendi sunt, possint, & velint omnibus partibus implere. *Nec enim sacerdotia delata sunt ad patronos, ut illa circumciderent, aut de illis deprædarentur, sed ut illorum præsidio & fide tuto conquiescerent.*

¶ *Patronorum delinquentium pæna. Cap. 4.*

VEhementer patronorum interest, ne turpiter & avarè sibi quacunque conventionem præcaveant in beneficiorum collationibus, de retinendis ædificiis, subducendis decimis, aut ullo se contaminent flagitioso quæstu. Quorum si quicquam in hoc genere fuerit contra leges nostras quacunque ratione conventum, Patronus collocationis jus illius tēporis amittet. Deinde qui jure fuerat collocationis usus, quoniam ad iniquam transactionem suam voluntatem accommodavit, & sacerdotio carebit quod illi designabatur, & ab aliis omnibus quæ cōsequi poterat excludetur.

¶ *Sacerdotia vacua non esse oportere, neque antequam vacaverint conferri. Cap. 5.*

SAcerdotia diu vacua jacere non debent. Itaque nisi spatium sex mensium postquam vacua facta sunt, patroni no-

vos illis ministros designaverint, ipso beneficio designationis illo quidem tempore carebunt: & tamen in collocandis sacerdotiis nimium properari nolumus, nec patimur ut patroni certam illorum spem cuiquam ulla scriptorum, aut pignorum, aut pactorum cautione faciant, priusquam vacua sint. Nam huiusmodi conventiones magnam secum vim incommodorum afferunt. Itaque qui talem ullam sacerdotiorum minimè vacuorum spem faciunt, jus collocationis illius temporis amittent, & qui ad nondum vacua sic adspiraverunt, ne ad vacua quidem post assumentur, & etiam ab omnibus aliis submovebuntur.

¶ *Jus designationis à Patrono ad quos devolvatur. Cap. 6.*

Quoties Patronus designationis jus amittit, illud in Episcopum transire placet, qui spatio sex mensium si neglexerit, in vacuum sacerdotium idoneum aliquem imponere jus in Archiepiscopum transferetur, qui sex mensibus (à quo tempore certior factus est) illo jure si non utatur, nos illud ipsi nobis sumemus. Et si nobis etiam, ex quo id novimus, sex menses effluxerint sacerdotium vacuum non collocantibus, ad patronum rursus jus suum devolvetur, & sic in eodem semper orbe circumferatur illis quas nominavimus personis mutuò sibi succedentibus, donec tandem aliquis eorum præscripto tempore jus collocationis exequatur.

¶ *Cognitores adhibendos esse. Cap. 7.*

Quoniam explorandam esse diximus & excutiendam illorum doctrinam & probitatem qui sacerdotiorum participes erunt; primum Episcopus ipse certos cognitores eligat. Deinde quoniam hæc cura peculiaris Archidiaconorum esse debet, illos in jure suo nolumus interpellare, sed

sed universum hoc cognitionis negotium illis informandum, & pertractandum relinquimus, hoc interim proviso, collegas ut vocent ad se, quos Episcopus cognitores designaverit, quorum perspecta fuit gravis morum integritas, & in quibus sacrarum Scripturarum scientia cum usu conjuncta sit & peritia gubernandarum Ecclesiarum. Et etiam Episcopum in primis optabile est ipsum (si fieri potest) in hoc cognitionis negotio versari. Munus enim hoc unum est ex omnibus summum & maximum in quo status Ecclesiarum præcipuè fundatus est. Quare si minutioribus in plerisque causis Ecclesiarum Episcoporum præsentia flagitatur, eam in hoc sanè principali munere desiderari minime convenit.

¶ *Juramentum cognitioni præponendum esse. Cap. 8.*

Nolumus ad cognitionem descendi, donec juramentum à petitore fuerit requisitum, ut verè sincerèque respondeat ad omnia quæ fuerint ab illo quæsitæ, modo præsentè ad cognitionem pertineant. Deinde in omnes vitæ partes diligenter inquiretur & in doctrinam penitus intrabitur, ne fortè vel inscitia, vel scientia perversa laboraret, aut corrupta.

¶ *In doctrina quid quærendum sit. Cap. 9.*

Quamvis autem ad doctrinam illorum spectat qui sunt ad Ecclesiarum moderationem admovendi, hiis potissimum viis cognitionem procedere volumus, ut eorum sententiæ de fide Catholica pervestigentur, & sacrosancto trinitatis mysterio, quantum quidem in illis necessario credendum; proximo loco de sacrarum Scripturarum libris quos canonicos appellant, qualemque credant & quantam sacrarum scripturarum auctoritatem. Succedant controversiæ recentiores nostrorum temporum. In sum-

ma catechismum membratim, & per partes explicant, in quo præcipua religionis capita breviter decursa sunt.

¶ *Cognoscendum esse an heretici sint.*

Cap. 10.

Quoniam autem planè sciri debet, an ulla sint infecti falsa doctrina, quærendum ex illis erit quid de materiis universis sentiant quas in caput de hæreticis conjiciendas curavimus. Et ad has interrogationes qui non convenienter & rectè responderint, cognitorum iudicio, vel qui sacrarum scripturarum scientiæ sint expertes, repudientur. Si verò fuerint hæc in illis bene constituta, tum demum ad reliqua pergendum erit.

¶ *Cognitores quid primùm requirent.* Cap. 11.

Ei primùm quidem cognitores ex illo sciscitentur, an ad illa beati Pauli præcepta se velit accomodare, quæ sunt ad *Timotheum* his verbis, *Tu verò vigila, in omnibus labora, opus fac Evangelistæ, ministerium tuum imple*, ut Ecclesiam suam, ad quam apponetur, quantum vires ferent, assidue semper administret, & deinde suum illi planè & apertè declaretur officium quod in sacerdotio debet exercere.

¶ *Unicum esse oportere sacerdotium unius ministri.* Cap. 12.

Quoniam multis sacerdotiis in unum ministrū concurrentibus, singulis munus rectè perfectè que satisfieri necesse est, & minus viris doctis (qui adhuc egent, neque illis prospectum est) consuli potest, percontentur à candidato cognitores, an ullum habeat præsens sacerdotium: & si confiteatur habere se, secundum non impetret quod ab illis petit: alioqui prius sacerdotium volumus vacuum fieri,

fieri, ac si possessor ejus obiisset, eritq; patroni jus & officium loco ejus alium quempiam designandi.

¶ *Privilegia pluralitatum, ut vocant, tollenda. Cap. 13.*

Privilegia quorum autoritate multa sacerdotia possint in unum ministrum confluere, posthac nemini volumus indulgeri. At tamen his qui hactenus impetrarunt ut plura sibi permittantur administranda sacerdotia, nostram hanc legem fraudi esse nolumus, quo minus acquisitis privilegiis liberè fruantur.

¶ *Absentiae quæ possint esse causæ. Cap. 14.*

Quicumq; vel annis fuerit gravis, vel morborum incurfione multum extenuatus, ut suo munere fungi non valeat, vel si quamcunq; justam aliam habeat temporariæ cujusdam absentiae causam Episcopo approbandam, propter quam illum aliquandiu sacerdotio necesse sit abesse, tamen hoc interim perspiciendum erit, ut probum & laudabilem vicarium suo in loco collocet. Et diligenter Episcopi vigilent, ne cujuscunq; rei respectu dolosè quisquam aut astutè diutius quàm necessitas urget à sacerdotio suo sinatur abesse.

¶ *Quo tempore sit adendum sacerdotium. Cap. 15.*

Quoniam hoc à nobis prius constitutū est, ut unusquisque suo in sacerdotio permaneat, nisi temporaria quædam privilegia nonnullos aliquādo liberaverint, hoc etiam adjunctum sit, ut cum peracta cognitione quisquam per ordinarii literas ad sacerdotium adhibetur, duorum mensium spatio continuo subsequenti in sacerdotium commeet, nisi morbus aut vehemens necessitas, cui parendum sit, illum distineat; quòd si secus fecerit, & sacerdotium præsens

illi peribit, & etiam ab aliis omnibus submovebitur.

¶ *Officium præbendariorum.* Cap. 16.

Immunitatem quandam omnium munerum habere solebant qui beneficiis prius Ecclesiasticis fruebantur, curarum (ut ipsi interpretati & etiam loquuti sunt) expertibus: Nos autem prædidicimus Ecclesiarum utilitatibus omnes inservire debere, quicumque vivunt Ecclesiæ proveniunt. Igitur tum canonicis tum præbendariis, qui certa sibi non habent in Ecclesiis dispartita munera, negotiū hoc damus, ut Ecclesias docendo, concionando, morbis vel rebus adversis depressos solando, reliquaque pietatis officia communicando sublevent, vel aliis quibuscumque viis legitimis & rectis quas Episcopus & Decanus Ecclesiæ præscripserint.

¶ *Quinquennii absentiam præbendariis indulgeri.* Cap. 17.

Hoc autem illis indulgemus, qui vel ad præbendas, vel ad canonicatus, vel ad beneficia certorum munerum expertia sunt adferri, quinquennium ut doctrinarum studiis in Academiis impendant, hoc adjecto, singulis ut annis literas scribant cum ad Episcopum, tum ad integram societatem, quam capitulum vocant, in quibus fideliter rationem vitæ reddant & morum & progressionis in doctrina. Cum autem absumptum est quinquennium, in sua beneficia vel Ecclesiastica munera rursus introire cogantur.

¶ *De natalibus ministrorum.* Cap. 18.

Postquam de vita plenè cognitum est, de religione, de scientia, de voluntate sacerdotium administrandi, & in eo remanendi, tandem etiam ad natales & ortus illorum descendatur. Et quanquam stupris parentū & adulteriis filii non premuntur, quantum quidem ad immortalitatem vitæ cœlestis futuræ pertinet, tamen Deus, quoniam immenso

menſo quodam & grandi ſtuprꝝ & adulteriorũ & flagitioſarum libidinum odio liberos vitio procreatos vehementer interdum affligit, & ſucceſſores eorum obterit, & propter eandem patrum impuritatem filios in veteri Teſtamento ab Eccleſiæ adminiſtratione depulit; nos divinæ feveritatis exemplum ſequuti, tales vitio generatos filios à contrectatione munerum Eccleſiaſticorum abarcemus, niſi fortè ſingulares quidam exiſtant eximiis donis inſtructi, quæ ſic in illis luceant, ut priores natalium ſordes obſcurentur, aut virtutum præſtantia compenſentur, aut niſi ſumma ſit in Eccleſia miniſtrorum paucitas.

¶ *Patronorum nothos ab Eccleſiarum curare movendos eſſe. Cap. 19.*

QUORUNDAM tanta eſt patronorum impudentia, ſuos aut liberos ex adulteriis & ſtupris ſuſceptos in illas Eccleſias intrudant, quarum ad illos jus designationis pertinet, qui cùm paternarum libidinum intempeſtivi teſtes ſint, potiùs quàm Eccleſiarum apti miniſtri, peccandi; quandam authoritatem afferat tam ingens illorum habitatio, huiusmodi omnes beneficiorum collocationes prorsus irritas eſſe volumus, & patronos pro eo tempore collocationis jure privari.

¶ *Vitiis quibusvis corporum miniſtros non non arceri à Sacerdotiis. Cap. 20.*

OFFENſiones corporum, quæ priùs homines à ſuſceptione munerum Eccleſiaſticorum ſecludebant, tantum poſthac momentũ non habebunt, ut illis, cuiuſcunq; generis fuerint, vir doctus & probus ab adminiſtrando ſacerdotio ſummoveatur. Illorũ tamen diligens erit habenda conſideratio, qui gerendi muneris Eccleſiaſtici facultatem vel omnino

omnino perimunt, vel planè corrumpunt, ut cæcitas lectionis officium tollit, ad quod *Paulus Timotheum* incitat: rursus in ministro si lingua sic titubaverit, vel adhæserit, vel quacumq; calamitate tantoperè vitiata fuerit, ut in concione à suis non poterit intelligi, fructum in illo maximum sui muneris interire necesse est. Præterea si vultu minister sic detorqueatur, spiritum adeo tetrum habeat & aspernabilem, ut homines ab illius consuetudine colloquioque resiliant, & ita nec publicum nec privatum, vel consilium vel solationem, aliorum necessitatibus impertire possit, desiderari penè omnia in illo videmus, quæ suum ad officium pertinent. Igitur has grandes, & immanes corporum clades qui sic iniustas habent, ut sacrarum in illis rerum libera non possit administratio procedere, minimè ad dignitatem sacerdotiorum gubernandorum perveniant: sed minutiores offensusculæ licèt inspersæ sint, illos à sacerdotiis non destinebunt, nec earum deformitatem pecunia redimere debent.

¶ *Ætas ministrorum. Cap. 21.*

SEquitur ætas, quæ non est in Ecclesiæ ministris negligenda; quoniam annorum maturitas auctoritatem affert, & adolescentiæ temeritas occupationi sanctissimorum munerum & severitati vix convenire potest. Igitur in Episcopis, Decanis Ecclesiarum cathedralium, & Archidiaconis, quorum maxima perfectio morum esse debet, tricesimum annū expectari volumus, in parochis, ut vocant, vicesimū quintum, in prebēdariis eundem, siquidem cura sit illis ulla certorum hominū commissa, quos & concionandi laborem, & sacramentorum communicandorum oportet subire, quoties vel Episcopi, vel præfides hæc illorum curæ committunt. Itaq; volumus illos respectu studiorum ad Academias ablegari, doctrinam enim & omnem reliquam

quam facultatem illos secum oportet adferre, priusquā ingrediantur ad Ecclesiastica munera.

¶ *Ætas liberorum præbendariorum.*

Cap. 22.

IN liberioribus illis & solutioribus præbendis quæ certos greges non curant, juvenes collocari possunt qui vicesimum primum annum impleverunt, si cætera cognitores in illis animadverterint rectè comparata, quibus hoc etiam indulgeri potest, ut si diaconi fuerint, addiscendarum causa sacrarum scripturarum ad Academias aliquandiu diverfentur, sed ille secessus omninò debet quinquennii spatio definiri; quo exacto nisi presbyterii gradu initientur, & præbenda jam adepta privabuntur, & ad restituendos fructus superioribus annis ex ea perceptos censuris Ecclesiasticis adigentur.

¶ *Cognitorum qualis diligentia requiratur.* Cap. 23.

COgnitores ipsi magna vigilantia summæque debent assiduitate & integritate suum implere. Quod si quisquam eorum prævaricatus fuerit, & vel quæstu vel gratia de jure formularum decesserit, in hac universa cognitione præstitutarum, non solum ea de re Christo summo judici respondebit, verum etiam Episcopi, cum requisitus fuerit, cogetur iudicium censuramque subire.

¶ *Forma juramenti ministrorum.* Cap. 24.

EXtremo loco cum finis erit totius cognitionis, si persona videbitur ad suscipiendum sacerdotium apta, juramento tenebitur ad illa quæ sequuntur præstanda. Principio se permanfurum in recepta fide, veraque religione, toto vitæ spatio, piorumque semper institutorum retinen-

tissimum fore : Monarchiam & tyrannidem Romani pontificis non agniturum: Regem Angliæ culturum, & veneraturum Ecclesiæ Anglicanæ summum caput in terris post Christum. Deinde reverentiam, fidem, & submissionem suo exhibiturum Episcopo, quod omnia honesta, & sancta illius mandata nihil de jure diminuturum Ecclesiæ sibi commissæ; præterea nec antea dedisse quicquam nec postea daturum, aut de dando pactum intercessisse, vel intercessurum, vel ipso authore, vel alio quocunque procuratore, aut vicario, respectu præsentis sacerdotii quod jam sumit; & si quisquam illum celans hoc in genere quicquam molitus est, se, quamprimum norit, Episcopo renunciaturum, & ejus arbitrio censuram parto sacerdotio: tum autem non gravaturum se Ecclesiam suam novis, aut auctioribus pensionibus: Postremò, si fortè sacris ordinibus adhuc imbutus non sit, spatio sex mensium continuè subsequendum, Diaconum, & deinde spatio succedentis anni presbyterum esse futurum, vel quamprimum vicesimum quintum annum perfecerit, si fortè ante illud ad præbendam liberio rem (ut supra diximus) admissus fuerit.

¶ *De iis qui temerè in beneficia irrumpunt*
Ecclesiastica. Cap. 25.

ET ne quis præceps in dignitatem, aut beneficiū irruat Ecclesiasticum, volumus ut quicumq; absque ordinarii auctoritate, & literis illius subscripta auctenticis beneficium aliquod Ecclesiasticum occupaverit, non tantum excidat à beneficio quod injustè invasit, absque spe ulla illius recuperandi, verum etiam nullum aliud imposterum consequi poterit, & ut ejus contumacia requirit excommunicatur, & à ministerio Ecclesiastico suspendetur.

DE RENUNTIATIONE

vel desertione Beneficiorum.

C A P. I.

Hujusmodi causæ possunt incidere, sacerdotiis ut vel cedi sponte possit, & ut vulgò loquuntur, illis renuntiari, vel eorum etiam ut permutatio fiat: sed hoc quoties usu veniet, omnem dolum, & avaritiam, & simoniam, non solum crimen, sed etiam suspicionem, quantum fieri potest, abesse præcipimus.

¶ *In renuntiatione & permutatione, consensus ordinarii necessarius est, & sine illo paciscens, Simoniacus est. Cap. 2.*

Nunquam vel cedi placet beneficiis Ecclesiasticis cuiuscunque generis fuerint, vel permutatione moveri propter ullam lucri, vel emolumentum spem objectam, nec ullum in hujusmodi negotiis factum valeat, donec ordinarius illus Ecclesiæ proprius totam rem consideraverit, & eam autoritate sua confirmaverit. Quòd si quis temerè provectus ordinarii consensum in hac causa non adhibuerit, aut de lucro pactus fuerit, in eo ipso, *Simonie* reus erit, nec ullum dimissi beneficii emolumentum unquam percipiet.

¶ *Resignationis negotium non potest inchoari sine autoritate ordinarii. Cap. 3.*

ET quoniam vehementer placet omnes non solum causas sed occasiones maleficiorum amputari, nullam dimittendorum aut aliis permittendorum beneficiorum mentionem fieri patimur, ex qua pactum possit cum quoque consequi, donec ordinarius hoc potestate sua liberum fecerit. Nec ordinarius ex altera parte rem hanc procedere

De permutatione benefi. Eccles.

finat, nisi ipse qui beneficio cessurus est iuramentum interponat, nec lucrum in hac re, nec ullam Simoniacæ perversitatis particulam intercessisse vel intercessurum.

¶ *Non licet sententiam cessionis mutare. Cap. 4.*

SI quis semel beneficio cesserit, & post consilium mutans ad illud redditum habere voluerit, frustra sit hæc illius secunda & sera voluntas, nisi fortè talis aliqua subsit causa, superiorem ut ordinarius cessionem retexendam, & pro nulla putet habendam.

¶ *Cedi non posse beneficiis Ecclesiasticis per procuratores. Cap. 5.*

ET ut omnia prorsus in hoc negotio sincera sint, procuratores excludimus, nec eosullo modo patimur ad sacerdotiorum dimissionem admitti. Quòd si aliquando contra constitutionem hanc nostram obrepserint vel irruerint, frustra sit illorum cessio, vel (ut vulgò loquuntur) resignatio.

DE PERMUTATIONE *Beneficiorum Ecclesiasticorum.*

¶ *Quomodo permutatio procedat. Cap. I.*



Eccllesiastica beneficia, quocunque nomine censeantur, sine patronorum & ordinariorum auctoritate permutari non licebit. Verùm quando locorum & Ecclesiarum ratio postulabit, ut ut qui uno loco minùs utiles esse videntur, alibi se valeant uti-

utilius exercere, potest Episcopus unum ministrum in alterius locum imponere, si voluntas id ministrorum ferat, & uterque locus in ditione sit Episcopi quam diocesim vocant.

¶ *Quodmodo beneficia diversarum diocesum permutari possint. Cap. 2.*

SI quando verò contingat Ecclesiastica beneficia quæcunque diversis in diocesibus poni, de quibus cõmutandis coeptum est, ad exitum causa non perveniat, donec utriusque ditionis, vel diocesis ordinarius auctoritatem suam conjunxerit. Qua in re ut permutationum impensæ minuantur, & etiom in toto fiat negotio minus molestiæ, cujus in ditione minus beneficium inest, Ecclesiasticum is suum jus in alterum ordinarium transferat, qui suam ad propriam alterius delegatam, & quasi fidei commissam potestatem infundens, sua sententia totam permutationis causam concludet.

¶ *Quæ Beneficia possunt in omne tempus permutari. Cap. 3.*

Eccllesiastica beneficia quæ sic comparata sunt ut Ecclesiæ vel collegia jus in illis proprietatis habeant, ordinariorum interposita ritè sententia, permutatione possunt in omne tempus ab una societate in aliam transferri.

¶ *Permutatio, si bona fide non fiat, nulla est. Cap. 4.*

Quoniam iniquum est homines in eo circumveniri, quod illis pro beneficio jus indulget, præsertim cum sanctum est causæ genus, & ad Ecclesiam pertinet, institui-
mus ut quoties beneficiis Ecclesiasticis cessum est, si veros

ad dominos & permutationum authores non perveniant, sed ad alios astutè detorquentur, omnis hujusmodi fraus, quæ non directis fidei, sed fraudis obliquis viis incedit, prorsus tollatur, & ad nihilum recidat, talesque permutationes omnibus modis pro nullis habeantur.

DE PURGATIONE.

¶ *Cur legitima purgatio sit instituta.*

Cap. I.

QUoniam omnes leges & instituta debent ad hæc duo capita referri, virtus ut veneracionem, & remunerationem habeat, vitium ut contumelia notetur & supplicio, quemadmodum his legibus nostris procuratum est, nimirum malorum ut improbitas poenarum acerbitate devinciatur, ita nunc tempus est ad secundum ut descendamus, scilicet ut defensionem & præsidium innocentiae comparemus & integritati. Tolerabilius enim est reum præteriri, quam bonum circumveniri, nec diligentius scelera peccatorum, quàm calliditates detractorum, exrepublica debent excludi. Primum enim hoc in causa purgationis sit, ut si quis in suspicionem Ecclesiastici criminis venerit, & apud bonos & laudabiles viros publicè infamis esse cœperit, licet planè non possit de crimine constare, tamen arbitrato judicis infamata persona suam defensionem instruat.

¶ *Quando purgationi locus est.* Cap. 2.

DEfensio, quam vulgò purgationem dicunt, habet propriè duo tempora, quorum alterum est cum adversus aliquis infamis rumor publicè dimanavit de aliqua persona præsertim ad honestos, & bene moratos homines; alterum est

est quando reus aliquis in iudicio factus est, & tamen legitimis probationibus convinci non potest, sed magnis interim & verisimilibus præjudiciis urgetur.

¶ *Quando purgatio non indicitur.* Cap. 3.

Manifesto crimine nullus est defensionis locus, nec rursus ad purgationem reus tradi debet, cum infamia probabilibus causis non nritur, sed mendacio & calumnia; sed tamen reus ipse, si suæ confisus innocentiae cupiat publicos honestatis suæ testes in iudicium deducere, æquum est hoc illi concedi.

¶ *Damnatis in civili iudicio non est opus Ecclesiastica purgatione.* Cap. 4.

Magnam indignitatem nobis habere videtur, ut Ecclesiasticæ personæ, cum à civilibus nostris legibus capitalis criminis pronunciantur, rursus ad Ecclesiastici fori iudicium relegentur, & purgentur. Nam acies in eo nostræ videtur authoritatis præscindi & retundi. Etenim cum omnibus regni nostri ordinibus præficiamur, & imperitemus, quare nostra iudicia ab Ecclesiasticis rescinduntur? Quisquis alterius retexit iudicium, illum oportet majore esse superiorique loco. Non igitur nostra possunt iudicia foro Ecclesiastico tolli, nisi nostra quoque authoritas intelligatur Ecclesiasticis iudicibus subjacere. Proinde ne talis posthac instituat purgatio, mandamus, quum non solum in eo antehac Regali nostræ potestati largiter detrahebatur, verumetiam à justitia recedebatur, quoniam nulla potest ibi purgationis defensio superesse, certum ubi crimen antegressum est.

¶ *Quando præmonendus sit reus ante purgationem.* Cap. 5.

Si quis adversa fama fuerit, & quotidie de illo minimè belli rumores increbrescant, sed tamen admodum suspicio-

cio-

ciosi, & is tum suæ famæ negligens fuerit, Episcopus terrorem Ecclesiasticarum poenarum objiciens, omnibus denunciaret qui quicquam scire videntur, ut id proferant. Et si nullus hac ratione potest accusator elici, personam infamatam ipse primùm separatim ad officium adhortetur; si non ita perficietur, duos aut tres testes adhibeat, quibus si non potest flecti, publicè cum illo agat: ad extremum si nec ita potest ad officium duci, illum vel à munere Ecclesiastico submoveat, vel abarceat ab Ecclesiæ ingressu, donec legitimam suam infamiam perpurgaverit, ne ulla communis in eo sit offensio Ecclesiæ. Si verò peccatum erit atrocius, nimirum perjurii vel adulterii, commissumque jam antè peccatum dicatur, & magna fuerit in eo Ecclesiæ offensio, tum protinus præcisa monitorum mora, Judex illum ad defensionem vel purgationem adigere potest. Monitorum enim locum in solutiore vita, mollioreque quam convenit habitu & consuetudine, cæterisque rebus suspiciosus potiùs quàm malis esse placet. Purgationem verò judex præscribere potest, licèt solennes legum ritus non antegrediantur, vel certi temporis ad accusandum præparandi, vel suspiciosa personæ criminibus inquirendi.

¶ *Purgationem legitimam aliquando publica denunciatio procedit. Cap. 6.*

CUM defensio vel purgatio personæ adversa fama laborantis instituitur, Judex vel propriam ejus Ecclesiam, vel aliquam aliam illi maximè familiarem deligat, in qua maxima populi frequentia divinorum officiorum tempore coram omnibus proponatur, ut si quis institutæ defensionis ordinem, aut cursum impedire velit, aut ullo modo se in hoc negotio interponere, loco, die, & tempore constitutis se ostendat, & ibi quicquid ulla ratione velit in hac causa purgationis afferre, coram judice ritè & pro-

promat. Et licet iudex præmittendam existimet huiusmodi proclamationem, tamen is qui adversa est fama, si remedium hoc valde flagitaverit, & suis impensis id procurare velit, illi concedi placet.

¶ *Quando suspenduntur nondum purgati. Cap. 7.*

RElegatio ab Ecclesia, quam suspensionem vocant, nunquam statim ante purgationem distringenda est, nisi sit immane facinus quod in suspitione est, aut ipse reus cui se defendendo supina fuerit & dissoluta negligentia.

¶ *Ratio purgationis. Cap. 8.*

HÆc formula purgationis esto. Defensor se crimen non admisisse iurato: defensoris liberatores, vel, ut vulgò dicunt, compurgatores credere se verum ejus Juramentum fuisse juramento & ipsi affirmanto.

¶ *Quales esse debent purgatores. Cap. 9.*

Purgatores omnes (ut usitatum vocabulum sumamus) optimæ sint existimationis & perspectæ virtutis, ne perjurii cadat in illos ulla suspitio. Et qui pro aliena innocentia, præsertim suspecta, juramento spondebunt, debent talem cum illo habuisse consuetudinem & usum, ut illius vitam & conversationem norint, præsertim à tempore quo crimen commisisse dicitur.

¶ *Numerus purgantium. Cap. 10.*

Numerus purgatorum Judicis arbitratu constituetur, hoc tamen retento, quod celebrior persona pluribus, obscurior paucioribus utetur integritatis suæ testibus. Et Episcopus aliquos Episcopos, & presbiter presbiteros, & similiter omnis defensor ex suo ordine pro se testem adferat.

M

¶ Ne-

¶ *Nemo debet cogi ad alium purgandum. Cap. 11.*

QUanquam homines in certis causis ad testimonium dicendum inviti possunt trahi, tamen neminem volumus ad purgandum aliquem nolentem trudi.

¶ *Quando possit ab indicta purgatione appellari. Cap. 12.*

CUM Episcopus plures congregari jubet purgantes liberatores, quam æquitas aut defensoris conditio fert, potest appellatione Judicis acerbitem declinare.

¶ *Quomodo purgandi sint infames. Cap. 13.*

QUI superiorum criminum convicti jure fuerint infames effecti, quoniam ad jurandum adhiberi non possunt, juramento non liberabuntur, sed illa ratione quæ judici videbitur optima.

¶ *Ritè purgatus per Judicem fame bonæ restituatur. Cap. 14.*

CUM is qui reus sit criminis factus legitimè se liberaverit, Judex debet illum integrum & innocentem publicè pronuntiare, communem ut hominum improborum, & licentiosam dicacitatem autoritate solemnæ sententiæ refutet. Itaque cum persona quæ rea fuit judicio plenè satisfecerit, diploma Judex conficiat muneris sui signo conclusum, in quo satisfactio reæ personæ continetur. Et cum reus hoc postulaverit, Judex primo quoque commodo tempore tradendum curet.

¶ *Occasiones criminum prohibendæ sunt.* Cap. 15.

QUoniam ad maxima scelera gradibus quibusdam ascenditur, Judex hos ipsos gradus incidat, & causas amputet, quibus flagitia proficisci solent: Nominatim qui suspectus est adulterii, Judex domus omnis usu interdicat, quo possit cum hujusmodi fœmina intercedere; quod Judicis mandatum si neglectum fuerit, poenam à se prius institutam sine ullo favore contemptori infligat.

¶ *Pœna se non rite purgantis.* Cap. 16.

SI defensor purgationem omnibus partibus implere non possit, convictus existimetur ejus criminis cujus antè quæstio fuit.

Pœnarum varietas. Cap. 17.

CUM reus accusatione vincitur, illum gravis poena subsequatur, sed inquisitione si reus est evictus non nihil illi debet parci, & magis etiam adhuc impensiusque indulgeatur, cum plenè se non potuit purgare. Quanquàm enim in his omnibus culpa deprehenditur, tamen ut peccatorum, ita poenarum gradus constitui debent.

Quantum efficiat purgatio. Cap. 18.

QUI purgationem inchoatam & curram adducit, si causa sit hæresis, non statim illum ad civiles magistratus oportet abripi, quoniam hujusmodi destitutio, præsumptio aut præjudicium potius quam judicium est, & non directam veritatem, sed obliquam habet probabilitatem.

Defensor quando sit beneficio privandus. Cap. 19.

SI quis ex Ecclesiastica secta, cum adversa fama laboret, se purgare debet, Ecclesiastico beneficio non excludatur, donec defensionem instituerit. In ea verò si defecerit, tum demum illi beneficium eripi potest, si peccati magnitudo tantam poenam requirat.

¶ *Judex purgantibus se potest aliquando subvenire. Cap. 20.*

CUM pauper, obscura, vel ignota persona, non potest satis copiosè defensionem instruere, Judex & hominis & causæ conditione perspecta, potest illum sublevare. Nam aut pauciores viros aut foeminas Judex, si vèlit, admittet, aut etiam solo rei juramento contentus esse poterit.

¶ *Superstitiosas purgationes non valere. Cap. 21.*

QUONIAM quantum licet veritatem consecretamur, illa prisca defensionis remedia non admittimus, quæ ratione & probabilitate non nituntur, sed in omnes partes aequè propendent, & infontes plerunque condemnant, ac fontes absolvunt, qualia sunt singularia certamina, flammæ, ferrum cardens, vel effervescens aqua. Nam isto modo primùm Dei tentabatur omnipotentia, deinde non certitudinis hæc aut veritatis indicia, sed casus erant, & fortunæ ludibria. Omnis igitur hujusmodi pellatur anilis & superstitiosa defensio, quam si quis posthac attulerit, arbitrati judicis ab illo poena sumetur. Et tamen legitimam idem defensionis formulam post adhibere cogetur.

DE DILAPIDATIONIBUS.

¶ *In propriis Ecclesiis proprietarii debent vicario domum providere. Cap. 1.*

Ecclēsia quæ certum aliquem habet ac hæreditarium possessorem, si nec ædes habeat in quibus se vicarius collocare possit, nec convenientem arēā in qua domus antè posita fuerit, si hæreditarius possessor, vel ædibus aliis, vel prædiis quibuscunq; fuerit instructus ad jus Ecclesiæ pertinentibus, vel ipsas ædes, vel solū in quo domus ædificari possit, Episcopus ad vicarium auctoritate sua se vocet, providens in hoc ut vicarius omni ex parte satis aptè commodèq; habitabit. Et hæc quidem habitatio vicarii procedat impensis hæreditarii possessoris Ecclesiæ, ut intra triennium postquam ab Episcopo admonitus fuerit perfectè extruatur. In quo si possessorem Episcopus repugnare viderit, & duræ tractationis causam esse crediderit, vel Ecclesiæ fructus ab illo distineri curet, vel pœnis illum Ecclesiasticis devinciat. Quod si fortè nec proprius Episcopus satis ipse vigilaverit, primarius Episcopus, quem Metropolitanum vocant, hanc causam, cum ad se perferetur, cognoscet ac dijudicabit.

¶ *Quomodo ruinosæ domus sunt reficiendæ. Cap. 2.*

Quibus autem in parœciis domus pastoribus aut eorum vicariis præparatæ aliquando fuerint, sed priorum ministrorum vel negligentia vel nuditate aut planè ruerint ad terram, aut diuturnitate temporis non sit reliquum quo refici possint, Episcopus septimam annui portionem emolumenti apud sequestros faciet seponi, donec aut do-

mus nova omnibus ministri necessitatibus apta denuo construatur, aut ruinosa ædes facta tecta fiant.

¶ *Qui silvas Ecclesiarum vastant quomodo corrigendi sunt.* Cap. 3.

SI quis arbores, arbuta, lucos, nemora, silvas, saltus, fruticeta, vel hujusmodi quascunq; lignorum opportunitates ullius ad se beneficii Ecclesiastici jure pertinentes, licentiosius quàm necessitas tulerit sine consensu proprii illius ditionis Episcopi vendiderit, succiderit, amputarit, asportarit, aut quocunq; modo corruperit & vastarit, precium is universum, & æstimationem omnium hujusmodi lignorum distractorum & everforum in cistam pauperum attributam plenè conferet: Præterea tantum in hac re successori satisfaciet, quantum Episcopus æquum esse putabit: & prorsus talis erit hujus causæ ratio, qualis prius ædificiorum reficiendorum à nobis posita est.

¶ *De illis qui morientes ædificia relinquunt ruinosa aut eversa.* Cap. 4.

ITidem qui præsens est Ecclesiæ præfectus, cum migrat è vita, si superiorem templi partem quam Cancellam vocant, aut alias quascunque domos ad Ecclesiæ jus spectantes, ruinosas aut vitiosas reliquerit, aut prorsus eversas, successori licebit vel hæredes vel bonorum administratores, quocunq; nomine censeantur, propter damna ruinarum & vitiorum jure convenire. Spatium tamen possessionis erit considerandum. Quod si totum annum non impleverit, nihil postulabitur: quantum autem anno fuerit amplius, ad id æquitas Judicis Ecclesiastici satisfaciendi rationem accommodabit. Deniq; si quicquam in talium ædificiorum impensas quacunq; ratione collatum fuerit, & id nunquam in

in eo minister collocarit, hæredes vel administratores annumerent Successori, ut is in tam bona causa superioris fidem liberare possit.

Ruina ædificiorum ad Ecclesias Cathedrales, Collegia, & Xenodochia pertinentium, quomodo refarcienda sunt. Cap. 5.

EAdem quoq; sit lex de reædificandis & reparandis domibus quæ assignantur illis Ecclesiarum beneficiariis, quos vulgo Decanos, Præbendarios, magistros collegiorum, aut hospitalium vocant, sive in urbibus, sive ruri sitæ fuerint: Illos tamen ad ædificia ruri sita, vel denuo extruenda vel reficienda astringi nolumus, quæ citra viginti recentissimos annos inhabitata non fuerint.

DE ALIENATIONE ET ELOCATIONE BONORUM ECCLESIASTICORUM.

Nihil alienari posse ab Ecclesia sine consensu ordinarii, & patroni. Cap. 1.

Qui gubernandis Ecclesiis admoti sunt, nec domos, nec agros, nec ulla Ecclesiarum possessiones aut fructus vendent, permutabunt, donabunt, aut quocunq; genere contractus vel conventionis in omne tempus abalienabunt, nisi suum patronus & Episcopus consensum interposuerint.

Elocatio quemadmodum fieri debeat. Cap. 2.

OMnis emolumentorum Ecclesiasticorum locatio consistat intra decem annos, vel ultra decennium non excurat,

rat, nec Successorum tempus occupet. Nam experientia sæpissimè tales locationes coarguit, quod successorum in illis jus apertè violatur ab his qui priores in illo munere versati sunt, nisi fortè necessaria fuerit vel utilis locandi causa propter ædifi ruinas, aut agrorum sterilitatem, & conductores se obligaverint ad domos reficiendas, & agros excolendos. Et interim integrum Ecclesiæ pendant annum vectigal quod superioribus temporibus repræsentari solebat. Sed nec ista quidem ullo modo procedant, nisi patronus in illis & Episcopus consenserint.

¶ *Quatuor alienationis cause. Cap. 3.*

Nolumus ad alienationem bonorum Ecclesiasticorum descendere, nisi subiecta sit aliqua causa quæ necessitatem alienationis afferat. Prima tum intelligetur, cum Ecclesia sic obruitur ære alieno, legitimis ut vectigalibus annuis se ipsam sustentare non possit. Deinde si grandis & evidens utilitas invitabit, statum annum Ecclesiarum meliorem fieri faciliè parimur. Pietatis etiam accedit tertia causa, liberandum è servitute Christianorum populorum, cum in potestatem hostium nostræ Religionis inciderint. Quarta ponatur alienationis & ultima ratio, cum aliquid defecatur huiusmodi in quo premebatur Ecclesia potius quàm adjuvabatur. Neq; tamen ex his ipsis causis alienationem Ecclesiæ bonorum sequi placet, nisi sententiam Episcopus suam & patronus ad causam accommodaverint.

¶ *Pœna contra leges alienantium. Cap. 4.*

Quoties autem permutatio, locatio, vel alienatio bonorū Ecclesiæ secus instituitur, quàm his legibus nostris constitutum est, primum ipsas conventiones universas ad nihilum recidere volumus, deinde Clericos ipsos huiusmodi

jusmodi conventionum ulla ratione participes sacerdotiis excludi placet.

DE ELECTIONE.



LECTIONUM vel in principibus Ecclesiis, quas Cathedrales vocant, vel in Collegiis & Scholasticorum coetibus institutarum, prorsus eadem formula sit, quæ domesticis singulorum Collegiorum institutis sancita est, nisi fortè quicquam illis reperiatur, quod Reformatæ in hoc Regno nostro Religioni, aut his nostris constitutionibus Ecclesiasticis repugnet.

DE BENEFICIIS ECCLESIASTICIS sine diminutione conferendis.

¶ Nullæ debent esse mercaturæ Ecclesiasticorum munerum. Cap. I.



Ruſtra legum eſt omnis præſtantia, niſi flagitiôſa quorundam & immanis avaritia, juris ſalubritatem ad ſua commoda detorquentium, certis pœnarum vinculis cohibeatur Etenim cùm hoc à majoribus noſtris præclare conſtitutum fuerit, ut Eccleſiarum Miniſtris uberes, & illorum conditioni convenientes fructus ſuppeditarentur, ex illis locis, ad quorum moderationem appoſiti fuerint, recentioribus hiſce temporibus, multorum tanta cupiditas Patronorum invenitur, o-
N pes

pes undique colligendi, Beneficiis ut ex suis, cum illa collocant, aliquam vel ad se vel ad suos particulam sevo-cent.

¶ *Quotuplex sit mercatura munerum Ecclesiasticorum. Cap. 2.*

Quidam fructus Beneficiorum ipsi colligunt universos, & eorum omnia emolumenta vel sibi vel suis ex pacto reservant; Ecclesiæ ministris pensiones certas qualdam aspergentes, & illas multò minores quàm ratio beneficiorum postulat: alii paulò mitiùs agentes, solam huiusmodi terram sibi pacto seponunt, quæ censi potest & vulgò Gleba dicitur: Nonnulli domos accipiunt & ædificia quæ solebant ministris concedi: Reliqui penè omnes à misellis ministris vel annuam pensionem comportant, vel, quas ipsa ratione debent, Decimas deducunt, vel aliquam certis Beneficiis illorum plagam vel apertam vel occultam injiciunt, usque adeo, propemodum ut nulli sint qui beneficia integra & illibata cum universo jure commodorum omnium gratis in ministros Ecclesiarum conferant.

¶ *Pacta in muneribus sacris interposita non valere. Cap. 3.*

Superiorum igitur difficultatum ut aliqua possit esse levatio, volumus & jubemus, ut sive beneficia, sive quæcunque sint aliæ dignitates Ecclesiasticæ, gratis condonentur, nec quicquam in illis sit ulla ratione præcisum: & quicquid illo modo pactum aut conventum fuerit inter Patronos ipsos, & illos quorū futura beneficia vel dignitates sunt, sive sit inter illos solos actū, sive per alios irrepserit, utrinque suam ad id operam interponentes, omnia huiusmodi pacta & conventa, vel ab ipsis, vel ab aliis, illorum respectu, quacunq; ratione vel jam instituta, vel quæ post-hac

hac instituentur, præsentis auctoritate legis tolli præcipimus, & ad nihilum recidere.

¶ *Inquisitio Pactorum qualis esse debeat. Cap. 4.*

PLacet etiam quoties aliquis Ordinarius se repræsentat, ut priusquam ab illo fuerit ad ullam dignitatem Ecclesiasticam admissus, in illum Ordinarius inquirat, & quantum potest odoretur & peruestiget, an ulla fuerint pacta vel conventa huiusmodi qualia prius posita sunt; & in illo volumus ab Ordinario requiri iuramentum ejus qui admitti postulat, & non ejus solum, sed quorumcunque aliorum quos aliquid in hoc negotio credit intelligere, ne solis iuramentis Ordinarius, sed aliis omnibus viis rectis & legitimis veritatem hac in re persequatur.

¶ *Ordinarius ex probabilibus conjecturis purgationem judicet. Cap. 5.*

QUum Ordinarius ad plenam & perfectam probationem Ministrorum pactorum pervenire non potest, & tamen ex negotii progressu vel ipse per se probabiliter suspicatur illa subesse, vel id ex credibilibus aliorum sermonibus conjectat, personam se offerentem non admittat, donec Canonum præscriptis se ritè perpurgaverit.

¶ *Pœna paciscentium qualis sit. Cap. 6.*

ORdinarius si certò cognoverit ulla ratione, quòd quisquam vel Beneficium, vel quamcunque dignitatem Ecclesiasticam iniquis pollicitationibus redemerit: Primum evocabit ad se tam Patronum, aut Patroni vicarium, quam ipsum qui vel Beneficio vel dignitate sit donatus Ecclesiastica: Deinde cùm illorum mercaturam manifestis argumentis coarguerit & convicerit, personam donatam be-

beneficio vel dignitate statim de loco ejiciat, ad quem devius & perversis itineribus obrepserat; quoniam quum Simoniae labem in se conceperit, in sacris rebus pretium interponens, non solum praesente conditione per scelus occupata carere debet, sed etiam nullius ex tempore illo Beneficii, vel dignitatis, vel muneris Ecclesiastici particeps erit.

DE DIVINIS OFFICIIS.

¶ *De temporibus divinatorum Officiorum in Cathedralibus Ecclesiis, & Collegiis celebrandorum.*

Cap. 1.

IN principalibus Ecclesiis, quas Cathedrales vocant, & in Collegiis, divina volumus officia quotidie peragi, quemadmodum ratio dierum postulabit, vel Profestorum vel Festorum. Quapropter antemeridiano quopiam convenienti tempore preces quas appellant Matutinas recitari placet, appositis etiam illis quae pro Communionis officio praescripta sunt. Et intercurrat in singulis diebus Mercurii & Veneris illa solennis supplicatio quae Litania nominata est. Similiter tempore pomeridiano Vespertinae preces adhibeantur.

¶ *Qui divinis Officiis interesse debeant,*

Cap. 2.

OMnes quos Canonicos vocant, & Clericos, qui quidem Ecclesiarum impensis sustentantur, ad statas preces conveniant, tam matutini quam pomeridiani temporis, & illis indies interfint, nisi iustam absentiae possint excusatio-

sationem afferre. Cæteri verò si non comparuerint, arbitrato Decanorum, vel illis absentibus suorum vicariorum, certa pecuniæ summa plectantur; sed tamen diebus Profestis illorum sanè studiis parcimus, qui doctrinæ causa se collocaverunt in Academiarum Collegiis, quos tamen & ipsos, in omnibus Feriis, universos, in sacris officiis adesse præcipimus, nisi ob concionandi munus abfuerint.

¶ *De sacra Communione administranda in Dominicis, & Festis diebus. Cap. 3.*

Diebus dominicis & festis Ecclesiarum, quas Cathedralles vocant, hunc in divinis Officiis ordinem esse jubemus, ut absolutis precibus matutinis, & decursa supplicatione, quam appellant Litaniam, Communio succedat: in qua facilius ut procedi possit, in nomine Dei cohortamur, & per ejus gloriam vehementer obtestamur, primum Episcopus ipse, si fieri potest, ut adsit, deinde Decanus & Archidiaconus, cum ipsis Canonicis & reliquis omnibus Clericis qui participes sunt bonorum illius Ecclesiæ, pariter ad communionem cum ministro se congregent, tum ut exemplo suo cæteros ad idem officium invitent, tum ut in hac nota sciri possit, quod ipsi viva veraq; sint Christi & Ecclesiæ membra.

¶ *De sacrarum concionum tempore. Cap. 4.*

Conciones autem in his Ecclesiis antemeridianas sanè omnes tollimus, ne quisquam illarum occasione legitime desit suæ Ecclesiæ: pomeridiani verò temporis hora secunda concionibus usq; ad tertiam serviat, & statim ad vespertinas preces descendatur.

¶ *De sacrarum lectionum pronuntiatione, & Psalmorum cantu. Cap. 5.*

In divinis capitibus recitandis, & Psalmis concinendis, Ministri & Clerici diligenter hoc cogitare debent, non

solùm à se Deum laudari oportere, sed alios etiam hortatu & exemplo & observatione illorum ad eundem cultum adducendos esse. Quapropter partitè voces & distinctè pronuntient, & cantus sit illorum clarus & aptus, ut ad auditorum omnia sensum, & intelligentiam proveniant; Itaque vibratam illam, & operosam Musicam, quæ figurata dicitur, auferri placet, quæ sic in multitudinis auribus tumultuatur, ut sæpè linguam non possit ipsam loquentem intelligere. Tum auditores etiam ipsi sint in opere simul cum Clericis & Ministris certas divinarum officiorum particulas canentes, in quibus Psalmi primum erunt, annumerabitur fidei Symbolum, & gloria in excelsis, decem solemnia præcepta, cæteraq; huiusmodi præcipua religionis capita, quæ maximum in communi fide nostra pondus habent: hiis enim piis divini cultus exercitationibus & invitamentis populus seipsum eriget, ac sensum quandam habebit orandi, quorum si nullæ nisi auscultandi partes sint, ita friget & jacet mens, ut nullam de rebus divinis vehementem & seriam cogitationem suscipere possit.

¶ *Ordo servandus in Parochiis urbanis.*

Cap. 6.

EAdem Parochiarum in urbibus constitutarum erit omnis ratio, Festis & Dominicis diebus, quæ prius Collegiis & Cathedralibus Ecclesiis (ut vocant) attributa fuit, nisi quòd concionandi partes antemeridiano tempore, si fieri potest, obibuntur, aut Homilia saltem Concionis locum occupabit, deinde cœna Domini sumetur. Temporibus autem pomeridianis concio solis in Cathedralibus Ecclesiis instituetur, aut huiusmodi convenientibus locis, ad quam ab omnibus undiq; concurrere volumus. Itaq; manè Parochiarum ministri suum populum commonefaciant

ut

ut ad id se præparent. Sed in frequentissimis & celeberrimis urbibus, ubi magnus est Parochiarum numerus, & immensum inter eas intervallum, & spissæ populorum catervæ, pomeridianis concionibus propter Parochiarum situs & hominum abundantiam locum concedimus.

¶ *De Cæna Domini sumenda. Cap. 7.*

HOc erit omnium Ecclesiarum commune, quod nisi gravis aliqua causa postulet, Cœnam Domini solum in Dominicis diebus & ad aliquam Domini propriam memoriam spectantibus sumetur: & nec eo quidem tempore procedi sinimus, donec legitimus numerus se obtulerit illorum qui Domini cœnæ participes erunt. Qui verò communionem accepturi sunt, pridè debent in præsentia ministri se collocare, tempus ut sumere possit ad excutiendas illorum conscientias, & cum illis ut agat, si quid ab illis improbè vel superstitiosè gestum fuerit, in quo Ecclesiæ communis aliqua fuerit offensio: Deinde fidem etiam illorum exploret, ut vel inscitiam illorum corrigat, vel contumaciam terreat, vel dubitationem confirmet. Nam ad sacrosanctam Domini mensam nemo debet assumi, cujus fides omnibus partibus perfecta non sit. Itaq; si quis ex illis, qui se ad Domini mensam præparant, in aliqua religionis parte vacillet, aut conscientia sanciatâ sit, liberum aditum ad Ministrum habeat, & ab illo consolationem & levationem ægritudinis capiat, & si plenè se Ministro probaverit, si opus fuerit, solvatur.

¶ *Deficiente Cæna Domini quid faciendum. Cap. 8.*

Si mensæ Domini legitimus convivarum numerus defuerit, nullâ potius quàm solitariâ esse volumus: sed Minister ingrata & impiam populi negligentiam acriter objurgabit,

jurgabit; quòd ab usu saluberrimi pretiosissimique Sacramenti se removeant, nec ullo modo convenire solus ut in convivio, propter multos instituto, sedeat, sed has à Domino singulares animorum delicias, ad Christianam quandam omnium communitatem piorum relictas fuisse docebit: quòd si divinissimum hoc mentis pabulum immani scelere contemnant, vel horribili ingratitude deferant, suam nullam, sed illorum maximam & flagitiosam esse improbitatem; à se quidem omnia suppeditata esse, coelestis ut iste cibus expediretur, angique se vehementer quòd illorum barbarus, & prophanus vel stupor, vel fastus epulas tam pias & necessarias distulerit, & se ab illis maximopere contendere, proximumne Diem Dominicum ullo modo prætermittendum existiment. Præterea pauperum illis causam diligenter commendet, ut illorum necessitates sublevent.

¶ *Pomeridiano tempore quid faciendum sit.*

Cap. 9.

Pomeridiani temporis horam primam Minister explicando Catechismo tribuat, & in ea re vel integram horam ponat, vel aliquid eo amplius, si videbitur, modò concioni non sit impedimento quam in Ecclesia Cathedrali populus expectabit; omnino enim illam præteriri non placet aut destitui. Catechismum pertractet vel ipse Parochus, vel ejus vicarius, & magnam in eo diligentiam adhibeat, summam enim utilitatem & præstantem usum habet in Ecclesia Dei frequens inculcatio Catechismi, què non solum à pueris edisci, sed etiam ab adolescentibus attendi volumus, ut in summa Religionis erudiantur, & puerorum piam assiduitatem sua præsentia cohonestent. Catechismo concluso, statim succedat Baptismus, si qui fuerint ad id præparati pueri.

¶ *Pre-*

¶ *Precibus vespertinis ratio collationum & disciplina succedunt.* Cap. 10.

Confectis precibus vespertinis, ad quas ab omnibus post concionē in propriis Ecclesiis attendendas concursus erit, principalis Minister, quem Parochum vocant, & Diaconus, si fortē præsentes fuerint, vel absentibus illis, Ministri vicarius & seniores cum populo rationem pecuniarum ineant ad pios usus sepositarum, quomodo possit rectissimē collocari, & ad idem tempus disciplina reserve- tur: quorum enim publica fuit aliqua perversitas, quæ communem in Ecclesia offensionem incurrerit, ad peccatorum cognitionem revocentur, & eorum poenas publicē dent, ut Ecclesia illorum saluari correctione conformetur. Deinde Minister cum senioribus nonnullis secedens consilium capiet, quomodo cæteri, quorum pravi mores esse dicuntur, & flagitiosa vita depræhenditur, primū fraterna quadam charitate juxta Christi præscriptum in Evangelio conveniantur à sobriis & frugi viris, quorum monitis si se ipsi correxerint, Deo gratia diligenter est habenda: quod si perrexerint in scelere, poenarum ea sunt acerbitate compræhendendi, quam Evangelio videmus illorum contumaciæ præparatam esse.

¶ *Excommunicatio quomodo sit exercenda.* Cap. 11.

QUum autem Excommunicationis fulmen vibrandum erit, primū Episcopus adeatur, & ejus intelligatur sententia: qui si consenserit, & auctoritatem suam apposuerit, Excommunicationis formula corā universa peragatur Ecclesia, disciplinam ut in eo veterem, quantum fieri potest, introducamus.

¶ *Ecclesiarum rusticarum ritus.* Cap. 12.

IN Ecclesiis rusticanis Festorum dierum matutinis temporibus Homiliam in Communionem intexi volumus,
O pome-

pomeridiano tempore descendetur ad Catechismum, ad quem ab illis etiam qui grandiores sunt attendi placet, & explicationē Catechismi relegamus ad Vicariū. Principalis autem minister, quem Parochum dicimus, post conclusum Catechismum statim ad populum concionabitur, & illa finita preces vespertinæ succedent, & ad extremum adicientur disciplinae & procurationes nummorum publicè collectōrum.

¶ *In Sacellis sacra non sunt tractanda.*
Cap. 13.

Nolumus in Sacellis, nisi singularis quædam necessitas urserit, administrari Sacramenta, nec reliquam in illis adhiberi sacrorum officiorum rationem, quoniam ita futurum esset ut proprias homines Ecclesias destituerent, & in solitudine relinquerent. Convenientissimum autem est fidei nostræ communitati, singulas oves ad proprios pastores sevocari, separatimq; ab illis omni pietatis & divini cultus adjumenta requiri.

¶ *In Privatis domibus Communio non celebrabitur.* Cap. 14.

Communionis officium in domibus separatim non instituetur. Nam sæpe fit ut in angulis privatarum ædium errores & pestilentes opiniones insusurrentur, & ita sæpenumerò contingit, ut sacrosancta Dei cœna, quæ singularis est per se amoris, & conjunctionis, & charitatis testis & nota, quum in secessus privatarum ædium distrahatur, non solum omnem propriam amittat & insitam vim, sed etiam hominum immani scelere degeneret in litis occasionem & discordiæ.

Quid

¶ *Quid in agrotis & familiis nobilium
teneri debeat. Cap. 15.*

AGrotantibus tamen & vehementer debilitatis, Cœnam Domini flagrantibus negari nolumus. Principibus etiam & honoratis personis, quorum affluens in ædibus & copiosa multitudo, quibusque non licet ipsis, occupatione publica distractis, in cōmunibus Ecclesiis versari Cœnam dominicam domi percipere licebit, & omnem ibi reliquam sacrorum officiorum rationem cum domestico Ministro pertractare. Proviso, quod hoc privilegium nullam communis Ecclesiæ Pastoris utilitatem impediat.

¶ *Quæ communiter in omnibus Ecclesiis
observanda sunt. Cap. 16.*

Diligens autem in primis cautio semper adhibeatur in Ecclesiarum omni genere, tum etiam in nobilium hominum familiis, denique locis universis in quibus sacra peraguntur Officia, ne quicquam contra præscripta procedat, & formulas illius libri nostra communi lingua scripti, quem proprium & perfectum omnis divini cultus judicem & magistrum esse jussimus: qua in re quicumque peccaverint, Ecclesiasticorum judicum arbitratu poenas culpæ magnitudini pares sustinebunt. Si quæ verò alia incurrent vacua tempora, præter hæc quæ nos posuimus divini cultus, visitatione & consolatione debiliū, ægrotarum, & afflictarum personarum cujuscunq; generis, & reliquis hujusmodi charitatis muneribus ea consumantur. Ad hæc accedat institutio domesticorum, disciplinæ labor, & opera lectionis, & omnino talis in summa Festorum temporum partitio sit, ut universa in meditatione tractationeque rerum sacrarum & divinarum abeant.

DE ECCLESIA, ET MINISTRIS ejus, illorumque officiis.

¶ *De Edituis.* Cap. I.



Aedituus parochiarum alatur stipendio: Hujus erit pueritiam omnē parochiæ suæ sibi oblatam in Alphabeto & Catechismo vulgari lingua informare, ut pueri cognoscere incipiant & quid sit credendum, ac quomodo orandum, ac bene beateque vivendum. Qui autem id facere recusaverit, & per duos menses officium hoc suum neglexerit, per Episcopum aut loci illius Ordinarium, semel atq; iterum admonitus, amoveatur. Porro si Parochiani consuetum stipendium vel subtractum, vel imminutū detineant, censura Ecclesiastica ad id præstandum per Episcopum aut loci illius ordinariū cogantur. Sin autē stipendii summa videbitur Episcopo nimium exigua, ejus erit pro arbitrato suo, amplitudinis parochiæ ratione habita, ex parochianorū sumptibus facere auctiorē. Et hujus etiā munus est tēpla purgata conservare, Biblia sacra, & Paraphrasin, ac reliquos libros Ecclesiæ, ne vel lacerentur vel corrūpantur, diligenter curare: campanas, quibus populus vel ad conciones vel ad preces publicas evocantur, vel quādo pro agente animā orandum est, vel gravis alioqui ratio aut necessitas humanorum casuū urget apto tempore pulsare; vestes, & pocula, & alia quævis ornamenta sacris usibus assignata, ut pura, & nitida sint prospicere: & si quid sit vel vetustate confectum, vel casu detritum, vel necessitate aliqua immutandum, Gardianos ejus rei in tempore admonere: aquam ad Baptismum adhibere: panem & vinum ad Sacrosanctā cœnam Domini celebrandā præparare, ac pastori tam in conjugio

jugio celebrando, quàm in cura & visitationis & funeris, & reliquis sacris functionibus omnibus, continentèr ministrare, & studiosè inservire. Quibus in officiis tuendis si parùm diligens depræhendatur, Parochi & Gardianorū erit, eum ad munus suum aut revocare, aut alium, cum semel atq; iterum admonitus fuerit, in ejus locum substituere. Et ad eosdem, Parochum inquā & Gardianos pertinebit, cum munus hujusmodi vacaverit, idoneum ad illud assumere. Qua electione si cōsenserint, ipsorū judicio res definiatur.

¶ *De Oeconomis sive Gardianis Ecclesiarum & sacellorum. Cap. 2.*

REs omnes in templo necessarias Oeconomi parochianorum sumptibus parabunt: sic Ædituo tradent, ut omnino provisum sit ne quid detrimenti Ecclesiæ bonis adferatur: populum Dei sic in ordinem redigent, ut cum aut precationes publicæ, aut conciones verbi Domini, aut lectiones sacræ in Ecclesia fiant, utq; dum aut injunctiones nostræ, sive Episcopi, aut statuta aut mandata quæcunque recitentur, aut sacramenta Domini ministrentur, prorsus nullus audiatur in cœtu obambulantium, altiùs legentium, precantium vel loquentium, aut quoquo modo aliter obstrepentium, tumultus. Quod si quispiam Concionatori in Ecclesia obstrepere, aut Presbytero ministranti obsistere, aut ordinem quemcunq; à nobis in Ecclesia institutum impedire ausit, Gardianorum erit eum ab Ecclesia extrudere, nec illi reditus ad Ecclesiam nisi per Episcopum concedetur. Episcopi verò debent censura quavis Ecclesiastica tanquam freno injecto, præfractos ejusmodi majorem ad morum gravitatem & modestiam contorquere, & Gardianos, nisi id fecerint, Ecclesiasticis pœnis devincire. Gardiani à parochianorum majori parte eligentur, ac singulis annis circa Festum Natalis Domini rationem pastori, ac parochia-

parochianis acceptorum & expensorum reddent. Et quoniam penes se detinent Ecclesiæ supellectilem, quæq; ipsi ab aliis qui ante se fuerunt in eo munere acceperunt, integra & illibata successoribus consignata relinquant. Et confectis rationibus si quicquam apud illos æris Ecclesiastici resideat, per censuras Ecclesiasticas id omne, citra Festum Paschæ proximè futurum, cogantur restituere. Gardianorum officium per parochianos impositum qui recusaverit, primo quoq; tempore decem solidos, secundo viginti, tertio quadraginta, ad Ecclesiæ operas persolvat. Ad visitationem ordinariam quamcunq; vocati si non accesserint & officium suum præstiterint, arbitratu visitoris punientur.

¶ *De Diaconis.* Cap. 3.

Diaconus erit patronus pauperum, ut languidos confirmet, soletur vinctos, inopes juvet, eritq; pater orphanis, patronus viduis, & solatiū afflictis & miseris, quantum in illo est, omnibus. Nomina etiam pauperum Parcho diligenter deferet, ut ejus suasu Ecclesia tota permota necessitatibus illorum prospiciat, ne mendicantes latè fratres obambulent, eodem & cœlesti patre nati & pretio redempti. Pastoribus suis, à quibus adsciti fuerint in sacris precationibus & officiis perpetuò adsint. Lectiones ex verbo Domini quotidianas populo recitabunt, & si quando necessitas incumbat, concionabuntur, & Sacramenta (modò id Episcopi aut Ordinarii permissione faciant) administrabunt. His officiis nisi diligenter eos invigilasse per Presbyteros Ecclesiæ demonstratum sit, Episcopi illos ad altiorum gradum non promoveant.

¶ *De Presbyteris.* Cap. 4.

IN Presbytero mores eluceant à D. Paulo descripti ad Timo. 3. & ad Titum primo. Gregem Dei sibi commissum verbo vitæ subinde nutrant, & ad sinceram tùm Deo tùm

tum Magistratui ac in dignitate positis obedientiam assidue eliciant, & ad benevolentiam mutuam Christianos omnes sedulo invitent. Non sint Compotores, non Aleatores, non Aucupes, non Venatores, non sycophantæ, non otiosi, aut supini, sed sacrarum literarum studiis & prædicationi Verbi & orationibus pro Ecclesia ad Dominum diligenter incumbant. Nullus expers conjugii, mulierem sexaginta annis natu minorem in ædibus sinat diversari, nisi sit ejus mater, aut amita, aut matertera, aut soror. Presbyter quivis Biblia sacra habeat propria, non Anglicè modò, verum etiam Latinè: veltis sit decens, & gravis, quæ Ministrum deceat, non militem, juxta arbitrium Episcopi.

¶ *De Archipresbyteris sive Decanis ruralibus. Cap. 5.*

DEcanatus quilibet Archipresbyterum rusticorum habeat, vel ab Episcopo vel Ecclesiæ Ordinario præficendum. Munus autem ejus erit annuum. Hic tanquam in specula Presbyteris, Diaconis, Gardianis, & Aedituis, ut singuli quæ ad eorum munus attinent præstent, perpetuo invigilabit. De Idololâtris & hæreticis, de Simoniacis, de lenonibus & meretricibus, de adulteris & fornicatoribus, de his qui duas uxores simul habent atque maritos duos, de Magis & veneficis, de calumniatoribus & Blasphemis, de Sodomiticis & ebriosis, de ultimarum voluntatum corruptelis & perjuriis, de injunctorum aut nostrarum aut Episcopi violatoribus, inquiret. Et vocandi ad se, examinandi horum scelerum suspectos auctoritatem habeat. Omnem accusationis ortum, sive per famam publicam, sive deferentium testimonio probatum, vel suspectum, Episcopo aut ejus loci ordinario infra decem dies in scriptis proder. Qui autem venire ad eum recusaverit, per Apparitorem vocatus, tanquam

quam contumax censebitur : Episcopi voluntatem omnibus ejus Decanatus Ecclesiis sibi per literas significatam, quanta poterit celeritate subinde exponi curabit : alioqui subibit supplicium contemptus. Officii sui sexto quolibet mense Episcopum aut loci Ordinarium certiore faciet, quot in ejus Decanatu conciones eo temporis spatio fuerint habitæ.

¶ *De Archidiaconis. Cap. 6.*

Archidiaconus sit proximus post Episcopū & ejus vicarium minister Domini, salvo tamen jure Decani quod ad Cathedralē Ecclesiam spectat. Ac propterea sit Presbyter, & in perpetuis excubiis, ut qui in functionibus sunt inferioribus diligenter suū officium faciant. Sint itaq; oculi Episcopi. In Archidiaconatū resideant, concionentur, pascant, visitent. Quæ si non præstiterint, nisi justam Episcopo reddiderint causam, ab eo censuris & pœnis Ecclesiasticis ad hujusmodi trudentur officia. Annis autem singulis bis, aut ad minimum semel Archidiaconatum suū perlustrabit. Archipresbyteros, & inferiores reliquos Ministros omnes non solum suorum admonebit officiorum, sed rationem etiam ab eis repetet, & de Templorum ac ædificiorum ruinis, & de thesauri pauperum distributione, & de bonorū Ecclesiæ vel accessione vel decessione. Quod autem sive in his rebus, sive in illis quæ ad Archipresbyteri explorationem referuntur peccatum erit, per censuras Ecclesiasticas corrigetur. Ipse si se rectè non gerat, ab Episcopo castigandus pro meritorum ratione est : Archidiaconus etiam ante viginti dies post visitationem ejus absolutam, omnes populi querelas, omnes offensiones, omnes inferiorum Ministrorum errores, omnem deniq; actionum suarū seriem Episcopo deferet, ut per eum, tanquā per oculi organum, quid rectè, quid secus, per universam Diocesin geratur

ratur Episcopus videat. Et inter cætera illius erit Episcopo diligenter significare, quænam in diocesi parochiæ sint, ubi miseris, egenis, & ægrotis non subveniatur, prout in Parliamenti constitutionibus nuper decretum est; ut ad officium sedulò ac diligentius faciendum, cum ordinarij, tum concionatorum monitionibus acrius incitari possint.

¶ *De Ecclesiis Cathedralibus.* Cap. 7.

Ecclēsia Cathedralis sit sedes Episcopi. Fundatorum statuta jam abhinc antea recepta retinebunt pura & integra, quemadmodum verbo Dei non adversantur, & nostris constitutionibus de religione vel editis vel edendis non repugnant. Hic Episcopum visitare, morum vitia emendare, flagitiosos punire, & apertè reluctantes de loco dejicere, fas esto.

¶ *De decanis.* Cap. 8.

Decani quoq; cum in clero amplam dignitatem & locum honoratum in Ecclesia sortiantur, presbyteri sunt, viri graves, docti, & magna prudentia insignes: Cathedrales Ecclesias juxta illarum constitutiones regant: Collegio tum canonicorum tum aliorum Clericorum Ecclesiæ majoris præsent, neque disciplinam labi sinant; provideantque summa diligentia, ut in sua Ecclesia sacri ritus ordine ac juxta ratione peragantur, utque omnia ordine ac convenienti gravitate ad fratrum utilitatem fiant: ut Archidiaconi foras, sic illi domi, hoc est, in Ecclesia Cathedrali & ejus Canonicis & clericis, Episcopo sint adjumento, quasi duo ejus membra utilissima & necessaria. Quare neque decani abesse debent à sua ecclesia, sine maxima & urgentissima causa per proprium Episcopum approbanda.

¶ *De Præbendariis.* Cap. 9.

Præbendariorum erit non modò sacris Ecclesiæ Cathedralis interesse, ac ea vicissim juxta constitutiones

collegii peragere, sed etiam efficere ut in suo collegio per doctum virum & peritum theologum sacrarum literarum interpretatio suscipiatur, atque id ter in hebdomada frequentetur. Hoc verò munus ipsi per se obeant, aut si quem ad id conduxerint, viginti libras annuatim suppeditent, si-ve ex communibus collegii proventibus, si-ve ex fructibus singularum præbendarum; aut, si commodius hoc videatur, certam quandam præbendam huic muneri addictam perpetuo habeant. Decanus item, & præbendarii, concionem habeant in Ecclesia Cathedrali singulis dominicis diebus, nec ab ea neq; à Theologica lectione licebit cuiquam Ecclesie Cathedralis clerico (si domi fuerit) abesse. Si verò absit, stipendii unius multa feriat, nisi Decano, vel si absit, ejus vicario, causam absentiae suæ probaverit.

¶ *De Episcoporum gradu, ac dignitate in Ecclesia. Cap. 10.*

EPiscopi, quoniam inter cæteros Ecclesie ministros locum principem tenent, ideo sana doctrina, gravi auctoritate, atque provido concilio, debent inferiores ordines cleri, universumque populum Dei, regere ac pascere, non sanè ut dominantur eorum fidei, sed ut seipsum verè servos servorum Dei exhibeant, sciantque auctoritatem & jurisdictionem Ecclesiasticam non alia de causa sibi præcipuè creditam esse, nisi ut suo ministerio & assiduitate homines quam plurimi Christo jungantur, quiq; jam Christi sunt, in eo crescant & exædificentur, atque si nonnulli deficient, ad pastorem Christum Dominum reducantur, & per salutarem poenitentiam instaurentur.

¶ *De obedientia Episcopis exhibenda. Cap. 11.*

OMnes in Ecclesia cum pacè sectari debeant, & ad concordiam quantū licet incumbere, Episcopo qui Ecclesie

clesiæ præficitur, non solum Decanus, archidiaconus, archipresbyter, & reliqui ministri parebunt, sed omnia etiam Christi membra ejus curæ commissa sic ad ejus se voluntatem accommodabunt, ut & in his quæ juxta verbum Dei præcipiunt, & in illis etiam quæ mandabunt ad Christianam disciplinam, & ad nostras Ecclesiasticas leges pertinentia, paratissimè morem gerant.

¶ *De variis & multiplicibus Episcopi muneribus. Cap. 12.*

Verbi Dei sanam doctrinam cum primis tum per seipsum, tum per alios, Episcopus tradat in sua Ecclesia, quanta diligentia & sedulitate fieri potest: sacros ordines oportuno tempore conferat: sed nemini, vel mercede conductus, vel temerè manus imponat: idoneos ministros ad Ecclesiastica beneficia instituat: indignos verò, ubi graves causæ ac morum perversitas id requisierint, submoveat, & ab Ecclesiæ administratione dejiciat: Ecclesiæ testimonia & querelas de suis pastoribus audiat: rixas inter ministros & Ecclesias subortas componat: vitia, & contaminatos mores, censuris Ecclesiasticis corrigat: edicta ad meliorem vivendi formam præscribat: eos qui pertinaciter & obstinatè reluctantur, excommunicet: poenitentes verò in gratiam recipiat: diocesim totā, tam in locis exemptis quàm non, tertio quoque anno visitet, & consuetas procuraciones accipiat: ut verò aliis temporibus, quoties visum fuerit, visitet propter novos casus qui incidere possint, ei liberum esto, modò suis impensis id faciat, & nova onera stipendiorum aut procurationum ab Ecclesiis non exigit: statis temporibus annuatim synodos habeat: Illi quoque sit curæ ut in Catechismo instructos certo anni tempore confirmet: testamenta quoque approbet.

De Ecclesia, & Ministris ejus,

Episcopis curæ sunt, quæ ad eos ex Dei præscripto spectant, & nostræ leges Ecclesiasticæ illorum cognitioni & judiciis commiserunt.

¶ *De familia Episcopi. Cap. 13.*

Quemadmodum necessarium est ut Episcopus sit gravibus & sanctis moribus ornatus, ita quoque familiam ejus gravem, modestam & sanctam esse oportet, & quantū officia domestica patiuntur verbi Dei studiosam, quoniam potest Ecclesiæ Dei ad varias oportunitates esse utilis: nam ex illius domo, tanquam ex thesauro, sunt depromendi viri qui muneribus Ecclesiasticis præfiantur. Et cerè apud Episcopum (si fuerit is qui decet esse) dogmata fidei probè ac solidè cognoscere poterunt, & Ecclesiæ regendæ illius exemplo magnam scientiam colligere. Caveat autem ne otiosos, vanos, impudicos, aut aleatores nutriet. Alioquin si domui suæ præesse non novit, quomodo Ecclesiam Dei curabit? Et sacellanos habeat circa se concionatores, qui non tantum sacram Scripturam disseminent, rusticanorum negligentiam & cessationem explentes, sed qui etiam ad illud munus obeundum alios ex familia, quantum ingenio quisque contendere potest, instituant. Hæc sanè una est ratio inter alios subveniendi tantæ inopiæ bonorum atque fidelium Ecclesiæ ministrorum. Sic instituta fuit Augustini domus, & cæterorum patrum qui populo Christi sancti præfuerunt. Sint adhuc uxores Episcoporum nequaquam leves, otiosæ, voluptatibus implicatæ, ne pretiosè nimis exornentur. Nam his rebus pii homines mirum in modum offenduntur, & impii Evangelicæ doctrinæ insolenter insultant. Et quod est positum in uxoribus, ad filios etiam & ad filias attinet. Quæ verò compræhendimus isto præsentidecreto de uxore, liberis, & familia Episcopi, pertinere volumus eadē æquabiliter ad decanos, archidiaconos, canonicos,

cos, parochos, & cæteros Ecclesiæ ministros. Et in summa vetent omnē superbiam, fastum, luxū, & ineptias omnis generis, quibus eorum prædicatio & autoritas minui possit.

¶ *De collegiis Episcoporum curæ in Academia commissis.* Cap. 14.

AD hæc nonnulli Episcopi habent aliqua collegia scholasticorum defensionis atq; tutelæ suæ commissæ. Ideo necessarium est, ut ea quàm diligentissimè curent, nam ibi quoq; Ecclesia habet suorum ministrorum alterum seminarium. Videant igitur diligenter, ut præfecti salubres in sacra scriptura, & sinceræ doctrinæ retinentes sint, eamq; inter socios collegii sui dilatent, hostes maximè pertinaces reprimendo & coercendo. Nam si hoc faciant, & ex altera parte studiosos Evangelicæ pietatis tueantur, sublevent, & juvent, brevi spatio temporis collegia perpurgabuntur. Non sinat Episcopus in huiusmodi collegiis lectionē theologicam, si qua ibi sit, intermitteri. Neq; ad illam pariatur admitti prælectorem, qui aut alienam doctrinam profiteatur, aut sit nutantis & incertæ sententiæ. Exploret an iustus numerus Theologorum in collegio servetur. Inspiciat interdum qui eorum proficiant, qui sint ignavi, ut sciat quos & quot ministros possit habere paratos cum necessitas Ecclesiæ postularit.

¶ *De residentia Episcoporum.* Cap. 15.

NEc etiam ullo modo Episcopi à suis Diocesibus aut Ecclesiis debent abesse, nisi causa Ecclesiastica eos abducatur, vel maxima reipub. necessitas. Et ubi in Cathedrali Ecclesia confederint, parum convenit ut Dominicis diebus in suis sacellis officia sacra tractent, vel ipsis intersint. Potius eant ad Cathedralem Ecclesiam, ibi vel ipsi concionentur, aut concionantem audiant, & sacramenta in

communione vel ipsi ministrent, vel cum aliis percipiant. Sic enim coram eis res gravius gerentur, & conventum sacrum præsentia sua ornabunt.

¶ *De coadjutoribus dandis.* Cap. 16.

Quemadmodum Episcopi ministris inferioribus, cum jam vel propter morbum desperatum, vel propter senectutem, Ecclesiam ministrare diutius non possint, adiutores apponere debent: sic etiam illis ob eandem causas ab Archiepiscopo dabuntur, modò noster consensus interveniat. Et sicut ipsi possunt in sua Diocesi ministros pravos, gravibus causis id postulantibus, loco movere, ita ipsi sciant se, si corruptam doctrinam tradiderint, ac pertinaciter defenderint, aut Ecclesiam flagitiosis & dissolutis moribus offenderint, neq; moniti resipuerint, auctoritate nostra deponendos fore, & ab Ecclesia submovendos.

¶ *De Archiepiscopis.* Cap. 17.

Omnia quæ de Episcopis constituta sunt, ad se pertinere Archiepiscopi quoq; ipsi agnoscant, & præter illa munus eorum est in sua provincia Episcopos collocare, cum à nobis electi fuerint. Utque totius provinciae suæ statum melius intelligat Archiepiscopus, semel provinciam suam universam, si possit, ambibit & visitabit; & quoties contigerit aliquas vacare sedes Episcopales, Episcoporum locos non modò in visitatione, sed etiam in beneficiorum collocatione, & omnibus aliis functionibus Ecclesiasticis, implebit. Quin & ubi Episcopi sunt, si eos animadvertat in suis muneribus curandis, & præsertim in corrigendis vitiis tardiores & negligentiores esse, quàm in gregis Domini præfectis ferri possit, primùm illos paternè monebit; quòd si monitione non profuerit, illi jus esto alios in illorum loco collocare. Appellantium etiam ad se querelas

querelas causasque audiet & judicabit. Episcopi suæ provinciae, si qua de re inter se contenderint aut litigarint, iudex & finitor inter eos esto Archiepiscopus. Adhæc audiet & judicabit accusationes contra Episcopos suæ provinciae: Ac denique si ullæ contentiones aut lites inter Episcopum & Archiepiscopum ortæ fuerint, nostro iudicio cognoscantur & definiantur. Archiepiscopi quoque munus esto Synodos provinciales nostro iussu convocare.

¶ *De Synodis. Cap. 18.*

SI contigerit in Ecclesia gravem aliquando exoriri causam, quæ sine multorum consilio Episcoporum haud facile possit finiri, tum Archiepiscopus, ad cuius provinciam ea causa pertinet, suos Episcopos ad provinciale consilium evocabit. Nec eorum quisquæ recusabit venire, modo valetudine adversa non impediatur; quod si morbo gravatus fuerit, alium pro se mittat, qui & suam excuset absentiam, & de his quæ tractabuntur pro se respondeat & definiat. Verum consilia hæc provincialia sine nostra voluntate ac iussu nunquam convocentur.

¶ *De Synodo cujuslibet Episcopi in sua Diocesi. Cap. 19.*

Quilibet Episcopus in sua Diocesi habeat Synodum, in qua cum suis Presbyteris, parochis, vicariis, & clericis, de his agat rebus quæ pro tempore vel constituenda sunt vel emendanda. Etenim aptissima profectò medicina Synodus est ad castigandam negligentiam, & tollendos errores qui subinde in Ecclesiis per diabolum & malos homines disseminantur; fietque ut per hujusmodi Synodos conjunctio & charitas inter Episcopum & Clerum augeatur & servetur. Nam ille suos Clericos propius cognoscet &

& alloquetur, atq; illi vicissim coram eum audient, & quando rei natura postulabit interrogabunt.

¶ *De tempore & loco Synodi Episcopalis. Cap. 20.*

Singulo quoq; anno Synodus ab Episcopo indicetur, curretq; diem conditam omnibus pastoribus qui sunt in agro per Decanos ruri sparsos indicari; sua verò in civitate, per concionatorem Ecclesiæ Cathedralis, & Schædas foribus affixas, diem hujusmodi pervulgari mandabit, toto mense priusquam Synodum instituat. Liberum verò ei sit quemcunq; diem voluerit ad id accipere post Dominicam secundam quadragesimæ. Et nihilominus prævideat ut parochi & vicarii tam maturè possint redire, ut die Dominica palmarum à suo populo non absint. Locum verò in Diocesi deliget sibi Episcopus, quem omnibus qui accessuri sunt judicaverit esse commodissimum. A Synodo verò nulli ex clericis abesse licebit, nisi cujus excusationem Episcopus ipse approbaverit. Et ipse cum primis præsens adesto Episcopus, & (quemadmodum par est) Synodo præsit: quem si gravissima causa fortassis abesse coegerit, ejus loco Synodo præsit Archidiaconus.

¶ *De forma habenda Synodi. Cap. 21.*

Ad locum quem Episcopus assignaverit die condita clerus adsit, & manè hora septima ad templū conveniat, primumq; in medio templo preces quæ Litanie vocantur solemniter decantabuntur. Deinde Archidiaconus, vel Episcopus ipse, si adsit, concionabitur, idq; lingua materna, nisi aliter causa legitima suaserit. Concione verò absoluta, communio celebrabitur, qua peracta, Episcopus ad locum aliquem interiorē cum toto clero migrabit, exclusis omnibus laicis, hiis exceptis quos ipse manere jusserit,

jusserit, omnibusque ordine confidentibus maxima cum gravitate summaque pace de his agetur, quæ maximè necessaria visa fuerint.

¶ *De rebus in synodo Episcopali tractandis.*

Cap. 22.

SI qua corruptio veræ doctrinæ obrepserit, coarguatur. In scripturis quæ cum animarum offensione perperam exponuntur, juxta fidei orthodoxæ convenientiam explicentur, & quæ fortassis non intellecta conscientias perturbant, fideliter excutiantur, & declarentur. Ceremoniæ impiæ & superstitiosæ, si quæ illapsæ sint, auferantur. Ecclesiastica querele atque controversiæ audiantur, & quantum tempus feret, definiantur. Et inquiretur quam diligentissime an ritus omnium sacrorum officiorum juxta formam à nostris legibus præscriptam in Ecclesiis instituantur. Et in summa quæcunque ad utilitatem populi Dei visa fuerint pertinere, integra fide, ac singulari diligentia tractentur. Ibi de quæstionibus rerum controversarum interrogabuntur singuli presbyteri. Episcopus verò doctiorum sententias patienter colliget, neque dicentes, quoad finem fecerint, ab ullo assidentium sinat temere interturbari: nam (ut inquit Apostolus) Deus non est confusionis Deus, sed pacis.

¶ *De Synodo concludenda.* Cap. 23.

Non permittat Episcopus ad multos dies proferri Synodum, sed illi quæ primum fieri possit finem imponat, quia neque pastoribus neque gregibus conducit ut à se diu utrinque disjungantur. Sententiam itaque feret de litibus & querelis quæ illo brevi spatio temporis definiri poterunt. Alias quæ cognitione longiori opus habent, aut alio tempore ad suum tribunal judicabit, aut per archidiaconum cum Septembri mense ad visitandum diocesim pro-

Q

fici-

ficiscetur, quid decreverit, significabit. De quæstionibus quæ ad doctrinam & ceremonias spectant Canones partim tunc publicè proponet, partim archidiacono visitaturo publicè proponendos committet. Decreta verò illius & sententias vel in Synodo per ipsum, vel per archidiaconum in visitatione divulgatas, inferiores ministri ut validas & firmas retinebunt. Quòd si quid in eis vel injustum, vel absurdum contineri arbitrati fuerint, id ad Archiepiscopum deferant, cuius erit, ab Episcopo constitutum, decretum, aut sententiam vel confirmare vel emendare, ita tamen ut qua parte illa non correxerit archiepiscopus, vigorem suum & robur retineant. Episcopus itaque in synodo suis promulgatis decretis atq; sententiis, ad curam & sollicitudinem commissi gregis clerum adhortabitur, & cum pace & spiritu Domini eorū quemq; ad suas ecclesias reverti jubebit.

DE ECCLESIARUM Gardianis.

Gardianorum munera hæc sunt, nempe Ecclesiarum bona, jura, debita & legata petere & administrare: adulteros, scortatores, incestuosos, obloquutores, divinatores, hæreticos, simoniacos, perjuros, & alios gravi infamia notatos in parochia morantes, vel delinquentes, ac in Ecclesia vel cœmeterio rixantes sive pugnantes, necnon eos qui divinis precibus, cultui sacro, vel divinis mysteriis, diebus dominicis & festivis, nullis propediti legitimis impedimentis, interesse noluerint, loci ordinario denunciare: alios verò inter divina in Ecclesia tumultuantes, & confabulatione vel strepitu sacra mysteria perturbantes, duabus vicibus ut silē-
ant

ant adhortari. Quòd si eorum, vel unius eorum hortatibus non quieverint, infra mensem id loci ordinario, vel per se ipsos, vel per literas, aut à rectore aut à vicario subscriptas, significari curabunt. Quæ crimina sic per gardianos delata & legitimis modis probata, pœnis ordinariorum judicio infligendis puniri volumus absque dilatione.

Præterea ad gardianos spectabit cancellæ, mansionum & domorum ad rectorem, vicarium, præbendarium, collegii vel hospitalis magistrum spectantium ruinas, & cæterarum rerum dilapidationes, defectus, & curatorum seu ministrorum negligentias, & errores loci ordinario significare: Necnon Ecclesiæ parochialis navem, turrin, campanas, libros, & alia ecclesiæ ornamenta, ac sacræ scripturæ sententias parietibus inscribendas, de pecuniis ecclesiæ, quoties opus fuerit, reparare, vel ut fiant procurare, nec nō cœmiteriū clausura decenti cingere. Et si ecclesiæ pecuniæ ad præmissa perficienda sufficere non valeant, licebit eis, cū consensu quatuor graviorum parochianorū per eos ad hoc deligendorum, collectam singulis parochianis, modò se ipsos ante alios ad justam portionem solvendam obligent, pro ratione facultatum imponere. Quòd si parochiani collectam hujusmodi ad diem per eos constitutum solvere distulerint, seu contumaciter recusaverint, & per gardianos loci ordinario dilati fuerint, ad solvendam collectam hujusmodi cum expensis moderatis per censuras ecclesiasticas erunt per ordinarium compellendi.

Pecunia in pauperum cista piorum largitione reposita, ad festa Nativitatis Domini & Pentecostes, ac aliis temporibus, si necessitas postulaverit, per gardianos prædictos, de consilio rectoris, vicarii, vel parochi, & aliorum quatuor ex primoribus parochiæ per eos ad hæc vocandorum, inter pauperes parochiæ aut in alios pios usus, prout necessitas

postulat fideliter distribuatur. Gardiani ad ordinariorum visitationes, synodos, & capitula vocati, ut suarum administrationum rationem reddant, si necesse fuerit, & peccata in in parochiis in quibus degunt commissa referant, per se ipsos comparere non detrectent.

Si verò gardiani in denuntiandis, vel reparandis præmissis, vel in aliquibus aliis faciendis quæ ad ipsorum officium spectabunt, negligentes extiterint, & loci ordinario per facti evidentiam, famam publicam, vel alicujus fide digni relationem constiterit aliquid in parochia corrigendum esse aut reformandum, id (multatis ante omnia gardianis negligentibus pœna pecuniaria arbitrata suo pauperum cistæ parochiæ illius persolvenda) ordinarius ipse ratione sui officii, licet à nullo instigetur, si voluerit, corrigere & reformare poterit.

In capellis verò ultra unum milliare ab ecclesia parochiali distantibus, eodem modo & forma gardianos eligi & creari volumus atque si in parochiis, paremque per omnia potestatem exercere valeant, & pœnis similibus subiaceant. Capellas verò ab ecclesiis parochialibus ultra unum milliare non distantes (nisi incolæ per inundationem aquarum ecclesiam parochialem multoties adire non valeant) penitus sublatas esse volumus, & ad ecclesiarum parochialium usum omnia illorum bona converti.

¶ *De parochiarum limitatione.*

SI in foro ecclesiastico de finibus parochiarum sit contentio, ea per judicem ecclesiasticum, testibus & aliis probationibus legitimis terminabitur. Et quo magis parochiarum limites omnibus semper innotescant, decernimus ut singulis annis minister ecclesiæ cum gardianis & aliis quatuor viris per gardianos nominandis, in hebdomada

Pente-

Pentecostis totam parochiam circumeant, limitesq; & terminos pervideant, observentq; præsentis antiquos singularum parochiarum fines, in libroq; cōscribi faciant quem in Ecclesiæ cista tutò reponent. Et si minister, vel alius ex prædictis, huic nostro decreto contumax & inobediens unquam reperiatur, simulatq; de ejusmodi inobedientia visitatori aut alii judici cuicunq; idoneo constiterit, in decem libris mulètabitur communi Ecclesiæ scrinio persolvendis : Ecclesiæ quæ per fructuum exilitatem idoneum ministrum sustentare nequeant, per locorum Episcopos de consensu patronorum (salvis nobis decimis per Ecclesiam cui fuerit adjuncta annuatim solvendis) vicinioribus Ecclesiis uniri, & annecti permittimus. Quòd si patronus Ecclesiæ annectendæ prædictæ unioni consentire noluerit, tantum de suo patrimonio impertiat Ecclesiæ indigenti, quantum ad sufficientem sustentationem idonei rectoris, vel vicarii sufficere videatur, & ad id per loci ordinarium compellatur; latas insuper & spatiosas parochias, in quibus magna parochianorum pars ultra quatuor miliaria ab Ecclesia parochiali distare dinoscitur, dividi & separari per locorum ordinarios volumus, & inter diversos rectores, vel vicarios distribui, ut magis expedire visum fuerit, salvis semper nobis Ecclesiæ decimis prius taxatis, ac patroni Ecclesiæ jure conservato.

¶ *De scholis habendis in Ecclesiis Cathedralibus. Cap. 1.*

UT verbi Dei cognitio retineatur in Ecclesia, quod absq; linguarum peritia vix fieri potest, ut inscitia inter nostros homines, & præsertim ministros Ecclesiæ non regnet, doctrina deinde quæ donum spiritus sancti est ut quàm latissimè propagetur, & deniq; ut felicitiora ingenia literarum institutione nutriantur & crescant, volumus

ut quælibet Ecclesia Cathedralis per universum nostrum regnum scholam habeat, ut pueri, qui prima jam elementa præceptorum labore perdidicerunt, in scholis publicis deinceps erudiantur. Atq; Decano & capitulo erit curæ, ut vel ex communibus Ecclesiæ redditibus, vel ex propriis fructibus præbendarum, singulo quoque anno viginti libræ numerentur ludi-magistro, aut, si hoc fieri non possit, certa aliqua præbenda ad hoc destinetur, ut integri ejus fructus scholæ præceptori cedant: qui licet à suis discipulis nullam mercedem capiat, non tamen prohibebitur à ditioribus accipere, si quid obtulerint, à pauperioribus nihil omnino sumet, cum maximè ad eorum inopiam sublevandam in Ecclesiis hoc ipstitutum servari decrevimus.

¶ *A quo scholæ præceptor sit diligendus.*

Cap. 2.

EXaminatio & admissio ludimagistri ad Episcopū pertineat, quamvis in aliquibus Ecclesiis fortassis aliter fuerit hætenus constitutum. In eo verò probando hæc imprimis observentur. Sit in Evangelica doctrina sincerus, moribus integris, vita gravis, grammatices & humanarum literarum peritus, atque valetudine tam firmus, ut docendi labores ferre valeat. Quæ si deesse viderit Episcopus, aut si prius quidem ad tempus affuerint, postea vitiata esse & corrupta intellexerit, oblatum sibi ad munus docendi non admittet, aut jam admissum submovebit.

¶ *De visitatione scholæ.* Cap. 3.

Bis tinoquoq; anno loci ordinarius puerorum progressus in studiis explorabit, atq; tunc ingenia quæ videbuntur ad literas nimis inepta, excludet, libros parùm idoneos doceri non sinet, sed utiliores præscribet; præceptorem

rem verò ignaviæ aut nimix cessationis suspectum coram Decano, vel eo absente, Vicedecano, & duobus Præbendariis, arguet. Quod si bis frustra fecerit, tertio delinquentem loco movebit.

¶ *Quæ in arbitrio sunt ludimagistri quoad scholam regendam. Cap. 4.*

Rationem docendi servabit præceptor quam ad ingenium & indolem puerorum judicabit esse commodissimam, tot lectiones habebit quot esse utiles existimaverit, pro conditione ac progressionem scholasticorum distinguet classes. Reliqua verò docendi, interrogandi, repetendi, stylum exercendi, tempora sic dispertiet, quemadmodum ratio videbitur illorum eruditionis, & ingenii postulare.

¶ *Quæ institutio Grammatices retinenda sit. Cap. 5.*

Mandamus etiam, ut in singulis scholis non alia ratio Grammatices in usum assumatur, quam quæ jam olim à nobis proposita fuit & approbata.

¶ *De Catechismo ante omnia tractando. Cap. 6.*

Statim post primorum perceptionem rudimentorum, singuli discipuli Catechismum Latinum discant, neq; ad sedes prius transferantur sublimiores, quam ad Catechismi quæstiones respondere valeant.

¶ *Quid in schola sit agendum in primo ingressu matutino, & postremo egressu vespertino. Cap. 7.*

Quamprimùm hypodidasculus aut ludimagister ingreditur manè in scholam, recitabunt omnes discipuli simul clara voce lingua vernacula duodecim capita fidei, orationem

rationem dominicam, & decem præcepta legis, & ad finem cuiusq; præcepti dicent, Domine miserere, & hæc nostris suggere cordibus, atque hoc itidem sub noctem facient priusquam scholam egrediantur.

¶ *De cura in discipulos diebus festis.*

Cap. 8.

Dominicis autem & festis diebus convenient pueri manè ad scholam, atque inde à ludimagistro ad templum deducantur, ac illic sub ejus custodia maneant, quoad sacra fuerint absoluta: idemq; pomeridiano tempore fiet, quando vel ad Catechismum, vel ad vespertinas preces eundum erit: sic enim cavebitur ne pueri temere à sacris absint, neve in templo strepant, aut discurrant dum sacra peraguntur.

¶ *De ætate puerorum admittendorum in scholam.* Cap. 9.

Cum pueri sunt in scholam recipiendi, non sint minores octo annis, neque natu majores quatuordecim.

¶ *De conditionibus admittendorum discipulorum.* Cap. 10.

Nullus puer in scholam recipiatur, qui non possit Anglicè apprimè legere, atq; Catechismum Anglicè editum memoriter recitare atque suum nomen propria manu scribere. Puer item qui non habet novum Testamentum Anglicum ne admittatur. Nam ludimagister curare debet, ut dominicis diebus in eo se pueri ad annum exercent. Quod idem fiet post annum in novo Testamento Latinè conscripto. Cætera verò de ludimagistris & puerorum institutione à statutis Ecclesiæ cathedralis petantur, si qua ibi sint, modò his nostris legibus non repugnent.

DE ACADEMIIS, ET PRIMUM de præfectis Collegiorum.

CAP. I.

Curent fundatores, ut præfecti posthac sint presbyteri, veramque religionem colant, & sanam doctrinam omnibus modis amplificent, & unoquoque anno singuli præfectorum in ecclesia academiæ propria aliquando concionentur.

¶ *De justo scholasticorum numero in Collegiis retinendo. Cap. 2.*

Scholasticorum præscriptus numerus à statutis non imminuatur: qui tamen si quando vel annonæ nimia difficultate, vel alia quapiam necessitate maxima retineri non poterit, attamen in theologica facultate omnino plenus & integer serveretur.

¶ *Scholasticorum negligentia coerceatur. Cap. 3.*

Qui Theologiæ aut aliis generibus doctrinarum sunt addicti, si lectiones ad suam facultatem pertinentes tum publicas, tum sui collegii privatas neglexerint, parte sui annui stipendii ad arbitrium præfecti collegii mulctentur, nisi valetudine adversa impediatur.

¶ *De Theologis admittendis ad gradus. Cap. 4.*

Quando Scholastici, Theologi, vel Baccalaurei, vel doctores creabuntur, de capitibus in religione controversis diligenter interrogentur, neque ad hos gradus admittantur, nisi legitimam veramque intelligentiam in capitibus

bus propositis & sermone & subscriptione velint agnoscere.

¶ *Ut in Academiis non commorentur qui
habent sacerdotia. Cap. 5.*

IN Academiis & collegiis non remaneant, qui sacerdotia sunt affecti quibus animarum cura conjuncta est, cum illorum ad pascendum gregem sibi commissum præsentia requiratur. Quia tamen primitiæ ab eis solvendæ sunt, primi anni respectu cum fuerint socii collegiorum, inde tantum emolumentum accipiant, quantum eis datur ad anni totius impensas sustentandas, si in collegiis adessent. Qui verò præbendas nacti fuerint absque cura animarum, si primitias cogantur solvere, primo anno impensis collegii sui vivere poterunt, deinde suis Ecclesiis inservire cogantur, nisi fortasse ab Episcopo & capitulo suo potestatem impetraverint commorandi ad aliquod tempus in Academia, ut in capitulis de admittendis ad Ecclesiastica beneficia, & de præbendariis antea cautum est; quo tempore suis ipsorum vivent impensis, neque à collegiis impensas accipient, cum illis aliunde prospectum sit.

¶ *De adiuvandis scholasticis pauperibus.
Cap. 6.*

Providendum est etiam ut ex legatis ad pias causas, & ex eleemosynis extraordinariis aliquid subinde scholasticis pauperibus distribuatur, his præsertim qui operam suam ecclesiastico ministerio addixerunt, & præter sui collegii stipendium nihil habent, quod est sæpenumero admodum tenue; quoniam si rationibus his non foveantur, & excitentur illorum studia, facile suas voluntates ad alia detorquebunt, & ecclesia ministris aptis destituetur.

DE DECIMIS.

¶ *Decimas esse solvendas. Cap. 1.*



Quoniam Dominus noster Iesus Christus hanc ipse legem sancivit, ut qui doctrinam inter homines Evangelii conferunt, ex docendi labore præsidia vitæ metant, & eiusdem Domini nostri testificatione, digni sunt mercede quicumque sunt in opere; porro divinum jus scriptum bovi trituranti cum os obligari non sinat, nobis exemplum divinæ clementiæ repetendum est, & validè videndum, ne vel nimia nostrorum hominum avaritia, vel negligentia fiat, ut ecclesiarum nostrarum ministris iusti & convenientes fructus ex sanctissimorum occupatione munerum non suppeditentur.

¶ *Decimæ prædiales quomodo solvi debent. Cap. 2.*

Itaque auctoritate nostra constitutum sit, ut omnes singulique subditi nostri, locis & temporibus designatis & legitimis, decimas omnium rerum ex prædiis provenientium ministris seponant, sive fœnum sint sive fruges qualescunque quorumcunque locorum, sive crocus, sive canabis, sive linum, sive sint olera, vel arborum fructus, vel aliæ cujuscunque generis ex fundis utilitates exortæ; semper enim quamcunque rationem aut conditionem hæ commoditates habeant, decimas universorum integrè & expletè rebus ex ipsis exemptas, eadem specie qua priùs ex fundis colligebantur, ministris repræsentari placet exceptis robustis & proceris arboribus quæ vicesimum ad annum excreverint, & ædificiis aut melioribus reservatæ propositis, ad focum non præparantur. Ex molendinorum fructibus, ex cespitibus, carbonibus effossis, ex lapidicinis, & aliis omni-

bus hujus generis oportunitatibus decimæ sevocentur ad ministros. Similiter ex pascuis, vel cæteris quibuscunque terris, decimæ ministris eximantur, in quas equi, juvenci, boves, effœta quæcunque animalia sunt missa. Decimæ deriventur etiam ex fœcundorum animalium quibuscunque fœtibus aut fructibus: & in hoc numero sunt, exempli causa, vaccæ, sues, oves, equæ, cygni, gallinæ, anseres, columbæ, cuniculi, damæ, pisces, apes, & alia paris conditionis animalia. Fructus ex iisdem animalibus, butyrum, caseus, lac consideratum suæ naturæ, cum nec in butyrum nec caseum infunditur, lana, vel cera, quibus quidem ex fructibus universis, non minus quam ex ipsis fœtibus decimas plenè & particulatim, nullo nec dolo nec astutia, volumus ad ministrorum utilitatem secerni.

Denique totum jus decimarum ex omnibus & ex singulis prædiorum commodis & oportunitatibus percipiendarum, ad rationem & formam in Parlamento præscriptam quod anno secundo & tertio Regni nostri celebratum est, determinari volumus, & iisdem modis & pœnis procedere, quæ definita sunt in nominati Parlamenti tertio decimo capite. Quod Parlamenti decretum, & ejus singula verba ac sententiæ præsentem ad concludendam decimarum causam auctoritatem firmam & prorsus inviolatam habebunt, non minus quam si fuissent huc infusa, nisi fortè sit in illis aliquid hujusmodi quod cum præsentibus his legibus nostris manifestè pugnet: verùm illa Parlamenti decreta quoniam omnes decimarum repræsentandarum formulas in se non compræhendunt, & multæ dubitationes in hanc quotidie causam decimarum incidunt, de quibus in Parlamento nihil determinatum fuit, ad minuendas quæstiones istas curavimus intexi quæ sunt ordine consequutura.

¶ *Animalium decima annua quomodo juxta numeri rationem solvatur.* Cap. 3.

SI cuiquam obvenerint tantum sex vituli, vel pauciores sex, pro singulis vitulis duos denarios respectu decimæ ministro pendat: si septem erunt, unum ministro segregabit, & minister vicissim sex denarios æqualitatis constituendæ causa, personæ refundet à qua vitulum accepit. Eodem modo cum octo vituli fuerint, unus eximetur ministro: sed ille rursus cum quatuor denariis exuberantem decimam compensabit. Si verò novem vituli reperiantur, vitulum accipiens, duos tantum denarios minister exhibebit. Quod si decimarum malit plenum beneficium minister expectare, nec suo jure velit uti, donec legitimus decem vitulorum numerus expletus sit, commodum dilationis, ut multis in rebus jure Civili constitutum est, aliqua ex parte feret, hoc est, cum tempus legitimi numeri venerit, uno aut duobus exceptis, ex reliquis sumet decem vitulis quem voluerit. Et eandem illos rationem sequi volumus in pullis equinis, & consimilibus. De agnis verò, cygnis, & aliis animalibus quibuscunque; quorum similis est æstimatio, pro singulo quoque denarius ultro citroque dabitur cum pauciora quam decem fuerint. In cæteris autem minutioribus animalculis quæ tam exile momentum habent ut illorum decimæ certa ratione non possint iniri, consuetudini locorum stari debet. Qui tales animantes alienaverit priusquam ab illis decimæ percipiantur, decimam pretii partem ministro concedat. Cum autem possessor vel ad usum illa familiæ suæ peremerit, vel amiserit casu, tantum pro decimis minister feret quantum loci consuetudo postulabit.

¶ *Divisio decimarum qualis sit.* Cap. 4.

SI fortè contingat ut equi, boves, & illius generis animalia, quæ jus decimarum superioribus nostris legibus efficiunt,

ciunt, ab unius parœciæ pascuis in alia dimigrent, æquabilem decimarum partitionem inter illorum locorum ministros esse volumus, in quibus animalia se pabulo sustentaverunt, in ita temporum in utriusq; pascuis consumptorum iusta ratione. Sed in hoc partitionis jure nolumus ex ovibus quicquam pro decima exigi à pastore, nisi triginta dies in illius parochia resisterint. Quod si fines ac limites parochiarum in quibus oberrant animalia incerti sunt, & liquere non possit quem ad locum jus decimarum infundi debeat, aut tempore colligendarum decimarum, non constet alteri parochiæ justè satisfactum fuisse in qua prius fuerant, illius loci ministro decimas adjudicari placet, in quo comprehensa sunt animalia legitimo decimarum tempore. Cum autem communia duabus aut pluribus parochiis pascua sunt, in quibus sparsim animalia degunt, aut si terræ vastæ sint & publicum usum habentes, quas nostro sermone dicimus *waste grounds*, in quibus nullum sit proprietatis jus ullius certæ parœciæ, aut quando talis est vicinarii parœciarum inter se pascuorum communicatio, mutuis vicibus in illis pascuorum jus obambulet, certis anni temporibus humano quodam & commodo suæ propinquitatis respectu, tum segregetur ad illum locum decimarum jus in quo possessor animalium inhabitat.

¶ *Decima rerum alienatarum quomodo recuperetur. Cap. 5.*

Multi decimarum vitandarum & eludendarum causa, vitulos, agnos, oves, & cæterarum rerum fructus inter liberos, cognatos, & necessarios spargunt, priusquàm legitimum tempus decimarum advenerit. Quorum astutia quoniam Ecclesiarum nostrarum ministros iniquum est circumveniri, libertatem illis damus in hujusmodi decimarum

marum injusta divisione vel à divisoribus ipsis decimas integras jure repetendi, vel ab his qui fructus ab illis acceperunt.

¶ *De commodis quæ proveniunt à sacris ritibus.*

Cap. 6.

OMnes oblationes, fructus, & utilitates quæ solent ex ritibus matrimoniorum, levatarum puerperarum, funerum, & bonis defunctorum, & aliis quibuscunq; religiosis officiis, ad ministros Ecclesiæ Anglicanæ venire, non adversante consuetudine locorum, & præscripta constitutione à nobis prius ad has res accommodata, maxima fide volumus ad ministros affundi: quique deliquerint in hoc genere satisfactionis, illorum ab ordinario plectatur avaritia, donec officium plenè præstiterint.

¶ *De jure vicariorum.* Cap. 7.

Vicarius quoniam habitat in parœcia, & in illius curam sedulo incumbit, decimas, oblationes, pensiones, jura, fructus Ecclesiasticos, omnis generis, quæ vel à primo illius muneris fundamento, vel ex pacto, consuetudine, vel temporis beneficio, quod præscriptionē vocant, jure vindicare potest, accipiat. Et illi præterea generatim omnia largimur, quæ spatio decem annorū ante nostram divulgationem istarum legum sine contentione percepit & controversia. Nec vel pastor, nec quisquam alius, illum ab illorum possessione depeilet. Deinde terras exaret, si quas ad arandum aptas habet, nec decimas ex illis ullas repræsentabit, sive pastori ipsi, sive cuicunq; alteri.

¶ *Quando minister Ecclesiæ ex proventibus Ecclesiæ ali non potest.* Cap. 8.

Pastor cum exilitate fructuum necessitates suas cōmodè sustentare non potest, siue contingat illorum scelerata

rata cupiditate qui decimas illi subtrahunt, aut præcidunt, five quod tam minutæ sunt decimæ & fructus, ut etiam si justè persolverentur, minimè illum possent alere, suam in huiusmodi pastorum difficultatibus pietatem Episcopus & auctoritatem interponat, ut illis & illorum familiis possit convenienter prospici. Quod expediri sic poterit, si vel Episcopus omnibus necessitatem imponat pastoribus in causâ decimarum, & aliorum fructuum justè satisfaciendi; quod si adhuc satis non fuerit, hominibus parœciæ suadeat pro viribus, ut è facultatibus quæ suppetunt præter decimas tantum sponte attribuant, quantum necessarium esse videbitur. Atq; hiis viis si non proficitur, tertia reperiatur minutorum aliquot sacerdotiorum quæ sunt in propinquis locis in unum corpus, & unam Ecclesiam conjungendi, quo pastor rem suam familiarem bene alere, & nutrire possit. Sin verò ministri qui eguerint, vicarii fuerint, tum Episcopus illos adhortetur qui quacumq; causa fructus Ecclesiarum possident, viam ut aliquam reperiant, inopem vicarium, ac ejus familiam, quantum satis erit, sublevandi.

¶ *De decimis colligendis in aliena parochia.*

Cap. 9.

SI quis aliena parœcia certum locum ad decimas colligendas, aut certam decimarum portionem sibi præscriptione legitima vendicat, ei præcipimus, ne ullo prætextu alium quempiam locum ad colligendas decimas, neve alias decimas in illa parœcia usurpare audeat.

¶ *Parœciæ solvendas decimas, non sacello.*

Cap. 10.

SI fortè sacellum aliquod in parochia situm fuerit, oblationes, decimæ, ceteriq; fructus Ecclesiastici non derivabun-

rivabuntur in facellum, sed in parœciam confluent. Si tamen quicquam secus rite convenerit, æquum est ut fides pactorum servetur.

¶ *De locis qui sunt à decimis liberi.* Cap. II.

PRO agris, fundis, & loco quocunque sive hæreditario jure, sive quavis alia justa ratione possideatur, decimas persolvere nemo cogatur, si loca hujusmodi per leges, constitutiones hujus Regni, legitima privilegia, seu præscriptionem, & justa pacta à decimis libera & immunia fuerint, modò ea de re fides ecclesiastico judici evidenter fiat.

¶ *Consuetudo compensationis tenenda.*
Cap. 12.

QUIBUS locis consuetudo fuit ut pro decimis aliæ res subministrarentur, eandem posthac teneri placet, si æqualis pro decimis compensatio fiat.

¶ *Decimæ prædiales & personales quibus solvenda.* Cap. 13.

DECIMÆ prædiorum, hoc est, quæ ratione prædiorum aut fundorum debentur, in illas parœcias immigrabunt, in quarum finibus prædia vel fundi constiterint. Decimæ vero personarum, hoc est, quæ personarum ratione sumi debent, & oblationes omnes, in illas parœcias commearunt, in quibus personæ decimas conferentes inhabitant, & rerum divinarum, & sacramentorum participes fiunt, nisi vel privilegio, vel longi temporis consuetudine secus observatum fuerit. Cum autem de prædiorum finibus ambigitur, quæ ad parœciam propriè spectent, episcopus ad illam ecclesiam fructus convertat decimarum, ad quam æquitate credit eas & jure pertinere.

¶ *Solvendas esse decimas personales, juxta consuetudinem urbis London.* Cap. 14.

Magnam indignitatem habet à tenuibus & laboriosis agricolis decimas annuas Ecclesiarum ministris suppeditari, mercatores autem opibus affluentes, & viros scientiarum & artificiorum copiis abundantes, nihil ferme ad ministrorum necessitates conferre, præsertim cum illis ministrorū officio non minus opus sit, quam colonis. Quapropter, ut ex pari labore par consequatur merces, constituimus ut mercatores, pannorum confectores, & artifices reliqui cujuscunque generis ac omnes qui scientia vel peritia quaecunque lucrum percipiunt, hoc modo decimas persolvant: pro domibus nimirum atque terris quibus utuntur & illarum ratione decimas prædiales non solvunt, quolibet anno dabunt annuæ pensionis decimam partem.

¶ *Proprietarii quomodo decimas solvent.* Cap. 15.

Quod si mercator, aut artifex, aut qualiscunque negotiator, aut scientia vel peritia se sustentans, proprietatis jus vel in ædibus habet in quibus inhabitat, vel in terris circumfufis, quibus ad mercaturam, artificium, vel peritiam utitur, hanc cum illis rationem iniri volumus, ut ex una parte minister, & ex altera parte possessor, singuli singulos arbitros sumant, & arbitri sumpti definiant quanti domus & terræ sint, & quo pretio locari possunt, & illius pretii decimam à possessore minister accipiet. Et inter duos arbitros si forte conveniri non possit, ordinarius illius ecclesiæ proprius tertium assignet virum gravem, & hujusmodi controversiarum callentem, & quod illi videbitur id in hoc negotio teneri placet.

¶ *Decimas utriusque generis solvendas esse.* Cap. 16.

Mercatores autem, artifices, & reliquæ personæ quas diximus, cum decimas personales contulerint ea forma

ma quam ante posuimus, illas tamen prioris generis quas prædiales vocant adjicient. Nam si domini sint agrorum, ovium, vaccarum, aut aliorum hujusmodi commodorum quæ superioribus nostris legibus decimarum jus efficiunt, pro illorum respectu ministris plenè volumus satisfieri.

¶ *Causa decimarum inter ipsos ministros non progredietur.* Cap. 17.

Quoniam ecclesiarum ministri summa debent inter se charitate conjungi, pacatamque vitam & tranquillam degere, magnum habet dedecus, ut propter decimarum fructus turpissimis altercationibus, & immanibus etiam impensis inter se conflictentur. Ut igitur hujusmodi morum labes, & perniciofa discordiarum exempla tollantur & exterminentur, hanc decimarum causam nullo modo patimur inter ministros ipsos confitere, nec unus illorum ab altero decimas ullorum respectu ecclesiasticorum fructuum excipiat.

¶ *Consuetudo non solvendi decimas invalida sit.* Cap. 18.

Cum decimæ omni humano jure sine aliqua diminutione solvendæ sint, & saluatoris nostri Christi pastoribus ubique terrarum debeantur; Et cum pluribus in locis propter non solutas decimas animarum curam habentibus, adeo exigui pretiū, ut ex eo nequeant congruè sustentari, relinquatur; itaq; fiat ut pauci inveniantur pastores qui ullam & modicam habent peritiam sacrarum literarum, cumque inter cætera quæ ad salutem populi Christiani spectant, pabulum verbi Dei maximè noscatur esse necessarium, osq; bovum ligari non debeat triturantis, sed qui altari servit, de altari vivere debeat; statuimus, ut consuetudine qualibet non obstante, integræ cujusque rei decimæ solvantur, omnemq; contrariam consuetudinem irritam esse decernimus.

¶ *De pensionibus. Cap. 19.*

QUoniam pensiones quæ ad illos deferuntur quia aliis suis cedunt sacerdotiis, solent ignaviam illorum & avaritiam nutrire, qui laboris expertes lucri participes esse volunt, huiusmodi fucos aliorum sudores depascere non feremus. Itaque nullum cuiquam censum huiusmodi annum relinquimus, nisi cuius vel propter morbum, vel propter senectutem habenda sit ratio: quæ cum occurrunt impedimenta, proprius illorum locorum Episcopus adeatur, is tantum constituet pensionem quantam æquam esse putabit, quam summa fide successor persolvat. Sed ætas & valetudo quam diu ferent, omnino nullum à sacerdotio ministrum discedere patimur, alioqui nullum ex relicto sacerdotio fructum cujuscunque generis jure vendicabit. Vicarii, quoniam in laboribus parœciæ assidue versantur, & tenuis proventus ad se alendos & familiam plerumque habent, par est ut omni genere pensionum solvendarum eximantur. Statuimus itaque ut nullus pastor, patronus, aut quivis alius ab eis posthac nomine pensionis annuæ quicquam omnino exigat.

DE VISITATIONIBUS.

¶ *Cur Ecclesiæ visitandæ sunt. Cap. 1.*

ARchiepiscopi, archidiaconi, denique reliqui quorum interest, & qui jus ecclesiasticum dicere possunt, ecclesias suas visitent, & considerent, & solemnes ac visitatos in illis coetus in tempore celebrent, ut populus illorum curæ commissus salu-

salubriter à pastoribus & ordine gubernetur, & ut affiduis ac piis ministrorum officiis Ecclesiarum ipsarum status rectè conservetur.

¶ *Quæ sunt in visitationibus querenda.*

Cap. 2.

HÆc autem in statis hujusmodi congressibus potissimum quærantur : an sacræ Scripturæ diligenter & sincerè pertractentur : an apta sit & recta sacramentorum administratio : deinde disciplina qualis Ecclesiarum sit, & quantum habeat roboris : ac postremò formulæ publicarum supplicationum an rectè & tempestivè conserventur : & an cætera ritè peragantur universa, quibus Ecclesiarum procuratio continetur.

¶ *Forma visitationis.* Cap. 3.

JAm ut ista faciliùs procedant, universa multitudo, quemadmodum usitatè fieri solet, maximèq; videbitur convenire, in unum aliquem locum congregetur, & interpositis syndicorum & aliorum juramentis solennium testium, crimina diligentissimè pervestigentur personarum omnis generis, quæ ad jus pertinent Ecclesiasticum, & cùm plenè fuerint intellecta, justas legibus pœnas dent, & acerbum ab illis supplicium capiatur.

¶ *Quæ sint, & à quibus præstanda.*

Cap. 4.

DEinde providendū erit, ut qui beneficiis Ecclesiasticis utuntur, omnes domos ad se pertinentes emendent, & reconcinnent, hoc excepto, quòd superiorum in Ecclesiis locorum, quæ cancella vocantur, instaurationem & refectionem non ad vicarios devolvi, sed ad rectores ipsos perpetuò referri volumus : Reliquæ verò templorum partes his qui in parœcia habitant, tuendæ corrigendæque

relinquentur: præterea cœmiteriis undiq; communiendis, vasis & instrumentis omnibus Ecclesiasticis perpurgandis, & suo in loco collocandis invigilabunt.

¶ *Punienda in syndicis negligentia.*

Cap. 5.

Videndum etiam erit an in rebus fidei suæ commissis justè sint & diligenter versati. Quiq; non paruerint, aut officio functi non fuerint in omnibus illis causis quas antè posuimus, in excommunicationis pœnam incidunt, aut ordinarii puniantur arbitratu.

¶ *Solvendam visitationibus justam mercedem.*

Cap. 6.

Quoniam autem labor præmio carere non debet, Archiepiscopus si provinciam, vel Episcopus Dioecesim, vel Archidiaconus proprias sui muneris Ecclesias, aut alii suas, quocunque præfectorum Ecclesiasticorum nomine censeantur, visitent & perlustrent, & cætus ibi solennes & usitatos habeant, reliquosq; visitationis legitimos ritus adhibeant, omnibus fruantur emolumentis, quæ pertinent ad communem hujusmodi negotiorum administrationem. Nec in hoc genere quicquam minuatur illorum quæ vel consensu, vel consuetudine, vel quacunque legitima ratione solebant ad illos deferri. Et ut hac in re facilius sit progressio, si qui negligent, aut nolint hujusmodi mercedem expedire qualem visitationis munus postulat, potestas erit his qui visitandi labores obeunt, beneficiorum fructus segregare, reliquamq; omnem impedire utilitatem, imo verò pœnas etiam alias Ecclesiasticas expromere, donec sibi fuerit ab illis satisfactum.

¶ *Pri-*

¶ *Privilegia locorum exemptorum moderanda.*

Cap. 7.

QUoniam libertates & immunitates Ecclesiasticas licentiosam videmus sæpenumero afferre peccandi securitatem, volumus ut Episcopis liceat in omnia collegia, societates, & cætus, quæ quidem in Diocesibus illorum constiterint, quantumcunq; privilegiis præmuniantur, inspicere, pœnasq; peccatis illorum assignare, non solum communibus visitationum, sed omnibus aliis temporibus, cum magnitudo criminum postulabit; & eandem Archiepiscopus in sua provincia potestatem habebit.

¶ *Pœna peccatorum in collegiis, & huiusmodi cætibus, unde proficisci debeat.*

Cap. 8.

CUicumque tamen hoc peculiare jus tribuitur, quod prærogativum vocatur, ut in aliquo collegio, vel certo cujuscunque generis cætu separatim juris dicendi potestatem habeat, & in coercendis maleficiis sit fas ei jure suo uti, ita tamen ut disciplinam vel Archiepiscopi, vel Episcopi non impediat. Quapropter hanc rem ita moderamur, ut si primum ille de suorum criminibus judicaverit, ejus sit omnis illorum castigatio, nisi reus illam appellatione vitaverit. Si verò peccata prius ad Episcopum vel Archiepiscopum perferantur, & illi cœperint causam cognoscere, illorum judicio stari placet. Et hanc sanè cautionem in solis criminum controversiis dijudicandis ita teneri placet, ut cætera immunitatis jura & consuetudines inviolata & salva remaneant.

¶ DE

DE TESTAMENTIS.

¶ *Quid sit Testamentum. Cap. 1.*

Testamentum est nostræ voluntatis, & perfectæ mentis definita sententia de rerum nostrarum post mortem collocatione, quoad nominat & instituit certum hæredem qui nunc executor vulgò dicitur. Testamenta verò quisquis vel universa retexit, vel ullam illorum partem quacunque ratione sciens violat, anathemate percutiatur, & ex communitate Christianæ societatis exturbetur.

¶ *De testibus adhibendis. Cap. 2.*

Testamentum legitimis testibus cōmunitum sit, & hii nominatim ponantur, ipse minister, & Ecclesiæ syndici quos gardianos appellant, aut duo vel tres assistantur viri spectatæ probitatis & exploratæ fidei, aut deniq; Testamentum ipsum manu testatoris, & duorum vel trium testium.

¶ *De testamento nuncupativo. Cap. 3.*

Si quis ex vita subito migraverit, trium probatæ fidei testium consensus accipietur, licet testamentum scriptis mandatum non sit. Et in utroq; testamenti genere, tam scripto, quam sermone testatoris excepto, quod nuncupativum vocant, satis erit si testamenti sui testator hæredem nominaverit.

¶ *Quod testamentum valere debeat.*

Semper hoc teneri placet, ut omnis authoritas ad postremum testamentum accommodetur, & quæcunque sunt antegressa pro nullis habeantur, nisi certarum in illis positarum rerum testator apertè jusserit in postremo testamento ratio-

rationem haberi. Quod si contigerit, illæ solum res consistent, de quibus separatim testator cavet.

¶ *De Codicillis.* Cap. 5.

Quoniam sæpe contingit, ut perfectio conclusioque testamento, multa testatori veniant in mentem de quibus in testamento non præcaverit, & quæ vehementer ad illud apponi velit, propterea concedimus ut ista posteriora non minus habeant roboris, quàm ea quæ sunt in testamento collocata, si literis illa custodiri providerit, aut à præsentibus duobus aut tribus probatæ fidei testibus petat, ut illa velint attestari.

¶ *Quo tempore liceat contra testamentum agere.* Cap. 6.

Si quis contra testamentum in iudicio quicquam afferre velit, vel id interponat cum tempus est comprobandi testamenti, vel anni spatio tempus hoc consequentis. Si verò longius expectat, excludatur causa, nisi fortè vel ætatis excusationem, vel longinquæ peregrinationis, ut de testamento nihil audierit, afferre & probare possit. Has autem excusationes ita volumus definiri, primum quibus ætas est impedimento, tum demum illos audiri placet, cum grandes erunt & ad agendum maturi. Primum autem ætatis legitimæ sument annum: quem si prætermiserint, agendi jus universum amittant. Qui verò mare transmiserint, hiis post reversionem sex menses indulgemus: cujus beneficio temporis si non utantur, illis etiam actio nulla relinquetur.

¶ *Quibus liceat vel non liceat testamentum facere.* Cap. 7.

Omnes cujuscunque sexus vel conditionis sint, potestatem habebunt testamentorum instituendorum, nisi fuerit in his aliquid, quod præsentibus his legibus nostris

adversetur. Illos autem principio summovemus, qui sui juris non sunt, sed in aliena potestate detinentur, quales sunt nominatim uxor, servus, liberi minores annis quatuordecim, deinde furiosos non admittimus, nec mente captos, nisi fortè sanitatis hujusmodi tempora quædam intercurrent, in quibus ratione res suas moderari possunt. Arceantur præterea qui nec fari ipsi possunt, nec aliorum sermones intelligere, nec cogitationes suas literis mandare, nisi nutibus & signis utantur tam evidentibus & perspicuis, ut idonei testes afferri possint illorum certæ voluntatis & indubitatae sententiæ. Porro nec hæreticis testamentorum libertatem concedimus, nec his qui mortis vel exilii perpetui, vel sempiternorum vinculorum sententiam acceperunt. Careant etiam hoc beneficio qui concubinas ante extrema non dimiserint tempora. Fœminarumque ex altera parte similis sit pœna, quoties similis est causa; quas ad personas annumerentur, qui duas uxores eodem tempore compræhenderint, vel fœminæ duos maritos sumentes, nisi legitimum in priore persona divortium antegressum, posterioris jus conditionis firmum effecerit. Ablegentur etiam quicumque famosorum damnati sunt scriptorum, quomodocunque compositorum, qui meretriciam vel lenoniâ exercitarint, nisi publicas publicorum criminum pœnas subierint. Ad extremum & fœneratores, aut (ut crassissimè vulgari modo loquamur) usurarii, nisi fortè vel usuras refuderint, vel de refundendis plenè caverint, aut propter illas aliqua ratione alia integrè satisfecerint. His igitur omnibus positis personis, nec testamenti componendi, nec hæredem instituendi jus erit. Et generatim hoc intelligendum erit, testatorum illam esse conditionem excutiendam & sequendam quæ jam morientium, non quæ longè antè testantium fuerit.

¶ *Quomodo qui communi jure testamentum condere non possunt, tamen ad pias causas legata relinquunt. Cap. 8.*

AD extremum vitæ tempus qui concubinam asservant, vel duas retinent uxores, itidem mulieres quarum similis pravitās est, ad pias causas bona sua possunt accommodare. Similiter qui meretriciam vel lenoniam publicè exercuerint aut fœneratores fuerint, nec ad bonam frugem unquam se revocaverint, tamen si piis officiis extrema voluntate sua quicquam impendant, honestas has, etiam in malis personis, cogitationes valere placet.

¶ *Quæ sint piæ causæ. Cap. 9.*

AD pias autem causas hæc annumerantur, quum aliquid ad victorum levationem, ad pauperum recreationē, orphanorum, viduarum & afflictarum omnis generis personarum sustentationem confertur, nominatim & maxime quum ad puellarum tenuiū nuptias, ad scholasticorum in Academiis degentium nuditatem propellendam, ad publicarum viarum refectionem quippiam testamento designatur. Quum autem quicquam superstitiosè potiùs quàm piè legatum fuerit, Episcopus auctoritatem suam interponat, ut legatum pias in causas distribuatur.

¶ *Qualis distributio bonorum esse debeat, vel ex Testamento vel ab intestato. Cap. 10.*

BONORUM vel testamento collocandorū, vel sine testamento relictorum, hujusmodi partitio sit. Qui conjugem & liberos habet, tertiam bonorum partem ad uxorem segreget, liberis deinde suam tertiam assignet, & adhuc tertiam quæ superest portionem arbitrarij suo collocet. Quod si decesserit sine testamento, suas æquales tertias habebunt

uxor primum, deinde liberi, reliquam verò solam administratores tertiam partem dispartient. Quòd si proles testatori defuerit, apud uxorem dimidia bonorum pars resideat, & quod erit reliqui, quomodo voluerit de eo constituat. Et si moriens testamento destitutus fuerit, hoc idem reliquum in administratorum potestate solùm erit, uxoris salva semper & illibata sorte. Si verò testator sobolem ex uxore susceperit, & uxor, illa superstita, sit mortua, tum ad hanc ipsam sobolem dimidium placet omnium bonorum revocari, residuum autem ad voluntatem referatur testatoris, quem si forte mors sine testamento deprahenderit, jure sobolis inviolato, quod relinquatur ad auctoritatem devolvatur administratorum. Fortunarum autem talis ratio debet iniri, semper ut æs alienum, & omnes funeris impensæ deducantur. Liberiorum verò jus quoniam propter variam eorum multitudinem incertum esse potest, æqualitatis perpetua regula definiatur, ut quotcunque sint suam quisque propriam habeat pro facultatum ratione particulam, nisi fortè pater in testamento nominatim aliquid secùs posuerit. Et quum tenuior erit parentum conditio, licebit filiis in tertia bonorum parte, cujus integrum jus habent, tantum parentes sublevare quantum illis videbitur. Quæ res ut facilius possit progredi, reliquas portiones quas uxoribus & liberis reservavimus, si locus eorum vacuus fuerit, ad parentes collocupletandos infundi posse placet. Denique si testatoris vel cum Testamento, vel sine Testamento morientis filium etiam mors oppresserit, & is filius liberos habeat, quantum ex avi bonis ad filium erat descensuram ad nepotes proveniat, ut latissimè legum nostrarum humanitas dimanare possit.

¶ *Qui filii portione legitima carere possint.*

Cap. II.

NULLUS filius in testamento patris prætermitti debet, nisi quem prius vel ante conclusum testamentum, vel in ipso testamenti condendi tempore disertis verbis pater exheredaverit. Abdicatio tamen ipsa non valebit, nisi iustam aliquam habuerit causam appositam: quas, ut planè cognoscerentur, hic ordine subjecimus. Itaq; primum & gravissimum est, si filius patri manum injecerit, deinde si gravi aliqua & insigni injuria volens & sciens violaverit, si criminis in foro coarguerit, non Reipub. causa, sed vel malicia vel odio intestino, si cum incantatoribus illi vel maleficis usus fuerit, si patris aut matris saluti retenderit infidias, si cum noverca vel patris concubina incoestum commiserit, si calumnia famam patris oppugnaverit, aut ejus facultates obtriverit, si pro patre requirente vel fideiussor esse, vel vadium obire negaverit, si patri sit impedimento ne vel testamentum instituat, vel quacunque ratione corrigat. Filia verò testamenti beneficio careat si meretriciis institutis vixerit, vel corpus pervulgaverit, cum interim pater honestam nuptiarum conditionem obtulerit. Nam pater si. 25. annum in filia neglexerit, & matrimonium non preparavit, negligentia patris culpa filiam exolver, aut saltem quam ipse tam grandem suo vitio virginem apud se derinuerit, eam nec familia nec testamento potest excludere. Plectetur etiam exheredationis poena filiorum ingratitudo, qui patres vel furiosos, vel mente captos non (quantum res illorum ferent) sustentaverint, vel si captivos aliquam non repererint liberandi viam, si probabantur ipsi hæresim & in ea permanserint: si lenoniis vel meretriciis artibus usi fuerint.

¶ *Parentes etiam pauperes, cur à filiis in testamento præteriri possint. Cap. 12.*

PARENTES ex altera parte si turpiter liberos destituât, aut execrabili quodam & immani odio à se projiciant, vel in magnum vitæ periculum ejiciant, ab illis in testamento præteriri possunt. Si venenis aut artibus quibuscunq; magicis salutis damnum filiis inferre moliantur, aut uxoris pudicitiam expugnent: itidem si filiis testamentorum libertatem instituendorum interceperint, si furiosos illos non curaverint, si convicti fuerint hæresis & ab ea nolint removeri, causis omnibus hiis filii possunt ad parentes in testamento prætereundos uti, proviso semper in hiis duobus capitibus quod nomine patris etiam mater intelligatur.

¶ *Cur uxores præterire liceat in testamento. Cap. 13.*

SEMPER etiam uxorum in testamentis mariti rationem habere debent, nisi justa possit offensionis causa proferri, quam nec ipsam admitti volumus nisi firmis argumentis nitatur. Nec enim illis per calumniam jus suum eripi debet, quam & in filiorum, & in tenuium parentum causis æquitatem teneri volumus, ne ulla injuria jus suum amittant. Uxores autem mariti propter hæc excludere possunt, si vi in illos incurrerint, si quicquam ad eorum perniciem machinata sint, si maleficis aut magicis artibus se contaminaverint, si prudens & sciens uxor famam aut fortunas mariti calumnia, vel accusatione falsa perverterit, si viro fuerit impedimento ne testamentum vel perficeret vel emendaret, aut quacunque ratione commutaret, vel illum si furiosum, delirum, aut implicatum gravi morbo non foverit, si salutem ejus prodiderit ulla, nisi reipub. causa, si captivum vel pecunia vel aliqua ratione non recuperaverit

verit quantum quidem in se fuerit, si arripiat hæresim, nec ab ea dimoveri velit, si filiam vel quamcunq; domesticam quorumcunq; libidini patefecerit aut objecerit, denique si digressa fuerit à viro, nec ad illum revocari possit.

¶ *Qui nec hæredes institui, nec legatorum participes esse possunt. Cap. 14.*

NEc hæredes instituentur, nec ullo beneficio utentur testamentorum, qui pertinaces sunt hæretici, nec qui mortis sententiam acceperunt aut exilii perpetui vel æterni carceris, nec qui concubinato se polluiunt, nec duas qui conjuges uno tempore contra omne jus & fas conservant, nec fœminæ quarum in crimine pari par est culpa; annumerabuntur huc qui procuratorum ullo modo vel sparforum damnati sunt scriptorum infamium, quæ lex civilis famosa vocat, qui lenoniis vel meretriciis institutis palam utuntur; pellentur etiam fœneratores ab omnibus testamentorum emolumentis. Tempus autem illud minimè spectetur in quo testamentum est institutum, vel in quo testator est ipse mortuus, sed in illo tempore personarum mores excuti placet, in quo vel hæreditas ab illis est adenda, vel legata ejus incipiunt deberi.

¶ *De iniqua vel impossibili conditione legati. Cap. 15.*

SI quis rem certam in testamento cuiquam leget, conditionem iniquam vel impiam apponeris, legatarius rem amittet, nisi fidem suam interposuerit se conditionem repudiaturum: Ad quod si nolit adduci, legata res Episcopi arbitrato in pium aliquod institutum impendatur: si verò talis fuerit conditio quæ non possit præstari, frustra debet addita videri; quapropter hujusmodi conditiones nec hæredum jura nec legatariorum impediunt, præsertim hoc si ostende-

ostenderint se quidem, quantum in ipsis positum esset, elaboravisse conditiones ut procederent, nec illorum diligentiae quicquam abfuisse.

¶ *Quando hæredes bona testatoris capere possunt.*

Cap. 16.

Hæredibus ad bona mortuorum aditus non erit, nisi commentarium ut quendam eorum conficiant, quem indicem vocant, & tantum ut sumant quantum funeris impensis satis erit, donec testamenta vel Episcopo, vel ejus ditionis proprio judici, quem ordinarium sæpissimè communi nomine dicimus, plenè probata fuerint, & donec ab hæredibus apud ordinarium syngrapha obligatoria præcautum fuerit, se toto in hoc negotio commissorum sibi bonorum integrè & sincerè progressuros, & rationem illi reddituros suæ fidei cum eam ordinarius poposcerit, & ipsum ordinarium omni ratione salvum & quietum semper præstituros. Nam Episcoporum est proprium testamenta confirmare, bonorum administrationem etiam designare, si testamenta mortuorum non extiterint. Itaq; nolumus hoc illorum jus loco movere, nisi singulare privilegium intercurrerit, aut aliquo consensu legitimo secus constitutum fuerit, vel aliqua consuetudo recta, vel spatium temporis jure definitum (quam præscriptionem vocant) hanc auctoritatem ad alios aut homines aut locos deducat.

¶ *De mercede judicis & ministrorum.*

Cap. 17.

QUum bona testatorum summam quinq; librarum non transcendunt, nihil vel judici vel ejus ministris pro confirmatione testamentorum rependetur: scriba tantum sex denarios percipiet, quòd judicis sententiam & testamenti exemplar in acta retulerit. Judex autem hujusmodi testamentum, quando firmum & solidum esse statuit, appo-

posito

posito signo gratis munit : membranæ vero, ceræ, scripturæq; sumptus ad illos æquum est devolvi ad quos ex eisdem utilitas perveniet. Si vero testatorum facultates ultra quinque libras ascendant, & tamen intra quadraginta libras subsistant, ad judicem & ministros quadraginta denarii seponentur, ex quibus duodecim eximentur scribæ, reliquum judici remanebit & suis ministris. Cum autem re testatoris pretium quadraginta librarum superant, ad judicem & ministros quinque solidi corrivabuntur, de quo dimidium ad scribam perveniet: at in eo si non acquiescet, hanc conditionem sumet, ut pro decimo quoq; testamenti versu denarium percipiat, proviso quòd singuli versus decem pollicum latitudinem exæque nt.

Quòd hæredes & administratores rationem reddent bonorum. Cap. 18.

Nulli privilegio tantum tribui volumus, ut hæredes bonorum (quos executores vocant) vel administratores à reddenda legatorum ratione abducant, quam in omnibus qui vel cum testamento, vel sine testamento moriantur constare placet. Quapropter qui talibus privilegiis præmuniti sunt, eorum nisi beneficium deponant & repudient, nolumus illos ullum in tractandorum bonorum negotio jus habere, nec ad eorum administrationem quacunque ratione adhiberi.

De sigillo defuncti. Cap. 19.

Quoniam multa solent astutè fieri quando signum hominis mortui interceptum est, jubemus ut quamprimum aliquis excesserit è vita, signum ejus quaecunque sit quod ad scripta solebat affigere, quandam in arculam vel crumenam seponatur, ubi tutò conservari possit, & præterea trium signis honestarum personarum illa crumena vel

T

arcula

arcula obfirmetur, ut ita signum testatoris saluum ad iudicem primo quoquam tempore deducatur. Quum vero vel heredes vel executores signum ad iudicem deportaverint, ille statim imaginem & formam signi pervertat, & deleat, materiam vero illis restituat, nec ullo modo sibi reseruet.

De bonorum indicibus conficiendis. Cap. 20.

Hæredes vel administratores duos evocabunt ad se, qui vel aliquid testatori debebant, vel nonnihil ex ejus testamento percipient, aut hii si vel omnino affuerint negaverintve, duos estimationis honestæ qui defuncto necessarij fuerint, vel omnibus hiis absentibus duos cujuscunque conditionis modo probos & integros, & hii rationes omnium rerum in scriptis mandandas curent plenæ & perfectæ, quorum scriptorum vel ut vulgo dicunt inventariorum sibi reservent unum exemplar, alterum iudicis fidei committent, qui cum juramentum ab illis de scriptorum fide & sinceritate poposcerit & acceperit, ipsa scripta prompte sumet, comprobabit, & in tuto loco conservabit, nam & testamentorum & iudicium vel inventariorum (ut vocant) exemplaria diligenter à iudice vel à iudicis ministris custodiri præcipimus, ut hii quorum intererit quoties illa requisiverint præstò esse possint, quum autem hæc scripta postulabuntur statim illa placet & alacriter exhiberi, & merces hiis rebus transcribendis illi sit quam ante posuimus, aut, ita si scriba sibi voluerit satisfieri, numerum scilicet quatuor versuum pro decima quoquam singulos denarios accipiat, & illa versibus longitudo constet quam ante præscripsimus. Quod si vel iudicis vel administratorum avaritia plus ad se derivaverit quam nos assignavimus, & merces primum omnis ipsa detrahatur, deinde jactura ferientur decem librarum,

librarum, de quibus dimidium in eistam pauperum secedet, reliquum ad eum perveniet cujus negotium fuit, si reos facere velit & causam jure persequi.

Hæredes vel administratores solum indicium fidem sequi debere. Cap. 21.

ÆQuum non est ut vel hæredes vel bonorum administratores plus exhibere cogantur, quàm in illis scriptis reperitur, quos indices dicimus, si tamen ipsis indicibus plene fides constiterit.

Dubitatio cum incurrit de testamento vel hæredibus, quid sequendum sit. Cap. 22.

QUum nec de testamenti pondere, nec de personis qui ad bonorum moderationem adhibendi sint in Ecclesiastico foro jure possit constare, judex, ut interim de facultatibus nihil intercidat, illas fidorum sequestrorum custodiæ committet, donec aliquid in hiis rebus certi possit intelligi. Hæres autem si tempus ad cogitandum sumplerit, nec statim credat negotium tam implicatum debere suscipi. literas Ordinarius illi curet confici, quarum autoritate dissipatas testatoris facultates recolligere possit, modo scriptis legitimè cautum sit, ut hæres sex mensium spatio proximè consequutorum, rationem omnium rerum reddat ullo jure testatoris à se conquistarum, nec locus ad opes testatoris contrectandas intret, nisi perfecto bonorum omnium incorrupto veroque indice eo modo quo paulo ante est præscriptum. Hanc etiam rationem administratores sequentur, qui sine testamentis ad hominum facultates admoventur.

Pena recusantium heredum que sit. Cap. 23.

QUinominatim in testamento constituuntur hæredes, quum Ordinarius illos admonuerit & certum tempus posuerit in quo debent testamenti tractationem suscipere, vel ordinarii monita licet non intercesserint, nec is quicum in hac re cum illis egerit, si totos sex menses elapsi ere sinant mortem testatoris excipientes, & ad testamenti pertractationem se non adjungant, nec causam afferant justam quicogantur ab illo abesse, statim Ordinarius illos à testamento discludat, nec quicum ex eo patiaturs ad illos emolumentum pervenire. Restituant autem & reponant plenè & integrè si quicum prius in testamento delibaverint: & mortui propinquis hoc negotium à iudice committatur.

De distributione bonorum inter hæredes vel administratores. Cap. 24.

QUum plures hæredes vel administratores fuerint, æquas sibi bonorum particulas sument, alter ab altero quum injuriose tractabitur, singulis ad suum jus recuperandum via esse possit. Ordinarius igitur hoc vehementer providebit, ut hæc inter illos bonorum æqualitas semper confervetur, nisi forte secus ipsi inter se pacti fuerint, aut propter viduam & filiorum causam consilium Ordinarius capient dum esse putet.

Quæ legantur piis causis, quando solvendi sunt. Cap. 25.

QUam primum æs alienum fuerit dissolutum, statim hoc in pias causas collocetur quod illis testator impendit, in qua re si illi quorum interest ultra sex menses à testamenti approbatione tardaverit, Episcopus aut Ordinarius

rius Ecclesiasticarum autoritate censurarum universam non solum sortem, sed accessiones etiam quascunque comportari curet, & ad testatoris voluntatem accommodari, nisi tempus solvendorum legatorum in testamento discretè sit expressum.

Mor iens legatarius quando legatum transmittit a heredem. Cap. 26.

Postquam res legata deberi cæpit, si legatarius è vita prius excedat quam hæreditas adita fuerit, in legati jus hæres legatarii succedet. Sed res legata tradi non potest, donec testamentum per iudicem confirmetur.

Quando legatum ab heredem non solvitur. Cap. 27.

Hæres necessitate solvendæ rei legatæ non tenetur, quum ea donatione legatario primum obveniens aut ulla lucrosa causa, post in ejusdem legatarii possessione collocetur, nec enim bis in eodem beneficio quisquam adjuvari debet, sed quum rem legatarius ante pretio comparaverit, eam si dempto pretio testator donaverit, ejus benevolentiam emptio non impedit, quoniam in ea non lucrum sed onus inesse videtur.

Quando legata non valent. Cap. 28.

Legata valere non possunt nec præstari debent, quum legatarius à testatoris proposito recedit, aut si conditio non extiterit ad quam legatum referebatur, aut ipsa si legata quocunque casu vel fortuita calamitate prius effluant, & colliquescant, quàm hæreditas adeatur, aut si legata fuerint quæ ædificiis sunt conjuncta nisi vel corruant vel diruantur ædificia.

Quando legata minui possunt. Cap. 29.

QUum hæreditas sic extenuata fuerit ut omnia legata plene si representarentur, vel uxori vel liberis suum non possit jus integrum relinqui, tantum ex ea volumus decerpi, quantum ad explendam vxoris & liberorum sortem satis erit.

Quid a legatariis promittendum sit. Cap. 30.

CUicumq; quicquam expresse legatum est, id illi non tradatur nisi legitimè præcaverit se restitutum quod acceperit, si certa fuerit hæreditas, & onera sustentare non possit.

De fidei commissis. Cap. 31.

QUoties vel hæreditas vel legata in testamento cuiuscunq; personæ fidei committuntur, hoc est, illi sic ad tempus mandantur ut eadē post voluntate testatoris alio transferantur, fidei commissarii nec ad hæreditates ullo modo, nec ad legata admitti debent, donec vel fidei iussionibus idoneis vel etiam pignoribus caverint, se salvas hæreditates & inviolata legata prorsus eisdem conditionibus esse representaturos, quas testator in suprema voluntate sua legitime vel significavit vel expressit.

Quomodo sit utendum mortui bonis. Cap. 32.

HÆredes ex bonis testatoris nihil ad se vel pretio levocent, vel inter se mutua donatione spargant, aut alio respectu cuiuscunq; generis invadant, & quasi proprium assumant nisi quod vel in testamento fuerit illis aperte attributum, vel pro quo justum pretium numeraverint to-
ram

ram idoneis testibus, qua formula bonorum etiam administratores uti placet.

Sine consensu nihil esse alienandum. Cap. 33

Distrahī nihil aut alienari patimur ex facultatibus testatoris cujuscunq; generis res aut possessio sit, nec scriptis quicquam acceptum ferri, vel ut vulgo loquuntur acquietantiam ullam dari vel ab hæredibus vel à bonorum administratoribus nisi communis sit omnium in eo consensus, qui juramento se prius obligaverint. Et qui secus fecerint illos excommunicationis poena coerceri volumus.

Testamentum anno spatio impleri debet. Cap. 34.

Hæredes vel administratores cum ad testamentorum collocationē semel admoti sunt, intra spatium proximi succedentis anni, vel ut planius loquamur intra duodecim menses ex tempore quo testamentorum administrationem susceperunt, omnes rerum legatarum particulas emetientur, & quantum testatoris voluntas ac hæreditatis ratio ferent, totum hoc negotium illis commissum plenissime cōficient, quod si definito tempore munus hoc suum non concludant, cum Ordinarius illorum diligentiam excitarit, si illi poscenti justam non ostenderint causam suæ cessationis, ecclesiasticis suppliciis cōprehendantur, & etiam omnibus careant fructibus qui fuerant ad illos ex testamentis perventuri.

Quando separatim hæredes in testamento versari possint. Cap. 35.

Si complures fuerint hæredes vel administratores eodē jure constituti, contingatq; quempiam ex illis vel morte tolli,

tolli, vel necessaria nostra causa peregrinari, vel sic impediri ut intra sex menses aut nolit aut non possit operam cum aliis suam communicare, reliquis licebit totum pertractare testamentum, & omnes res ad exitum perducere, nec enim tutum aut æquum est testatorum voluntatem ex uno religatam diu suspendi, & res ejus incertas relinqui.

De successoribus hæredum & administratorum. Cap. 36.

QUum solitaria mulier (quam viduam appellamus) vel hæres vel bonorum administratrix instituta sit, & eadem post, virum sumpserit, vir, sive mortua sive superstiti conjuge, per judicem qui administrationem vel executionem illam commisit, tradetur ad omnem testatoris implendam voluntatem. Et hoc adeo in omnibus legitimis hæredum successoribus teneri volumus, & quæcunq; priores onera testamentorum agnoscebant, eadem intelligant posteriores ad se pertinere, quantum quidem hoc angustia bonorum & hæreditatum fieri sinet ad se quacunque ratione perlatorum.

Hæredes diversarum dioecesium quomodo jure conveniantur. Cap. 37.

QUum plures hæredes ad unum testamentum confluxerint, licet in oris diversis & dioecibus ut vocant diffusi sint, tamen ad illū judicem revocabuntur qui testamentum confirmavit, & ejus autoritate suscipient omnia munera, quæcunque ad hæredum fidem & officium pertinent, quod etiam de bonorum administratoribus intelligi volumus.

Quomodo ratio sit ab hæredibus reddenda. Cap. 38.

Ordinarii vel alii quicūq; judices, quibus confirmare licet ac consignare testamenta, quibus bonorū sine testamento

mento relictorum commissa est autoritas, administrationis restituendæ post annum ab hæredibus & administratoribus sui numeris gesti rationem flagitare possunt & debent. In quo si vident integrè illos & incorruptè versatos esse, prorsus illos in omne tempus admittant. Hoc tamen excipimus ut si forte quicquam ex mortui fortunis non fuerit ut oportet distributum quod adhuc collocatum non sit, vel ad eos deferatur qui in eo jus non habent, vel hæredes aut administratores arbitratiudicis id ad sanctum aliquod propositum accommodent.

Pena eorum qui testamenta violant.

Cap. 39.

Testamentarii qui falsa testamenta subjecerint aut obligaverint, vel testamentum per se verum ulla ratione perverterint, vel addendo, vel demendo, vel mutando, vel interlineando vel quocunque genere fraudis aut depravationis utendo, si tam atrocis flagitii manifeste convincantur, pellantur tanquam falsarii omnibus in jure concessis muneribus, & omni careant emolumento corruptorum testamentorum.

Qui sunt sine testamento. Cap. 40.

Testamentum non dicuntur relinquere, primum qui scriptis non mandant, nisi subitanea irruat mors: deinde qui nominatim hæredem aliquem non ponunt, vel si negant hæredes qui relinquuntur & suscipere nolunt, aut hujusmodi sint ut suscipere non possint. Et sine testamento judicandi sunt esse quum testamentum tam male comparatum est, ut à iudice legitimo confirmari non possit.

*Testamentum vitiosum impleri
debet. Cap. 41.*

QUando testamentum pro nullo capitur & facultates distribuendæ sunt ab administrationibus, hoc à judice debet summè provideri tantam ut testoris habeat voluntatis rationem quanto omnino maxima esse potest. Quamquam enim legitimum non fuerit testamentum, tamen legum civilium humanitatem libenter sequimur, ut in propriis bonis ultimas hominum voluntates & judicia nunquam ad se reditura (quantum fieri potest) firma & inviolata conservemus.

*Quibus administratio bonorum committenda
sit, & quid mercedis habere debeant. Cap. 42.*

QUoties aliquis sine testamento moritur ad honorem ejus administrationem uxor primo loco sumatur, secundo qui cognatione fuerint propinquissima, vel si judex censebit unà potest illos in hoc munere cum uxore conjungere, hoc tamen perpetuò stet, ut quibuscunque fuerit munus administrationis attributum, fidejussores afferant prius, aut etiam pignora deponant quibus plene possit & legitime præcaveri quod in hoc negotio sincere sint & sine ulla fraude processuri, quod ordinarii omnibus partibus incolumitatem præstabunt, postremo quòd rerum gestarum rationem redet quancunq; judex eam legitime poposcerit. Quod si forte nonnunquam evenerit ut propter æqualem cognationis propinquitatem multorum ad facultates administrandas concursus sit, quoniam in illorum pari causa

causa par videtur jus requiri, tunc iudex tanquam honorarius arbiter litem determinet, suoque arbitrato munus hoc administrationis aut uni illorum aut pluribus colloquet. Cum autem in pari multorum cognatione aliquis unus existit qui beneficium administrationis petit, vel in dispari cognatione si multi cupiunt ad hoc negotium assumi, iudex uxorem mortui potest & vel illum singularem virum si velit in hoc munere copulare, vel ex cæteris quolibet designare suo arbitrato, modo merces in hac re nulla interveniat. Nec iudici ex administratorum designatione lucri quicquam debet esse, nisi bona supra quinque libras non perveniunt sex denarios accipiet. Quod si facultates quinque librarum æstimationem vincant, & tamen quadraginta libris angustiores sint ad iudicem & ejus administratos triginta denarii confluent.

*Quæ defunt huic capiti unde petenda
sunt. Cap. 43.*

QUoniam acervi dubitationum, & controversiarum in hoc testamentorum caput comportari solent, dum infinita virorum avaritia mortuorum voluntatem circumvenire molitur, omnibus partibus illorum perversitati placet occurri. Quapropter quarum rerum in hiis constitutionibus medicina vel levato non potest inveniri, de illis ad juris Cæsarei auctoritatem confugiendum erit, cum hac tamen exceptione nihil ut inde sumatur hujusmodi quod vel cum decretis hinc nostris Ecclesiasticis pugnet, vel à municipali jure regni nostri dissideat.

De Poenis Ecclesiasticis.

Pœna culpæ par esse debet. Cap. 1.

QUoniam pœna culpæ par esse debet Ecclesiastici iudices diligentissimam cautionem adhibeant ut in criminibus plectendis, locum, personam, tempus & cæteras omnes flagitiorum circumstantias considerent, & æquitatis regula supplicii magnitudinem definiant.

Idem crimen non debet bis puniri. Cap. 2.

ÆQUum non est ut in idem crimen bis animadvertatur. Itaque qui semel peccati pœnam his legibus nostris dedit, non debet ab ullo iudice Ecclesiastico, quocunque nomine appelletur, rursus ad supplicium vocari, nisi forte rursus ad eandem peccandi licentiam devoluatur, tum enim nova culpa novam pœnam requirit.

Clerici quomodo puniendi. Cap. 3.

QUI sunt ex ordine Ecclesiastico, quos vulgò Clericos dicunt, si de suis ipsi criminibus confiteantur, aut in illis legitime convincantur, illorum proprii iudices cum personarum omnes & causarum circumstantias perquisiverint, vel temporariis vel perpetuis vinculis illos arbitrati suo mandare posse concedimus.

Ætati nulli parcendum esse. Cap. 4.

Impunitas delicti propter ætatem non detur, si quis ea sit ætate in quam crimen quod intenditur cadere potest.

Pœna

Pœna debet authorem sequi. Cap. 5.

POena semper authorem sequatur, & in illo terminetur, ut non ulterius progrediatur metus quàm inveniatur delictum.

Iudices in veneratione esse debere. Cap. 6.

QUicumque Iudicum dignitatem, sermone, facto, vel actione violat, aut quicumque de illorum æstimatione decerpit, ipsorum Iudicum arbitratu contumaciæ pœnas & impudentiæ dentæ.

Gravidis fœminis parcendum ad tempus. Cap. 7.

GRAVIDARUM mulierum uteris parci volumus, qui donec subsidant, nec grave supplicium ab illis sumatur, nec ad tribunal ita pertrahantur, ut ullum ex eo fœtui periculum creari possit.

Vbi legitima deest, ibi sit arbitraria pœna. Cap. 8.

SI quorum huiusmodi peccata fuerint ut his legibus nostris certæ pœnæ non constituentur, arbitratu iudicis supplicium ab illis sumatur.

Pœna minui potius quam augeri debet. Cap. 9.

INTERPRETATIO legum pœnas minuire debet potius quam augere, benignissimam ut etiam in hac re Iuris civilis regulam sequamur, quæ dubiis in causis clementiorem sententiam eligit.

Institutio carceris qualis sit. Cap. 10.

QUoniam homines ad peccandum facile solent accedere, carcerem unum aut alterum, vel plures etiam si res poposcerit, in propria ditione quam diocesim vocant Episcopus habeat, ut eò dimittantur qui se vitis in hiis legibus positis obstrinxerint, vel contumeliose aut irreverentes contra judicem pro tribunali sedentem se gesserint.

Pecuniaria poena quomodo admitti possit. Cap. 11.

POenitentias Ecclesiasticas nolumus in poenas mutari pecuniarias, nisi aliqui gravis intercesserit & necessaria causa. Quoties autem ita fiat, omnes Rei nummos quibus crimen ejus plectitur in communem thesaurum quem Civitatem pauperum vocant comportari placet, & eos ibi deponi ubi habitat, aut si crimen commissum est. Idque testatius ut esse possit, Aedituis vel Syndicis præsentibus generatur, & tempus sumatur celebrationis divinorum officiorum, & pecunias ibi manibus ipse suis collocet qui peccavit, & dies quidem sit festus, ut plures Reus testes facti sui colligat. Et is sit dies quem Iudex illi præscripserit, vel Ordinarius reo certas constituas pias causas in quibus pecunia omnis expromi possit. Si quis autem culpam eandem geminaverit, nullum illi præsidium in pecunia relinquimus.

De Suspensione.

Suspensionis varietas. Cap. 1.

P Rincipio genus ipsum suspensionis ad utrumque ordinem pertinebit, Ecclesiasticum, & Popularem, vel (ut res notior communibus vocabulis esse possit) ad Ecclesiasticos & Laicos, & hujus poenae moderationis varietas erit ut aliquando Rei prorsus in Ecclesiam non introeant, nisi forte velint ad communicationem subauditare, nonnunquam ut ab usu sacramentorum abarceantur, & interdum ab administratione sacramentorum excludantur. Cum igitur varia sunt suspensionis genera, judex nominatim & expresse dicet cum hac poena ream personam afficit, quam ex hiis potissimum velit intelligi. Nunquam tamen a familiari hominum commercio arcet suspensio.

Qua causa sunt suspensionis. Cap. 2.

Q Uidam suis vitiis in poenam suspensionis incurrunt cum ad bonam frugem se ipsi revocant, aut impositas sibi criminum poenas suscipiunt. Hii donec omne expleverint integre judicis voluntatem & Ecclesiae satisfecerint, si peccati magnitudo satisfactionem requirit, in hoc supplicio detinentur. Aliquando pertinacia vel negligentia Reorum hanc a rebus sacris relegationem pati cogitur, cum judex in minore delicto fulmen excommunicationis virbrandi non portat, & saepe contingit ut licet crimina non possunt ipsa deprehendi, tamen suspiciones, praesertim atrocium peccatorum, si modo longo tempore inveteraverint, & infamam attulerint, ab Ecclesiis amandandae sunt, quoniam magna sequeretur bonorum perturbatio si cum hujusmodi personis

nis infamibus sacramenta communicarent.

Quomodo terminatur suspensio. Cap. 3.

QUum homines ad tempus à sacris ablegantur vel ut crassissime loquamur cum talis est ratio suspensionis, ut certum tempus habeant reditus ad Ecclesiam, quamprimum advenit, absq; ulla relaxatione vel absolutione Reus liber erit. Sed tempus si non fuerit constitutum, sed institutum aliquid quod Reus suscipere debeat, nullo modo Reum mitti placet, donec Ordinarius ex eo perfecte intellexerit omnia rite & ordine a se gesta esse, quæ illi mandata sunt. Quam rem si iudici plene probaverit, tum demum culpa illum evolvi patimur. Cuius autem in quæstionem bona fama vocatur, is tantisper hæreat in iudicio, donec legitime suspensiones amolitus sit, quibus oppugnatur.

Suspensus totum annum excommunicetur. Cap. 4.

SI quis a sacris relegatus adeo iudicis sententiam contemnat ut relegatus annum integrum maneat, pellatur cœcu Christianorum, & in horribile supplicium excommunicationis detrudatur, & sacerdotio si quod habuerit, excludatur.

Quomodo puniri debent qui iudicis sententiam violant. Cap. 5.

SI quãdo minister Ecclesiæ vel loco motus ab Episcopo, vel in formulam suspensionis prolapsus fuerit, & quicquam eorum audeat facere quæ sunt illi negata, nec se maturè corrigat, cum Episcopus illum officii admonet, & excommunicationis pœna plectetur & desecrationis acerbitate vel degradationis, ut vulgo loquuntur, ut omnibus exua-

tur

tur ornamentis status Ecclesiastici. Si vero Minister non fuerit, sed ex ordine laico, excommunicatione ferietur.

Pœna illorum qui suspensis aut excommunicatis contra leges favent. Cap. 6.

QUicumque publicas Præces, Sacramenta, aut ceremonias Ecclesiasticas vel ipsi administrant, vel aliis administrandi authores fuerint, coram iis qui pœna vel suspensionis vel excommunicationis correpti sunt, aut illos in Ecclesia quicumque retentant, cum à Ministris legitime admonentur, nisi à ministro reprehensi temeritate destiterint, excommunicationis & ipsi supplicio reprehendantur.

Pœna suspensorum & excommunicatorum si pertinaciter à Templo exire recusent. Cap. 7.

QUI vero ab Ecclesia religati, vel quibus Ecclesia prorsus est interdictum, aut ut usitate loquamur qui suspensi vel excommunicati sunt, si (quando supplicii ratio postulet) se ab Ecclesia non abalienant, isto modo contra illorum pertinaciam procedi jubemus: si sunt ex ordine Ecclesiastico & Beneficia habeant ulli Ecclesiastica, illorum emolumentis ad tempus denudentur Ordinarii arbitratu. Si fructus ad illos ex Ecclesia nullus redeat, omnes actiones Ecclesiasticorum munerum erunt eis interdictæ: & licet prioribus vinculis liberentur suspensionis vel excommunicationis, tamen integrum annum in hac munerum Ecclesiasticorum intermissione permaneant. Qui vero sunt ordine laico si talis pertinaciæ rei fuerint, arbitratu judicis gravissimè puniantur.

Quomodo ferenda suspensionis & Excommunicationis sententia. Cap. 8.

CUi (qui plus est) excommunicare licet, illi (quod minus est) suspendere licebit, sed nullus harum poenarum sententiam publicè recitabit, nisi literis comprehensam & Iudicis legitimo signo munitam.

In morte Sacramenta sunt concedenda. Cap. 9.

Qui criminum Ecclesiasticorum rei sunt, licet ab Ecclesiæ Sacramentis removeantur, tamen ex hac vita si forte migraturi sint, & veræ poenitentiae signa dederint, Christianæ charitatis est Sacramentorum illis usum exhibere. Qui vero mortis sententiam acceperunt, si in carcere detenti Coenæ Domini participare esse non possunt, diligenter ab aliquo pio viro instrui debent Christum sacramentis alligatum non esse, sed ab illo sacramentorum auctoritatem & vim proficisci: quapropter ad illum si mentem sursum erigant, & in illius mortem stabili ac inamota fide dirigant, Christi carmen manducaverunt, & ejus sanguinem combiberunt. Qua in re ut melius confirmari possint, aliquem pium & doctum Ecclesiæ Ministrum ad eos adhiberi mandamus, qui unum vel duos dies ad illorum fidem confirmandam & exædificandam sumat, priusquam ad mortem truantur, ut alacrioribus animis ex hac vita decedant, & patientiam ac solatium ex sacris scripturis colligentes, scelerum desperatione sublata, fidenter ac certa spe ad Deum misericordiae patrem & Christum nostræ salutem authorem pergant.

De fructuum deductione vel sequestratione, ut vulgo dicitur, propter varias causas.

Ratio sequestrationis qualis esse debeat. Cap. I.

QUicumq; beneficiis Ecclesiasticis fruuntur, specio-
rem templi partem, quam Cancellam vocant, sar-
tam et tam conservare debent, & cæterorum et-
iam ædificiorum convenientem rationem habere quæ su-
am ad Ecclesiam pertinent. Præterea quæcunq; impensæ
ad illorum curam referuntur Ecclesiæ respectu, illas debent
omnes facultatibus suis facere & sustentare, siue jus ita scri-
ptum postulet, siue legitima loci consuetudo. Quod si recu-
sent facere, deducantur Ecclesiæ fructus, & ab illis tantil-
per detineantur, donec integre suum officium & expletè
præstiterint: & cumulentur aliis etiam Ecclesiasticis pœnis,
si iudicibus id illos promereri videbitur. Quo in loco nullū
ut illis profugium relinquatur, fructus Ecclesiarum erui
volumus, siue proprietarius eos, siue colonus, siue quis il-
los alius aut perceperit aut percepturus sit. Cum autem hæc
fructuum erit deductio (quam vulgo sequestrationem vo-
cant) illi quorum fidei fructus committuntur; vel illorum
legitimi vicarii, possunt eos destrahere, & pecuniam ita col-
locare quomodo necessaria postulat Ecclesiæ ratio. Et hoc
etiam provideant fructuum distractores, ut omnia interim
Ecclesiæ divina suppeditentur officia. Tandem verò cum
omnibus legitimis impensis abundè satisfactum est, fructus
ad priorem dominum revolvantur. Colonus autem, vel con-
ductor, de vestigali annuo tantum ad se derivabit, quantum

potest cum omni deductorum fructuum damno compensari, quantumcunque scriptis Locatur de mercede integra sibi præcaverit.

Sequestratio locum habet in litigioso beneficio. Cap. 2.

SI jus incertum sit Ecclesiastici Beneficii nec adhuc cum vacuum sit constare possit ad quem Beneficium pervenire debeat, quamdiu controversum est fructus de Beneficio deduci per judicem Ecclesiasticum debent, & quamprimum causa legibus determinata fuerit, statim ad legitimum dominum pariter cum omnibus emolumentis Beneficium committet, exceptis impensis quibus Ecclesiæ necessitatibus interim subservitum est. Si quis autem ex litigatoribus Beneficium præoccupaverit & possederit, & post sententia judicis contra illum possessorem proteratur, ille vero sententiæ plagam appellationis remedio declinaverit, hujusmodi Beneficii fructus quantumcunque possessi jure videntur deduci posse, etiam appellatione adhuc pendente, & minime terminata. Quamquam enim legum autoritas civilium multa possessoribus indulget, tamen ea contra Iudicis sententiam in causa ancipiti valere non placet.

De sequestratione mulierum in causa nuptiarum. Cap. 3.

CUM de matrimonio lis incidit, & mulier loci vel incolarum difficultatibus oppressa, metu, vel mercede, vel aliqua prava causa videtur nonnihil subicere aut occultare, potest Ecclesiastici Iudicis autoritate novas in ædes, aut aliud in oppidum transmoveri, donec de toto negotio conclusum sit.

Pœna delinquentium contra sequestrationem. Cap. 4.

SI quisquam sequestratione rite facta se interponat, aut contra legum in hac re constitutionem quocunq; modo tumultuetur, Ecclesiasticis pœnis ejus importunitatem constringi oportet.

De sequestratione fructuum post mortem possessoris. Cap. 5.

QUoties vacuum fuerit Beneficium Ecclesiasticum, judex legitimus efficiet ut omnes vacui beneficii fructus deducantur, & ad tempus in tuto loco seponantur, quos universos plenè & integrè reddet is, in cujus custodia conquieverunt: & quantum illis aberit, tantum & amplius etiam duabus partibus restituet: quæ simul omnia novum ad Dominum statim, nulla nisi necessaria interposita mora, comportabuntur. Illas tamen impenas judex æstimet, quibus legitima præsidia cujuscunq; generis Ecclesiæ subministrata sunt, siue jus illa constituit, siue legitima consuetudo recepit.

De Deprivatione.

Deprivatio flagitiis atrocibus convenit. Cap. 1.

DEJECTIO de dignitate, vel ut vulgo loquuntur deprivationo, quoniam singularem quandam inter pœnas Ecclesiasticis legibus constitutas acerbissimam habet, maximis & teterrimis vitiis est reservanda. Quapropter ista securis in homicidis, adulteris, & hujusmodi consceleratis personis defigatur,

cum manifestis indiciis deprehensa fuerit illorum immanitas.

Deprivatio qualis sit in Episcopo. Cap. 2.

CUM Episcopus in amittendi Status sui periculum venit, Archiepiscopum & duos Episcopos alios arbitratu nostro sumi volumus, moribus & doctrina præstantes viros, qui iudicium hoc excercebunt: & hi totam rem diligenter inspectam & consideratam prudentia & pietate suæ definiant.

Deprivatio qualis sit in dignitate vel beneficio. Cap. 3.

QUANDO cuiquam vel diripi dignitas, vel eripi Beneficium Ecclesiasticum formula Deprivationis debet, principio proprius illum Episcopus ad se rite evocet: deinde ad reliquum omne negotium pertractandum Episcopus adsit, & duos ad se doctos & integros Presbyteros ascilcat, quorum authoritate & decreto stari placet.

Nunquam iudex deprivationis sententiam pronunciet, nisi re apertissima. Cap. 4.

SENTENTIA deprivationis, quoniam cruenta est, & totum hominem conficit, tam horribile telum nec in venerandum Episcopi Statum intorqueatur, nec in sanctum Ordinem quarumcunq; personarum Ecclesiasticarum mittatur, nisi reus vel trium vocibus idoneorum & locupletum testium convincatur, vel se ipse indicet, vel re tam evidenti & perspicua coarguatur, ut nullam omnino dubitationem habere possit.

De Excommunicatione.

Quid sit Excommunicatio. Cap. 1.

EXcommunicatio (melius est enim parum latinè quam parum aptè loqui) potestas est & authoritas ad Ecclesiā a Deo profecta, quæ facinorosas perlōas, vel de Religione nostra corruptè sentientes, & ad suam improbitatem adhærescentes a perceptione Sacramentorum, & etiam Christianorum fratrum usu, tantisper sommovet, donec sensus sanos recollegerint, & salutarium cogitationum apta signa dederint, & poenas etiam Ecclesiasticas adierint, quibus ferocia carnis comprimitur, ut spiritus salvus fiat.

Quibus excommunicatio committitur. Cap. 2.

Ecclēsia claves accepit à Christo, quibus, ligandi potestas & solvendi continetur. Quoniam autem ad hæc rectè debet & ordine procedi, quemadmodum administratio Sacramentorū, & ex sacris scripturis concionandi munus, certis viris deferuntur: ita potestas Excommunicationis in ministris & gubernatoribus Ecclesiarum consedit, ut illi sacram scripturarum sententia & regula disciplinam in sacrosancta domini cœna sanciant & dijudicent quæ personæ mensa pellendæ divina, quæ sint ad eam assumendæ: nominatim verò moderatores & Ecclesiarum duces sunt Archiepiscopi, Episcopi, Archidiaconi, Decani, deniq; quicunq; sunt ab Ecclesia ad hoc munus adhibiti.

Quibus in causis Excommunicatio debet adhiberi. Cap. 3.

Non debet excommunicatio minutis in delictis versari, sed ad horribilium criminum atrocitatem adin-

venda

venda est, in quibus Ecclesia gravissimam infamiam sustinet, vel quòd illis evertatur religio, vel quòd boni mores pervertantur. Illius autem generis sunt de quibus Paulus dicit, qui talia faciunt in regnum Dei non introibunt, vel regni Dei non erunt hæredes, vel quòd propter hæc venit ira Dei in filios incredulos. Hæc immania facinora telo debent excommunicationis confringi, ut qui sunt illorum rei, in hoc supplicium incurrant, nisi maturè bonam ad frugem se revocaverint, & cum arguuntur, se ab huiusmodi sceleribus quamprimum alienant, ac etiam plene velint omnem damnum luere, quod Ecclesia in illorum peccatis passa est. Etenim excommunicationis acerbitas nunquā expromi debet, nisi cum homines in sceleribus obduruerunt: quod duobus modis evenit, vel cum a salubribus se monitis avertunt & vocati se non ostendunt, vel si præsto sint & Iudicium decretis stare nolint.

Excommunicanda persona debet ante sententiam admoneri. Cap. 4.

NULLUS iudex excommunicatione quemquam percutiet, nisi semel atq; iterum, & etiam tertio si res id requirit, illū præmonuerit, ut se ipse si fieri potest tempestive corrigat. Tum etiā reo certum tempus ad deliberationem relinquatur, in quo secum ipse constituat utrum sanis consiliis obsequuturus sit. Sed qui rite fuerit evocatus, si tempore suo non adfuerit, huius pertinacia statim in Excommunicationem incidat.

Universitas aut collegium non potest excommunicari. Cap. 5.

INtegræ ecclesie, quos universitates vel Collegia vocat, Excommunicationis poena comprehendendi non debent. Cum enim ibi varietas magna sit personarum cuiusque generis, ali-

aliquorum innocentia violaretur: nostra verò clementia potius malis parcit quàm bonos plectit. Itaque soli poenis plectentur quicunq; in huiusmodi cœtu soli peccaverunt.

Excommunicatio prudenter & deliberate debet institui. Cap. 6.

QUoniam ex poenis omnibus Ecclesiasticis acerbissimam ponimus Excommunicationem, acutissima ejus mucronem sine magna maturaq; deliberatione distinguere nolumus. Ut autem in hac re vitiosissimos superiorum temporum ritus emendare possimus, primum in nulla permittimus una persona potestatem Excommunicationis collocari. Totius autem Ecclesiæ consensus quanquam imprimis esset optabilis, tamen quoniam difficillime colligi potest & conquiri, sic Excommunicatio procedat, ut Archiepiscopus vel Episcopus vel alius quicunque legitimus Iudex Ecclesiasticus, unum ad se publicæ pacis nostræ custodem, quem vulgo Iustitiarium vocant, aggreget, ac proprium illius Ecclesiæ Ministrum in qua Reus inhabitat, vel aliquem cui Minister suas vices committat: deinde sumantur etiam duo vel tres, arbitrati Iudicis, docti beneque morati Presbyteri, quorum in præsentia, cum res ipsa diligentissime tractata gravissimeq; ponderata fuerit, tandem ad decernendam Excommunicationem descendatur.

De Excommunicatione scriptis mandata. Cap. 7.

Sententiam non valeat Excommunicationis, nisi scriptis mandata fuerit: cujus exemplum inorruptè sincereq; transcriptum Iudex Reo tradat, quo tempore id postulaverit, atque adeo intra sex dies sine ulla exceptione scriptum hoc reo requirenti concedatur.

Pœna Iudicis non legitime Excommunicantis. Cap. 8.

QUicumque Iudex vel Reum non præmonuerit, vel cæteras cautiones non adhibuerit, quas nos in hanc causam contulimus, primum in Ecclesiam toto mensis spatio non introeat, nisi sacra Communionis percipiendæ causâ, deinde iudex superior à quo petenti Reo succurratur, priorem contra leges progressam Excommunicationem universam retexet, Excommunicationis authorem ad solvendas omnes impensas injustæ litis damnabit, & etiam alias pœnas arbitrato suo cumulabit, ut metu Iudices conterreantur, ne tam magnam in calamitatem homines sine gravissimis causis detrudant. Cum autem Iudex intellexerit quod cæcus & præceps in illo iudicio ferebatur, & propterea sententiam vel temere latam ipse per se tollere, priusquam ad superiorem Iudicem Reus digressus fuerit, nec tamen is assentiri velit qui procuravit Excommunicationem, nisi Reus illi satisfaciât, & ad hoc auxilium superioris iudicis imploret, Iudex inferior hanc ejus duram & acerbam appellationem negligens, sui potius commodi memorem quam communis inter Christianos charitatis, sententiam suam dissolvat, in qua manifestum animadvertit priorum suum errorem. Nam si addubitaverit, pignoribus à reo datis quod sententiæ & decreto superioris iudicis quem appellavit obediet, ita tandem Iudex indictam à se prius Excommunicationem rescindat & aboleat. Quæ cum omnia rite fecerit, omni se legum nostrarum pœna liberabit.

Excommunicatorum denuntiatio.

QUum legitimus Iudex Excommunicationis sententiam pronunciaverit, statim id significet Ecclesiæ in qua reus inhabitat, ut omnes ab illo tanquam à putri & projecto mem-

membro se abstineant. Nec una tantum Rei propria Ecclesia rei gestæ certior sit, sed disseminetur & emanet ad vicinos ministros & Ecclesias, ut majore sentiat ille pudore se undiq; exclusum & destitutum. Minister autem Ecclesiæ propriæ, cum iis qui legitimè sunt ad hoc negotium adhibiti, consequente Dominico die, formula qua illi præscriptum est, Evangelio recitato, protinus Excommunicationem quibus verbis præscriptum est aptè & publice coram Ecclesia expediat & legat, & populum condocerant Excommunicationis fulmine perstrictam personam ex Ecclesia quasi cadaver ejici debere, nec Coenæ domini participem, nec divinorum officiorum, nec Christianæ societatis, sed à sinu communis Christianorum matris ecclesiæ revulsam, & abruptam à corpore Christi, cœlo simul & terra esse exturbatam, diabolo & ejus cōsceleratis ministris mancipatam, & sempiternis flammarum cruciatibus addictam, nisi maturè suam salutem Sathanicis ex vinculis expediat, vitam suam salubribus institutis ad probitatem revocet, maximum ex superioribus peccatis dolorem capiat, & quantū in se est omne damnum illius flagitiis Ecclesiæ datum nova innocentia & integritate compenset. Donec igitur Deo reconciliatus & Ecclesiæ fuerit, ea formula quam post subjiciemus pro Christiano fratre non accipiatur, sed tanquam extorris & naufragus & advena ignoti orbis obambulet, expers Coenæ Domini & sacramentorum & divinorum quorumcunq; officiorum: Idem in aliis fiet Ecclesiis ad quas mandatum judicis perveniet.

Excommunicatorum poena. Cap. 10.

CUM excommunicato non resipiente nec in Domini mensa scienter communicandum est, nec in ullis cum illo divinis officiis versandum. Atq; ista quidem poena sul-

la exceptionem habeat. Deinde ne cibum quidem aut potum una cum illo capere, vel osculari, vel salutare, vel ad ædes tuas invitare fas erit. In quo tamen debet indulgeri, nam Reus licet in ædes alienas commorari non debet, tamen propria ejus domus solitaria non relinquetur, nec à pactis civilibus excludetur & usitatis negotiis quibus necessariae res humanae vitae suppeditantur: & si quis illum admonendi causa visitaverit & ad probitatem reflectendi, non debet in officio tam pio impediri. Nec illos ad Ecclesiastica beneficia sumi fas est, quos ad mensam vel ad colloquium adhibere nefas existimatur. Et Beneficiorum authores illius temporis jus amittant. Quod si reus ipse, priusquam legitime liberatus fuerit, ad Sacramenta vel communicanda vel administranda irrumpere audeat, si ex ordine Ecclesiastico Clericus fuerit, beneficio careat & officio deiciatur: si ex promiscuo populo, & vulgo dicitur Laicus, arbitrato legitimi judicis gravissimè puniatur.

Pœna communicantium cum Excommunicatis. Cap. 11.

QUicumque cum Excommunicatis non resipiscentibus in ullis actionibus se commiscet nisi quis Excipiebamus, poenam cum illis communem habebit, si semel admonitus ab illis non deflexerit.

Quandiu vitandi sunt Excommunicati. Cap. 12.

QUæ Excommunicatione fuerit ab Ecclesia dimoti, tam diu ad societatem Christianorum non fratri non admittentur, quam diu Ecclesiæ quantum possunt non satisfecerint, & Beneficiorum liberationes à legitimo Iudice impetraverint, aut ad minimum, fidem Iudici obstrinxerint suam, legitimis se illius mandatis obtemperaturos.

Quid

Quid obstinatis debeat Excommunicatis fieri. Cap. 13.

QUum in Excommunicationis acerbissima solitudine quadraginta dies reus jacuerit, & nullam levationis honestam & piam rationem exquisiverit, Ordinarius qui prius Excommunicationi præfuit, literas nostro munitas Ecclesiasticarum causarum proprio signo nostrum ad forum æquitatis transmittat, quod vulgo Cancellariam vocant, in quibus more regni nostri pertinacia reæ personæ perscribentur. Nos autem, quamprimum literas nostras, ut in hujusmodi causis fieri solet, ad Ministros legitimos, nimirum Vicecomites & Ballivos ut vocant perferri volumus, qui spatio quindecim dierum si reos non eruerint, cōprehenderint, & in carcerem condiderint, sed illis vel avare propter lucrum, vel injuste propter gratiam pepercerint, & jus longius indulserint quàm hujus ratio decreti nostri fert, si fuerint apud legitimum Iudiciem in hac re convicti, triplum expensarum omnium in Excommunicationis universo negotio collocatarum exolvent, & in illum Ecclesiæ thesaurum quem vulgo cistam pauperum vocant illud deponent, quæ Ordinarius hoc beneficio dignissimum esse judicaverit. Quod si per alios quindecim dies eorundem Ministrorum nostrorum culpa, cessatum fuerit, illud triplum quod solvere debent, conduplicabunt. Deinde si prehenso Reos & in carcere inclusos, nulla interveniente nostrarum literarum autoritate, vicomites aut custodes liberaverint, aut elabi permiserint antequam Episcopo Excommunicati se submiserint, & superioribus impensis plectentur, & decem addent alias libras arbitrati iudicis in cistam pauperum infundendas. Si vero negent aut differant has ita pecunias ponere, quomodo nos hoc decreto nostro iussimus, custodes publicæ nostræ pacis invocati statim opē ferant, nisi nostræ

velint authoritatis contemptores haberi: quibus si ita visum fuerit in bona licebit & possessiones eorum intrare, & illa seponere & segregare, donec plene sit ab illis omni ratione satisfactum.

Excommunicatus non liberatur nisi resipuerit. Cap. 14.

CUM ratio sacris in scripturis proposita, consuetudoq; sanctorum patrum, ab authoritate Scripturarum repetita non permittat excommunicatos liberari poenarum suorum vinculis, donec violatam Ecclesiae pacem & integritatem quantum in se est emendarint, & priori statui restituerint (nec enim æquum est illos in Ecclesiae corpus inferi, donec peccata formulis Ecclesiasticis eluerint, nec salus ab Ecclesia unquam ostenditur nisi prius ad probitatem se ipse reus revocaverit) hæc igitur cum ita sint, Iudex cum plane cognovit reum in Ecclesiae disciplina mansuete & clementer acquieturum, & si quem privatim offenderit, illi plene satisfactorum, tum demum ad Ministrum proprium curet reum remitti Ministrumq; certiores faciat quomodo reus in loco suo rursus collocari possit, postquam Ecclesiae se rite sum miserit, ad extremum omni cum officio perfunctus sit, in Ecclesiam reus inducatur, & ibi rite à legitimo Ministro dimittatur, & ad veram Christianæ charitatis omnem societatem adhibeatur, nisi forte simulatio sit aliqua Rei in hoc negotio deprehensa, planèq; de eo constet quod non sincere sed fugatè se gerat. Minister autem in primis curet ut ad legitimum iudicem totam rem perscribat quomodo tractata sit, & Reus jam liber ipse novæ nuntius suæ fortunæ, se quam primum ad Iudicem conferat: vel sic * Ministerq; certiores faciat de ritu & forma poenitentiae, & de tempore quo Reus astrictus sit Ecclesiam quam malo exemplo

exemplo offenderit emendare. Minister verò & Syndici, aut præstantes aliquot Parochiæ viri, imprimis curent ut ad legitimum Iudicem bona fide & mature rescribant an Reus mandatam à Iudice poenam summissè & plenè luerit, & externo corporis habitu animi verè poenitentis signa declaraverit, an sic se gesserit ut aut contumaciæ aut simulationis notas aliquis palam ostenderit. * Iudex vero cum reum omni officio præscripto perfunctum esse cognoverit, illū a vinculis Excommunicationis liberabit, curabitq; ut Ministri omnes qui Excommunicatum declararunt jam rursus liberatum & Ecclesiæ reconciliatum esse populo divulgent. Hæc vero semper ita procedant, nisi mortis periculum in Excommunicatione reum prehenderit, tū enim illum statim dimitti placet, si promissis pignoribus caverit se integrè satisfacturum omni ratione si fuerit salvi restitutus. Cum autem convaluerit, si mutaverit sententiam, & nolit Ecclesiæ disciplinam subire, rursus illius in Excommunicationem perfidia relabatur.

*Cum appellatur ab Excommunicante
quid fiat.* Cap. 15.

PRonuntiata scilicet Excommunicationis sententia, non potest quoquam nisi ab ipso illo authore rescindi, vel ejus legitimo vicario, nisi reus appellationis usus remedio causam superiorem ad Iudicem transmoverit. Tum autem si Reus vel injuria se dicat Excommunicatum, vel injustè ab Ecclesia quam omnibus officiis legitime conquiescit, author Excommunicationis accersetur, & nisi is quindecim dierū spatio postquā ad causam dicendam evocatus fuerit, aperte possit ostendere quod rectè & justè contra Reū processū fuerit, ejus prior sententia tanquā iniqua rejicitur & ad nihilum

hilum recidet. Verum author excommunicationis si superiori Iudici suam sententiam probaverit, rursus in ejus potestate Reus erit, pignoribus tamen ab illo interim providebitur ut impensæ præstentur, & ut omnibus qui violati fuerunt aut affecti injuria, satisfaciatur, sed dum hæret in judicio hæc Excommunicationis causa, Reus auctoritate superioris judicis Excommunicationis supplicio potest eximi. Sed si post Reus litem amiserit, & in judicio succubuerit, vel ipse sibi diffusus deseruerit appellationem, tum aut spatio viginti dierum posteriorem damnationem vel relictam appellationem consequentium, omnia faciat perfecte & abundanter quæ superiori sententia peragere jussus est, aut si recusarit rursus in luto prioris Excommunicationis hæreat.

De rebus qui mortis sententiam acceperunt. Cap. 16.

CUM Civilis magistratus aliquis flagitiosos homines adhuc non Excommunicatos præoccuparit, in carcerem abduxerit, hii si post sententiam mortis acceperint, & nos illis postea pepercerimus, nolumus tum indulgentia nostra Ecclesiæ disciplinam impediri. Iudex igitur Ecclesiasticus illos satisfactionis & reliquorum officiorum commonefaciat: quæ si non omnia rite perficiant, Excommunicationis virga tantisper flagellentur donec salubriores cogitationes susceperint.

Formula reconciliationis Excommunicatorum.

PRIMUM omni eo tempore quod ab Ordinario constitutum fuerit, Reus ad Ecclesiam accedens coram foribus subsistet, illo prorsus omni corporis habitu quem legitimus iudex assignavit. Pastor autem ex altera parte occurret, ac illum in Ecclesia frequenti cœtu sic affabitur. Vis nè frater
N.

N. in Christo charissime peccatum coram Deo tuum & in hujus Ecclesiæ conspectu confiteri, detestariq; tandem ut animum intelligamus a pravitate qua prius tenebaris abalienatum esse, teq; ut rursus ad ecclesiæ nostræ societatem aggregemus, à qua prius singulari perversitate tua revulsus eras : & subijciat reus, valde volo, meq; quam primum ad superiorē meam conditionem, unde turpiter & miserabiliter excidi, Dei beneficio & vestro revocari vehementer postulo. Tum pastor eum in templum introducat, & ad omnem circumfusam multitudinem hanc orationem habeat. Viri fratres adduximus ante oculos vestros, & in vestra præsentia collocavimus, quemadmodum muneris nostri ratio fert, reum hunc fratrem nostrum, qui suos ut plane nobis probet emendatos sensus, & correctam morum labem, peccati sui deformitatem qua Dominum communem nostrum Deum, & sanctam hanc ejus Ecclesiam offendit, publicè coram vobis paratus est agnoscere : quæ res licet pudorem illi nonnullum allatura sit, tamen Dei gloriam & Ecclesiæ nostræ statum vehementer amplificabit. Ad hoc igitur præbet se, vobiscum ut rursus coram Deo conjungatur, & fraternam recens intermissam ut iterum necessitudinem colat : in quo meæ partes sunt ut ex sacris apud vos scripturis repetam primum quod separatim ac propriè de præsentis rei crimine statui debeat, deinde quæ communis omnibus nobis de communi fragilitate nostra cogitatio suscipienda sit. Principio sacrarum scripturarum auctoritas duo nos de peccato docet: alterum est quod omnes sine ulla exceptione peccatorum in carcerem detrudimur. Alterum quod ad hunc finem vincula nostra referuntur, non ut semper in illis jaceremus, sed ut ex illis immensam & infinitam Dei patris misericordiam propter Christum explicaremus : quibus rebus facile possumus intelligere quid

hilum recidet. Verum author excommunicationis si superiori Iudici suam sententiam probaverit, rursus in ejus potestate Reus erit, pignoribus tamen ab illo interim providebitur ut impensæ præstentur, & ut omnibus qui violati fuerunt aut affecti injuria, satisfaciatur, sed dum hæret in judicio hæc Excommunicationis causa, Reus auctoritate superioris judicis Excommunicationis supplicio potest eximi. Sed si post Reus litem amiserit, & in judicio succubuerit, vel ipse sibi diffusus deseruerit appellationem, tum aut spatio viginti dierum posteriorem damnationem vel reliquam appellationem consequentium, omnia faciat perfecte & abundanter quæ superiori sententia peragere jussus est, aut si recusarit rursus in luto prioris Excommunicationis hæreat.

De rebus qui mortis sententiam acceperunt. Cap. 16.

CUm Civilis magistratus aliquis flagitiosos homines adhuc non Excommunicatos præoccuparit, in carcerem abduxerit, hii si post sententiam mortis acceperint, & nos illis postea pepercerimus, nolumus tum indulgentia nostra Ecclesiæ disciplinam impediri. Iudex igitur Ecclesiasticus illos satisfactionis & reliquorum officiorum commonefaciat: quæ si non omnia rite perficiant, Excommunicationis virga tantisper flagellentur donec salubriores cogitationes susceperint.

Formula reconciliationis Excommunicatorum.

Primum omni eo tempore quod ab Ordinario constitutum fuerit, Reus ad Ecclesiam accedens coram foribus subsistet, illo prorsus omni corporis habitu quem legitimus iudex assignavit. Pastor autem ex altera parte occurret, ac illum in Ecclesia frequenti coetu sic affabitur. Vis nè frater
N.

N. in Christo charissime peccatum coram Deo tuum & in hujus Ecclesiae conspectu confiteri, detestariq; tandem ut animum intelligamus a pravitate qua prius tenebaris abalienatum esse, teq; ut rursus ad ecclesiae nostrae societatem aggregemus, à qua prius singulari perversitate tua revullus eras: & subijciat reus, valde volo, meq; quam primum ad superiorē meam conditionem, unde turpiter & miserabiliter excidi, Dei beneficio & vestro revocari vehementer postulo. Tum pastor eum in templum introducat, & ad omnem circumfusam multitudinem hanc orationem habeat. Viri fratres adduximus ante oculos vestros, & in vestra praesentia collocavimus, quemadmodum muneris nostri ratio fert, reum hunc fratrem nostrum, qui suos ut plane nobis probet emendatos sensus, & correctam morum labem, peccati sui deformitatem qua Dominum communem nostrum Deum, & sacrosanctā hanc ejus Ecclesiam offendit, publicè coram vobis paratus est agnoscere: quæ res licet pudorem illi nonnullum allatura sit, tamen Dei gloriam & Ecclesiae nostrae statum vehementer amplificabit. Ad hoc igitur praebet se, vobiscum ut rursus coram Deo conjungatur, & fraternam recens intermissam ut iterum necessitudinem colat: in quo meae partes sunt ut ex sacris apud vos scripturis repetam primum quod separatim ac propriè de praesentis rei crimine statui debeat, deinde quæ communis omnibus nobis de communi fragilitate nostra cogitatio suscipienda sit. Principio sacrarum scripturarum auctoritas duo nos de peccato docet: alterum est quod omnes sine ulla exceptione peccatorum in carcerem detrudimur. Alterum quod ad hunc finem vincula nostra referuntur, non ut semper in illis jaceremus, sed ut ex illis immensam & infinitam Dei patris misericordiam propter Christum explicaremus: quibus rebus facile possumus intelligere quid

ipsi de nostris, deinde de aliorū criminibus cogitare possumus, & quis in illis nostri sensus esse debeat. *Communitas* enim illa peccādi quæ prius ad omnes pertinere dicebatur, in eo nos erudit, naturam sane nostram universam ipsam per se semper ad omne flagitiorum genus ferre. Quia propter, offensiones aliorū miserabiles nobis videri debent, nec fratres decet in officiis vel claudicantes, vel ruentes aut atrociter accusare aut superbe despiciere : sed hoc potius Christianæ conjunctionis est, ut non minor nobis in fratrum unis quam in ipsis magnis & capitalibus dolor accideret, quam si nos ipsi concidissimus. Imo vero fratrum in nostrorum occisu, nostram ipsi debilitationē & præcipitationem contemplemur, & de illa flebiliter communi voce coram Deo patre nostro conqueramur. Nam illud si verè nobiscū cogitemus, quòd omnium hominum natura peccati dedecus concipit, in eo minus acerbè nunquā alios insectabimur in quo nos teneri videmus, imo potius mansuete & summas gratias agemus quòd in tam grande crimen ipsi non sumus prolapsi, nostræq; constantiam innocentiae vehementissimis adeo & ardentissimis votis flagitemus. Et quoniam quidem omnes peccatorum mancipia sunt illis in miserabilem servitutem dedita, illa nos invicem resipiscentibus & supplicibus condonemus. Nam si secus faceremus, ipsi contra nos testimonium diceremus, in eo fraternam improbitatem accusantes, in quo nostra pravitas similiter delinquit, Cum autem in coeno peccatorum omnes ita volutemur, ut nulla nostrorum operum perfectione vel excellentia possimus ex illo extrahi, sed ex sola Dei patris propter Christū & gratuita misericordia nobis levatio sit, ut ejus ex eo nomen in summa celebritate versetur, & sempiterna gloria, maturus nobis ad pietatem & officium reditus esse debeat, & tempestivus ad singularem Dei misericordiam respectus,

Deus, qui nos in charissimo filio & hærede Christo tam arcte complexus est ut omnem peccatorum nostrorum poenam in illum derivaverit, & acerbissimis ejus tormentis condonaverit, si nos in sceleribus nostris ipsi coarguamus, nec flagitiorum nostrorum exultationem quærentes culpam in Deum & divinarum legum acerbiteriam deflectamus, sed potius ad illos clementiæ thesauros confugiamus quos Deus pater in filio Iesu Christo condidit, & ad illam perpetuo solam adhærescentes, salutarem ejus & propitium favorem uno consensu animorum firmè & sincerè postulemus. Neq; vero laetus est in hiis rebus aut delicatus dominus & pater noster Deus ut ad misericordiam eliciendam aut emendandum favorem pompa nobis & apparatu verborum opus sit, animum enim expendit, verba non numerat, si nos intimis nō eūdem fibris veram & lævam conquestionem deprompserimus, ac optima fide cōtra nequitiam nostram ipsi constiterimus, & cum ea dimicaverimus, & ad ejus gratiam recolligendam certa spe vota fecerimus, præstò statim est Deus, etiam ante quā invocetur, ad amplexus se nostros effert, & voces antevertit priusquam illas ulla ratione moli-ri possimus. Imo vero salubrem hanc & necessariam peccatorum agnitionem animis nostris infundit, & hac disciplina condoces factos ipse suis humeris imponit, & ad beatissimum ovile suum devehit, & magis exultat in unica persona tandem ad sanitatem revocata quæ vera peccatorum agnitione, & morum emendatione se recuperaverit, quàm in nonaginta novem justis & perfectis viris quos prius regni sui participes habuit. Hæc igitur cum ita sint fratres charissimi: & collocatus hoc tempore sit in conspectu vestro reus frater qui peccati sui turpitudinem coram vobis agnoscere, poenamq; illius a Domino Deo cōmuni patre nostro deprecari velit, vestra in præsentia quam veluti sanctissi-

mam Dei veneratur & reveretur Ecclesiam, & suppliciter
 petat ut hac submissa sui dejectione viam ad cœtum ve-
 strum invenire possit, & ad superiorem suum inter vos or-
 dinis fraterni locum pervenire, Christianæ vos ex vestra
 parte mansuetudinis recordari debetis, & vestra delicta
 cum hujus præsentis rei fratris nostri peccatis conjungere,
 perpetuamq; quandam, & similem nostrarum affectionum
 consuetudinem esse statuere, sed & arrogantiam nostram
 & spiritus frangat, & contumaciam minuat hujus abjectio
 nostri fratris, & sui despicientia, qui se quemadmodum ip-
 se quodammodo dederit & fugit pudore vitiorum confusus
 & percussus, eadem vestra sit coram Deo scelerum memo-
 ria vestrorum, & verecundia. Deinde cum ad hujus rei pu-
 blicam & apertam criminum confessionem attendentes, &
 illam optima fide propositâ existimaveritis, exemplo Do-
 mini Dei patris illum in humeros vestros iniciatis, fra-
 ctâq; & quassata gravissimis peccatorum ruinis, ejus mem-
 bra clementi fraternæ charitatis lenitate sustentetis, sic
 enim misericordiæ mutuis officiis peccatorum nostrorum
 onera sublevantes, legem illam Christi novam & auream
 faciendæ charitatis inter nos præclarè conservabimus, &
 proficiantur ad Deum patrem cum hujus rei precibus ve-
 stræ præces, pregnant cum ejus lacrimis etiam vestri fletus,
 & ita demum certam divini favoris fiduciam animo susci-
 pietis, quòd propter Christum immensam nobis & infini-
 tam misericordiam impartire velit, omnes una cum hoc
 reo fratre nostro veniam peccatorum expectemus, & id ipsi
 reum ad nos fratrem piè & officiose suscipientes, nostris
 quomodo possumus studiis contestemur Quæ majore ut in
 luce versentur, & facilius cerni possint, reum hunc charissi-
 mum fratrem, interposita mei muneris ratione, membrum
 assumamus & agnoscamus communis in Christo nostri cor-
 poris.

poris. Et intimus ut noster affectus in hoc corporis nostri recuperato membro testator sit, publicis illū & precibus & gratulationibus, & ad extremum etiam osculis consignemus. Tu vero mi frater primum & ante omnia in te ipse discende, ac tuum ipsius animum testem & iudicem adhibens, Deum omnibus partibus perscrutare, cogitato coram Deo cōsistere, non coram hominibus solū apparere, nec in hoc sæculo tantum hæc cū hominibus te tractare puta, sed in cœlo præcipuè corā Domino patre nostro. Quapropter diligētissime tibi circumspicienda sunt omnia, ne religione mei numeris ad illudendum Deo & spiritus sancto turpiter abutare. Certè quidē (mi frater,) ut cūq; nos tumultuamur miseri, Deus nos erudiet. Itaq; vehementer, & iterum atq; iterū provide, ne quicquam in hoc negotio sanctissimo, veteratoriè, vel dissimulāter feceris. Nos externi testes sumus summisionis tuæ, quam cōtemplati sumus, sed Deus in secretos, & penitus abstrusos mentis tuæ secessus intrat, & ulciscetur gravissimè si quicquā in te perfidiæ deprehenderit. Quapropter amplica mi frater, quantum in te est, Dei gloriam, quod uberrimè facies, si tuorum vitiorum sordes vehementer & serio detestatus fueris, & prorsus eorum omnem memoriam abhorreas. Is enim maximus est divinæ gloriæ splēdor, ut nos ipsi averlantes & abjicientes, Dei favorem per Christi filii sanctissimū nomen imploremus. Et hoc unum est excellens divinæ bonitatis lumen, ut spretis omnibus aliis & conculcatis, sola Dei patris & gratuita misericordia conservemur, quam tibi salutem, & nobis etiam omnibus, largiatur Deus pater, cui cum filio sit & spiritui sancto, sempiternus honos. Amen: hanc orationem cum Pastor explicuerit, reus in oculis & auribus Ecclesiæ circumfusæ, verba quæ sequuntur, clarè distincteq; pronuntiabit: *Æterne Deus, omnia rerum author, & parens,*

tu coelum, & terram, & quaecunque collucentia sunt in illis ornamenta, jam inde ab initio tui nominis ad gloriam & usum vitae nostrae prae paravisti, tui nos ut honoris, & laudis, maximam semper rationem haberemus, & ad sanctissimam voluntatem tuam, omnes actiones nostras dirigeremus. Verum ego teterrimus inter omnes & ærumnosissimus peccator, ab hoc tuo tam sancto salubrique consilio resiliens, tuam divinissimam maiestatem, immani perversitate mea, gravissime violavi, summoq; meo damno, & periculo purissimam illam innocentiae vestem, qua me baptismi sacramento per Christum servatorem nostrum cooperueras, labe scelerum inteci, & pollui. Deinde ad extremum, a me perditè prorsus abjeci, meq; ab Ecclesia, cui, per baptismum infundebar, perfidiose disjuxi. Quo factum est, ut in miserabilem peccatorum servitutem detrusus fuerim, & a tua maiestate nihil præter horribilem poenam & sempiternum exitium expectare possim. Sed tamen ingenti promissorum tuorum fiducia, quibus favorem & veniam omnibus denuntias, quantumcunq; scelestis & flagitiosis, qui Christi merita certa fide prestantes, & ad illam semper incubantes, acrem & magnum ex suis criminibus dolorem accipiunt, & in illorum recordatione gemunt & lugent: peccatum coram te meum (mi pater) & coram his fratribus meis, in hac Ecclesia praesenti tua collocatis, libenter profiteor, agnosco, detestor, & execror. Qui propter parce mihi, Domine Deus, miserere meae prorsus miserabilis & afflictæ conditionis tuam appello misericordiam infinitam, immensam. Teterrimus peccator, appello tuam cogitationem, superiorem misericordiam, O Deus pater, propter filium tuum, & servatorem meum Iesum Christum, qui pro communibus omnium peccatis, incredibili quodam humani generis amore ad atrocem, & infamem crucis mortem, trusus est, miserere

rere mei, mei inquam abjectissimi, & luctuosissimi, & facinorocissimi peccatoris, miserere. Tuq; posthac tantum robur mihi spiritus infunde, tuum ut semper nomen, perpetua beneficiorum tuorum memoria colam, & clementiæ tuæ laudem, actionum, & officiorum, constanti integritate, privatim, & publicè testificare, dilatareq; possim.

¶ *Cum hac recitarit, erectus astat, in altiorem aliquem locum translatus, ex quo facile videri possit, & audiri, clarè dicat, ea que sequuntur & aperte.*

Fateor ô viri fratres, fateor me, gravissimis sceleribus meis, & Deum meum imprimis, deinde vos etiam omnes incredibiliter offendisse, meq; adeo fateor omnibus modis indignissimum, ut Ecclesiam vestram rursus assumam, ac ad membra preciosissimi corporis Christi annumerem, quoniam sanctissima cœlestis mei patris mandata flagitiosissimè scelestissimèq; projecì & conculcavi, & Christi servatoris mei, sacrosanctum sanguinem, quo sum ex faucibus inferni ereptus, quantum in me fuit, immani flagitio prophanavi. Vobilq; fratres, peccandi licentiam, & impietatis exemplum, subministravi.

¶ *Deinde suum intextat peccatum cuius reus est factus, & eo exposito, sic instituto sermone pergat.*

In hac igitur mea tam inquinata vivendi ratione, mihi ipse sum gravis, & malefici mei labes est ea quidem omnibus modis mihi intollerabilis, atq; adeo vos omnes, per Deum immortalem obtestor, ne meo corruptissimo quifquam exemplo maleficiū ad hoc prælens meum, aut hujusmodi aliud adducatur. Imo terreri potius miseria vos mea

deceat, ne simili vos dedecore contaminetis. Deinde suppliciter à vobis peto, per immensam Domini nostri Iesu Christi charitatem, per ejus acerbissimam mortis in cruce perpeffionem, qua totum genus humanum a diaboli vinculis liberavit, ut præiens hoc crimen meum condonetis, in quo præclarissimam ecclesiæ vestræ societatem turpiter inquinavi. Deinde vos etiam magnoperè rogo, me rursus ut ad cœtum vestrum quantacunq; perversitate fuerim, clementer aggregetis.

*¶ Tum pastor, circumfusam ecclesiam
sic interroget.*

Vultis (viri fratres) huic reo resipiscenti, suam condonare culpam, qua cœtum hunc vestrum offendit, & ejus causam communibus vestris precibus Deo patri commendare, suam ut illi misericordiam impartiat, & quod nos hic in terris facimus, ille velit idem in cœlo confirmare? Respondeat populus, volumus.

¶ Rursus pastor sic interroget.

Vultis nè reum hunc in vestrum cœtum recipere, charissimorumq; posthac in numero fratrum habere? Respondeat populus, volumus.

¶ Tum pastor reum in genua inclinatum, sic alloquatur.

Charissime frater, quoniam in conspectu totius ecclesiæ, professus es maximum & summum te tuo ex flagitio dolorem cepisse, & intimis propter illud sensibus commotum fuisse, præterea cum ecclesiasticæ disciplinæ tranquille, & summis subieris, deinde cum a Deo criminis veniam depoposceris, & tandem a fratribus demissè & suppliciter requisiveris, vehementer ab illis contendens, ne tuo
exem-

exemplo ad delinquendum abutantur, sed potius fruantur ad recte vivendum: deniq; cum illorum tibi charitas veniam concesserit, & ad suam societatem rursus apposuerit.

(¶ *Hic pastor, rei capite contracto, ita pergat.*)

EGo te coram hac Ecclesia, cujus mihi administratio commissa est, te tuorum poena delictorum, & excommunicationis exolvero vinculis, per auctoritatem Dei, potestatem Iesu Christi, & spiritus sancti, consentientibus hujus Ecclesiae praesentibus membris, & etiam ordinario si fragante, tibiq; rursus pristinum in ecclesia tuum locum, & plenum jus, restituo.

¶ *His rebus conclusis pastor reum complectatur & osculo sancto fratrem agnoscat, eumq; manibus attollat & medio templo propè mensam deducat, communioni preparatam, accipiens interim Te deum, vel gloria in excelsis vel, ut maxime convenire videbitur, & chorus in alternis versibus perpetuo succedat, ad finem pastor addat. Sit nomen Domini laude affectum. Respondeat populus, Ex hoc tempore usq; ad omnem aeternitatem. Sequatur his verbis oratio.*

Agimus tibi gratias (clementissime pater) quòd hunc fratrem nostrum a lata via quæ sempiternum ad exitium deducit, mature tua singulari misericordia revocaveris, & salutarem resipiscendi spiritum illi suppeditaveris, qui dux ad vitam æternam est, ut ex pestiferis diaboli paludibus emergens, in dulcissima Iesu Christi servatoris nostri pascua commigravit, ac proprium se receperit ad gregem, a quo, periculosissima è jam ante peregrinabatur. Itaq; tuum in perpetuosit honore nomen, tua semper laus, perpetua com-
memoratio.

ratione nostra dilatetur, tua nobis gloria continuis officiorum nostrorum sermonibus usurpetur, & frequentetur, cum in omni reliqua infinita bonitate tua, tum in hoc particulatim fratre nostro, quem nostra communi læticia & exultatione reduxisti in viam, ut ex ejus parte, recuperata salute, maximum gaudium caperemus: qui sua prius calamitissima ruina, summum nobis dolorem afferebat. Quapropter quæ sumus, ut hæc ad te, pro fratre nostro fusa vota perveniant, & in illis, ipse pondus & firmitatem esse velis, ut ille nobiscum, & nos una cum illo, timore fide, spe, dilectione reliquorum, comprehensione tuorum mandatorum ad tuam voluntatem vitam omnem nostram confirmemus, & in perpetua veneratione tui nominis semper acquiescamus. Animadvertite Deus pater, animadvertite, nobisq; spiritum tuum, tuis famulis largire, propter Iesum Christum, qui tecum vivit & regnat, in unitate spiritus sancti Deus. Quum pastor extremam hanc orationem terminaverit, ad reum jam planè reconciliatum se convertat, & cum illo vehementer agat, ne rursus ad peccandi licentiam recidat, ostendens quàm periculosa sint secundæ ruinæ, quibus auctoritate scripturarum, extrema necesse prioribus esse deteriora, deq; ea re publicam requirat professionem, quod firmè secum ipse constituerit, quemadmodum a Deo se postulat & sperat adjuvari, diligentissimam & summam adhibere cautionem, ne Dei posthac in iram incurrat, & a sanctissimis ejus mandatis tam longe peregrinetur ut rursus publico fidelium cœtu sit illi merito carendum. Deinde & Deum ipse rogabit, & ad id communes Ecclesiæ preces postulabit, ut suum Deus hoc institutum constabiliat, & in Christo Iesu corroboret. Quoties aliquis excommunicatione, propter peccatorum magnitudinem ejectus ex Ecclesia, proprium auctoritate judicium ad hoc adhibita, rursus in suum

suum coetum hac quæ anteprogredita est formula, receptus fuerit, crimine solutus, curet ut ad certum tempus sibi præscriptum, ordinarius suæ reconciliationis certior fiat, & illam singrapha subscribat primum ipse pastor, vel ejus vicarius, & aliquot ex gravissimis & integerrimis in Ecclesia viris, qui rei gestæ interfuerint, partim ut ipsa reconciliatio testator esse possit, partim ut ordinarius cum actum fuerit, intelligat, & in eo quod piè Christianèq; factum est, communem cum aliis læticiam percipiat.

**DE IUDICIIS ET VBI
QUIS AGERE VEL CONVE-
NIRI DEBEAT.**

¶ *Quid iudicium.* Cap. 1.

Iudicium est actus legitimus, ritè ac ordine perveſtigandi & decidendi, quæ in controversia apud iudicem producuntur.

¶ *De judiciis ordinariis.* Cap. 2.

Ordinaria judicia sunt in quibus ea omnia requiruntur quæ in legitima causarum cognitione observari debent.

¶ *Ordine omnis juris non servato, processus redditur nullus, si iudicium fuerit ordinarium.* Cap. 3.

In iudiciis ordinariis civilibus, ad pronunciandum summam sufficiat plena cognitio causæ. Verum in criminalibus propter periculum, acerrima indagatio adhibeatur,

neq; in illis pronuncietur, nisi cognitio causæ habeatur plenissima, & probationes fuerint ipsa luce clariores.

¶ *De judiciis extraordinariis. Cap. 4.*

IN extraordinariis judiciis procedendi ordo non observatur, quo ad omnia. Describuntur autem judicia summaria de plano, & sine strepitu, & sine forma, & figura judicii.

¶ *De judiciis summariis. Cap. 5.*

IN summariis judiciis, lites absq; exacta probatione possunt definiri, ut si actio sit ad exhibendum, & quo ad omnes alias quæstiones quæ circa indagationem principalis causæ emergunt, modo tale fuerint ut earum definitio non pariat præjudicium litigantibus, quo minus jus suum alio judicio prosequi possunt. Illa quoq; summaria sunt judicia in quibus probationes adversus absentem admittuntur.

¶ *Processus de plano & sine strepitu judicii. Cap. 6.*

QUandoq; de plano, vel (ut dicitur) sine strepitu procedi potest, quando a iudice extra locum ordinarium, dum pro tribunali non sedet, & feriis non observatis iudicium agitur, recipiendo libellum actionis, aut litteras appellationum, & quicquid est eorum quæ parti adversæ non pariant præjudicium. Quinque in & integras causas nonnunquam de plano cognosci posse volumus: ut cum levia delicta sunt punienda, in quo tamen iudicii genere cæteras observationes juridicalis processus non volumus prorsus omitti.

¶ *Pro-*

¶ *Processus absq; forma & figura
Iudicii. Cap. 7.*

PROCESSUS absq; forma & figura iudicii, tunc fit, quando ea tantum quæ sunt juris naturalis in processu conservantur, & citatio legitimarum personarum, qua mandatum exhibeant, qui postulare quippiam nomine alterius velint, petitio, defensio & alia huiusmodi. Ea vero quæ solius juris civilis & positivi sunt recitantur, ut libellus fieri ob necessitatem hominum constitutæ litis contestatio & similia.

¶ *Quando procedere licet summarie & de plano, & sine
strepitu, ac forma iudicii. Cap. 8.*

IUDex in cognitione causæ nequaquam pro suo arbitrio summarim de plano & absq; figura & forma iudicii procedat, sed tantum cum id ei nominatim a legibus nostris permittitur. In causis beneficialibus, matrimonialibus, testamentariis, nec non decimarum, & ulurariarum, ac eas quoquo modo tangentibus simpliciter, ac de plano, & sine strepitu & figura iudicii processus fiat. In aliis autem civilibus iudiciis, & criminalibus non notoriis, ordinem iudiciorum observari volumus, nisi ex consensu partium aliud statuatur, vel ex commissione nostra regali rescribatur.

DE CRIMINIBVS.

CAP. I.



Criminalia iudicia tunc agi dicantur, quando in iudicio ipso de crimine agitur, vel animadversione juridica puniantur, quod interdum fiat per accusatores. quandoque per denunciatores quia ad iudicem de eo referant,

referant. Nonnunquam iudex ex officio suo inquirat, non existente accusatore aut denunciatore. Aliquando verò per exceptiones inter litigantes objectas. An vero in hiis criminalibus iudex ordinariè vel extraordinariè procedere debeat, partim ex legibus, partim ex verbis commissio- nis factæ sibi, a nobis, intelligat.

¶ *De criminibus notoriis.* Cap. 2.

QUando crimen est notorium, non requiritur observa- tio judiciarii ordinis, sed evidentia. Cum jam constet a quo crimine sit commissum, satis esto citari obnoxium ad audiendum sententiam, ut si quis habeat, probabiles at- ferat causas, propter quas, ad hanc vel ad illam poenam condemnari non debeat. Et si crimen sit notorium, nulla tamen legitima sui defensio neganda est, cum de crimine constet notorio, seu citatus veniat, seu non veniat, contra eum summarie procedatur.

¶ *De crimine non notorio.* Cap. 3.


DE crimine si qua dubitatio fuerit, cum eam probatio- nibus tolli sit necessarium, & quidem luce clariori- bus, judiciarium ordinem severissime servari volumus. Ec- enim error in his non potest esse nisi nocentissimus.

¶ *De criminali accusatione.* Cap. 4.

AD accusandum criminaliter nemo admittatur, nisi pri- us astringerit ad scribendum poenam, cui accusatus victus, subijci debuerat, si succumbat in iudicio, & nisi si de iussos dederit quibus de lite prosequenda caveat.

DE IUDICIIS.

¶ *Iudex non suus ex consensu sit suus.* Cap. 1.



Iurisdiclio cujuslibet judicis non sui qui tribunali præst, vel aliam jurisdictionem habet, ex partium litigantium consensu prorogari possit, at privatorum consensus judicem eum non facit qui nulli præst jurisdictioni, nec quod eis statuit rei judicatæ continet auctoritatem. Non solum expressè sed etiam tacitè prorogatio fieri possit. Nam si litigatores judicem non suum scienter admiserint, jurisdictionem illius prorogare intelliguntur. Si quis in aliquem judicem coram ipso & cum suo adversario consentit, quòd ob certam aliquam causam non potest in ea illum declinare, non videtur in judicem consensisse, qui edì sibi genus apud eundem judicem desiderat actionis.

¶ *De judiciis delegatis.* Cap. 2.

Cum judex ordinarius unum ex pluribus delegatis judicare vetat, cæteris id committere videtur.

¶ *Qui iudices nequeant esse.* Cap. 3.

Non omnes homines indiscriminatim iudices esse possunt. Quidam enim natura impediuntur, ut surdus, mutus, & perpetuo furiosus, quia iudicio carent. Quidam lege impediuntur, ut infames, quidam moribus ut fœ minæ & servi, non quia iudicium non habent, sed quia receptum, est ut civilibus non fungantur officiis. Quidam ut impubes, & minor octodecim annis, tales enim iudices esse non permitimus, etiamsi ex consensu litigantium postulentur.

¶ *De*

¶ De recusatione judicis. Cap. 4.

Iudex etiam ordinarius potest recusari ex omni causa qua verisimiliter in favorem alterius partis inclinare præsumitur. Sed qui recusat, causas debet exponere ac verisimiles ostendere. Si alter ex litigatoribus iudicem solum hæredem, vel ex parte executorem fecerit, alius iudex necessario sumendus est, quia iniquum est aliquem suæ rei iudicem fieri. Observandum est ne is iudex detur, quæ altera pars nominatim petit, id enim iniqui exempli esse judicamus, nisi hoc specialiter a nobis dignitatem iudicis petiti permittatur.

¶ *Succedens iudex supplere potest quod præcedens non præstiterat. Mortuo iudice, succedens in ejus locum potest procedere juxta formam retroactam prout ille potuit, in cujus locum successit.*

Si iudex, cui certa tempora præstita erant, decesserit, & alius in ejus locum datus fuerit, tanta ex integro in persona ejus præstita intelligemus, quamvis delegans nominatim hoc in sequenti datione non expresserit, quanta prior iudex, qui decessit, præstiterat: ita tamen, ut legitima tempora non excedant. Qui iudex est in iudicio possessorio, idem esse debet in petitorio, ne causæ continentia dividatur.

¶ Tres iudicii partes.

Tres partes habet iudicium: principium usque ad litis contestationem: medium usque ad conclusionem in causa, & finem per sententiam.

¶ De citatione.

Per citationem inchoatur iudicium, & jurisdictio perpetuatur, cum qui in jus vocandus est, non tribus ædificis.

dis, sed uno peremptorio pro omnibus (ut circuitus evitetur) vocari placuit.

¶ *Quando partes procuratores mittere possunt.*

Iuris esse ambiguum non videtur, judicem ordinarium sine delegatum jubere non posse alterutram partium coram se personaliter comparere, nisi causa fuerit correctionis, vel nisi pro veritate dicenda, vel pro juramento calumniæ faciundo, aut alia juris necessitas partes coram eo exigeret personaliter præsentari. Principales personæ non procuratores, aut advocatos, super facto in judicio proposito, sed pro se ipsis respondere debent, si judex eas interrogandas vel examinandas fore duxerit.

¶ *Citatus comparere debet coram iudice etiam non suo.*

Si quis ex aliena jurisdictione ad judicem vocetur, debet venire, iudicis enim est existimare an sua sit jurisdictio, vocati autem est non contemnere auctoritatem iudicis. Nam & privilegiati in ea sunt causa, ut in jus vocati veniant, & privilegia sua allegant.

¶ *Mutatio loci post citationem non sufficit ad declinationem fori.*

Si quis, posteaquam in jus vocatus est, alterius fori esse cæperit, exceptio illius fori non obstabit, quod ab alio sit jam præventus.

¶ *Citatus tutus sit ad iudicem accessus, & recessus.*

Ad iudicium ecclesiasticum vocatus per iudicem secularem, cuiuscunq; sit privilegii, cundo, stando, vel redeundo

deundo non molestetur, vel realiter capiatur, sub pœna decemlibrarum amplieandarum cistæ pauperum.

¶ *De solvendis impensis.*

SI reus vocatus ad iudicium comparuerit, & actor nihil objecerit, reus exhibita copia citationis, & fide facta super diem comparationis, una cum expensis dimittatur. Eum quem temerè adversarium suum in iudicium vocasse constiterit, viatica litisq; sumptus adversario suo reddere oportebit, victum victori iudex condemnabit in expensis, nisi iusta causa ei qui succumbit subveniat. Expensas litis iudicis est, post sententiam, in executione taxare, & deinde juramentum super veritate earundem, parti vincenti deferre.

¶ *De foro judiciali.*

Iuris ordo est, ut actor rei, & non reus actoris forum sequatur, rei quatuor rationibus, forum sortiuntur, in titulo de officio in iurisdictione omnium iudicum & ibi exponantur. Cum reus potest conveniri in pluribus locis, tunc est in arbitrio actoris positum, ubi velit eum convenire. Clericus in foro civili, si quempiam convenerit, in eodem potest ab adversario suo reconveniri, ac ibidem iudicabitur, non tamen quoad criminalia, ubi caput est semel, ibi & finem accipere debet.

¶ *Quatuor modis potest reus forum sortiri.*

REi quatuor rationibus forum sortiuntur. Aut propter domicilium (a iudice quippe loci ubi quis habitat est iudicandus) aut ob delictum commissum (ibi enim quis iudicatur ubi peccatum admisit, & deprehensus fuerit,) Aut
ob

ob locum ubi sita res fuerit, de qua contenditur. Nam si de beneficio Ecclesiastico, aut de decimis agrorum, aut domum litigetur, iudex lociearum rerum est aduendus. Aut propter locum contractus: siquidem ubi quis contraxit, plerumque de contractu est litigandum.

¶ *Ordinarius iudex non potest mutare locum consuetum.*

Ordinarius iudex in loco majorum jus reddere, & in eodem sententiam proferre debet, nisi de consensu partium alius locus deputetur.

¶ *De libello.*

Actionem in libello actor non tenetur exprimere, sed factum ipsum, & rei veritatem pure, & simpliciter, ut ex eo jus agendi collocatur, narrare sufficit. Iudex quandoque de ineptitudine libelli ei constiterit, reum absolvere debet: ita tamen, quod si actor aptum & congruentem libellum porrexerit, reus nihilominus respondere teneatur.

¶ *Iudicium quando solvitur.*

Iudicium solvitur vetante eo, qui judicare iusserat, vel etiam eo, qui majus imperium in eadem jurisdictione habet, vel etiam si ipse iudex ejusdem imperii esse ceperit, cujus est, qui judicari iussit. Si unus ex litigatoribus habens procuratorem post litem contestatam decesserit, iudicium non solvitur. Nam iudex contra procuratorem tanquam Dominum litis usque sententiam inclusivè procedere poterit: executio tamen contra executorem, seu bonorum administratorem demortui, & non contra procuratorem fiet.

¶ *De causis incidentibus.*

Quoties in causa, & lite pendente, coram iudice, aliqua causa incidens, seu emergens concurrir, nihil prohibet, quin

apud eundem iudicem huiusmodi causa terminetur, licet principaliter semper eadem cognoscere non possit. Iudicium valet super emergenti, etiam super quo iudex non pronunciat, sed ultra processit.

¶ *Intra annum cause omnes terminentur.*

Cum nonnunquam lites plus iusto, per superfluas allegationes, & dilationes protelentur, ideo causas ecclesiasticas omnes post litem contestatam, intra annum terminare volumus, alias peribit instantia. Si iudex negligens causam, infra annum sua culpa non finierit, poena virginti librarum, fisco nostro solvenda, ultra interesse partium, puaictur: & partes nihilominus, nisi inter se concordarint, pergant capta processus forma, litem prolequi. Si causa infra statuta tempora, propter unius litigantium negligentium non terminetur, tum iudex partem negligentem in expensis, & damnis, adversario restituendis, ac in poena decem librarum, fisco nostro solvenda, condemnabit, & partes nisi inter se concordarint, coepta forma processus litem prolequentur.

¶ *De officio iudicis.*

Iudici in causa instantionata, cujus instantia elapsa fuerit, testes, & instrumenta recipere, ex suo officio ut tollatur omnis suspitio, non permittitur. Iudices oportet imprimis rei qualitatem plena inquisitione discutere, & tunc utramque partem interrogare saepius, numquid novi addi desiderent: ac deinde tam in allegationibus facti, quam juris pensatis suam sententiam definitivam in scriptis proferre. De qua re cognoverit iudex, de ea quoque pronunciare, per superiorem cogendus est.

Iudex post conclusionem, in causa non potest ex suo officio, ali-

aliquid facere, nisi super prius actitatis, si fuerint obscura.

¶ *Pena Iudicis, scienter ferentes
sententiam injustam.*

Iudex parti ad interesse tenetur, si evidentè arguatur ejus sententia, vel gratia, vel inimicitia, vel etiam sordibus lata: tunc volumus, ut veram æstimationem litis præstare cogatur.

¶ *Absens contumaciter non est
audiendus, si appellet.*

Sciendum est ex peremptorio absentem condemnatum si appellet, non esse audiendum, si modo per contumaciam defuerit, sin minus audietur.

¶ *De nondum adultis.*

Cum qui ad ætatem adultam pervenerit, & a tutoribus liberatus sui juris esse cæperit, per se, aut per procuratorem, judicium suscipere posse certi juris est. At infra id tempus, pro se agere, aut defendere non poterit, sed per tutores ejus lites (cum inciderint) agitabuntur.

DE OFFICIO ET IVRIS- DICTIONE OMNIUM IUDICIUM.

¶ *Jurisdictio ordinaria & delegata.*

Inter jurisdictionem ordinariam, & delegatam, hoc interest, quòd ordinaria vel lege, vel privilegio, compositione aut consuetudine: delegata vero ab homine datur & conceditur.

Jurisdictione Regis.

REx tam in Archiep. Episcop. Clericos, & alios ministros, quam in laicos infra sua regna, & dominia plenissimam jurisdictionem, tam civilem, quam ecclesiasticam habet, & exercere potest, cum omnis jurisdictio & ecclesiastica, & secularis ab eo tanquam ex uno & eodem fonte derivantur.

Jurisdictione Archiepiscopi, Episcoporum, Archidiaconorum & aliorum.

Archiepiscopi, Episcopi, infra suas dioceses, & capitulum, sede vacante, jurisdictionem ordinariam ex lege: archidiaconi vero ac ceteri ecclesiarum praelati solum ex privilegio, compositione, aut consuetudine præscripta acquirunt & habent.

Jurisdictionem ordinariam ex privilegio, compositione, vel consuetudine præscripta, ante has leges nostras ecclesiasticas, per quemcunque ecclesiæ prælatum acquisitam, in suo robore (ubi his legibus nostris non adversatur) permanfuram fore judicamus.

Jurisdictionem ex privilegio, compositione, vel consuetudine præscripta, per archiepiscopos, antehac infra suas provincias usitatam (si his legibus nostris non repugnet) non solum consistere, sed etiam per eoldem in futurum exercere posse placuit.

Judicis officium.

Congruit bono & gravi judici, ex officio suo, curare, ut pacata, & quieta & ad pietatem dedita jurisdictio sit, quam regit, quod non difficile obtinebit, si sollicitè de malis hominibus conquirat, & prout quisque deliquerit, in eum animadvertat, atque fama, vel indicium potest judex descendere ad inquisitionem.

Inris-

Jurisdictio delegata.

Cui jurisdictio data est, ea quoq; concessa esse videtur, sine quibus jurisdictio explicari non potuit, & ideo potest delegatus partes citare, & contumaces severitate ecclesiastica coercere, etiamsi literæ commissionis id non contineant.

Jurisdictio episcoporum & prælatorum.

Habeant episcopi in suis diocesibus, & alii ecclesiarum prælati, in suis jurisdictionibus, liberam potestatem de adulteriis, & sceleribus, quæ ad suum forum pertinent, inquirendi, ulciscendi, & judicandi, absq; impedimento aliqujus. Et cum opus fuerit, judicium convocentulare.

De loco judicii.

Placuit, ut episcopus in quolibet loco suæ dioc. & archidiac. & alii prælati jurisdictionem habentes in locis solitis, per se, vel per alium, sedere pro tribunali, causas ecclesiasticas audire, delinquentium excessus corrigere, & cætera, quæ ad officium spectant, liberè exercere possunt. Nemo tamen pro tribunali, in quorumcunq; loco, sedere de consensu ordinarii loci, prohibeatur.

Archiepiscopi privilegium.

Archiepiscopus potest eligi in judicem a subditis suffraganeorum, licet suffraganei ignorent.

Pœna in contumaces.

Judices ecclesiastici in contumaces, & non obediētes, pœnas ecclesiasticas proterant, atq; ecclesiastica jurisdictionis contemptores hujusmodi pœnis coerceant.

Cancellarius.

Vicarius Episcopi iudex est ordinarius, neq; jurisdictionem habet subdelegatam.

Vicarii jurisdictio, eo mortuo, qui cum fecit vicarium definit.

Ætas iudicis.

Iudex non deputetur minor viginti quinque annis.

Quando impunè non paretur iudici.

Extra territorium jus dicenti impunè non paretur, idem est, etsi supra jurisdictionem suam velit jus dicere.

De delegatione jurisdictionis.

More majorum ita comparatum est, ut is deum jurisdictionem mandare possit, qui eam suo jure, non alio beneficio, habet. Cui aliqua causa est delegata, illam alteri subdelegare non potest, nisi a nostra regia maiestate causa fuerit ei commissa. Nam tunc non solum delegare potest, sed etiam alios cogere ad causam acceptandum, quam ipsis delegaverit, si tamen industria personæ ejus in commissione causæ deprehendatur elector, ipsam totam delegare non poterit. Delegatus tamen nostræ maiestatis subdelegato suo non potest dare facultatem subdelegandi. Delegatus etiam maiestatis nostræ non potest subdelegare, adjiciendo hanc clausulam, appellatione remota, licet ipse cum ea fuerit delegatus.

Solvi mandatū non dubitatur, si is qui mandaverit jurisdictionem, decesserit, antequam res, ab eo cui mandata est, geri cæperit. Potest iudex ordinarius suam jurisdictionem mandare, & aut omnem mandat, aut speciem unam. Nam & is, cui mandata jurisdictio est, fungitur vice ejus, qui mandavit

mandavit non sua. Delegatus regius vices nostras gerit, unde in causa superior est & major illis quorum causam suscepit terminandum. Ideo si quis ligitantiū rebellis, & contumax fuerit, secundum qualitatem facti, poterit a iudice delegato per censuras Ecclesiasticas coerceri, Delegatus potestatem habet non solum in partes principales, sed etiam in alios qui suam iurisdictionem impendant, ac eos distictione Ecclesiastica, coerceri poterit. Delegatio facta dignitati, non expresso nomine personæ, ad successorem transit, nisi fortasse in commissione fiat mentio antea dæ vitæ, doctrinæ, aut acuminis, & similium, quæ personam, non dignitatem describunt. Sin verò fiat per nomen proprium, morte delegati expirat.

Delegatio causæ illis quoq; personis fieri potest, quæ fuerunt inferiores partibus litigantibus. Si duobus causa committitur, etiam si non inferitur, ut unus sine altero procedat in ea, nihilominus unus ex ipsis sive suo coniudici, sive alii, vices suas committere potest.

Si causa tribus committitur, cum clausula, quod si omnis interesse nequiverint, duo eam nihilominus exequantur, priusquam de impotentia tertii appareat, duo nihil in causa agere valeant: sed si aliquis ex ipsis cum possit, noluerit interesse, tunc duo in causa procedant, licet tertius sit arguendus, pro eo quod mandatum superioris subterfugiat, aut contemnat, idem quoq; per omnia dicimus observandum, in causa quæ committitur duobus, eo opposito, ut si ambo interesse nequiverint, alter nihilominus exequatur.

Iurisdictionis pluribus delegata, sine conditione, si non omnes interesse possint, qui valeant adesse, procedant, uno eorum mortuo expirat.

Si plures iudices delegati fuerint, omnes oportet actis interesse, nisi expressum sit in commissione, aliquo, vel aliquibus

bus eorum non valentibus adesse, reliquos debere in causa procedere: Quo tamen casu, collega sive collegæ debent a reliquis requiri, an possunt an velint adesse.

Licet Delegatus ordinarii inferioris a principe subdelegare non possit, tamen unam speciem, sive aliquam partem ejusdem causæ committere licitum existat. Delegatus ordinarii inferioris a principe, ad universitatem causarum, subdelegare posse non dubitatur, cum ordinarius, & delegatus ad universitatem causarum in jure prope modum assimilantur. Delegatus si sit de jurisdictione delegantis, onus commissionis in se suscipere tenetur sub poena contemptus.

*Jurisdictio delegati re integra morte
mandantis expirat.*

SI quis se asserat esse delegatum principis, vel cum mandatis secretis missum, sciant omnes ei, cujuscunq; sit dignitatis non esse credendum, nisi id scriptis probaverit. Si delegatus pronunciaverit se jurisdictionem non habere, ipsam etiam de consensu partium, non reassumat.

Subdelegatis postquã cepit causã cognoscere, non potest per delegantem removeri. Vicarius autem episcopi removeri potest quindocunq; voluerit Episcopus, quia non est ejus delegatus. Subdelegatus inferioris a principe aliquem articulum causæ potest subdelegare, & actum (ut appellant) non jurisdictionem quemadmodum est citatio, & similia.

Causa potest alicui delegari, hoc mandato, ne ad ejus decisionem procedatur, nisi adhibito consilio, vel delegantis, vel nominati alicujus prudentis viri, quod si fiat, necessarium erit, subdelegatũ priusquã sententiam ferat, consilium audire juxta mandatum: non tamen cogetur, juxta illud, ferre sententiam. Possit enim fieri, ut esset injustum, & contrarium ordini juris, & sententiam tum secundum conscientiam

scientiam tum secundum jura ferenda est.

Illi, cui commissum fuerit excommunicare, vel absolvere aliquos, vel pro delictis poenitentias injungere, liceat hoc demandare, quia non sibi jurisdictio, sed certum ministerium potius committitur: & tamen excommunicare potest, impediens eum exercere suum ministerium injunctum, ne illusoria, & sine exitu esset talis commissio.

A delegato ad delegantem appellari debere non ambigitur. Est receptum ut si major, vel aequalis subiciat se jurisdictioni alterius, possit & pro eo, & adversus eum jus dici.

*Audiat iudex tantum ea quae sua
sunt jurisdictionis.*

Primū debet iudex, quando audit, id explorare, an jurisdictio earum rerum, personarum, aut criminum, quae in iudicio proponuntur, ad se pertineat: cūq; illi confiterit ea suae jurisdictionis esse, judicandi munus aggrediatur: si vero animadvertit ad suam jurisdictionem non pertinere, causam remittat ad proprium iudicem, reum ab observatione sui tribunalis absolvat, & actorem in expensis, si quae intercesserint, condemnabit.

¶ De foro competentis.

Clerici litigaturi suum Episcopum, seu eius vicarium ad-eant, & absq; illius consensu, & voluntate in nullū aliū iudicem consentiant. De criminibus mere ecclesiasticis nemo quenquā, nisi apud iudicem ecclesiasticum conveniat.

Causa Ecclesiastica.

Hae sunt vero causae sublequētes jurisdictionis ecclesiasticae, beneficiales, matrimoniales, & divortii, causae testamentariae, & bonorum administrationis defunctorum, subtractionis legatorum, mortuariorum, decimarum, obla-

tionum, & aliorum jurium ecclesiasticorum, necnon & usurarum, & hæresium, incestus, adulterii, fornicationis, sacrilegii, perjurii, blasphemæ, fidei læsionis, diffamationis, & cōvicii, injectionis manuum violentarum in clericum, perturbationis divinarum morum, correctionis & reformationis cōputus ecclesiarum, & œconomorum, causarumq; debiti ecclesiis earumq; ministris, reparationis, & dilapidationis ecclesiæ, cœmiterii, ac aliorum ædificiorum ecclesiasticorum. In hiis namq; causis cum suis incidentibus, emergentibus, dependentibus, & connexis quibuscunq; atq; in omnibus aliis causis, quod ad correctionem peccati spectat, judex ecclesiasticus, & nullus alius se intrōittat, cognoscat, aut judicet.

¶ *De recusatione judicis.*

Ordinarius judex quando ut suspectus recusatus fuerit, expeditum, & consultum, id est, ut sine mora causam alicui deleget, in quæ partes tanquā in non suspectum consentiant. Quod si justa aliqua ratione motus facere nolit, causas suspicionis a recusante, corā se jubeat assignari, de quibus an justæ sint, cognoscent, pronunciabunt arbitri, vel a litigantibus, vel a judice, & reo (si nullus fuerit actor) electi, & ne res diutius protrahatur, terminus arbitris est præfigendus, quo de causa suspicionis constituāt, an justæ vel injustæ videantur, qui si non concordarint, una pars unum, & altera alterum deleget, qui intra certum terminum pronuncient. At si non consenserint, ad se tertium advocent, & quod duo decreverint, id esto judicatum. Et si definitum fuerit suspicionis causas non esse justas, tum ordinarius munere suo fungatur. Sin vero pronuncientur justæ, ordinarius, aut litigantes transmittat ad superiorem judicem, vel det illis delegatum, in quem tanquam in non suspectum consentiant. Cum vero judex ordinarius fuerit vicarius Episcopi,

.aut

aut inferior episcopo, tum episcopus ipse de causis suspitionis iudicabit, neq; arbitros adhibere opus erit, nisi episcopus forte extra diocesin fuerit, aut in loco multo distanti agat, nam tunc arbitri prout dictum est, eligentur.

Causa recusationis.

CAusæ, quibus iudex recusari potest, permultæ sunt, ut si reculans cum iudice, tanquam cum privato, causam habeat: si iudex cum recusantis dignitate causam habeat: si iudex noluit recusantem ad osculum pacis, vel ea exhibere illi officia, quæ his præstare mos est, qui sunt paris aut consimilis gradus. Si iudex minatus fuerit parti, se velle illi nocere, si præbeatur occasio: si noluerit eum salutare, ut antea consueverat: si iudex cum inimicis recusantis frequentè versatur: si mortem aut gravia damna conatus est inferre, si accusavit eum criminaliter: si iudex sit dominus partis adversæ: si sit ejus vasallus: si sit ejus suffraganeus: si consanguineus: si fuit advocatus partis adversæ in eadem causa: si iudex habet cum alio consimilem causam, potest deniq; iudex recusari, si partis sit socius, aut si concanonicus, aut si simul habitet, aut si partis fuerit Doctor, aut discipulus, & si quæ aliæ inveniuntur causæ harum similes.

A iudice justè recusato potest appellari.

Iudex suspectus, qui recusatus fuerit justè, ac secundum formam nostrarum legum, si recusationem non admiserit, ab eo appelletur.

Episcopus non delegat causam extra diocesin.

Ordinarius non delegat causas ad se pertinentes ad locum extra diocesin, nisi fortasse partes tum temporibus ibi commorentur.

Episcopos negligentes Archiepiscopos corripiet.

SI Episcopus fuerit negligens in administranda justitia, pertinet ad ejus Archiepiscopum ipsum compellere ad jus dicendum, illique terminum præscriber, quem si non observaverint absque legitimo impedimento, non modo censuris ecclesiasticis puniet verum & in æstimationem justam litis damnabit.

De delegatione ad tempus.

Intantia elapsa, judex in causa nihil ulterius aget. Quæ prius tamen acta fuerunt non peribunt, sed ad litem proseguendam, sub altero iudice, inservient: Si qua tamen post instantiam fiant, pro cassis & irritis habebuntur. De causis quæ infra certum tempus decidendæ committuntur statutum est, quòd nisi dies præfixus de communi consensu partium prorogetur, transactum mandatum expirat.

Index non habenti advocatum providere potest.

Quoniam litigando pars compelli non potest ad respondendum, nisi advocatum habeat, ad officium judicis non pertinebit advocatum illi parti providere, quæ advocatum habere non potest, & si videatur, suum domesticum dare poterit. Potest etiam cogere quem voluerit alium advocatum, ad patrocinandum indigenti pro congrua mercedè, quam potest ei solvere, & si omnino solvere non possit, ad gratis patrocinandum.

Index fugientem repetere potest à iudice loci ad quem fugiat.

Quando grave delictum commissum fuerit, judex ejus loci potest petere à iudice loci, quo reus fugiat, ut illum ad se mittat.

Iudi-

Iudices mutuo opem ferre debent.

Sententia lata à iudice loci, ubi delinquitur, vel ubi domicilium habetur à reo, executioni mandetur (si oportuerit) à iudice, in cujus ditione rei sita sunt bona, modo à iudice, qui sententiam tulit, id requiratur : quando quidem iudex unius dioceſeos non poteſt exequi in alia dioceſi.

Iudex aliis excommunicatum absol vendi juſ committere poteſt.

Iudici, qui absolvere ab excommunicatione poteſt, aliis hujusmodi abſolutionem committere liceat.

Pœna arbitraria.

Vbi certa pœna in jure non reperitur, iudex ordinarius, ſive delegatus arbitriam imponere poteſt.

Iudex appellationis non probabit teſtamentum, neq. bonorum adminiſtrationem concedet.

Si quæſtio ſuper viribus teſtamenti, ſive ſuper adminiſtratione bonorum defuncti concedenda, coram iudice ordinario fuerit, & in cauſa illa appellatio ad ſuperiorem interpoſita extiterit, iudex ille ſuperior ſuper juſtitia cauſa pronunciare habent, & is ordinarius, ad quem pertinet, debet teſtamentum probare, ſeu adminiſtrationem concedere, ac alia requiſita & ea neceſſaria in ea parte facere, in quibus iudex appellationis nullo modo, ſine expreſſo conſenſu ordinarii, ſe intromittat.

De prorogatione juřiſdictionis judicis delegati.

Per procuratorẽ non habentẽ mandatũ, juřiſdictio delegati, de re ad rem, prorogari non poteſt, cũ procura
tor

De Litis contestatione.

ror ad illa solummodo intelligatur constitutus, quæ in commissionis literis inveniuntur expressa, nisi dominus hoc scit & patitur.

Excommunicatus ab uno ab alio absolvi non potest.

EXcommunicatus à suo iudice ab aliis est vitandus, nec iudex alter eum absolvere possit, nisi sit superior, qui per viam appellationis, vel querelæ aditus fuerit.

De Litis contestatione.

Litis contestatio quid sit.



Litis contestatio est fundamentum iudicii, ex ea enim verè demum lis existit, & in ea ver-
latur, oriturq; ex congruo responso rei, seu
ad libellum, seu ad petitiones, vel in scriptis
da tas, vel in scripta iussu iudicis, redactas :
neq; respicit litis contestatio incidentia, vel emergentia, sed
principale caput controversiæ. Et quando in forma, & fi-
gura iudicii procedendum est, si omissa fuerit inanibus la-
boribus & sumptibus vexantur litigantes.

De confessione.

CUm libello jam oblato reus confitetur, ex illius con-
fessione, lis est contestata, si quidem iudex ea habita-
potest ad sententiam ferendam progredi : Sin vero con-
fessio præcedat oblationem libelli, ex ea non fit litis conte-
statio, neq; sententia fertur, sed tantum iudex reo præcipe-
re debet, ut intra certum tempus, quod debuerit, persolvat.
Si quis ad libellum vel ad petitiones respondeat, præmit-
tendo protestationem, qua se affirmat per illas responsio-
nes in animo non habere, ut litem contestetur, lis non erit
contestata.

Con.

Contestatio litis non requirit praesentiam aëtoris.

Contestatio litis etiam absente aëtoze, fieri potest, modo libellus datus, aut petitiones in scripta redactæ, quæ iudex reo proponere possit ad respondendum in iudicio. Nam si sequatur responsum, quo vel affirmetur, vel negetur petita, sive protestatione alieni animi à lite contestanda, lis (quævis aëtor absit) erit contestata.

In responsione, quæ requiritur ad litis contestationem, minime refert, sive per verba credulitatis, sive per verba veritatis, respondeatur a reo.

¶ Quare fit litis contestatio.

Litis contestatio in causis idcirco exigitur, ut iade liquere possit, quænam sit inter litigantes, de principali negotio, controversia, quod nisi planis & perspicuis verbis, cum petatur, tum respondeatur, fieri non poterit. Ideo à iudice omnes ambiguitates, & obscuritates hinc removeri volumus.

Reus in litis contestatione certum dabit responsum.

Si reus ad petitiones responderit, se illas neq; fateri, neq; negare, quoniam perinde est, ac si nihil respondisset, ad certum aliquod responsum urgeri debet.

Rem ad singulas petitiones seorsim respondet.

Cum in libello multa petuntur, non est permittendum, ut una responsione reus omnia simul in universum neget. Sic enim facile iudicium eluderetur, nec de lite, inter aëtorem, & reum, constaret: neq; iudex posset litem iusta sententia dirimere. Nam sæpe contingit, ut ex multis peti-

bus, aliquæ veræ sint, aliquæ falsæ, ad quas cum una eademq; responsione satisfieri non possit, volumus, ut reus de singulis seorsim respondeat.

Contumax contra se ipsum præjudicium facit.

PER contumaciam non comparentis, minime fit litis contestatio. Verum contumax habebitur, vel pro confitente, vel pro negante, prout magis in ejus præjudiciū vergit.

Exceptiones dilatoria litis contestationem impediunt.

Dilatoriæ exceptiones litem prorsus non contestantur, imo si probatæ fuerint (saltem ad tempus) vetant ne lis contestetur, quia circa principale negotiū controversiæ non versantur, de quo propriè fieri debet litis contestatio.

Similiter exceptiones peremptoriæ.

QUædam exceptiones peremptoriæ litem, ne contestetur, impediunt, ut exceptio transactionis rei judicatæ, & litis finitæ. Quare judex de exceptionibus dilatoriis, & his peremptoriis, quæ litis contestationem impediunt, ab initio causæ cognoscere, & pronunciare debet. Aliæ autem exceptiones præter enumeratas, litis contestationem (si obijciantur) non prohibent.

Testes ante litis contestationem non admittuntur, ad probandum causam principalem, sed ad probandum exceptiones dilatorias, & peremptorias.

TESTES ante litis contestationem, possunt admitti, non scilicet quo ad principale totius causæ caput, sed ad probandas, vel improbandas exceptiones dilatorias, & peremptorias,

rias, quæ litis contestationem impediunt.

Testes ad perpetuam rei memoriam ante litis contestationem admitti possunt.

QUamvis communi regula, testes ante litis contestationem recipi non debeant, attamen, si de morte illorum timeatur, aut absentia diutina, sive periculum fuerit, (quando negotium perplexum est, & involutū) ne rerum gestarum, & ordinis obliviscantur, ad testandum recipientur senes valetudinarii, & quorum vel diuturna absentia, vel oblivio suspecta est, & cum lis non adhuc fuerit contestata, præmissa nihilominus partis citatione, quæ si haberi præsens non possit, actorem oportebit suum convenire adversarium, tempore, quod iudex illi assignabit, computando à die, quo primum conveniri poterit, vel illi saltem (cum possibile fuerit) huiusmodi testium admissionem renuntiare, quod si facere neglexerit, recepta testimonia non valebunt.

In quibus causis testes admittantur, de principali causa, ante litis contestationem.

POTERUNT etiam de principali capite negotii, admitti testes, absq; litis cōtestatione, cum agitur de electione prælatorū, de postulationibus, provisionibus, dignitatibus, personatibus, officiis, canonicatibus, præbendis, seu quibusvis beneficiis ecclesiasticis, decimis, usuris, & notoriis, quibus addimus etiam matrimoniales causas. In his enim simpliciter de plāo, absq; forma & figura iudicii, procedi permittimus. In criminalibus actionibus, quando crimen est notorium, testes recipiendi non sunt, nisi lis fuerit contestata, cum is, cujus agitur causa, in iis gravissime periclitatur.

Quando non requiritur litis contestatio.

NON requiritur contestatio litis, ubi non agitur contra certam personam, sed tantum judici concluditur: quavis aliorum utcunq; utilitas, & præjudicium attingatur. Item ubi causa merè spiritualis fuerit, quæ absq; alicujus incommodo tractetur, in sententiis interlocutoriis, & sententiis censuræ, nec non quæstionibus emergentibus, in omnibus notoriis, & summariis processibus. Atq; cum jus agendi ad publicum commodum dirigitur. In inquisitione criminum si eam quispiam impetravit, & ejus sequuntor fuerit, litis contestatio adhibeatur: sed si judex, ex officio suo, sponte moveatur, litis contestatione minime opus erit. Ubi litis contestatio non requiritur, volumus, ut primus actus, qui post litem contestatam fieri solet (ut est receptio testium, & id genus alia) exceptiones dilatorias, quas ipsa litis contestatio excludere solebat, penitus excludat, vimq; & effectum ipsius litis contestationis, etiam in cæteris omnino habeat.

Vel de litis contestatione sic scribatur.

QUANDO quidem in causis ad forum nostrum Ecclesiasticum pertinentibus quibuscunq; nullus libellus sed petitio duntaxat simplex in actis redacta, requiratur, statuimus, quòd nec litis contestatio in præfatis causis, quovismodo exigatur, sed absq; ea ad finem usque causarum, omnino procedatur. Volumus autem, quòd primus actus, qui post litem contestatam fieri solet (ut testium receptio & id genus alia) exceptiones dilatorias, quas ipsa litis contestatio excludere solebat, penitus excludat, vimq; & effectum ipsius litis contestationis etiam in cæteris omnibus habeat, & obtineat.

DE IVRAMENTIS ET PERIURIIS.

De differentia juramentorum. Cap. 1.



Ue madmodum juramenta, quæ ad Dei gloriam, vel ad fratrum utilitatem aliquid afferunt, Christianis concessa sunt (modo suscipiantur in iudicio, iustitia, & veritate) sic illa jurandi levitas, ex animis & sermonibus nostris exterminari debet, quæ familiaribus & quotidianis in colloquiis nostris volitat. Posterioribus enim istis Dei reverentia minuitur, & in perjurya facile incurritur. Quare qui perversa jurandi consuetudine contaminati sunt, & moniti ab ea, absterri non possunt, illos (quoniam Dei nominis contemptores sunt & divinarum rerum) iusto supplicio coerceri oportet.

De pœna temerarii juramenti. Cap. 2.

Qui temere jurantem audierit, aut sine iusta causa, quâcunque personam statim eam admoneat, ut duodecim denarios proximo die dominico conferat in communem thesaurum, quem cistam pauperum vocant, & in illius loci cista pecuniam deponat, in quo jurandi crimen est admissum. Et hoc si facere persona rea neglexerit, nomen ejus ab illo, qui audierit, ad Ordinarium deferatur, is ad se personam evocabit, & illi culpæ pœnam publicè implendam præscribet, nec tamen à multa duodecim denariorum liberabitur.

Forma publicæ pœnæ. Cap. 3.

Publica pœna temerè jurantis hæc erit, ut nudo capite astet ante suggestû, & altiore loco quàm sunt cæteri, tantisper donec homilia die dominico recitatur, & illa termina-

nata, statim in eodem loco confiscatur, se temeritatis suæ vehementer poenitere, qua, sine causa, jurando Dei sacrosancto nomine sit abusus.

Forma legitimi juramenti. Cap. 4.

Legitimum autem juramentum, iis verbis, & nullis aliis, suscipi volumus: Ita me Deus, per Dominum nostrum Iesum Christum, adjuvet.

Perjurium quid sit. Cap. 5.

VT facilius à scelere perjuriorum abesse possimus, primum explicanda nobis erit ejus natura, deinde patefaciendum quam gravis in eo sit dei offensio. Perjurium autem est mendacium juramento confirmatum, vel juramenti liciti violatio. Perjurus autem is habetur, qui sciens, & proposito fallendi juramento quemquam dolose circumvenit, aut qui volens juramentum licitum violat, aut qui jurans verba tam perplexè involvit, ut juramenti sensus non percipiatur, contra quam fraudem, hanc regulam semper tenere volumus, ut id jurasse credatur, quod is, ad quem juramentum referebatur communi loquentium more intelligit.

De iudicibus juramentum postulantibus. Cap. 6.

Gravissimum est perjurii crimen, primum enim contra dei præceptum est, deinde deus in eo rei falsæ testis adhibetur. Postremo juramentum, quo veritas, res humane societati maxime necessaria, confirmari debet, ad suffulcenda mendacia, detorquetur. Cum igitur tam vehementer in perjuriis peccetur, iudicis in postulandis juramentis, non sunt faciles, præsertim cum ex juramentis, perjurya consequutura non obscure conjiciunt.

De pejerantium pœna. Cap. 7.

CLerici, qui scientes & volentes juramēta de rebus licitis, & honestis interposuerint, si fidem post se fellerint, quam servare poterāt, aut si juramento cōfirmaverint, quæ cum jurarent, ipsi falsa esse sciebant, primum ordinis gradu pellantur, in quō sunt : deinde beneficiis, ut vocant, excludantur, & non solum præsētibz careant, sed etiam ab his omnibus, quæ forte consequi poterant, perpetuo summoveantur. Laicus, qui fuerit in crimine perjuri convictus, si facultates judici videbuntur hoc ferre posse, decem libras in cistam conferet, pauperum ejus loci, in quo perjurium est admissum, & publica confessione, coram ecclesia, tum sibi culpam displicere cōtestabitur, si vero rei convicti non sint tantæ opes, ut mūlta possit ad decem libras pervenire, tum in ecclesiæ conspectu, publice crimen suū agnoscat, & ante suggestum astet capite & pedibus nudis, toto tempore, quo vel homilia perjurium tractans recitatur, vel concio peragitur, atq; hæc universa patiat, isto modo, tribus diebus dominicis continue succedentibus, & in cistam pauperum conferet, quantum ejus facultates judicabūtur ferre posse. Iudici tamen ecclesiastico potestas erit, ut pro circumstantiarum ratione, sua sapientia, vel demat de præscripta pœna, vel ad eam addat. Interim hoc ipsis iudicibus nostris vehementer imperamus ut in hoc horribili crimine perjuri, cujus nullum modum, aut finem homines inveniunt, non conniveant. Nam si quicquam eorum neglexerint, quæ a nobis in hoc genere proposita sunt, jam antea denūtiamus, illis hanc illorum flagitiosam locordiam, in summū incurfurū nostrū odium. Quin & hoc acquisitū ē videtur a nobis adficiendum esse, ut quicumq; causam perjurio scientes dederint, eisdem pœnis cōprehendantur, quibus perjuri convictos ante subjecerimus. Hoc autem summatim ad omnes per-

pertineat, in quibus crimen perjurii convincitur, ut infames sint, nec ad testimonium dicendum admittantur, nec unquam post tempus perjurii, juramentum illis deferatur, nisi forte oneris juramentum sit, in quo suam ipsi causam deteriore faciant. Deniq; quicumq; perjurio alteri damnum dederit, cogatur illi penè pro damno satisfacere.

De legitimis juramentis non detrectandis. Cap. 8.

NEc tamen iis perjurii poenis homines, ab omni genere juramentorum abalienari volumus. Itaq; si quis, auctoritatem legitima jurare, vel juramento interposito respondere jussus sit, judici hoc rite postulanti non negabit, & si forte negare voluerit, in eo contumax censebitur, & excommunicationis poenam sustinebit, si major sit quatuordecim annis, & mente integra.

De fidei lassa. Cap. 9.

Firmissimum est vinculum, humanæ societatis fides, quæ propter in ea custodienda, legibus homines constringi debent. Itaq; si parta vel promissa non consistant, nec impleantur, in quæ vel à juratis vel non juratis consensum est vel seriò tantum affirmantibus, illos qui fidem hujusmodi suam fefellerint, primum arbitrariis poenis, à judiciis ecclesiasticis, affici volumus: deinde cogantur, ut illis personis plene satisfaciant, quæ sunt illorum perfidia deceptæ.

Exceptiones in perjurii & fidei lassa culpis, quæ sint. Cap. 10.

Verum superiores hæ leges 2. exceptiones habere debent. Altera est, illos non debere perjuros videri, nec fidei lasso-
res, qui cum omnia summa fecerint, ut juramentum & fi-
dem

dum fervarent, tamen aliqua sunt hujusmodi ratione impediti, quam vitare non poterant. Istis enim satis erit, iudicibus probare suam voluntatem & operam: secundo loco, nec illi sunt fidei laeores, aut perjuri censendi, quibus exciderunt subito, nec cogitantibus, nec opinantibus, promissa rerum iniquarum, inhonestarum, aut quæ fieri non possunt, vel si primum recta fuerint, & progressu temporis in hanc absurditatem degeneraverint. Hoc tamen posito, & retento, quod volens & sciens, qui rem inhonestam, injustam, aut quæ fieri non possit, juraverit, aut promiserit, illum quidem hoc crimine non teneri, si jurata non præstet. sed tamen Ecclesiastico iudici iustas temeritatis suæ poenas daturum esse.

*Generalia juramenta. & promissa
qualia esse debent.*

Cap. II.

Qui summam jurat, vel promittat statuta, vel consuetudines Ecclesiarum, capitulorum, universitatem, vel hujusmodi quoruncunq; locorum, vel societatum, se conservaturum esse, non potest talis juramenti, vel promissi auctoritate compelli, res ut iniquas suscipiat, aut eas, quæ fieri non possunt. Nec enim jurantis vel promittentis animis ullum honestum, ad talem perversitatem respectum habere potest. Quapropter in conclusionibus talium juramentorum, & promissorum, hoc attexi placet. Hæc omnibus partibus servabo, quibus cum sacra scriptura, cum legibus, civilibus, & Ecclesiasticis hujus regni consentient, & quantum vires meæ patientur.

DE IVRAMENTO CALUMNIÆ.

*Tam actor, quàm reus initio litis, præstet juramentum
calumniæ. Cap. 1.*

Quoniam calumniantes odimus, & summo studio & cura averſamur, libidinem eorum, qui facile actemerè ad litigandum procederint, reprimere summo opere cupientes, necessarium duximus & præsentem legem ponere, per quam sancimus, quòd non aliter neq; actor, neq; reus in quibusvis causis ecclesiasticis, (nam & in iis frequenter calumniari solet) ad litis certamina admittatur, quàm si in ipso litis exordio, iusjurandum calumniæ subeat uterq;

*Iudex cum primum ad munus admittitur, præstet juramentum
de calumnia. Cap. 7.*

Iudex licet de calumnia in singulis causis non juret, tamen hoc juramenti genus, quoad omnes causas, in universum à se tractandas, ab initio cum suscipit, judicandi munus præstare debet.

Forma juramenti calumniæ. Cap. 3.

TAm actor, quàm reus, cum de calumnia jurant, hæc precipuè testentur, se putare justam habere causam, nolle in universa actione (quæ subsequutura est) quicquam calumniari, nilq; largitos esse, aut largituros, aut per se, aut per alios, vel ad iudicem vel ad alios corrumpendos, per quos iudicium administratur: nolle tergiversari, aut dolos in probationibus nectere, neq; dilationes, vel in fraudem adversarii, vel ad protrahendam litem, petere, & deniq; se fideliter esse responsuros his omnibus, quæ in iudicio (modo ad causam pertineant) ad ipsis requirentur.

Juramentum malitia. Cap. 4.

Licet juramentum calumniae semel exigatur quoad totam causam, post litis contestationem: attamen juramentum malitiae, in omnibus litis partibus exigi potest, cum judici visum fuerit, neq; manifestum perjurium timeatur.

Discrimen inter juramentum maliciae & juramentum calumniae. Cap. 5.

Juramentum maliciae à juramento calumniae hoc differt, quòd hoc juramentum (non ut illud) ad totam litem refertur, sed ad illud tantum, quod tunc maliciose agi praesumitur, debetq; is, à quo exigitur, jurare, se non esse conscius sibi illius maliciae, aut fraudis, qua studeat, in eo quod proponit, ut agat, adversarium circumvenire. Potestq; hoc juramentum generis, & ante litis contestationem, & postea exigi, non solum à dominis litis, sed etiam ab eorum procuratoribus, & substitutis, ut dictum est, quoties praesumptio est, maliciose agi.

Juramentum aut per dominum litis fiat, aut per procuratorem. Cap. 6.

Dominus causae de calumnia jurare debet, quando facile haberi potest, a quoque juramentum sufficiet procuratoris, modo speciale mandatum habeat ad jurandum in ea causa de calumnia. Attamen si à domino fuit, ante discessum, universalis constitutus procurator negotiorum ejus, non erit opus speciali mandato. Si domini litis de calumnia jurarunt, & deinde suos procuratores instituerint, ad litem prosequendam, procuratores etiam de calumnia jurare debebunt, sed ad hoc speciali mandato non opus erit.

De Furamento calumniæ.

*Jurans debet non levem habere causæ
notitiam. Cap. 7.*

O Economum, seu procuratorem, aut syndicum, qui ad jurandum de calumnia est admittendus, justam, & non levem causæ notitiam habere oportet.

*Mortuus alteri parte, successor idem præsta-
bit juramentum. Cap. 8.*

QUando is qui litem instituerit, mortuus fuerit hæres, aut successor ejus, qui litem est prosequuturus, juramentum calumniæ præstare debet, licet qui mortuus est juraverit.

In appellatione jurandum. Cap. 9.

IN appellationis quoque causa de calumnia jurandum est, quamvis ab initio institutæ litis juratum fuerit.

*Recusans juramentum calumniæ causa
cadat. Cap. 10.*

IS à quo juramentum calumniæ, seu malitiæ requiritur, si recuset ipsum præstare, causa cadet, sive reus fuerit, sive actor.

*Juramentum calumniæ non est omit-
tendum. Cap. 11.*

SED qui iuraverimur, ne forsitan partes collusionem quadam utentes remittant sibi invicem huiusmodi sacramentum, & vel pacto sanctionem nostram deludant, præcipimus (quandoquidem non pro commodo privarum tantummodo verumetiam pro communi utilitate, præsentem legem posuimus) quod iudices minime patiantur jus jurandum istud, nedum expresse, sed ne tacite quidem remitti, sed illud (ut præmittitur) omnino exigant, & nullo modo prætermittant.

termittant. Est enim hoc juramentum calumniæ, inter legitimas observationes judiciorum numeratum. Quod si judex neglexerit, præsertim à parte monitus, sententia ejus jure cassabitur.

De probationibus.

Probatio quid sit. Cap. 1.

PROBATIO est rei dubiæ, per legitima documenta, ostensio.

Reo confitente, non est opus probatione. Cap. 2.

QUID est opus causam in examen trahere, quam reus sua confessione certam facit, & indubitata? Proinde non est quærenda probatio, cum reus id quod contra eum principaliter propositum est, fatetur. Probationis facultas amplianda potius quàm restringenda est, ut veritas in omnibus causis eluceat.

Species probationis. Cap. 3.

SIVE igitur per testes, instrumenta, præsumptiones, judicia aut famam, probationes offerantur, prudens judex cui multum quoad hoc tribuendum esse judicamus, facile existimabit (pensatis rerum & personarum circumstantiis) quatenus cuiq; credendum sit. Neq; enim ad unam probationis speciem judex sese alligare debet, sed ex justa animi sui sententia æstimabit, quid aut credat, aut parum probatum sibi videatur, cum intelligat, multa sæpe conjunctim convincere, seorsim verò accepta nequaquam fidem facere.

Probatio non est admittenda, nisi reo presente, aut per contumaciam absente. Cap. 4.

Q Vanquam verò judici, & non parti, fides facienda sit, volumus tamen aliquod probationis genus adversus aliquem admitti, vel exhiberi, nisi ipso aut præiens fuerit, aut per contumaciam absens.

Probatio facienda est in judicio coram iudice. Cap. 5.

P Robatio recipienda est coram iudice, & in judicio, non extra judicium, neque coram notario aut tabellione.

Actori non reo interest probare. Cap. 6.

A Ctore non probante, reus etiam si nihil præstiterit, absolvendus est, nisi tantæ adversus ipsum præsumptiones insurgant, ut in eum probationes transferri possint. Alioqui enim non convenit, ut actore palam proficiente, se proficenti se probare non posse quod asseveravit, rerum necessitate monstrandi contrarium astringat: cum per rerum naturam factum negantis nulla probatio sit. In negativis tamen, coarctatis loco & tempore, veterem modum probandi observari volumus.

Contraria probationes. Cap. 7.

S I ab una & eadem parte, contrariæ probationes aliquando producantur invicem sibi ipsis & merito derogare debent. At si à diversis partibus contraria fortassis allegantur, & proponentibus hujusmodi probatione adhibita fuerint, fortiori probatione adhærendum erit. Sed si de ea re constet, favendum est reo, nisi favor publicæ, solus animarum, aut natura causæ aliud suaserit.

*In communibus judiciis tam reo, quàm aëtori
incumbit probatio. Cap. 8.*

IN communibus judiciis, tam aëtor, quàm reus probationibus onerantur, ilq; vincet, qui meliores, & efficaciores probationes attulerit: Sed si omnia hujusmodi æqualia sint, pro possessore judicabitur, nisi favor causæ aliud suaserit.

*Post publicationem, non licet contrarias
probationes afferre. Cap. 9.*

SI de impedimento aliquo, etiam in causa matrimoniali, probationes aliquæ publicatæ sunt, nō licebit alteri parti contrarias probationes aliquando inferre, vel producere.

In omni actū judiciali adesse oportet aut notarium, aut duos testes. Cap. 10.

IN recipiendis probationibus, atq; in omnibus aliis actibus judicialibus, judex debet publicum notarium, aut duos, loco illius, hōestos viros adhibere, per quos cuncta quæ aguntur fideliter scribi mandamus, ut si quæ postea super ætatis oriatur controversia, ea penitus per ipsa originalia publica & communia tollatur.

Affirmanti incumbit probatio, non neganti. Cap. 11.

VT creditur, qui pecuniam petit, numeratam probare cogitur, ita rursus debitor, qui solutam affirmat, ejus rei probationem præstare debet. Ei enim incumbit probatio, qui affirmat, non qui negat.

Aliena à causa nihil probant. Cap. 12.

PRobatiōes vero, vel necessario, vel præsumptivè inferre debent,

debent, id, de quo agitur. Quæ verò aliena sunt à causa, seu controversia nihil probant.

Accusatores in iudicium deferre non debent rem, quæ probari possit. Cap. 13.

SCiant cuncti accusatores, eam se rem deferre in publicam notationem debere, quæ munita sit idoneis testibus, vel instructa apertissimis documentis, vel iudiciis ad probationem indubitatam, & luce clarioribus expedita.

Testes Synodales. Cap. 14.

Testibus tamen synodalibus, ac aliis probationibus ex magnis & vehementioribus suspicionibus exortis, antequam vim, veteremque authoritatem reservamus.

Officium injunctum quisque probare tenetur se implevisse. Cap. 15.

Quotiescunque aliquis ex officio sibi injuncto, aliquid facere tenetur. Ipse semper probare debet quod officium suum hujusmodi, ac onus injunctum fideliter adimplevit, vel per eum non stetit, quo minus adimplevit.

Monumenta publica. Cap. 16.

Census & monumenta publica potiora testibus esse censemus.

Reus potest probandi onus in se suscipere. Cap. 17.

Potest reus onus probandi in se assumere, & docere de jure suo, licet ad hoc nullo jure astringatur.

Reus exceptiones suas probare debet. Cap. 18.

Qui dolo aliquid factum esse dicit, seu excipit, ipse de dolo docere

docere debet. In exceptionibus quoque; omnibus reus actoris partes sustinebit, ipsam quoque; exceptionem (ut actor suam intentionem) implere cogetur, qui mutatam voluntatem dicit, probare hoc necesse habet.

Ad probandum ea quæ nihil causam juvant, nemo admittatur. Cap. 19.

AD probationem illius rei, nemo admitti debet, quæ etiam probata nihil relevaret, re & partes inanibus expensis onerentur, & lites plus justo differantur.

Quando confessio omnibus probationibus sit præferenda. Cap. 20.

PROBATIONES omnes confessioni partis merito cedere debent. Sive igitur contra instrumenta, testes, aut sententiam, in favorem suum introductam, sive latam, aliquid confitetur, locum semper obtinebit, contrariis probationibus obsistentibus, nisi animæ periculum in causa vertatur, aut leges confessioni huiusmodi resistent, & nisi confessio pro causa confitentis faciat.

Probationes valent, etiam nullo designato termino ad probandum. Cap. 21.

PROBATIONES non censentur reprobæ, licet sine assignatione alicujus termini, aut nulla ad probandum concessa dilatione, factæ reperiantur.

Probationes inductæ ad unum effectum valent ad alium. Cap. 22.

PROBATIONES inductas ad unum effectum facere fidem ad alium effectum inter easdem personas æquum esse judicamus.

Alleganti statuti ignorantiam non facile creditur. Cap. 23.

Alleganti constitutionis, aut statui ignorantiam, non est credendum, nisi probationem suæ ignorantiae adducat, aut præsumptiones verisimiles, quibus iudex (consideratis rei & personæ circumstantiis) possit in plenam probationem alleganti ignorantiam iuramentum differre.

Probatio per iuramentum. Cap. 24.

Quando aliquid ad conscientiam solam pertinet, per iuramentum admittitur probatio.

Aliquando negativa probanda est. Cap. 25.

Abea parte quæ dicit adversarium suum ab aliquo jure prohibitum esse, speciali lege, vel constitutione id probari oportet. Idem respondendum est, si quis neget aliquid recte factum, ipsam præstare debere probationem.

Antiquitatis probatio. Cap. 26.

In finibus ac rebus antiquis probandis, fama, ac testes de auditu, libriq; antiqui, sine suspitione aliqui confecti, custoditi, & reperti possunt iudicem ad credulitatem adducere, ut rectè, pro sic probante, sententiam ferat, nisi adversæ partis fortiores probationes aliud requirant.

Acta judicii fideliter custodienda. Cap. 27.

Acta judicii plenam inducunt probationem, volumus igitur eadem omnia, & singula fideliter descripta, ac more solito, clausa transmitti ad iudices appellationis, illud requirentes, seu exigentes, ut ex illis colligant, an per inferiorem iudicem rectè judicatum existat.

DE POSESSIONE.

Cap. 1.

Possessori non incubit onus probandi, res posses-
sas ad se pertinere, cum actore in probatione
deficiente, dominium apud possessorem manere
debeat. In possessionis jure is superior, &
victor existimabitur, qui de antiquore possessione, fidem
facere possit, maxime si illa aliquo titulo justificata sit, nisi
altera pars meliores & efficaciores probationes introduxe-
rit, possessionem suam justificantes.

Res alienas possidens, licet justam causam tenendi for-
tassis non habeat, non nisi intentionem suam implenti resti-
tuere cogitur.

Si fraude, vel violentia, possessionem rei alienæ aliquis
nactus fuerit, illa possessio non solum illi non proderit, sed
cum fortiori probatione aggravat, si ipse rem ipsam, vel
suam, vel sibi debitam postea affirmet.

DE FIDE.

De fide instrumentorum. Cap. 1.

In persequendis litibus, eandem vim obtineant fides in-
strumentorum, & depositiones testium.

Instrumenta publica. Cap. 2.

Instrumentorum alia sunt publica, alia privata. Publica
quæ a notorio nostra autoritate creato, cum subscripti-
one testium fiunt. Quæ autem nostri, alicujusvè Archie-
piscopi, Episcopi, Archidiaconi ejusvè commissarii, seu of-
ficialis

ficialis, aut alterius cuiuscunq; publicum gerentis officium sigilli appensione muniuntur, autentica rectè nuncupentur.

Instrumenta privata. Cap. 3.

SCRIPTA privata dicimus, quæ à privatis personis conficiuntur, nec aliquo publico, seu autentico sigillo coadjuvantur, quæ nisi ex Archivo publico causam in se continentia, proferantur, vel alii probata fuerint, fidem facere nolumus.

Privata scripta non valent, nisi trium testium subscriptione firmentur. Cap. 4.

PRIVATA scripta, quibus inter aliquas personas contrahitur, tum in iudicio valida sunt, & robur habent, si trium testium subscriptione firmentur, ne manus ambiguitate, atq; characterum collatione, cum utriusq; partis periculo sit laborandum, neque perfidè negandi, quæ acta sunt, detur occasio.

Libri mercatorum. Cap. 5.

EXEMPLO perniciosum est, ut ei scripturæ credatur, quæ unusquisq; annotatione propria debitorem sibi aliquem constituit, unde neminem ex suis subnotationibus, debiti probationem præbere posset oportet, mercatorum tamen & aliorum artem aliquam approbatam exercentium, libris, & rationibus, cum aliis adminiculis, plenam fidem adhiberi volumus.

Modus conficiendi instrumenta. Cap. 6.

IN conficiendo instrumento, hanc seriem observari volumus, ut scriba cum primis à dei nomine auspicetur, annum domini subdat, regis nomen, titulum, & regni annum posthac mensem, & diem ejus, & nomen loci, ubi contractus initur. Deinde narrentur, quæ sunt exponenda, testes

ad.

adscribantur, aut subscribant. Notarii quoq; obsignatio, cum subscriptione, ac proprio signo, in fine adijciatur, scriptura cum alieno sigillo minuta non minorem facit fidem, quam si proprio esset obsignata, si hoc ipsum, & causa in eadem exprimatur.

Scripturarum comparatio. Cap. 7.

Scripturae legitimo modo comparatae semiplenam faciunt probationem.

Instrumenta ipsa in iudicio exhibenda sunt. Cap. 8.

Instrumento publico causam suam probaturus, ipsum exhibeat in iudicio, exemplaria nempe nihil faciant, nisi congrui iudicis auctoritate descripta fuerint. Instrumento semel in iudicio producto, viso, ac praelecto, sufficiat verum ipsius exemplum, fideliter cum originali auctoritate iudicis collatum actis iudicii esse insertum.

Instrumenta quando exhibenda sunt. Cap. 9.

Vnusquisq; instrumenta, usq; ad conclusionem in causa, vel in causis, in quibus non concluditur, usq; ad secundam termini, ad audiendam sententiam, assignationem exhibendi facultatem habeat. Et non potest, nisi iudici, qui de causa cognoscit, ex iusta causa aliter visum fuerit.

Contraria scripta. Cap. 10.

Sibi imputet, qui contrarias inter se scripturas, in iudicio protulerit, fidem sibi invicem derogantes, cum in ipsius fuerit potestate quam maluerit non proferre.

Instrumenta publica valent mortuis testibus. Cap. 11.

Scripta publica, propter mortem testium in eisdem descri-

ptorum, deficere nulla ratio permittit.

De exustis aut amissis instrumentis. Cap. 12.

Sicut iniquum est, instrumentis vi ignis consumptis, debitores renuere solutionem, ita non statim casum conquirentibus facile credendum est. Intelligere itaq; debatis, non existentibus instrumentis, aliis argumentis probare debere fidem petitionibus adesse. Apud eos, qui rem gestam ignoraverunt, amissorum instrumentorum habita testatio, nihil ad probationem veritatis prodesse potest.

De instrumentis suspectis. Cap. 13.

Instrumentum, si in loco mius suspecto sit abrasum, per hoc non censetur vitiosum, nec corrumpitur ex fractura sigilli. Si loco suspecto, instrumentum, vel rasuram, vel lituram habeat, aut aliud aliquod notabile vitium, corruptum quidem est, & improbat. Verum non in universum, sed solummodo quoad illud caput, ubi vitium est deprehensum. Quo vero ad alia capita, post fidem facere secus tamē statumus, cum aliqua sua parte, instrumentum falsum convincitur, quoniam tunc totum suspectum redditur, & ut falsum improbare potest. Si sculptura sigilli, ejus dignitati vel officio, qui imposuisse dicitur minus conveniat, instrumentum redditur suspectum. Cum chartam scriptura multo vetustiore, vel dissimilitudinem in cera videas, instrumentum non immerito suspectum habeas. Instrumenti fides, in quo una littera, vel syllaba alterius loco apponitur, vel deest, si de sensu liquere possit, per hoc non vacillat. Propter falsum latinum, ex unius literæ, vel syllabæ appositione, loco alterius, aut litterarum transpositione, vel similibus resultans instrumentum corrumpere nolumus.

Instrumenti improbatio. Cap. 14.

SI aliquod instrumentum, quasi falsum improbare in judicio quis voluerit, primum juramento se obstringat, quo se nil calumniandi causa esse ducturum testetur, alioqui non audiatur.

Ad aliquod instrumentum improbandum, quatuor aut quinque testes ad minimum exigantur, qui sint probatæ fidei, & judici omnino videantur idonei.

De instrumentorum custodia. Cap. 15.

SI de tabulis testamenti, vel aliis instrumentis communibus deponendis agatur, & dubitetur, apud quem ea deponi oporteat, semper seniore juniori, & ampliores honoris inferiori, & marem foeminae præferemus.

Instrumentum à diversis tabellionibus factum. Cap. 16.

INstrumentum ab aliquo tabellione inceptum, nec dum vel propter subitanæ mortem, vel propter diuturnum impedimentum perfectum, auctoritate ordinarii, & iis requirentibus, quorum interest, potest à quovis alio tabellione perfici, perpetuam ut habeat fidem.

Descriptio vetusti instrumenti. Cap. 17.

SI instrumentum propter vetustatem vel aliam justam causam describi petatur, congruo judici offeratur, qui si diligenter inspectum in nulla sui parte vitiatum reperit, per publicam personam præcipiat describi, eandem auctoritatem per hoc cum originali habiturum.

Antiquitatis probatio. Cap. 18.

IN factis antiquis, & quæ hominis excedunt memoriam, libros antiquos, & id genus alias privatas scripturas in
Archive

De Crimine falsi.

Archivo publico aliâs fideliter custoditas plenam fidem facere statuimus.

Scripturis autenticis detrahatur fides, si unus ex testibus contradixerit. Cap. 19.

Sigillis autenticis, ac instrumentis, quibus ipsa appenduntur, seu adhibentur, consuetam fidem volumus adhibere donec per probationes contrarias reprobentur, meritoque fides illius instrumenti vacillabit, cui vel unus testis in eodem descriptus contradixerit.

Adversarius non est cogendus in medium præferre quod contra se faciat. Cap. 20.

Actori deliberandum est antequam agat, quibus probationibus uti voluerit, frustra expectaturus, ut adversarius suus cogatur aliquid, quod contra se faciat, in medium proferre. Civilium tamen legum dispositioni, quoad instrumentorum editionem, per hanc legem nolumus derogari.

De rationibus defuncti. Cap. 21.

Rationes defuncti, quæ in bonis ejus inveniuntur, ad probationem sibi debitæ quantitatis, solæ sufficere non possunt; nec etiam si in ultima voluntate, defunctus certam pecuniæ quantitatem, aut etiam res certas sibi debere significavit.

De crimine falsi.

Crimen falsum quid sit, & quando committatur. Cap. 1.

Crimen falsi, veritatis est immutatio, quæ dolo malo sit, & cum jactura fratris conjungitur, & cum in

in verbis tum in scriptis committitur: deniq; in omnibus quæ in iudicio, & usu publico rata & firma esse debent, principio in hoc crimen incidunt, qui falsa testimonia dicunt. Deinde qui mercede etiam adducuntur, vel ut testimonium non ferant, vel ut ferant.

In eodem crimine sunt, qui testamenta supremas hominum voluntates, codicillos, acta, instrumenta, syngraphas, vel alia ejus generis quascunq; probationes, ex quibus in judiciis fides fieri possit, nuntiaverint, vel ulla ratione perverterint, vel ad opprimendam, vel occulenda ista celaverint, diffregerint, combusserint, aut sponte summovent, aut quoruncunq; scriptorum hujus generis signa corruperint, seu ipsa scripta deleverint, seu quocunq; modo interleverint, nec solum authores ipsi sunt rei, verumetiam, & illi tenentur, qui scripta vel adulterata, vel ullo modo depravata descripserint, obsignaverint, recitaverint, & incuxerint, allegaverint ad iudicium, vel qui talia scripta fieri pronuntiaverint aut consenserint ut fierent, modo scientes, hæc egerint, & dolo malo. Tenentur etiã, qui citationes, inhibitiones, decreta, edicta, acta, vel scripta sive civilis fori, sive ecclesiastici, malitia violaverint quocunq; modo, vel eorum obsignationes, & signa seu corruperint, seu pro veris falsa subjecerint. Hoc falsi crimen etiam in illis hæret, qui nomina ponunt in scriptis absentium, quasi præsentibus fuissent, vel ipsa nomina distorquent, pervertunt, aut immutant dolo malo. Idem, qui falsas literas, vel edicta falsa, in nomine iudicum, tam civilium, quàm ecclesiasticorum mittunt aut divulgant. Ad illos etiam crimen falsi pertinet, qui signis quomodocunq; tractis, aut dimotis, alienas literas patefaciunt, licet sint fortè privatorum hominum, & eas vel ipsi legunt, vel adversario ejus, à quo sunt scriptæ, legendas vlllo

modo curant, aut permittant: illo semper proviso, quod scientes & dolo malo faciant: hujus etiam criminis rei sunt, qui apud se deposita quaecumque instrumenta, cum illis, qui contrarias etiam partes tuentur, communicant, nisi iudicis assensu fecerint, aut illius, qui instrumenta deposuit, & cui subserviunt. Eadem est illorum causa, & par culpa, qui testamentum clausum, aut quomodocumque involutum explicant & evolvunt, si fraus suberat, & si nullum, in patefaciendo, jus habebant, ut id justè possent facere, quod eodem modo valet in his, qui codices rationarios, praesertim mercatorum, quicumque ratione corrumpunt, vel folia ex illis aliqua eximunt. Participes sunt hujus criminis ipsi etiam notorii, & scribae, cum testes scriptorum adhibent rerum omnium quae tractantur, ignaros, si scientes hoc, & dolo malo fecerint. Similiter peccant, qui supplicando, aut petendo quippiam à principibus, metuuntur, seu veritatem ad rem praesentem necessariam tacent.

Omnis igitur ad principes talis obreptio justissimum habere videtur hoc supplicium, ut illis omnibus careant, ad quae non veritate, sed mendacio, & simulatione pervenerint. Deinde involvuntur omnes in hoc crimen, qui literas, instrumenta, syngraphas & hujus generis alia quaecumque scripta, cum illa sciant vitiata, vel dapravata esse tamen eadem apud se detinent, & illa nec rumpunt, nec exurunt, nec ullo modo abolent. Imo ne notam quidem apponunt ullam, qua secerni possint. Nam damnum ex illis, ad posteros saepe descendit. Denique illos etiam æquum est huc annumerari, quorum tam insatiabilis & hians cupiditas est, ut eandem rem solidam & integram, diversis pactis distrahant, & diversis hominibus divendant.

Hujus criminis rei & suspecti quomodo conveniuntur. Cap. 2.

HOs igitur ac eorum similes, contra quos falsi crimen obijci potest, iudex istis quatuor rationibus conveniet, par inquisitionem nimirum, aut accusationem, vel exceptionem, vel denuntiationem. Qui vero falsi non obscure suspectus fuerit, cum iudex apprehendi curabit, & apprehensum non liberabit, donec illi de veritate plane constituerit.

Convictorum pena. Cap. 3.

Qui vero accusati fuerint, & legitime convicti, si conquiri possint, & inveniri, poenas ecclesiasticas subibunt iudicum arbitrio rite pronunciatas. Deinde fructibus carebunt, & emolumentis quae fuerant ex scripturis corruptis, aut ulla ratione pervertis, ad se perventura, & illis etiam, quae jam pervenerint. Praeterea cogentur, quantum facultates sinent, illis omnibus plenè satisfacere, quorum conditio illorum fraude, ulla in re, deterior facta est. Infames etiam erunt, officiis, & beneficiis, si quae sunt, removebuntur, & pellentur, & nec officiorum, nec beneficiorum unquam capaces erunt, ex eo tempore, quo in hoc genere criminis convicti damnatiq; sunt. Et si ministri fuerint, munere quo funguntur in Ecclesia, eos excludi oportet.

De scriptis corruptis quid statuendum sit. Cap. 4.

Quoniam diximus falsariis quid faciendum sit, consequens est ut videamus, quid de scriptis ipsis statuendum sit, quae quoniam corrupta depravataq; sunt, nullius illa momenti, aut ponderis esse volumus, nec in iudicium introducti, quin & illud praecavum sit, ut sententia si fuerit à iudicibus aliqua, vel fallorum testium, vel scripturarum vio-

latarum authoritate, per lata, revocetur eadem, & retaxatur, & omnino pro nulla sit, & alia nova pronuncietur, quæ conveniens sit regulæ veritatis & justitiæ.

Fraus & dolus malus spectantur in crimine falsi. Cap. 5.

INterdum evenire potest, ut aliquis non dolo malo, nec sciens, sed ignorans, & ipse deceptus ab alio, falsum instrumentum pro vero sumat, & eo utatur, quod si accidat, & is qui scripto sit usus, innocentiam in hac re suam judici probare possit, illum omnino volumus hoc criminæ liberari, quod nunquam consistere potest, nisi fraus, & dolus malus ibi concurrerint.

Scriba vitium negligentia inductum quomodo puniatur. Cap. 6.

Accidit etiam, ut cū ex Archetypo, vel (ut vulgo nominant) originali describitur aliquod instrumentum, scriba negligens, & non satis animadvertens erret, ad aliquid secus ponat, quod in originali collocatum est. Quod si nulla fraude factum esse, nec dolo malo, scriba defenderi, & obtinuerit, falsi quidem non damnabitur, sed tamen negligentiae poenam dabit, quam iudex assignaverit. Etenim illum oportet in eo vigilare, ut suam scripturam, ad primum exemplum diligenter accomodaret, scriptum autem ipsum in quo sic aberratum est, nullū omnino fidem habere potest.

Sigilla universitatum & societatum sine consensu præfecti, & majoris partis universitatis non valent. Cap. 7.

Sigilla capitulorum, ecclesiarum, universitatū, hospitalium, & aliarum id genus societatum, non opponentur, ad ullum diploma vel scriptum quodcūq; nisi præsens sit, aut con-

consentiat qui in societate præfectus est cæteris, & nisi cum præfecto conspiret, etiam major pars canonicorū, vel sociorum, vel collegarum, vel ejus cujuscunq; universitatis, penes quam eo tempore rerum generandum autoritas est. Quia in re qui secus fecerint, aut fieri procuraverint, acerbè judicium Ecclesiasticorum arbitrato puniantur, & instrumenta vel diplomata, vel scripta cujuscunq; generis secus obfignata, quàm præcepimus, ut falsa removeri volumus, & pro nullis haberi. Et si forte per illa quicquam damni fuerit, cujusquam rebus illatum, pro illo plenè satisfiet ab his, qui vel ipsi consignarunt, vel effecerunt, vel consenserunt, ut consignarentur scripta secus, quàm à nobis prius est constitutum.

DE TESTIBVS, EO- RUMVE DICTIS.

*Quando testes examinandi sunt ante litem
contestatam. Cap. I.*

Considerandum est, an probatio per testes fienda sit in causa principali, an in causa accessoria, & emergenti. Si in causa incidenti, & accessoria (cujusmodi sunt, quæ oriuntur ex oppositis exceptionibus dilatoriis, & declinatoriis judicii, atq; etiam præemptoriis quibusdā, ut est exceptio transactionis rei judicatæ, li is finitio per iurjurandū) non est opus ut expectetur litis cōtestatio, quia tales cōtroversiæ obstant, quo minus fieri judicium de principali quæstione possit, nisi de illis prius cōstet id quod cōstare non potest, si non offerantur probationes. Necessè est itaq; testes, ad probandas tales exceptiones, ante litem cōtestationem in principali causa factam admitti. In causa verò principali regulariter non admittitur testium probatio,

nisi lis contestata sit, quia ante litis contestationem constitui non potest, quæ sit inter litigantes principalis controversia. Ineptus itaq; est iudex, qui admitteret ejus rei probationem fieri, de cujus controversia nondum ei satis constaret. Nonnunquam tamen & principalis negotii testes recipiuntur ante litis contestationem, sed hoc fit certis solum ex causis, & ex beneficio quodam juris, ut si quis diurnam absentiam, aut mortem metuat eorum, quibus compertum sit negotium, quod in controversiam venire possit, curare potest, ut ad æternam memoriam publico instrumento eorum testimonia describantur, vel si lis jam nota sit, ut à iudice examinetur, lite nondum contestata. Ubicunq; autem id fuerit factum, necesse est ut depositiones testium consignentur, & quamprimum fieri possit, denuncientur illis, quos metuat, quis sibi futuros adversarios ea in re, nec publicentur, donec elapsus sit annus post receptionem talium testium, aut lis sit contestata, ne fraudi sit illis ignorasse, ea de re, receptos esse testes.

Dilatio ad producendum testes. Cap. 2.

EA pars cui incumbit probatio, potest petere sibi dari dilationem à iudice, ad producendum testes, quæ ei dare iudex tenetur, adhibita competenti moderatione temporis, secundum spatia, quibus distat testium habitatio à iudicis domicilio. Et dum durat tempus datæ dilationis, potest producere vel una, vel terna vice, ad iudicem nomina eorum, quos producturus est testes, referre, quarta vice hoc ei conceditur, nisi juret de calumnia.

Articuli probationis. Cap. 3.

Relatis ad iudicem nominibus testium, simul exhibenda sunt capita dicendi testimonii.

Testium

Testium citatio. Cap. 4.

PROducens verò testes curet eos à iudice citari, & eis certum constitui tempus deponendi suum testimonium. Suspecti enim habentur testes, qui se altrò obtrudunt iudici, ad perhibendum testimonium. Ad fidem tamen rei gestæ etiam non rogati testes sufficiunt.

Adversa partis citatio. Cap. 5.

NON solum autem testes, sed est pars, contra quam illi producuntur, vocanda est ad audiendum, & videntum testes produci, generali clausula citationum adjecta, quod si venturus sit, si non, tamen iudicem processurum in causa, quantum de jure possit. Et q; simul ei facienda copia articulorum, quos ille, qui testes produxit, iudici exhibuit, ut si ei libeat, interponere possit suas interrogationes.

Interrogationes. Cap. 6.

INterrogari autem potest & de personæ fide, & de negotii circumstantiis. Ad personæ fidem spectant explorandam studia, mores, voluntates, fortunæ, ætas, cognatio, totiusq; vitæ conditio. Ad negotii verò circumstantias pertinent quomodo in ejus rei notitiam testis pervenerit, an ipsi negotio interfuerit, an ab aliis acceperit, & quare factum quodq; sit, quo tempore, quo loco, qua spe, quo consilio.

Dilatio ad interrogationes concipiendas. Cap. 7.

AD has autem interrogationes concipiendas, itidem potest peti dilatio à parte, contra quam testes producuntur. Non autem debet iudex interrogationum copiam facere parti producenti testes, ne eos ex his ad respondendum instituat.

Pro.

De Testibus,

Potestatio in exhibitione interrogationum. Cap. 8.

POtest quoq; pars in exhibitione interrogationum, protestari, quod eatenus velit admittere testes productos, ut sibi salvum maneat jus reprobandi eorum personas, & dicta, per alios testes. Nisi enim quis ante publicationem testimoniorum, de reprobatione testium, protestatus fuerit, postea non auditur, nisi juret se nulla malitia, nec dolo ad protrahendam litem, ad faciendum talem reprobationem, induci, & nunc primum se id reperisse, quod testibus objecturus sit.

Iuramentum testium. Cap. 9.

Requiritur autem, ut testes iuramentum præstent, antequam quicquam deponatur, quia testi non jurato, quantumvis religiosus ille fuerit, non creditur in alterius præjudicium. Iurabunt autem totam dicturos veritatem, quam norunt, de re super qua jurant, nec ullam admixturos falsitatem, quod pro utraq; parte dicent veritatem, quam sciunt ad negotium pertinere, etiam non interrogati, & quod nec pretio, nec amore, aut odio, nec timore, aut commodo quocunque dicent testimonium. Nihilominus partibus invicem renuentibus ut non jurent testes, creditur etiam non juratis. Iuramentum testium extendere volumus ad omnem causam, & etiam interrogatoria quæcunq; legitimæ rei, nisi specialiter super uno articulo producantur.

Diebus feriatis non juretur. Cap. 10.

Testes diebus feriatis iuramentum ne præstent, cum de processu juris sit & actus judicialis. Examinari verò testes jurati quocunq; tempore possunt, quia examinatio testimonium non est judiciali actus, sed seorsim, & secreto loco fit,

ut liberiores sint testes, ad dicendum testimonium. Nam testimonium habetur pro nullo, quod palam omnibus dictum est.

Delegatio examinationis. Cap. 11.

POtest autem iudex, vel ipse testes examinare, vel id munus alteri committere, verum is, qui commiserit testium examinationem, non potest porro alii delegare, quia ejus industria videtur esse electa.

Rejectionis testium quando fienda. Cap. 12.

Testes admitti volumus ad dicendum testimonium, etiam si contra eorum personas objectum sit, nisi objectum sit eis excommunicatio, aut apponens afferat promptam suae oppositionis probationem.

Testes per iudicem cogendi sunt, si venire recusant. Cap. 13.

SI qui testes requisiti venire recusaverint, hi iudicis auctoritate compellendi sunt, cum non minus ferè delinquat is, qui veritatem suppressere conatur, quam qui falso deposuerit.

Qui in testimonium venire cogi non possunt. Cap. 14.

Testes non temerè evocandi sunt per longum iter multoq; minus milites à suis signis vocandi sunt, perhibendi testimonii causa.

Ad nobiles & debiles eundem est, pro illorum examinatione. Cap. 15.

SI testes in majori aliqua dignitate constituti fuerint, aut aliquo naturali inevitabili impedimento detenti, ut ad

judicium congruè & commodè venire non possunt, tunc judex aut eisdem descendat, aut examinationem illorum bono viro committat.

Officium testium. Cap. 16.

Officium testes in hoc maxime versatur, ut de rebus sibi bene notis veritatem exponat. Prohibemus igitur, ne qui testes cujuscunq; status, conditionis, seu nominis existant, judicandi officium in se assumant, neq; de criminibus aliquibus aliquid statuant, nec etiam inquirant, nisi ad mandatum illius judicis, qui cognitionem ipsius causæ in qua aliquid agere conantur, habere dinoscantur, sub poena contemptus.

Qui à testimonio repellendi sunt. Cap. 17.

Repelli volumus à testimonio, omnes de crimine aliquo famoso condemnatos, inimicos capitales domesticos, quibus imperari potest ratione patriæ vel dominicæ potestatis, parentes etiâ, & eos qui loco parentum sunt impuberes, ac mente captos, palam quæstum facientes, proxinetas, & causarum sollicitatores in illis causis, quas sollicitasse noscuntur (nisi utraq; pars contentiat.) Nec non eos, qui in re sua testimonium dicere conantur, à testimonio penitus arceantur. De criminibus autem suspecti mercenarii (aliâs probi, & honesti) amici, mulieres, consanguinei, cum quibus matrimonium de jure divino non prohibetur, qui ante alteram partem testimonium dixerint, ad testimonium admitti possunt. Sed bonus judex ex se, dignitate, moribus, gravitate constantiaq; illorum, ac rei, de qua controversitur, mole, facile existimare poterit, quid aut credat, aut parum per ipsos probatum opinari debeat.

Quorundam testimonia repellenda sunt. Cap. 18.

Qui falso, vel varia testimonia dixerint, vel utriq; parti causam prodiderint, quiq; ob testimonium dicendum, vel non dicendum, pecuniam recipisse iudicati fuerint, non solum fide omni carebunt, sed etiam à iudicibus condignè punientur, & parti læsæ satisfaciant.

Qui à testimonio repellendi sunt. Cap. 19.

Particeps criminis, minorq; viginti annis, in criminalibus causis, testimonium reddere non debent. Nec is etiam qui ante in simili causa testimonium in eum dixisse probabitur. Procuratores, advocati, cæterique negocia aliqujus gerentes ad testimonium pro dominis suis non admittantur.

At si adversa pars eorum testimoniis uti voluerit, veritatem, quam noverint, post depositum officium, dicere cogentur.

Testes de universitate. Cap. 20.

Singuli de universitate aliqua possunt esse testes, in causa ipsius universitatis, si non principaliter de jure ipsius testis agatur, aut de singulari suo, & non universitatis commodo, agatur.

Testes domestici quando adhibere possunt. Cap. 21.

Vsu compertum est, nonnullos sive tædio prioris conjugii affectos, sive spe secundi magis prosperi matrimonii ductos, crimē adulterii conjugibus suis impingere. Sit igitur iudex in hac parte prudēs, nec facilè sibi imponi permittat, nec quibuscunq; credat, qui suspicione aliqua laborēt, quivè dictorum suorum probabilem aliquam, & cōcludentem rationem non attulerint. Sed quando de natura istius actus

non solent testes adhiberi, domesticis (aliâs honestis, & fide dignis) credi potest, nisi partes accusatæ bona fama, & inculcata vita conversatioq; honesta præponderet.

Qui semel approbat personam testis, semper videtur approbare, nisi nova emerferit exceptio. Cap. 22.

Qui approbat personam testis, in uno actu, approbat etiam in omni alio, nisi nova infirmandi causa supervenerit. Ideo contra personam testis, quem quis semel produxerit, non potest apponere, nisi causa de novo emerferit, contra ejus tamen dicta licebit opponere.

In aliena causa plures testes ex eadem familia adhiberi possunt. Cap. 23.

Nil obstat, quo minus plures etiam testes, ex eadem familia, alieno negotio semper possunt adhiberi.

Testis alicujus scripti propter crimen postea commissum aut patefactum rejici non debet. Cap. 24.

Si quis ex testibus, testamenti quidem, aut alterius cujuscumque instrumenti, confectionis tempore (in quo ipse testis describitur) liber, aut ab omni crimine alienus communi hominû æstimatione, & opinione habebatur, testimonium ipsius ex crimine aliquo latenti, seu ex delicto aliquo postea detecto, patefacto, seu commissio, infici non debet, nec quicquam fidei illius detrahendum est, nisi testator, per tres menses, à crimine hujusmodi patefacto supervixerit, nec alium loco illius submittendum curaverit.

*Qui pœnitentiam egerunt ad testimonii fidem
restitui possunt. Cap. 25.*

CAeterum cum nos semper, pro pietate nostra, in subdi-
tos nostros magis cupiamus eos semper lucrari, quam
in desperationem adigere, si quis criminofus crimini suo
penitus renunciaverit, ac condignam pœnitentiam eccle-
siæ iudicio, pro eodem peregerit, ac ad frugaliorem vitam
redierit, testimonii tunc dicendi facultatem illi restituen-
dam duximus.

Quibus testibus fides sit habenda. Cap. 26.

Testibus iuratis, & non testimoniis convenit fidem ad-
hibere, illis tamen testibus credendum est, qui conclu-
denter aut præsumptivè, rem, de qua agitur, approbant.

*Super eisdem aut contrariis articulis non licet sæpius
testes producere. Cap. 27.*

Quicunq; semel, aut plures testes aliquos produxerit, ac
restituta tractaverit, aut quoquo modo eadem didi-
cecit, non habebit ipse licentiam, vel eoldem, vel alios
super eisdem, vel directo contrariis articulis, producendi.

Quando testes repeti possunt. Cap. 28.

Testes plenè examinandi sunt, nec à suis negotiis sæpe
avocandi, si tamen aut dolo iudicis, aut negligentia, de-
bito modo examinati non sunt, id parti rectè libellanti, seu
articulos proponenti nocere non debet, quin eidem testes
repeti possunt. Cæterum si partis culpa, ut negligentia, de-
fectus aliquis in testium dictis deprehendatur, illi nusquam
succurratur, nec ipsis testes postea repetiti, sive ex officio,
sive ad ejus instantiam aliquid sibi prodesse poterunt.

Pœna testium pejurantium. Cap. 29.

SI quis posthac ad dō officii sui immemor fuerit, ut aliqua affectione ductus falsa, aut multa varia reddidisseprehendatur testimonia, is extraordinariē, pro arbitrio iudicis, quem in hac parte offenderit, punietur. Volumusq, omnes ministros nostros, in executione pœnarum, huiusmodi falsis testibus infligendarum, sive infligendarum, ad requisitionem dictorum iudicum, promptos ac paratos semper esse, sub pœna contemptus.

Quando testis rationem sui dicti reddere teneatur. Cap. 30.

TEstis in actis omnibus, sensu corporeo perceptilibus, debet reddere rationem dicti sui, per illum sensum, ita dumtaxat si fuerit interrogatus. At in rebus sensibus huiusmodi nō subjectis, debet rationē reddere non interrogatus.

De testibus extra judicialibus. Cap. 31.

Dictum testis iudiciale non tollitur, per dictum suum extrajudiciale contrarium, sed nisi aliquam justum rationē, quod tam varia aut repugnantia protulerit testimonia, reddere idē testis poterit, multum fidei illius detrahetur.

Testibus expensæ sunt solvenda. Cap. 32.

Quotiescunq, testes a suis negotiis, pro ferendo testimonio, advocantur, id fieri volumus expensis partis eos producentis, qui expensas illorum, tempore accepti itineris donec iterum ad habitationes suas reversi fuerint, sustinebit.

Reprobatorii testes non sunt per alios reprobandi. Cap. 33.

Reprobatorii reprobatoriorū testiū admittendi nō sunt, ne si producendi quartos, contra tertios, & sic deinceps
licentia

licentia tribueretur, negotium longius quam par est, pro-
lari contingeret.

*Dicta testium interpretanda sunt, secundum loquendi
consuetudinem. Cap. 34.*

Testium dicta non cavillanda, sed potius benignè inter-
pretanda sunt, maxime verò secundum communem u-
sum, ac ipsius testis loquendi consuetudinem.

*Quando dictum unius testis suppletur per dictum
alterius. Cap. 35.*

Dictum quoque unius testis suppletur, per dictum alte-
rius testis, plenius deponentis, interpretationemque
à pleniori illo dicto merito recipiet, si modo constet, quòd
de uno, & eodem facto deponere conentur.

Testis inconstans. Cap. 36.

Testes, qui adversus fidem testationis suæ, vacillant, au-
diendi non sunt.

*Pars intensionem suam obscuram interpretari
potest. Cap. 37.*

Si testes clarè de re aliqua testificantur, quæ obscurè for-
tassis à parte proponebatur, potest tamen pars suam in-
tentionem interpretari, ut dicta testium illi prosint.

*Testes pro utraque parte deponere debent, si
requiratur. Cap. 38.*

Testes pro utraque parte deponere debent, si requiran-
tur, vel à iudice, vel à parte non producente, licet à
parte principaliter producente expensas recipiunt.

Examinatio testium. Cap. 39.

Notarii opera, & non industria, in examinatione testium
viderur ele& idcirco ad mandatum iudicis debent scribe redi-
cta testium, etiam extensivè, prout unusquisque loquutus fuerit
cum

cum in verbis omissis plus aliquando efficaciæ reperitur, quàm in iis, quæ à notariis quibusdam describuntur.

Testes singulares. Cap. 40.

Testes singulares nihil probant, adeo ut veteres non permittebant iuramentum, etiam in defectu probationis, tales testes producenti, deferre, nisi huiusmodi singularitas tendat ad unum, & eundem finem quod & non approbamus.

Variatio testium. Cap. 41.

Si qui tamen testes deponant, de aliqua summa debita, aliqui de majori, aliqui rursus de minori, ac in una aliqua summa, numerus sufficiens concordat, potest illis iudex fidem adhibere, si nihil aliud est, quod illorum fidei detrahatur.

Testimonia de scire & credere. Cap. 42.

Licet testes sæpe adeò rudes sunt, & ignari, ut nihil distinguant inter verba veritatis assertiva (ut scio) ac illa, quæ nihil necessario ponunt (ut credo videtur, & recordatur) tamen nolumus fidem huiusmodi testibus adhiberi, si ipsi de natura horum verborum, à iudicibus nostris admoniti, (quod semper fieri volumus) congrua non reddiderint testimonia. In casibus tamen illis, in quibus veteres leges fidem huiusmodi testimoniis adhiberi voluerunt, idem observandum duximus.

De testibus examinatis coram arbitris. Cap. 43.

Testibus examinatis coram arbitris, non tenetur quis stare, coram iudice, si vivunt, sed potest petere eos iteum examinari, si velit. Sed si sunt mortui, non requiritur ulterior examinatio, sed standum erit eis, sicut si coram iudice fuissent recepti, salvo tamen jure obijciendi contra personas & dicta.

Quomodo iudex de multis testibus judicabit. Cap. 44.

SI testes omnes ejusdem honestatis, & existimationis sunt, & negotii qualitas, ac iudicis etiam motus, cum iis concurrat, sequenda sunt omnia testimonia. Se verò ex his quidam illorum aliud dixerint, licet impari numero, credendum est, quòd naturæ negotii convenit, & quod inimicitiae aut gratiae suspitione careat, confirmabitq; iudex motum animi sui ex argumentis, & testimoniis, quæ & rei aptiora, & vero proximiora esse compererit, neq; enim ad multitudinem respici oportet, sed ad sinceram testimoniorum fidem, & testimonia, quibus potius lux veritatis afficit.

Variatio testium quando non noceat. Cap. 45.

SI testes in circumstantiis non necessariis (ad quas simplices homines non solent magnopere respicere) varii aliquando inveniuntur, in rei tamen, de qua agitur, substantia, convenient, plena fides illis adhibenda est. Neq; enim omnis varietas reprobata est, sed ea tantum, quæ contrariat eundam, & impassibilitatem in se contineat, nihilq; nocet narrandi diversitas, cum eadem dicuntur.

Praferendi sunt testes qui absolvunt, his qui condemnant. Cap. 46.

CUM ad absolvendum potius quàm ad condemnandum promptiora sũt jura nostra, volumus, quòd si testes aliqui faciant pro bona fama, seu innocentia alicujus, ac rursus alii pro mala fama, seu noxa, quòd præferantur hi qui pro innocentia fecerint, modo aliàs ipsi testes inter se æquales fuerint.

De numero testium. Cap. 47.

QUanquam quibusdam legibus amplissimis numerus testium definitus sit, tamen hanc licentiam ad sufficientem numerum coarctamus, ut iudices tamen moderentur, & cum solum numerum, quē necessarium esse putaverint, evocari patiantur, ne effrenata potestate ad vexandos homines superflua testium multitudo protrahatur. At ubi numerus testium non requiritur, duo testes probabunt.

*Iudex testibus jubere potest silentium, & mutare articulo-
rum ordinem in examinatione. Cap. 48.*

IUDICIS est cuncta rimari, & varietatem plena inquisitione discutere, ideò ei permittimus ut jungat testibus, juramenti religione, ne dicta sua contestibus, aut aliis quibusvis propalent, ac ut testes (non observato ordine articulo-
rum) super omnibus examinare possit, prout ei videbitur.

In anima periculo juramentum exigere potest. Cap. 49.

SI acta nihil probaverint, iudex juramentum exigere potest à parte principali, ubicunq; animæ periculum vertitur.

*Testimoniorum copia partibus non est
neganda. Cap. 50.*

IUDex post testium publicationem, testimoniorum copiam facit partibus petentibus, ipso retinente originale. Et iudicis est illis constituere terminum, intra quem publicata testimonia evertant, aut teneantur, cum hac interminatione

one, quòd si istud facere neglexerint, deinceps non sit admissurus, ut id faciat.

Testimoniorum publicatio. Cap. 51.

EXaminatis testibus, ea pars cui maximè interest testimonia esse nota, petere potest à iudice, ut ea publicentur. Id vero ut rite fiat, necesse est partes citari ad audiendū testimonia publicari. Ita vero fiet publicatio, si aut ipse iudex, aut publicus notarius præsentibus partibus palam testimonia recitat, aut coram exhibeat chartam, in qua ea descripta sunt, & clara voce testetur in ea contineri depositiones testium productorum fideliter annotatas, quas sua exhibitione publicatas velit. Postea iudex partibus constituet terminum, intra quem, accepturi sunt exempla testimoniorum, & alium terminum, intra quem disputaturi sint, si veliat.

Testium productio post testimoniorum publicationem. Cap. 52.

QUamvis partibus non regulariter permittatur, ut post testimoniorum publicationem, denuò alios testes producant. Iudex tamen ratione sui officii, non solū potest post testimoniorum receptionem, sed & postquam in causa conclusum est, teste examinatos potest denuò interrogare de re, quem sua de positione non satis declarasse videtur, si ejus notitia necessaria, aut utilis appareat ad causæ cognitionem. Et si iudex ex scripto hoc non faciat, possunt partes petere à iudice, ut id fiat.

Quando admittitur probatio post testium publicationem. Cap. 53.

RURsus si post testium publicationem, quisquā probare aliquid voluerit, quod in prioribus suis articulis, quo-

ad necessitatem facti & probationis, inesse dinoscatur, id ei nullatenus permittatur. Sed si quod inopinatum & de quo quis facile cogitare non poterat, a diversa parte probatum fuerit, quod causæ alterius magnopere noceat, non incongruum esse putamus, id à parte læsa (si potest) reprobatum iri publicatione testium non obstante. In causis etiam matrimonialibus, favore animarum olim constitutum erat, ut testium publicatio, aliorum testium productioni non obstaret, quod nos moderantes ita temperamus, ut publicatio in his causis non noceat. Si teste illi post publicationem producendi omni exceptione majores fuerint, ac tales, qui omni careant suspicione, ac quibus meritò credendum est, alioqui judex eos vel non admittat, vel fidem, quam voluerit, illis adhibere poterit.

Neque testes, neq; dicta testium refelli possunt, post primam assignationem ad audiendum sententiam. Cap. 54.

SI quid in dictis testium à veritate alienum deprehenditur, aut persona illius reprobari aliquando possit, id usq; ad primam assignationem ad audiendum sententiam proponi permittimus, sive quis protestatus fuerit contra eos, sive non est protestatus.

Officium judicis in examinandis testibus. Cap. 55.

Pertinet autem peculiariter ad officium judicis, diligenter testes examinare de singulis negotii circumstantiis, ut quod per partes, vel earum advocatos omissum fortè sit, in articulis, & interrogatoriis cupiendis, illud ipse suppleat.

De consuetudine.

Consuetudo quid sit. Cap. 1.

Consuetudo est jus quoddam moribus institutum, quod pro lege suscipitur cum deficit lex, seu jus quoddam moribus, seu usibus populi totius, vel majoris partis, ratione initiatum, continuatum, & constitutum, legis habens auctoritatem. Ex non scripto enim jus venit, quod usus approbavit. Nam diuturni mores consensu utentium comprobati legem imitantur.

*Consuetudo non valet contra rationem,
aut legem. Cap. 2.*

Quamvis consuetudinis, usq; longævi non sit utilis auctoritas, veruntamen non est usq; adeo valitura, ut aut rationem vincat, aut legem, seu juri positivo præjudicium generare debeat.

*Consuetudo non valet contra jus divinum,
aut naturale. Cap. 3.*

Cum peccata tantò sint graviora, quantò diutius in conscientiam animam detinēt alligatam, nemo sanæ mentis intelligit juri divino aut naturali (cujus transgressio periculum salutis inducit) quamcunq; consuetudine (quæ dicenda est verius in hac parte corruptela) possit aliquatenus derogari. Quælibet enim consuetudo, quantumvis vetusta, quantumvis vulgat a veritati omnino postponenda, & usus, qui veritati est contrarius, est abolendus.

Statuta & consuetudines ecclesiæ cathedralis non sunt mutanda, sine Episcopi & capituli consensu. Cap. 4.

Quia novitates læpenumero partiunt discordiā non immerito statuendū videtur, ne quis episcopus absq; cōsensu capituli, statuta, aut cōsuetudines ecclesiæ cathedralis

immutare, aut novas facere possit. Itidem nec capitulum, sine Episcopo. Quòd si aliter facta fuerint, decernantur irrita, nisi statuta, & consuetudines huiusmodi priores verbo Dei, aut Ecclesiæ edificationi repugnent.

De Præscriptionibus.

Præscriptio quid sit. Cap. 1.

Præscriptio est jus quoddam, ex tempore congruens, autoritate legum vim capiens, poenam negligentibus inferens, & finem litibus imponens. Quod non in totum à naturali jure recedit, nec per omnia ei servit. Quemadmodum enim natura æquum est, neminem debere locupletari cum alterius jactura: ita naturali rationi congruum est, & negligentibus poenam inferri, & finem litibus imponi.

Præscriptio decimarum in aliena parochia. Cap. 2.

Si una Ecclesia decimas in alterius parochia, quadraginta annos possederit, volumus de jure meliorem conditionem fieri possidentis: quia quadragenalis præscriptio omnem prorsus actionem excludat.

Mala fidei possessor præscribere non potest. Cap. 3.

Nulla antiqua dierum possessio juvat aliquem malæ fidei possessorem, nisi resipuerit, postquam si aliena noverit possidere, cum bonæ fidei possessor dici non potest. Derogandum enim erit omni constitutioni, atq; consuetudini quæ absq; mortali peccato non potest observari. Oportet igitur eum, qui præscribit, ut in nulla temporis parte,

parte, rei habeat conscientiam alienæ, sitq; in bona fide constitutus, sine qua nulla valet præscriptio Ecclesiastica.

Interruptio tollit præscriptionem. Cap. 4.

SI de præscriptione, & interruptione, mota fuerit quaestio cum receptis testibus, seu probationibus (quæ recipi debent ab utraq; parte) probata fuerit interruptio, præscriptio non tenebit.

Contra visitantes nemo præscribere potest. Cap. 5.

Quia secundum Apostolum, qui spiritualia seminat, non est magnum, si metat carnalia (cum nemo suis stipendiis, militare cogatur) statuimus, ne subditus contra superiorem visitationem, aut procurationem ratione visitationis debitam, in seipso præscribere possit. Allegantes igitur se non meminisse procurationem solvisse, aut petitam fuisse, audiendos non fore decernimus. Sed negantes poena condigna afficiendos, nec non ad condignam satisfactionem compellendos, quacumq; præscriptione temporis non obstante, statuimus.

Præscriptio Ecclesiarum vel decimarum in aliena diœcesi. Cap. 6.

Episcopum qui ecclesias, & decimas in aliena diœcesi se legitime præscripsisse proponit, oportet huiusmodi præscriptionis titulum allegare, & cum jus commune contra ipsum faciat) probare. Nam licet ei, qui rem præscribit ecclesiasticam, si sibi non est contrarium jus commune, vel contra eum præsumptio non habetur, sufficiat bona fides. Ubi tamen est ei jus commune contrarium, vel habetur præsumptio contra ipsum, bona fides, non sufficit, sed est necessarius titulus, qui possessori causam tribuat, præscribendi, nisi tantum

ti temporis allegetur præscriptio, cujus contraria memoria non existit.

Præscriptio vel interrumpi potest, vel cessare, vel impediri. Cap. 7.

PRæscriptio aliquando cessat, aliquando interrumpitur, sed non idem æstimandum, quando cessat, & quando rumpitur. Cessare præscriptio dicitur, quando propter aliquod privilegiū personæ cujus res est, aut conditionē ipsius rei, non habet locum præscriptio. Similis huic cessationi videri potest impeditio, quando præscriptio quasi interstitit, ut cū propter publicam aliquem motum judicia exercere, & jus suum requirere non licet, ut in tempore belli, vel quando in loco jus, non redditur, & defectu judicis, vel reip. atq; tempore pestis. In quibus casibus & similibus, præscriptio non prorsus interimitur, sed vi quadam impedita interquiescit, & præsertim cum actoris protestatio intercedit. Interrumpi verò naturaliter præscriptio dicitur, cum coepta retrahitur, ne progredi possit. Id verò fit, cum possessio nobis non vi legitima, quam vocant compulsiva, sed violenta eripitur. Et ratio est, quia sine possessione præscriptio non procedit. Est autem in naturali interruptione hoc regulare, quòd ea prodest omnibus, qui habent jus in re. Rumpitur etiā præscriptio, quando is, cujus res est, illam contestata lite, in judicio repetit, quamvis litem non perficiat. Item per alluvionem maris, aut fluminis, per solutionem pensionis, aut partis debiti, per secundam cautionem à debitore factam. Impeditur ad hæc præscriptio, ne currat, quando is, cujus res est, illam non potest repetere ut sunt impuberes, quiq; adhuc sub aliena potestate continentur, & furiosi, quibus etiam adnumeres excommunicatos: Nam dum ita sunt, non audiuntur sui repetentes. Præscriptioni

scriptioni conjunctæ cum bona fide, nemo per suum pactum potest renunciare, cum præscriptio sit propter bonum publicum inventa, ne scilicet dominia rerum sint incerta, & jus publicum pacto privatorum non remittatur. Ad præscribendum in rebus corporalibus, ut est servitus prædii, jurisdictionis, & consimilia, non requiritur possessio, sed scientia, & patientia adversarii. Interrumpitur quoque præscriptio, ne currat protestatione coram iudice, vel si ejus copia non fiat coram notario, & testibus, quo protestationis genere principes inter se utuntur, ad impediendam præscriptionem, cum se se non possint convenire sub iudice, qui sit utrique parti communis.

Quietè dicitur quis possidere, quando non vocatur in iudicio, sincere autem quando cum bona fide: bona autem fides in dubio præsumitur, & quando non habetur notitia rei alienæ. Mala verò probatur variis modis, primò per confessionem propriam possidentis: Secundò per famam, quæ erat in vicinia. Tertio per denunciationem factam tempore contractus. Deniq, per incidentes conjecturas, & si contra jus fuit acquisita, & non observata juris solennitate. Præscriptio contra bona Ecclesiæ, vel pia legata, non currit minor quadragenaria, post quam elapsam, potest ecclesia in integrum restitui: si tamen restitutio intra quadrennium petita fuerit. Nam post hoc tempus non audietur. Mala fides præscriptionem impedit, priusquàm terminus ejus elabatur. Ac cum perfecta fuerit præscriptio, bonam habens fidem conjunctam, si postea res præscripta noscatur fuisse aliena, minime cogitur, qui præscripsit eam, restituere. Nam quando novit alterius eam fuisse, jam non alienam, sed suam ceperat possidere. Nam leges & jura ei addixerunt. Qui alieno nomine possidet, non præscribit ulu capionis, triū annorum spatium assignatur: præscriptionis autem, quoad præ-

centes decem, quoad absentes viginti, longior est triginta, longissimè verò 40, annorum, utq; usucapio ad res mobiles pertinet, ita præscriptio ad immobiles.

DE VIOLENTA PERCUSSIONE CLERICORUM.

Vis contra clericum quibus pœnis afficiatur. Cap. 1.

QUicumq; manus violentas in clericum sciens iniecerit, nisi voluerit arbitrato judicum Ecclesiasticorum ei satisfacere, poenitentiamq; subire tam atroci scelere dignam, in excommunicationem ruet. A qua nullo modo patimur illum sublevari, donec poenitentia plenè sit perfunctus, ordinarii sui arbitrato indicenda.

Quæ sunt exceptiones in hac causa. Cap. 2.

QUoniam omnis honesta ratio relinqui debet, expediendæ salutis si quis se legitimè defendens, aut justitiæ serviens, ad vim contra clericum progressus sit, si coram Ordinario suo patefecerit vim, his causis profectam esse, quas posuimus, omnino illum liberari volumus, & sine poena dimitti. Est o quoq; par clericorum poena, si violentas manus in laicos homines iniecerint.

De Præsumptionibus.

Præsumptio quid sit. Cap. 1.

PRæsumptio est alicujus rei, ex variis circumstantiis collecta conjectura.

Præsumptio temeraria & probabilis. Cap. 2.

TEMeraria præsumptio ex mera suspitione proficiscitur, & nulli vestigio rei gestæ incumbit. Probabilis verò
rei

rei vestigiis inhæret, licet per se ipsam, non tollit dubitationem, sed tantum credulitatem inducat.

Probabilis præsumptio, vel unius testis assertione, aut aliqua semiplena probatione adjuta, plenam fidem facit. Temeraria verò prorsus est rejicienda.

Præsumptio violenta. Cap. 3.

Violenta præsumptio est, quæ judicis ad opertis inititur, ut id quod esse contenditur, inde quodammodo necessario sequi videatur. Iudex non ad unam speciem probationis animum suum coarctabit. Et ideo in causis, quæ de sua natura directe probari nequeunt, præsumptionibus ferentia sententiam, adduci poterit. Ex violenta præsumptione judicem posse ferre sententiam exemplo regis Salomonis docemur, qui causam inter duas mulieres audiens atq; naturali unius amore, alteriusq; odio erga infantem, veram matrem discernens, eundem mulieri, quæ divisionem abhorrebat, adjudicavit. Curet attamen iudex, ut violenta præsumptio qua motus est ad ferendam sententiam, scripta extet in actis, quò appareat sententiæ latæ fundamentum.

Probatio carnalis copula per præsumptiones. Cap. 4.

Violenta præsumptione probari carnalem commissiōnem nullus dubitet, veluti si masculus & foemina, solus cum sola, nudus cum nuda, in eodem lecto jacentes deprehensi fuerint. In probanda commixtione maris, & foeminae, sufficiat probatio actuum propinquorum ad eam, dum tamen testium accedat credulitas. Uxor cui maritus non abs re denunciabit, ne cum eo, quem suspectum habuerit, colloqueretur, secretovè confortio uteretur, si mariti denunciationem spernat, adultera cenſeatur.

Quis sit habendus pro patre. Cap. 5.

Eius filius esse præsumitur, in cujus domo, & cujus ex uxore quis nascitur, licet uxor forsitā tēpore conceptionis

cum alio concuberit, nisi mariti diuturna ablentia adversa-
vè valetudo, aut alia justa causa, aliud suadeat.

Præsumptio mali animi. Cap. 6.

IS qui contra legum interdicta, quicquam molitur, ma-
lam fidem semper habere præsumitur. Deprehensi in de-
licto semper præsumitur malus animus. Itaque qui cum
nocuisse alicui joco se id fecisse dicit, tanquam obnoxius te-
netur, nisi suum probet innocentiam.

Præsumptio boni animi. Cap. 7.

PER exteriora, quæ intus sunt præsumatur. Quemcunq; i-
gitur studere virtutibus, præsertim si simplicitati, & mo-
destiæ videris, hujus bonum & rectum esse animum intelli-
gas. Ex transacta cujuslibet vita dignoscere possumus, quid
de subsequenti ejus conversatione præsumamus. Quia
præteritorum consideratio nos instruit de futuris.

Qui ad objecta crimina tacet suspectus est. Cap. 8.

SI quis ad crimina, quæ sibi fuerint objecta, vel propo-
sita in judicio ad respondendum, taceat, præsumptio-
nem haud levem præbet defensionem se non habere.

*Qui subterfugia quarit, malam causam habere
præsumitur. Cap. 9.*

QUIS quis dilationibus judicium subterfugere conatur,
is malum causam semper fovere præsumatur.

Quando ignorantia non est præsumenda. Cap. 10.

EA quæ publicè aguntur, & quæ quis indagare debet,
nemo ignorare censetur.

Latere

Latere non potest vicinos, quod ad nos in longinquo pervenit, vicinis enim cum res præsumantur, notiores esse, quam remotis, illis cum primis creditur.

De fama. Cap. 11.

Communis & pervulgata fama de aliquo gravem inducit præsumptionem.

Præsumptio continentia. Cap. 12.

Non præsumitur incontinens in senili ætate, qui in juventute continuit : atque id maxime si divinarum literarum studiis incumbit, & eo genere doctrinæ apprimè fuerit ornatus.

Præsumptio ex habitu. Cap. 13.

Talis quisque præsumitur in quali habitu reperitur.

Præsumitur neminem velle prodere sua. Cap. 14.

Præsumitur neminem esse, qui sua bona velit aut prodigere, aut perdere.

Præsumitur non mutari voluntatem, nisi probetur. Cap. 15.

Quilibet præsumitur manere in eadem voluntate, quæ semel fuisse constat. Proinde qui mutatam asserit voluntatem, probare debet.

Judicis sententiæ præsumitur bona. Cap. 16.

Propter religionem judicantis, semper pro ejus sententia est præsumendum, nisi per appellationem fuerit suspensa.

Præsumitur proscripto. Cap. 17.

PRæsumitur pro scriptura, nisi aliud actum, aliudve scriptum esse probetur.

Præsumptio juris & de jure. Cap. 18.

PRæsumptio non est tanti momenti, quin contraria probatione elidatur, nisi sit præsumptio juris, & de jure, quam sola ejus confessio, de cujus commodo agitur, tolli posse putamus.

Pares præsumptiones se mutuo conficiunt. Cap. 19.

DUæ præsumptiones paris potentiae invicem se collidunt, & major minorem vincit, prorsusque enervat.

Præsumptio infirmitatis tollitur per actum. Cap. 20.

PRæsumptionem infirmitatis tolli per exercitium actus non compassibilis cum infirmitate, manifesti juris est.

Judex ex circumstantiis judicabit. Cap. 21.

SI probationes rei, & actoris, tantum præsumptivè concludant, judicis est, ex diligenti circumstantiarum consideratione judicare. Ut cum vir se sponfam suam cognovisse affirmat, illa verò illud negat, matronæque aliquæ, quæ corpus inspiciebant cum illa consentiant, judex consideratione opportunitate cognoscendi, mora, & diutina conversatione, & ætate utriusque, & matronarum fide, & peritia, quid sequendum sit judicabit.

De Diffamationibus.

Obrectatores legibus esse puniendos. Cap. 1.

QUoniam omnes Christiani mutua charitate veros se debent Christi discipulos esse ostendere; correpti quorundam improborum malevolentia est, qui fratres odio tam capitali prosequuntur, ut illos falsis criminibus calum.

lumniose velint opprimere. Quo fit ut legum fræna illorum licentiæ sentiamus injicienda, quorum mentes Christiana charitas, quæ prorsus illis abest, mollire non potest, & quos p'su per se non movet officium, illos juris acerbitate denūciemus.

Obrectatores quando & quomodo puniantur. Cap. 2.

Primum igitur hoc constitutum sit, ut quicumque in libris, libris, ac dolo malo famam cujusquam crimine confecto, ac e mentito violaverint, aut ullo modo ut violaretur effecerint, aut sermone contumelioso contra quemquam utuntur, aut libellum famosum vel ipsi componunt, aut scribunt, vel ab aliis compositum, aut scriptum cum invenerint, non continuo rumpunt, aut ignibus cremant, sed divulgant aut in lucem proferunt, aut proferendum curant, primum quidem ab eo cui hæc facta est injuria (si modo velit injuriam prosequi) deducantur ad Ecclesiæ pastorem, & seniores, qui alium obrectatorum importunitatem vehementiq; sermone perterrefaciant. In quorum auctoritate si acquiescere velint, & hominis existimationem quam ante calumniis oppugnaverant, recolligere parati sint, quantum in se est, & recuperare, in eo ipso causa terminetur: Nec ille, qui calumniis fuerit appetitus, ullam suis obrectatoribus exhibebit aliam molestiam, nec illos ad judices Ordinarios trahet. Nam præcipui semper ratio salutis animarum esse debet, & sumptus non necessarii, quantum licet, sunt amputandi. Verum hujusmodi calumniatores, & obrectatores, si nolunt salutaribus pastorum, & seniorum præceptis inflecti, tum demum ad ipsos judices Ecclesiasticos illorum nomina deferantur; apud quos (cum manifestis probationibus, de calumniis illorum, & obrectationibus plenè constiterit) damnentur sententiis judicum ad illas pecuniarum summas in cistas pauperum infundendas, quæ suarum Ecclesiarum propriæ sunt, quis

quas illorū opes commodè videbuntur ferre posse, & etiā ex cōmunicationis pœna plectantur, à qua nullo modo volumus illos liberari, donec arbitrato judicis ecclesiastici satisfactum est illi, cui injuria facta est, & etiam ea perfuncti sint poenitentia, quæ tanto crimini convenire videbitur.

Qui probant crimen objectum, non puniantur. Cap. 3.

QUoniam reipublicæ vehementer interest, ut crimina suppliciis coerceantur, & sua cuiq; justa defensio reseruetur, constituimus, ut si quis aliquem reum fecerit accusatione, denunciatione, vel exceptione, vel alia quacunque ratione legitima, & solenni, judicique criminis objecti fidem fecerit, illum (quoniam non calumniam, sed veritatem sequutus sit) omnium legis istius pœna liberari debere. Si verò, qui accusaverit, fuerit causa dejectus, pœnis legisteneatur, nisi possit ostendere, quòd non propositio male dicendi, nec calumniandi voluntate, sed aliqua justa ratione fuerit ad hoc institutum adductus.

De dilationibus.

Dilatio quid sit. Cap. 1.

Dilatio est agendi facultas, infra tempus, vel à legibus, vel ex conventionem partium præscriptum.

Dilationum species. Cap. 2.

Dilationum alia est legalis, quæ à legibus definitur. Appellandum enim, & petendum restitutionem in integrum, & similia tempus à legibus præscribitur. Iudicialis quæ datur arbitrio judicis. Conventionalis, quæ terminum habet

habet ex conventionē partium. Ex dilationibus judicialibus citatoria datur à iudice, ad comparandum. Deliberatoria ob lato libello datur ad deliberandum de his, quæ petuntur, vel de cedendo, vel de lite suspicienda. Recusatoria terminum concedit, ad proponendas exceptiones omnes, & ad declinandum, seu differendum iudicium. Probatoria datur ad probandum, & allegandum in causa. Definitoria datur ad negotium definiendum. Indicatoria datur condemnatis ad patiendum, vel solvendum iudicata. Appellatoria datur ad appellandum.

Dilationes quantum fieri potest, amputande sunt. Cap. 3.

MAterias dilationum ubiq; amputare volumus, & hac ratione iudicibus non concedimus dandæ dilationis, quoties voluerint, facultatem, sed quatenus rerum urgentissima ratio, & necessitas desideratæ instructionis exegerit. Idcirco non nisi iusta de causa petenti, bonaq; fide imploranti dilatio concedi debet. Proinde si morandæ solutionis gratia, à debitore falsi crimen obijcitur, nihilominus, salva executione criminis, debitorem ad solutionem compelli volumus. Et idem in consimilibus faciendum existimamus.

Certa dilationum spatia. Cap. 4.

QUamvis jure antiquo receptum sit, ut quælibet citatio spatium decem dierum concedat, & dentur ad deliberandum viginti dies, protestibus, & instrumentis producendis, quando fuerint in provincia tres menses: quando in locis provinciæ contiguis, sex. Quando in transmarinis regionibus, novem. Actori verò contumaci triginta dies, Istas nihilominus dilationes iudicum arbitrio (ratione habita personarum, locorum & causarum) magis minusvè contrahi volumus. Priogari verò nullo modo. Cumq; iudex

cas multum contraxerit, causas exprimat, quæ in actis inferantur ut appellandi materia præcidatur. Appellatoria tamen dilatio judicis arbitrio non mutabitur. Semper enim erit quindecim dierum, qui neque contrahentur, neque ampliabuntur.

Dilationes quæ ad causæ cognitionem pertinent, iudice sedente, & parte adversa præsentē, fiant. Cap. 5.

Dilationes citatoriæ, atque deliberatoriæ, licet à iudice non sedente, sed ambulante in loco iudicii, concedi possint. Attamen quæ causæ cognitionem requirunt à iudice sedente dari volumus, & dum adversaria pars ade st, ut si reclamet, & de dilationibus huiusmodi quæstio emergat, sententia iudicis lis dirimatur.

Si iudex tempore probationum præscriptio ius non dicat, pars ad tempus amissum restituetur. Cap. 6.

Si tamen non stat per partem, quò minus facere possit suas probationes in dilatione ei data, sed stat per iudicem, quia non reddit ius in illo die, tunc non est danda nova dilatio. Sed volumus partem eandem restitui ad tempus amissum.

Terminus dilationis utriq; parti communis sit. Cap. 7.

Vbiunque à iudice data erit dilatio, statuimus, ut idem terminus sit communis utrique parti. Ita ut utraque possit in illo probare. Sed si is, cui data est dilatio, re integra, renunciaverit dilationi, adversarium ratione ejusdem dilationis posse probare volumus.

Dilatio

Dilatio certum tempus præscribere habet. Cap. 8.

Volumus dilationem à iudice partibus datam, certam esse, vel per numerationem dierum, vel ad certum tempus.

Data dilatione cessat iudicis officium, dum durat dilatio. Cap. 9.

Data dilatione, iudicis officium conquirere decernimus, donec petiti temporis de fluxerint curricula, feriis illi tempori non excludendis, sed connumerandis.

Qui prodiderit acta, ad aliam probationem non admittetur. Cap. 10.

Si quis probaverit intentionem suam per testes, vel per aliud simile, & postea prodiderit acta, etiam si casum possit probare, nullum esse ei amplius dandam dilationem volumus.

Libellus si in citatione inseratur, excludit dilationem ad deliberandum. Cap. 11.

Cum in citando, exemplum libelli reo transmittitur, vocaturq; ad respondendum, deliberatoriæ dilationes ei non dabuntur, modò citatio æquum, & decentem contineat terminum, alioquin dilationes ad deliberandum habebit.

In causa initio non dabitur aëtori tempus, ad deliberandum. Cap. 12.

Deliberatoriæ dilationes ab initio causæ aëtori non conceduntur. (existimatur enim venire instructus) Attamen, si reus excipiat, vel illum reconveniat, dilationem aliquam ad deliberandum jure habebit.

Mutatio libelli non semper requirit novam dilationem, ad respondendum. Cap. 13.

SI libellus mutatur in eo quòd non alterat primam petitionem, quo minus de ea certus esse possit reus, non erunt novæ dilationes deliberatoriæ concedendæ. Nam cum plenè quis potuit instrui per primum libellum, licet aliquid addatur, quod non mutat naturam negotii, novæ non erunt impartiendæ dilationes.

Prorogatio dilationis. Cap. 14.

PLures dilationes quàm leges nostræ permittunt, nolumus alicui dari, tamen decernimus eas posse prorogari ex causa, & illæ non erunt novæ dilationes, sed priores prorogatæ. Prorogatio enim debet fieri antequàm primum tempus dilationis sit finitum, tempore autem toto finito, nolumus tunc posse habere locum pròrogationem, sed erit nova dilatio.

Secunda dilatio ex causa dari potest. Cap. 15.

SECUNDAM dilationem ex causa dandam esse statuimus, & hoc solummodo respectu temporis, in quo impeditus fuit aliquis, & respectu ejus rei, in qua fuit impeditus. Et ideò si aliquis impeditus fuerit, producere unum testem, & procuravit quantum potuit, in prima dilatione eundem producere, dabitur nova dilatio ad producendum illum testem, & non alios, quos non procuravit in prima dilatione producendos.

Dilatio potest quando revocari. Cap. 16.

Dilatio, quæ de partium consensu data est, altera parte invita, non debet sine causa revocari, sed quando judex ex officio

officio suo dilationem præfixit, si causa tollatur, quæ illum movit, cum potest revocare.

Dilatio data reo ad jurandum intelligenda est dari auctori ad probandum. Cap. 17.

DEcernimus dilationem datam reo ad jurandum, etiam intelligi debere datam auctori, ad probandum per testes, vel instrumenta.

Dilatio quando reus opponit exceptiones. Cap. 18.

VTriq; parti dilationem dari debere de juribus suis decernimus, quando reus opponit exceptiones.

Dilatio ad consulendum. Cap. 19.

POtest à principio dilatio peti ad illos cōsulendos, quorum consilium arduitas causæ requirit. Et quos aliqua ex parte negotium tangit, ut ab eis, is qui citatus est, informetur. Si pendente causa, super quopiam emergente, positiones offerantur dandæ sunt induciæ procuratori, ut dominum suum consulere possit, si tale sit emergens, ut probabiliter nihil ab initio de hoc scire potuerit, dominus constituens. Nam si ab initio prævideri potuisset, & à causa principali perspicuum dependentiam haberet, tempus ei ut dominum suum consulat, non dabitur. Est enim quod dominus sibi imputet, quare ab initio, ut debuit, procuratorem suum plenè non instruxerit.

Citatio peremptoria. Cap. 20.

Citationi peremptoriæ nimis brevis terminus non affigatur, nisi maxima necessitas id suggerat. Alioqui parti sic vocatæ licebit appellare.

Propter injustas dilationes licet appellare. Cap. 21.

SI iudex absque causa, & injustè, dilationes vel contrahat, vel ampliet, ab eo licet appellare.

Citatio terna. Cap. 22.

Citatoriæ dilationes aut sunt tres, aut una esto peremptoriè inscripta, sed quæ spatium temporis id concedat, quod tribus æquari, & congruere possit.

*Præter citatoriam primam & secundam dilationem, alia
sunt peremptoria licet fortasse non sic
inscribantur. Cap. 23.*

Absens rei publicæ causa à iudicio excusabitur.

Absens rei pub. causa tantisper à terminis in iudicio sibi præfixis excusatur, quamdiu causa absentia durat.

De remoto ab administratione. Cap. 24.

Delapidatione suspectus, & ob id ab administratione remotus, quanvis nondum sit restitutus, in iudicio respondere cogitur, neq; restituetur, nisi causa cognita absolvatur.

*Quando idem terminus duobus actis
prescribi potest. Cap. 25.*

Licebit eundem terminum duobus actibus præfigere, quando simul, & in idem tempus possunt concurrere, ut ad producendum testes probatorios, & ad producendum reprobatorios. Nihil enim vetat iudicem testes admittere simul, super principali, & reprobatorios. At si actus ordine successivo sint explicandi, eundem terminum communem habere non poterunt. Iudici licet dilationem dando, vel adhuc pendente, quæ jam data est, terminum ad alium actum, successivè explicandum statuere, tam eidem quàm alteri parti: quoniam

niam sic dilationi jam concessæ, nullum fit præjudicium ut si decem dies, ad instrumenta producenda, & quinque ad testes assignentur, non enim hii se mutuo actus impediunt. At si unus actus pendet ab altero, id facere non convenit. Malè quippe darentur decem dies, ad positiones producendas, & decem ad intentionem probandam, quia positiones fortasse tamen erunt claræ, ut probatione non egeant, vel adeo erunt ineptæ, ut omnino sint repudiandæ.

Index uni parti parcere non potest, in alterius partis præjudicium. Cap. 26.

TAmetsi iudex propitius non nihil potest reo contumaci parcere (unum scilicet aut alterum diem illum, post terminum peremptorium, expectando) id tamen in præjudicium partis nè faciat, neq; ita ut impensas non jubeat recompensari.

Diebus feriatis iudicia non fiant. Cap. 27.

Feriis institutis ad honorem dei, ut sunt omnes festi dies, a litibus, & judiciis abstineri volumus, neq; testes his temporibus dicent testimonia, atque processus tunc facti, & sententia lata non valebit.

Repentinæ feriæ, quæ jussu nostræ Regiæ majestatis indicuntur, vel ob res foeliciter gestas, vel propter inaugurationem regni, vel publicas supplicationis, feriis institutis ad honorem dei sunt pares, & ejusdem rationis, utq; illis contendere non licet in iudicio, (etiam volentibus partibus) ita in istis non concedatur.

Quæ in feriis liceant. Cap. 28.

IN feriis, quæ ad pacem & concordiam pertinent, fieri permittimus, ut juramenta, facta, transactiones. Licebit etiam his diebus miserabilium personarum causas agere.

Cita.

Citationes non fiant diebus feriatis. Cap. 29.

Citationes, qui fiant die feriato, non valent, & cum nominatim diem feriatum præfigunt ad comparandum, sunt temerariæ. Proinde citet judex ad certum diem, & adjiciat, quòd si dies is fuerit feriatum, proximo venias.

De messe & Vindemia. Cap. 30.

His feriis, quæ ad hominum utilitatem sunt institutæ, ut messis, & vindemiarum, partes pro suo arbitrio renunciare possint. Quòd si faciant, & processus judicialis, & sententia lata valebit. Testes tamen compelli non possunt, ut diebus testificentur, si nolint.

Feriis hominum causa institutis, non solum partes renunciare queunt, sed certis de causis cogi possunt, ut ad judicium veniant, ut si res tempore sit peritura, nec patiatur moram, Ad hæc, sententia, quæ ante has ferias lata fuit, per eas mandari potest executioni, & gravia in Deum scelera cognosci possunt, & puniri.

De certis feriis. Cap. 31.

Toto quadragesimæ tempore, septem diebus post resurrectionis festum, & septem diebus ante natalem domini, quiescant judicia.

De Exceptionibus.

Exceptio quid sit. Cap. 1.

Exceptio est defensio, qua conventus in judicio conatur agentem à se depellere, atque ab actione, vel ejus effectu excludere.

Excep-

Exceptiones peremptoriae & dilatoria. Cap. 2.

PERemptoriae exceptiones, si probentur, susceptas actiones seu lites penitus tollunt. Dilatoriae vero illas tantum differunt. Et inter dilatorias, aliquae appellantur declinatoriae, sumunturq; ab observatione judiciorum, à ratione personarum, loci, & temporis, ac rescripti, & iudicium conantur declinare.

Exceptiones reales & personales. Cap. 3.

REales exceptiones ita rebus, de quibus agitur, cohaerent, ut ad omnes illos devolvantur, ad quos res extenduntur, de quibus agitur. Exceptio enim, quae convenit reo, convenit etiam ejus fidejussori. Personales autem sic certè alicui personae sunt propriae, ut ad alios non transeant.

*Exceptiones peremptoriae semper possunt
objici. Cap. 4.*

EXceptiones peremptoriae sunt perpetuae. Nam semper obstant agentibus, neque illis praescribitur, quo minus in omni parte iudicii, auctori objici valeant.

Quae exceptiones sint temporariae. Cap. 5.

Dilatoriae, atq; declinatoriae exceptiones temporariae sunt. Nam illis qui utuntur, causari solent tempus, aut solutione condictum (aut intra quod leges agere prohibent) nondum elapsum esse, vel conditionem appositam nondum extare, vel iudicem non esse competentem, & alia id genus. Exceptiones hujusmodi actorem in perpetuum non vetant, quin agat, sed ob mutationem rerum, & temporum facile potest contingere, ut amplius locum non habeant. Sunt etiam ea de causa temporariae quoniam si quis

eis non utatur tempore , à jure præscripto , illis deinceps uti non poterit.

Declinatoria exceptiones quando sint opponenda, & quando probanda. Cap. 6.

OMnes exceptiones declinatorias (cum processum judicii impediant non autem causam perimant) ante litis contestationem, vel primum causæ actum, si lis non sit contestanda, proponi volumus. Et si quis ante litem contestatam, vel primum actum, eas proponere omiserit, illis postea non utatur: Quoniam eas prætereundo actis videtur consensisse. Atq; hujusmodi exceptiones cum objectæ fuerint, probari à reo volumus, priusquam vel ad litis contestationem, vel ad primum causæ actum veniatur.

Exceptiones dilatoria quando proponenda, & probanda. Cap. 7.

Dilatoria verò exceptiones (quibus non processus judicii sed actoris intentio impeditur) cum ad negotium, & rem, quæ agitur, pertineant, & ipsæ proponantur ante litis contestationem, sed eas probare nullus reus cogatur, antequam ipse actor suam intentionem probare cæperit. Attamen etiam si post litis contestationem proponantur, non erunt repellendæ à judicio.

Declinatoria exceptio contra judicem ante omnes alias proponenda. Cap. 8.

EXceptio declinatoria, quæ contra judicem est, non solum ante litis contestationem debet proponi, sed ante omnes alias, sive dilatorias, sive declinatorias. Nam si de aliis incipiat reus respondere in judicio, judicem videbitur ut suum approbare.

Terminum

*Terminum esse proponendum à iudice ante litis contestationem,
ad omnes dilatorias exceptiones propo-
nendas. Cap. 9.*

NE dilatoriis exceptionibus lites malitiosè protrahan-
tur, iudici mandamus, ut ante litis contestationem,
certum aliquem terminum præscribat, intra quem si reus
omnes dilatorias non opponat, deinceps de iis non audia-
tur, nisi fortassis aliqua ex tempore oriatur inter agendum,
aut si prius fuit, reo non erit cognita, aut si fuit cognita,
tunc non habuit, ex quo illam probaret, quod postea illi
occurrit. Qua de re priusquam audiat, iuramento mali-
tiæ interponat.

*Tempus proponendarum exceptionum perem-
ptiarum. Cap. 10.*

PERemptoriæ exceptiones, quæ iudicium impediunt, &
causam perimunt, ut exceptio rei iudicatæ, transactionis
& litis finitæ, possunt & ante, & post litis contestationem
opponi. Quæ verò solum causam, & negotium perimunt,
ut exceptio pacti de non petendo, & similia, rectè oppo-
nuntur lite demum contestata.

*Quæ exceptiones per totam causam objici
possunt. Cap. 11.*

EXceptiones excommunicationis, & falsi procuratoris
per totam causam objici possunt.

*Exceptio excommunicationis infra ecto dies est
post probanda. Cap. 12.*

VT verò lites plus iusto non protelentur, præcipimus, ut is
qui excommunicationem objicit, speciem illius, & nomē ex-
communicationis exprimat, sciturus eam se deferre debere in

publicam notionem, quam intra octo dierum spatium (die in quo proponitur minimè computato) probare valeat aperuissimis documentis. Quòd si non probaverit iudex, in causa procedere non omittat, rerum in expensis, quas actor ob hoc, diebus illis se fecisse docuerit, præhabita taxatione condemnans.

De exceptionibus mixtis. Cap. 13.

EXceptiones mixtæ, quæ sic dicuntur, ut partim dilatoriae sunt, & partim peremptoriae, si post litis contestationem proponantur, vim dilatoriarum non habebunt, sed tantum peremptoriae censebuntur.

Dilatoria iudicii processum impediens omissa in prima instantia in appellatione non poterit objici. Cap. 14.

EXceptio dilatoria, quæ iudicii processum impedit, in causa principali non opposita, in appellatione abjici non poterit.

Peremptoria omissa in prima instantia possunt in appellatione objici. Cap. 15.

SI peremptoriae exceptiones in instantia omissæ fuerint, & quidem non ex malitia, neque ad vexandum adversarium, in appellatione produci poterunt. Non autem declinatoriae, aut dilatoriae ille exceptiones, quæ iudicii processum elidunt, sed illas tantum licebit objicere quæ negotium ipsum, & rei summam spectant, modò prius ex malitia non fuerint omissæ.

Quid sit replicatio & quando sit probanda. Cap. 16.

AD reorum exceptiones, actores replicationes adhibere solent, quæ nihil aliud sunt, quàm allegationes actorum,
per

per quas exceptio solvitur : neq; actor cogi debet ad suam replicationem probandam, nisi prius reus probaverit exceptionem.

An iudex de replicationibus pronunciare debeat. Cap. 17.

VT iudex de replicationibus pronunciet, non est necessarium : quia vires earum satis intelligi poterunt, cum iudex de ipsis exceptionibus constituerit, an admittendæ, vel repudiandæ sint.

Quantum possit replicatio paris criminis. Cap. 18.

Replicatio paris criminis repellit excipientem. Nam exceptio alicujus criminis ab illo non debet opponi, qui eodem laborare convincitur.

Neq; excipiens, neq; replicans omnia fatetur, quæ dicit excipiendo, vel replicando. Cap. 19.

EXcipientis non est censendus fateri omnia, quæ in ejus exceptione includuntur, quemadmodum & actor non omnia judicabitur fateri, quæ in replicatione continentur.

De exceptione contra testes, cujusmodi sit, & quamdiu valeat. Cap. 20.

EXceptio contra testes cum non sit dilatoria, indirectè, & obliquè est peremptoria: Nam ea spectat ut probationem tollat, qua sublata jus actoris eliditur. Ea verò duplex est, nam vel contra personas testium excipitur, cum criminosi dicuntur, vel aliqua alia ratione non idonei, vel contra testium dicta, ut cum falsi arguantur. Exceptio igitur contra personas testium usq; ad sententiam potest objici, & probari. Postea verò non audietur, nisi ad appellationem ventum fuerit. Ibi enim poterit objici. Si verò excipiantur testes

falsum dixisse, usque ad viginti annos locum habet exceptio, ne dum in appellatione, quod tamen accipi volumus cum in agendo non fuit proposita. Nam si tunc objecta est, & non probata, minimè valebit ejus vis ad annos viginti, sed tantum in appellatione repeti poterit.

*De exceptione contra testes, & replicatione
testium. Cap. 21.*

TEstis contra quem excipitur de crimine, si contra excipientem de eodem crimine replicet, ob id non admittetur ad testimonium. Quia non relatione criminis reus purgatur, sed si se innocentem ostenderit.

De Sententia & re judicata.

*Judex quando allegata & probata sequi potest contra
conscientiam. Cap. 1.*



Vtile est, quòd à doctis & sapientibus præcipitur, ne quis in judicando sequatur aliquam suam cogitationem, quam secum domo attulerit in judicium, sed secundum allegata & probata pronunciet. Sed hæc regula locum habere debet, quando judex levibus quibusdam argumenti ductus existimat aliter se rem habere quam probatū sit. Nam isto casu potius sequi debet allegata & probata, quā suam opinionem & conscientiam, ex quadam imaginatione conceptā. Si verò judex habet conscientiam rei indubitātā, tunc nullo modo debet aliquid statuere, contra eā, propter allegata & probata. Sed & in hoc casu rursus distinguere debet. Nam si judex habeat conscientiam contra reum, & tamen in actis reus probatur

tur innocens, tum propter suam conscientiam, qua scit eum innocentem, condemnare eum non debet, sed illum, secundū id quod probatum est, absolvere. Quia etiam hoc faciat, non tamen potest dici eum contra conscientiam fecisse, cum reum non ut innocentem, sed ab instantia iudicii tantum absolvat. Si verò iudex habeat conscientiam pro reo, contra allegata & probata, tum non debet contra indubitatam conscientiam in causa decernere. * Quia iudici credendum est, qui allegat conscientiam in præjudicium alterius, si eam probare possit.

Videtur
reducere.

Quoniam iudex non potest supplere omissa in facto, operæpretium est judicare, quonam modo possit conscientiam suam pro reo contra allegata & probata adducere, ut non impingat in constitutiones, quibus prohibetur aliquid supplere in facto. In tali igitur casu iudex per consultationem superiori iudici declaret suam conscientiam. Petat igitur à parte urgente, ac precibus instet, ut det sibi spatium consulendi superiorem iudicem, cui suam, cum exposuit conscientiam, potestatem facit, ut si tanquam veritatis testem audiat, ac deinceps juxta allegata & probata sententiam pronunciet, neq; ut iudex factum supplet, sed ut minister justitiæ cavet in ejus culpa innocentia proximi oneretur.

Iudex primum certam exquirere debet facti notitiam. Cap. 2.

Iudex in hoc potissimum incumbat, ut ante omnia certus sit de facto, & precipuè in criminalibus quosvis audiat, innocentiam cujusvis probaturos, donec in plenam causæ cognitionem veniat. Nam in iudiciis ordinariis iudices jubentur plena inquisitione rei qualitatem discutere. In criminalibus verò iudiciis tam clara requiritur facti notitia, ut non permittatur juramenti dilatio, in defectu apertarum probationum, sicut in causis civilibus.

Deinde

Deinde exquirat quod in facto jus sit. Cap. 3.

Post certam facti cognitionem, proximum est ut sententia, qua declaraturus est jus, facto probato sit conveniens, & juri atque consuetudini, quibus quæque regio, aut civitas in ea specie facti utitur. Si vero neque ex lege, neq; ex consuetudine manifesta, judici constare possit, quid in casu proposito pro jure habendum sit, procedendum illi est, de similibus ad similia jura, donec argumento aliquo ex usitato jure ducto, constituere possit quid eum sequi in pronunciando oporteat.

Si ambigat favendum est reo. Cap. 4.

Si verò neque id quidem consequi sua investigatione, aut peritorum consultatione possit, tum in dubio juriis potius pro reo, quam pro actore pronunciandum est, nisi actor foveat causam favorabiliorem.

Quid sit sententia. Cap. 5.

Hactenus traditum est, quæ sunt judici considerata, antequam ad ferendam sententiã progrediatur. Statuendũ nunc est de ipsa sententia, ut intelligi possit, quæ pronuntiatio judicis mereatur dici sententia, ea solũ pronuntiatio judicis meretur dici sententia, qua finis imponitur controversiæ, legitima disceptatione in judicium ductæ.

Quomodo sententia recte feratur. Cap. 6.

Statuimus igitur, ut in observatione solennitas circa ferendas sententiãs, partes ad sententiam audiendam citentur. Alioqui (cum maximi præjudicii sit sententia) eam, partibus non citatis, pro nulla haberi volumus. Deinde statuimus, ut præsentibus partibus, vel altera contumaciter, absente, sententia à iudice tribunali, vel alio loco honesto vel

sto vel publico sedente, promulgetur quodque sententia concepta ex breviculo, in quo est descripta, per judicem aut tabellarium recitetur, iudice clare attestante, se juxta recitata ex scripto, de causa pronunciare, nisi talis sit casus, de quo verbo tenus, absq; breviculo, liceat pronunciare.

Si lis debeat per sententiam dirimi inter contendentes, necesse est ejus orationem non esse exegeticam, sed definitivam, & decisoriam. Porro non sufficit sententiam esse absolutoriam, vel condemnatoriam, nisi in ea etiam discrete res exprimantur, ad quas præstandas, aut ferendas, reum condemnet, aut à quibus eum liberet. Est enim iudici omnino conandum, ut quam fieri possit, sententiam ferat certam, & præcipuè secundum libelli petitionem, dirigenda est certitudo sententiæ.

Vitandum quoq; est ratione certitudinis, quæ in causarum decisione requiritur, ne sententia sub conditione feratur. Operæpretium non est ut causa, quæ judicem movet, ut sententiam ferat, in sententia exprimatur. Verum si propter ineptitudinem libelli lata sit sententia, tunc necesse est ut causa ineptitudinis sententiæ inferatur, quareus ab instantia iudicii absolvatur. Sed tamen est necessarium in causa approbationis, ut iudex ad quem appellatum est, semper inferat causam in sententia. Nam judicare eum oportet, quare latam sententiam ab inferiori iudice, vel approbet, vel improbet.

Sententiarum species. Cap. 7.

Forma sententiarum generali absoluta, tandem ad sententiarum species est descendendum, & primum de interloquutoria est decernendum, quia ad eam ordine procedendi in causis prius pervenitur.

De sententia interloquutoria. Cap. 8.

Sententiæ igitur interloquutoriam eam esse decernimus, qua
N n

qua aditus ad principalis causæ cognitionem paratur. Id verò duobus fit modis, aut enim iudex simpliciter aliquid imperat litigantibus ut faciant, aut remoras exceptionum (quas utrinq; attulerunt) sua pronuntiatione aufert, ut absque obstaculis ad decisionem principalis causæ venire possit. Unde eam sic definiri volumus. Interloquutoria sententia est, quæ inter principium, & finem causæ fertur, super iis quæ incidunt, vel emergunt, citra principalis causæ cognitionem. Talis igitur sententiæ non sit tanta vis, quanta in definitiva. Nam ea lata semper potest revocari per iudicem, nisi per eam jusserit partem alteri aliquid restituere, vel dare. Tunc enim iudex eam revocare non potest, quia definitivæ speciem habet, ut cum propter aliquam contumaciam, aliqua pars alteri condemnatur in expensis solvendis, aut si jusserit expoliatum restitui in possessionem, priusquam procedatur in petitorio. Idem censendum est de omnibus exceptionibus peremptoriis. Nisi enim lata de eis sententia firma haberetur, at judici liceret, quoties illi visum esset, eam revocare, tum incerta admodum esset progressio ad principalis causæ decisionem.

De sententia definitiva. Cap. 9.

Impensius verò in sententia definitiva (qua de principali causa pronuntiatur) operam navari decernimus. Nam si quid ex illis, quæ circa actus, aut quæ in ipsa forma orationis observanda esse judicavimus, omissum sit, tanquam illegitimam eam rejiciendam esse volumus.

Sententia definitiva retractari non potest nisi contra jus divinum feratur. Cap. 10.

PORRÒ si nihil talium in sententia definitiva desideretur, ut tanquam illegitimo modo lata, pro nulla haberi possit,

fit, nec ab ea intra spatium, quo appellari permiffa est; appellatum fit, tunc eam in rem judicatam transire volumus, hoc est, alem consequi auctoritatē, ut contravenire nemo possit: nec judici quidem liceat eam revocare, mutare, aut aliquam ejus partem tollere, vel emendare, five bene, five male suo officio in ea parte ferenda functus sit. Sed in hac regula magnopere observandum, quod sententia contra jus litigantium male lata transeat in rem judicatam, modò ab ea appellatum non sit. Sed secus esse statuimus, si sententia manifestam iniquitatem continens est ipso jure nulla, nec debet quis jure cogi, ut ei stet, etiamsi ab ea appellare sit prohibitus. Proinde sententia, quæ sine peccato mortali servari non potest, rectè à iudice revocatur, & à litigantibus tanquam nulla negligitur, quia transire in rem judicatam non potest, propter offensionem conscientiae, licet etiam iudex mutabit sententiam, si viderit eam obesse rei publicae.

Judici quando liceat sententiam mutare, addere, & minuire.

Cap. II.

Vitium grammaticum, si quod est in verbis sententiae, illud per iudicem tolli liceat. Porro iudex sententiam definitivam latam non solum mutare, sed & supplere in pronunciando, de accessionibus & immunitationibus actionum, si tamen eadem die, qua ferat sententiam, id ab eo fiat, & antequam pronuncietur in actis id petatum sit. Nephas enim videtur, peracto semel in iudicio, iterum permittere, ut ex se pita lite, nova lis de actionibus & immunitationibus actionum moveatur.

Alias immutationibus.

De impugnatione sententiae. Cap. 12.

PORRò nobis nunc pergendum est, ut de impugnatione sententiae interlocutoriae, & definitivae decernamus. Cum proclive admodum sit falsam sententiam ferre, operæpretium est modos quosdam tenere, quibus occurri ei possit, ne nobis fraudi sit illius rati habitio, aut nostra in ea admittenda supinitas. Cæterum antequàm quis conetur sententiam impugnare, videre debet, an secundum allegata, & probata, & ut exigant jura & consuetudo, atq; legitima forma, cum observatione solennitatum lata sit. Nam si tale quid circa eam non observatum esse appareat, non est opus eam impugnare, quia ipso jure illam pro nullo haberi volumus, quæ manifestum juris errorem continet, adeò ut nec in rem judicatam transeat, etiamsi ab ea appellatum non sit, aut provocatio ab ea facta deserta sit. Igitur contra quem talis sententia lata est, defendere se nullitatis exceptione potest, si ex ea conveniatur, & talis exceptio competit illi perpetuò, hoc est, quadraginta annis, quibus omnis actio, & obligatio tollitur.

In casibus, quibus iudex sententiam suam revocare potest, sententiae ejus emendationem simpliciter petitam esse sufficiat. Quia in talibus casibus, aut evidens est causa ejus revocandæ, aut solennitas processus judicari nõ requiritur. Sed si ratione nullitatis petatur mutari, aut corrigi sententia, necesse est errorem, aut fraudem judicis legitimis documentis declarari, ut causa, propter quam contenditur, fiat manifesta. Et probandum erit, si quid eorum, quæ ad cognitionem legitimam necessariò requiruntur, à iudice neglectum fuerit, ut si amissa sit citatio partiũ, aut nõ oblatus libellus, aut lis non contestata, aut de calumnia non juratum, aut sententia non sit lata secundum legitimam formam, quæ supra est

est descripta, tunc ea debet dici nulla. Quia ea judiciorum rectè constituendorum causa observari jubentur, ut iudex rectè & ordine pervenire in causæ notitiam possit.

Quoties verò exigit casus, ut de nullitate sententiæ, pronuncietur, non apud alium iudicem superiorem, sicut in appellationibus, sed apud eundem, qui de causa principali iudicavit causa agenda est. Sed hoc tunc solū fit, quando coram Ordinario causa agitata est, non cum apud delegatum iudicem. Nam ejus jurisdictio extinguitur, cum ab eo male judicatum est, quoad sententiam definitivam & non interlocutoriam, revocare potest, neq; propter illā officio suo est functus: verum si definitiva sententia male judicavit, potest ab eo ad delegantem appellari, ac peti, ut aut ipse causam cognoscat, aut alteri eam cognoscendam demandet.

Subsidium impugnationis sententiæ. Cap. 13.

Reliquum est ut de subsidio impugnandæ sententiæ aliquid decernamus, quod huc videtur referendum, nempe quærela falsi. Nam & illud subsidium generaliter omnibus competit, qui falforum instrumentorum, aut testiū auctoritate, & subornatione, se iudicio succubuisse ostendere possunt: si in per investigatione causæ, cognitum de crimine falsi non sit, & apparet iudicem specie talium probationum deceptum esse, tunc propter odium ejus criminis, non solū jubemus sententiam rescindi, antequam ab ea appellatū sit: sed volumus, ut postquam ea transierit in rem judicatam, læsus per eam in integrum restituatur, ut denuò experiri iudicium possit. Ac si quid secundum eam solutum sit, licet ei illud repetere.

De rejudicata. Cap. 14.

Decisio litis est res judicans, sed illud quod in ea decisione

statuitur, sit res judicata, si ea ritè & legitimè facta sit, ita ut tanquam nulla impugnari possit, nec ab ea appellatum sit.

Quando res inter quosdam judicata præjudicat aliis. Cap. 15.

ET cum tanta sit vis rei judicæ, obiter considerandum venit, an illis solum ea præjudicet, inter quos judicatum est, an illis etiam, quos controversia, de qua judicatum est, vel ratione communis rei, vel contractus contingat. Videntum igitur quàm latè jus sententiæ se extendat, ad nocendum aliis, vel eos juvandos. Est generalis regula, quod res inter quosdam gesta non nocet aliis. Et habet hæc regula locum, siue in judicio, siue extra judicium aliquid actum sit. In re autem in judicio acta, hoc addendum est regulæ: quòd ne tum quidem nobis præjudicent acta aliorum, si nostro nomine quid fecerint, si id siue nostro mandato, aut rati habitatione factum sit. Licet autem hæc regula sit generalis, attamen si quid fiat (me sciente, & non prohibente) ab eo, qui commune jus, in ea re, de qua actum est, mecum habeat cum potuerim eum prohibere, tum sententia contra eum lara mihi præjudicium parit: secus est, si ejus molitionem nescierim, neque potestatem eum prohibendi habuerim.

Suntq; casus, in quibus sententia simpliciter omnibus præjudicat, quorum interest non esse ita judicatum, si ea in rem judicatam transiit: ut si quærela in officiosi testamēti, relictum sit testamentum, ea, quæ ex ejus dispositione, nomine legatorum debita fuissent, si contra illud non fuisset judicatum, peti non possunt, imò etiam soluta repetuntur. Cum ubi majus est periculum, ibi cautius est agendum, æterniq; tribunal judicis illum reum non habere certum sit, quem injustè judex condemnat, maximopere cavendū est ecclesiasticis judicibus, atq; prudenter attendēdū, ut in causarum quibuscunq; processibus nihil vendicet odium, vel
favor

favor usurpet, sed timor exulet, præmium aut expectatio præmii justitiam non evertat : sed stateram in manibus gestent acceptationem personarum non habentes, lances pro libramine appendentes, ut in omnibus, quæ in causis agenda fuerint (præsertim in concipiendis sententiis & ferendis) præ oculis habeant solum deum, illius imitantes exemplū, qui querelas populi (tabernaculum ingressus) ad dominum referebat ut secundum ejus imperium judicaret. Quisquis enim judex ordinarius sive etiam delegatus, famæ suæ prodigus, & proprii persecutor honoris, contra conscientiam, & contra justitiam, in gravamen alterius partis quicquam, per gratiam, vel per sordes in judicio fecerit, per annum ab executione officii, noverit se remotum, ad estimationem litis, quam læserit, nihilominus condemnandus.

De Appellationibus.

Appellatio quid sit. Cap. 1.

Appellatio (ut à definitione incipiamus) est à minore ad majorem provocatio, & per eam legitimè interpositam, & pronunciata, & jurisdictio judicis quo ad illam causam suspenditur, & ipsius cognitio, & examen ad superiorem transfertur. Distinguitur autem in judicialem, & extrajudicialem.

De appellatione judiciali. Cap. 2.

Appellatio judicialis est, cū in judicio provocatur ad superiorem judicem à definitiva: ab interlocutoria, vel à gravaminibus, quæ in agendo causam quandoq; partibus infliguntur. Cumq; appellatur à definitiva sententia sufficit dixisse, ab iniqua hac sententia appello. Sed quando ab interlocutoria, vel gravamine aliquo provocatur, causa omnino assignanda est, quæ vera sit, justa, & expressa.

Et

Et si propriè loqui velimus, appellatio non est, nisi in iudicio. Quæ verò sit extra iudicium, provocatio dici poterit.

De appellatione extrajudiciali. Cap. 3.

EXtrajudicialis appellatio est à præsentì, seu verisimiliter futuro gravamine, ad superiorem provocatio, antequàm ad iudicium veniatur, in qua probabilis, & verisimilis ratio debet assignari, quæ si reddita fuerit, causam ad superiorem iudicem transfert. Et appellatione hujusmodi pendente, nil in appellantis præjudicium tentari potest à iudice, à quo est appellatum.

Appellare licet etiam in causis extrajudicialibus. Cap. 4.

IN actis extrajudicialibus appellare licet, ut ab electionibus, postulationibus, provisionibus, & cæteris hujusmodi. Sed interponere oportet appellationem infra dies decem, à notitia, qua quis gravari se intellexit. Nam elapsis decem diebus, per viam appellationis non amplius audietur: sed per alia remedia juris petere poterit, ut integrum restituatur, & revocetur gravamen.

Quæ sit vis appellationis extrajudicialis. Cap. 5.

APpellatio extrajudicialis, si interponatur ex probabilibus & verisimilibus causis, adeò devolvit causam ad superiorem, ut actus gestus contra eam sit nullus. Undè si quis appellaverit, ne possessione molesteretur, cum se molestandum verisimiliter suspicetur, si ea spoliatur, restituitur ante omnia in statum, in quo erat tempore appellationis emissæ.

In extrajudiciali appellatione, si appellans, & ejus adversarius diversos habeant iudices, licebit appellanti ad e.

um

um revocare, qui sibi ordine competit, & valida erit ejus appellatio.

In judicio non licet appellare à futuro gravamine. Cap.6.

IN judicio non potest appellari à gravamine futuro etiam sub conditione : ut si ne gravaveris, appelles, sed debet prius expectari gravamen, & postea appellare, ut enim à futuro gravamine appelletur, solum extra judicium conceditur.

Si appellatio scripta porrigatur judici, satis est, nec requiritur ut coram eo legatur. Cap.7.

APpellatio in scriptis judici porrecta non potest, quòd coram eo lecta non fuerit, legitimè impugnari.

Quid agendum sit, si justus metus impediatur ab appellando. Cap.8.

SI justus metus vel judicis, vel adversarii, vel municipalis legis, quæ prohibeat ab aliquibus causis appellari, fortasse impediatur quæquam ab appellando, excusabitur: & esse volumus ac si appellaverit, modo coram iudice protestetur, à quo gravatur, de metu si audeat, & fieri possit, vel ejus copiam habeat. Quod si non est avus, & copiam illius non habuit, si fieri possit coram iudice, ad quem decernit appellare, suam interponat appellationem. Quòd si non succedat, satis ei tunc esto, coram uno aut pluribus viris bonis, notorio adhibito, ac testibus, de hoc metu protestari, appellare, & causas, propter quas appellavit exprimere: atq; ab eo, vel ab eis, apostolos obtinere, coram quibus appellat. Curandum tamen est, ut judici appellatio hujusmodi quoquo modo, intimetur intra decem dies, à gravamine, vel à sen-

tentia. Alioqui si ad ulteriora, in causa procederet, quæ ageret non esset invalida. Adversarii verò præsentia, dum sic appellatur, non est necessaria. Sufficit enim ut ei fiat intimatio. Cum verò neque justus metus obstat, & judicis copia potest haberi, semper coram eo tam judicialis, quam extrajudicialis appellatio fieri debet, atq; in scriptis porrigini si à definitiva sententia statim, ut dictum est, unica voce sit appellatum.

Quibus casibus appellare non licet, aut frustra appellatur. Cap. 9.

NEq; à correctione, neq; ab executione licet appellare, nisi modus excedatur, atque tunc causa, & ea quidem vera exprimenda est. In notariis etiam prohibemus appellationem, à poena quoque juris non licet appellare: sed à sententia judicis appellatur, qua pronunciavit litigantem, in poenam juris incidisse. In omnibus, in quibus jura prohibent appellationem, judex non cogitur ei deferre, cum interponitur, nisi causa disertè exprimatur, atque isto casu appellando, à definitiva sententia, causam exprimere necessarium est, cum aliàs non requiratur. Ad hæc in his, quæ dilationem temporis non admittunt, appellatio non recipiatur. Si appellatio est manifestè frivola, judex eam admitendo non recte agit. Tertio appellare ab eodem articulo, vel ab eadem sententia, non licet. Ab arbitrio appellare etiam non licet, neq; in enormi, & gravi scelere. Qui appellat, post decem dies, non audiatur per viam appellationis, quamvis conqueri possit, & alia ratione agere, ut in integrum restituatur. In civilibus unus pro alio non appellat, nisi ejus inter sit. Cum quis in judicio confessus fuerit, non admittitur ejus appellatio, modo per seipsum, non per procuratorem sit confessus, neque confessio per tormenta, aut eorum metum sit extorta: imo etiam id requiritur, ut de eo,

eo, quod est confessus, in iudicio sit convictus, & appellationi foventi aliquam iniustitiam, vel iniquitatem nunquam est deferendum: neq; recipietur appellatio, quando à nostro regia Majestate causa subdelegata est, sub conditione, ut inde non appelletur.

Quando ante sententiam definitivam liceat appellare in causis Ecclesiasticis. Cap. 10.

IN causis Ecclesiasticis, ante sententiam definitivam appellare, sive querelare prohibemus, nisi à sententia censurarum, aut correctionis, ubi modus excedatur: aut ubicunque damnum, aut gravamen illatum per appellationem, à definitiva non est reparabile. In quibus casibus appellare, & etiam querelare ante sententiam definitivam licebit.

Quo ordine appellandum sit. Cap. 11.

AB Archidiaconis, decanis, & his, qui sunt intra pontificiam dignitatem, & jurisdictionem Ecclesiasticam habent, ad Episcopum liceat appellare, b Episcopo ad archiepiscopum, ab archiepiscopo vero ad nostram majestatem. Quo cum fuerit causa devoluta, eam vel concilio provinciali definire volumus, si gravis sit causa, vel à tribus quatuorve Episcopis, à nobis ad id constituendis. Quibus rationibus cum res fuerit definita, & iudicata, per appellationem amplius cognosci non poterit. Observari tamen præter hæc volumus, ut si causa fuerit subdelegata, semper ad subdelegantem appelletur, à quo si rursus fuerit appellandum, ordo jam descriptus conservetur.

Quomodo à pluribus iudicibus appellatur. Cap. 12.

SI plures iudices fuerint lata ab eis sententia, vel gravamine aliquo inflicto, cum omnes simul haberi

non possint, coram majori parte illorum appellare licebit, & Apostoli peti seorsim ab eis poterint. Sed tamen appellatio ipsa, delatio ad certum judicem, & præfixus terminus adversario, si non adfuerit, sunt intima.

Qui per appellationem in una causa liberatur, à suo iudice in aliis tamen ei debet respondere. Cap. 13.

PE idens appellatio non est sufficiens, & idonea causa, ut iudex, à quo appellatus est, in aliis causis repudietur. Unde cum quis duas, diversasq; causas habet sub eodem iudice, licet quoad unam earum appellaverit, de altera tamen cogetur iudici respondere à quo appellavit.

Non obstat prior appellatio deserta, quando propter novum gravamen rursus appellari possit ab eodem iudice. Cap. 14.

Qui appellavit, & appellationem deseruit, rediitq; ad iudicem, à quo appellavit, si rursus ab eo gravetur, de novo poterit appellare.

In causa communi plurium, unius appellatio alios etiam juvat. Cap. 15.

SI ex pluribus una sententia condemnatis, qui communi interesse jure jubentur, idemque habeant negotium, & eandem causam defensionis, unus appellaverit, ejus victoria proderit aliis. Et si fortasse is unus qui appellavit, cæteris tacentibus & scientibus appellationem deseruerit, quisvis alius ex illis eam prosequi poterit.

An juramentum interpositum prohibeat appellationem. Cap. 16.

SI quis juraverit se staturum judicatis, & definitis in aliquo

quo iudicio, quoniam iuramenta semper ad causas honestas contrahenda sunt, & verisimiliter cogitatas, idè si eveniat, ut sententia, vel mandatum iudicis, & honestatis, & iustitiæ limites excedat, licitè qui iuravit inde potest appellare, cum iuramentum iis casibus non urgeat. Verum si hoc non accadat, sua ipsius promissione astringitur, ut non appellet.

Ob suspectum locum licet appellare. Cap. 17.

Locus iudicii exercendi, ad quem iudex citaverit, debet esse tutus domino & omnibus his, qui pro eo interveniunt, ut ad locum possint ire securè. Aliàs proposita exceptione de loco suspecto liberè licet appellare.

Tam in maioribus, quàm in minoribus causis licet appellare. Cap. 18.

ET in maioribus, & in minoribus causis, appellendi facultas non denegetur. Nec enim iudex injuriam sibi fieri debet existimare, eo quòd litigator appellat. Quia quantitas causæ non facit, quare sit appellandum, sed iniquum gravamen.

Qualis causa reddenda sit in appellationibus. Cap. 19.

QUum sit extra iudicium appellatio, causa potest assignari, quæ sit generalis, & incerta, respectu personarum, seu gravaminis, cum fiat sæpissime de futuro, quod minime potest determinatè sciri. Sed in appellatione judiciali, quando reddenda est causa, illam & certam, & specialem esse oportet, cū semper termè sit vel de præseti, vel de præterito gravamine. Præterea in iudicio, causa appellandi debet esse

vera. Sed extra iudicium satis est, quòd causa sit verissimis & probabilis, utputà verissimiliter timui gravari in possessione alterius rei, licet adhuc non sum gravatus, tamen extra iudicium possum appellare.

Cum appellatur à definitiva licet aliter agere quam in aliis appellationibus permittatur. Cap. 20.

IN appellatione à definitiva sententia, cum non sit necessarium causam exprimere, appellans, cum unam causam exposuerit in agendo, aliam poterit prosequi, & post eam, aliam, quoad ei suppetent. Sed in aliis appellationibus, cum debeat causa exprimi, non poterit citra expressam, alia tractari in prosecutione.

Coram quo iudice appellationis causa sit proponenda, & coram quo justificanda. Cap. 21.

CAusa appellationis, cum est exprimenda coram iudice, à quo appellatum est, proponetur, nisi metus obest, & si copia ejus haberi potest: sed coram iudice, ad quem appellatum, justificabitur.

Si exceptiones legitime cum probationibus offerantur iudici, si recte fuerint & licite, appellatur, & justificatur appellatio. Cap. 22.

EXceptiones legitime, & earum probationes, quando iudici oblatae fuerint, si ab eo non admittantur, iusta causa præbetur appellandi, quin & appellatio coram iudice, ad quem provocatum est, propter hoc justificabitur, licet veritas exceptionis non probetur. Non tamen volumus sufficere appellanti, si dicat se materiam sive exceptionem legitimam, & veram proposuisse & appellasse, nisi doceat propter exceptionem non admissam, appellasse.

Iusti.

*Iustificata appellatione, non est probata obiter
exceptio. Cap. 23.*

CONstituimus præterea, ut talis oblatio probationis iustificet solum appellationem, quoad devolutionem causæ, non autem ut exceptio habeatur pro probata, in præjudicium partis adversæ.

*Ob quas alias injurias, & cavillationes iudicis, licet ab eo
appellare. Cap. 24.*

PRæterea si iudex procedat ad ulteriora, exceptione vel materia neglecta, licet expressè eam non repulerit, potest ab eo appellari. At hæc si iudex non procedat ad ulteriora, sed superledeat, vexando excipientem, vel materiam proponentem, quam sæpe citat ad audiendum deliberationem suam, vel ad idem sæpe assignavit terminum, tunc volumus, quòd si iudex, bis humiliter requisitus non pronuntiat, possit ab hoc gravamine appellari.

*Quomodo in diversis appellationibus processus
iustificetur. Cap. 25.*

ET licet processus primi iudicis iustificari, vel impugnari non possit, quando appellatur ab interloquutoria, nisi ex actis coram eo in appellatione, tamen in appellatione à definitiva sententia, potest iudex ad quem, ex novis actis coram eo habitis, suum processum iustificare, & contrarium primæ sententiæ pronuciare. Quia non allegatum, vel probatum in causa principali, potest allegari, & probari, in causa appellationis.

Ad quid inventæ sunt appellationes. Cap. 26.

Appellationes non ad deprimentā cuiusquā iustitiā sunt inventæ, sed ut gravamen impositum reparetur, & ad
cor-

corrigenam iniquitatem, & imperitiam judicis, & non nunquam ad ipsius afflicti succurrendum inscitiae. Nam in appellatione per sepe locum habet, quod jactatur non probatum, probabo, & quod non est oppositum, opponam. Etenim quæ in prima instantia sunt omissa, frequenter in secunda, locum habent.

In causa appellationis aliqua exceptiones repeti possunt, quæ in prima instantia locum non habuerunt. Cap. 27.

CUM peremptoria exceptio in instantia non fuit admissa, interposita appellatione à definitiva sententia in causa appellationis, denuò poterit objici & probari. Idemque licebit si eadem exceptio peremptoria in priori instantia, vel negligentia, vel oblivione omissa fuerit: verum exceptiones illæ quæ in priori instantia necessario erant opponendæ, ante litis contestationem, in causa appellationis objici non poterunt.

Lapsus termini quandoq; non obest. Cap. 28.

LAPsus termini ad appellandum vel appellationem finendum, non præjudicabit appellanti, quo minus ex causa legitima audiatur, saltem per beneficium restitutionis in integrum, & fiet restitutio usque ad tantum tempus quantum fuit tempus impedimenti. Quia si impedimentum non fuisset, habuisset effectum suum appellatio: volumus tamen ut suam diligentiam ostendat infra tempus impedimenti, quia aliter constare non possit impedimentum causam præstitisse, neq; sufficit probare impedimentum fuisse nisi doceatur id impedimentum fuisse causam non agendi, quod probatur probando tunc temporis diligentiam.

Ter.

Terminus ad appellandum est decem dierum. Cip.29.

Appellationes & nullitatem querelas infra decem dies, utiles, à tempore notitiæ latæ sententiæ, aut gravaminis, à quo per constitutiones nostras appellare, sive querelare licet coram iudice, à quo provocatur, fieri volumus.

De terminis ad prosequendam & ad finiendam causam appellationis. Cap.30.

Cum quis appellaverit, vel de nullitate conquestus fuerit, nisi infra duos menses à tempore appellationis, sive querelæ interpositæ, eandem prosequutus fuerit, & iudicem à quo, de prosecutione huiusmodi per citationem, vel inhibitionem superioris, certiozem fecerit, ac infra sex menses, à fine ipsorum duorum mensium numerandos, ipsam appellationem sive querelam (legitimo impedimento cessante, quod à iudice à quo appellatum est, approbandum erit) finiri obtinuerit, sententiæ contra eum prius latæ stare compelletur. Et habebit ejus appellatio deserta censeri. Terminum vero ad prosequendam litem datum à lege concedimus, cum à iudice, tum ab appellante posse immui non autem prorogari.

Lata sententia definitiva non est ante decem dies mandanda executioni. Cap.31.

Illis decem diebus à lata sententia, quibus appellare licet, iudicatum non mandetur executioni quod non modo incivilibus, verum & in criminalibus observari decernimus. Volumus etiam ut in ipsis criminalibus, etiam invito condemnato, quivis alius pro eo possit appellare.

Quomodo labatur terminus in extrajudiciali appellatione. Cap.32.

In appellatione extrajudiciali, propter gravamen aut futurum

turum, aut jam inflictum, interposita, terminus vel à jure datus, vel à judice, vel appellante præfixus ad litem proseguendam, non à die appellationis fluere incipiet: sed à die, qua oppressus cognovit se gravatum, qui nihilominus si fuerit elapsus, non obstat, quin oppressus à superiori judice audiatur, non quidem appellationis via, sed querelæ: cum in appellatione appellans, qui semel eam deseruerit, quoad ipsam non amplius audiri debeat.

Terminus finienda causa appellationis à judice, à quo appellatur, non potest mutari C. p. 33.

Judex à quo est appellatum, licet valeat præfigere terminum appellationis proseguendæ, non tamen illius finiendæ alium terminum potest constituere ab eo, quod jus concedit.

Si compromissum interponatur, non labitur terminus. C. p. 34.

SI appellatione interposita partes consenserint in compromissum terminum, ad proseguendam appellationem currere nolumus, nisi judex animadvertens ex nimia dilatione imminere periculum, in causa juberet progredi.

De generibus Apostolorum. Cap. 35.

Apostoli non omnes sunt ejusdem generis. Aliqui sunt dimissorii, atq; tunc dantur, cum judex appellationi defert. Sunt & refutatorii, qui dantur, cum appellatio non est amissa. Tertio loco dicuntur alii reverentiales, hiq; dantur, quando non merito causæ, sed propter honorem judicis, ad quem appellatum est, defertur appellationi. Postremo Apostoli, si quandoque in appellatione dantur extrajudiciali, vel conventionales, vel testimoniales dici consueverunt.

Quando

Quando sit opus Apostolis, & quando non.

Cap. 36.

IN appellatione judiciali semper opus est Apostolis, non item in appellatione extrajudiciali.

Quando petendi Apostoli, & quis terminus eorum petendorum concedatur. Cap. 37.

QUANDO judex appellatione interposita, præfixit diem ad dandos Apostolos, appellans tunc ad eos petendos debet conparare, quòd si non faciat, sententia contra illum lata poterit executioni mandari. Et quum spatium termini præfixi ad Apostolos dandos amplum fuerit, appellantem satis erit aliquando comparare, & loco, & tempore congruo Apostolos instanter petere. At si judex aperte dixerit, se nolle dare, vel si præfixo termino, aut ex malitia, aut negligentia non dederit, poterunt litigantes appellationem sine illis prosequi. Et si judex qui non dederit, procedere attentet in causa, omnia quæ fecerit, erunt invalida: & à judice ad quem appellatum est, arbitraria poena plectetur. Tempus autem, quoad Apostolos dandos longissimum, & quod proferri non possit, triginta dies esse volumus, intra quod spatium, si appellans eos instanter, loco, & tempore congruo non petierit, appellationi renunciassè censebitur.

Quid in Apostolis contineri debeat.

Cap. 38.

IN Apostolis, appellationis causa exponetur. Et an admissa sit appellatio, vel non admissa declarabitur. Et à quocunq; dentur Apostoli, illis apponendum est ejus sigillum à quo dantur. Cumq; judex Apostolos dederit, appellanti, quoq; terminum prosequendæ appellationis constituer.

Verum ex Apostolis datis, vel præfixo termino, non intelligetur iudex appellationi interpositæ detulisse. Nam Apostoli faciliè potest fieri ut sint refutatorii, & constituitur terminus ad malitiam litigantium compescendam, ne superfluis moris lites extrahant.

Appellanti non est fraudi si post gravamen alligat ad tribunal judicis, nec ob id impeditur, quando intra decem dies ab eo appellari possit. Cap. 39.

QUando aliquis est in iudicio gravatus, licet post gravamen ad iudicem venerit, qui eum gravavit, & aliquid ad ejus tribunal egerit, propter hujusmodi acta non eripitur ei facultas, quin infra decem dies ab inflictio gravamine, appellare possit, præsertim cum ea, quæ post gravamen egit, non sponte, sed vi iudicis adactus egerit.

Appellans si quid cum protestatione agat coram iudice à quo appellavit, ne propterea deferat appellationem. Cap. 40.

QUando aliquis appellavit, licet ad iudicem à quo appellatum est, post appellationem interpositam venerit, & aliquid ad ejus tribunal egerit, modo protestetur, se non ob id velle appellationem deferre, non iudicabitur illi non renunciaffe.

Post appellationem debet iudex à tota causa supercedere, nisi gravamen inflictum revocet. Cap. 41.

QUamvis appellatio interdum certū aliquem causæ articulū spectet, nihilominus ea interposita, iudex à quo appellatū est, à tota ipsa causa supersedebit. Non enim quipiam cogi debet, ut illi iudici respondeat, in ea causa, in qua se

se gravatum ad eo sentit, neq; amplius ad illum comparere adigitur, ut respondeat, neq; ut de gravamine doceat, nisi fortasse citetur ad audiendam gravaminis illati revocationem. Quam revocationem si iudex fecerit, sive comparente eo, qui appellavit, sive non comparente, & ad solvendas expensas, si quas appellans fecerit, sese obtulerit, & adeundus est, & sub eo agendum. Nam causam, à quo fuit appellatum potest reassumere, & ad ulteriora procedere. Quod tamen tunc solum habet locum, quādo appellationi minimè detulit. Nam si eam fortasse receperit, neq; gravamen revocare, neq; causam potest resumere. Etenim jurisdictio ejus, quoad illam causam, prorsus transfusa est in iudicem superiorem. Poterit nihilominus postea de illa cognoscere, si iudex, ad quem est appellatum, illam ad eum remiserit. Itaq; deferendo appellationi causam illam iudex omnino à se abdicat, nisi deferatur appellatio, & terminus præfixus elapsus fuerit, intra quem appellans debuit prosecui appellationem. Isto siquidem casu lis denuò ad illum redit.

Quæ attentantur post appellationem sunt irrita. Cap. 42.

QUæ attentantur contra & post appellationem, sive judicialem, sive extrajudicialem, sunt ipso jure nulla. Potest attamen iudex à quo appellatum est, omnia ea facere, pendente appellatione, quæ ad ejus faciliorem exitum tendant.

Quæ innovata post appellationem à iudice appellationis revocari debeant. & quæ non. Cap. 43.

INNOVATA, post appellationem à definitiva, aut inter sententiam, & appellationem, ante omnia per appellationis iudicem revocari debent. Innovata verò post appellationem,

ab interlocutoria, seu gravamine, donec appellationis causam veram esse constiterit, revocari non debent, nisi, post inhibitionem (ne procederet in causa à superiore) factam, inferior iudex processit. Nam irritum est, & invalidum quicquid agitur post inhibitionem.

Quatenus iudex, à quo appellatur, de appellationis iustitia potest cognoscere. Cap. 44.

Iudex, à quo appellatur, de appellationis iustitia potest cognoscere, quo sese instruat, an illi sit deferendum: non autem in præjudicium appellationis. Nam hæc ad iudicem pertinet, ad quem est appellatum.

Quando iudex appellationis causam debeat ad inferiorem iudicem remittere. Cap. 45.

Inferior iudex quando appellationi à definitiva minime detulit, debet superior vanitate, seu malitia cognita illius, appellationis causa ad illum remittere, ac eodem die appellantem injustè condemnare quoad expensas. Cum verò iudex inferior appellationi detulerit, in potestate superioris erit, causam ad eum remittere, vel apud se retinere, quod accipiendum est, si prosecutio coram superiore fiat. Item cum superior appellationem ab interlocutoria, sive gravamine, frivolum esse causam cognoverit, causam ipsam remittat. Si verò ipsam appellationem ex veris & iustis causis fuisse interpositam cognoverit, causam principalem in suam accipiet potestatem. Nec ulterius eam ad inferiorem iudicem remittat.

Iudex ad quem appellatum est, non prohibeat inferiorem, nisi prius ei constet legitimè appellatum esse. Cap. 46.

Prohibens ne iudex, ad quem appellari seu querelari contigerit, iudici, à quo appellatum est, prius inhibeat, quam appellatum, sive querelatum legitimè sibi fuisse constiterit.

Nisi

Nisi à definitiva statim, iudice pro tribunali sedente, viva voce apud acta fuerit appellatum, sive querelatum. Quo casu sufficiet iudici, ad quem appellatum est, de hoc per appellantis, aut procuratoris ejusdem habentis mandatum, juramento constare.

Sententia excommunicationis, & suspensionis non revocanda à iudice appellationis nisi vocatis partibus. Cap. 47.

Non solum statuimus, ut si negetur per appellationem negotium devolutum, non inhibeat iudex appellationis iudicem à quo, in causa procedere: nisi de volutione constiterit. Verum sententias quoq; suspensionis, sive excommunicationis, in appellantem ab eo, à quo appellatum, proponitur, promulgatas, nullatenus (nisi vocatis partibus, & de appellatione constiterit) volumus iudices appellationes revocare, aut denunciare esse nullas.

Puniendus quomodo sit iudex, qui iuste appellationi non detulerit. Cap. 48.

Si iudex legitimè appellationi non detulerit, est puniendus, & si criminalis fuerit causa, deponetur. Sin verò civilis, à superiori arbitraria poena mulètabitur.

Non est necessaria citatio partium in causa appellationis. Cap. 49.

In cognoscendo de appellatione primum omnium esse videretur, ut partes citarentur ad justificandam, & impugnandam appellationem. Sed hoc necessario non requiritur, cum tempus præfixum habent ad prosequendam appellationem.

Quando iudex, à quo appellandum est, puniendus fuerit à iudice ad quem fuit provocatum, debet citari: quin & si volet assidere iudici superiori, poterit, dum causam à se iudicatam retractat, ne quid in ejus præjudicium fiat.

— Index

*Judex à quo appellatum est, non punietur à superiori,
n si citatus, & illi assidebit in causa retractan-
da, si visum fuerit. Cap. 50.*

QUando judex ad quem appellatum est, definit contra sententiam inferioris judicis, propter novas rationes coram ipso allatas, quæ in priori judicio non fuerunt agitatae, non simpliciter dicet in sententia, interiorem judicem malè judicasse. Sed cum adjectione ob defectum probationum, quæ tum non fuerunt adductæ.

Judex ad quem appellatur, pro arbitrio non potest appellationem requirere, vel admittere. Cap. 51.

NON est in facultate judicis ad quem appellatum fuerit, vel recipere, vel renuere appellationem, quin si justa fuerit, eam recipere cogitur. Judicandi quippe munus publicum est, neque ab ea renuntiari potest, qui judicandi munus occupat.

Partes quandoq; possunt renuntiare appellationi. Cap. 52.

PARTES de mutuo cōsensu valent interpositæ appellationi renuntiare, & ad judicem à quo appellatum est, reverti: neq; ad hoc faciendum sufficit unius partis voluntas, & etiam fieri non potest, si judex appellationi detulit. Quia tunc eam eandem causam non amplius judicare valebit, nisi vel judex ad quem appellatum est illam ad se remiserit, vel terminus præfixus ejus prosequendæ fuerit elapsus.

Suspectus appellans, aut fidejubeat, aut custodiatur. Cap. 53.

Si appellans fuerit suspectus de fuga, vel det fidejussores de pro-

prosequenda Appellatione, vel custodiatur.

Inferior Index exequetur à se sententiam latam, si confirmetur à superiori. Cap. 54.

SI lata sententia confirmetur per Iudicem ad quem appellatum fuit, executioni mandabitur, à iudice à quo est appellatum.

In Appellatione à definitiva gravamen quodcumque per interlocutoriam illatum, à iudice Appellationis revocari potest. Cap. 55.

CUM sententia definitiva appellatum, vel de nullitate querelatum fuerit, gravamen quodcumque, quod per interlocutoriam illatum fuit, licet è per appellationis iudicem emendari possit.

Appellans eum deserit appellationem condemnatur, adversario prosequenti in expensis. Cap. 56.

CUM quis Appellationem interpositam deserit, & adversarius eam prosequitur, defensor ei condemnabitur in expensis.

Qui non sui adversarii appellationi deferit, sciat sua quoque non deferendum. Cap. 57.

SI quis Appellationi interpositæ à suo adversario non detulerit, nec suæ, si postea in eadem causa interponatur, cogi poterit Adversarius ut deferat.

Post Appellationem, non est denuncianda Excommunicatio. Cap. 58.

SI Appellatio fuerit interposita, priusquam excommunicatio

nicatio fit denuntiata, denunciationem ejus impedit.

Excommunicatio post appellationem lata, est invalida. Cap. 59.

ET sicut non tenet Excommunicatio lata post Appellationem judicialem, ita neq; appellationem extrajudicalem. Timens ergo injustè excommunicari appellat extra judicium, & suspendit jurisdictionem Iudicis. Sed post gravamen inflictum necesse est appellare.

Revocatio causa ab Episcopo facta, vel à superiori iudice, quanti sit momenti. Cap. 60.

EPiscopus causas ad se revocare potest, quæ coram suo vicario aguntur, & revocatio alicujus causæ per superiorem facta, magis Iurisdictionem suspendit inferioris Iudicis quàm Appellatio.

Post appellationem legitimam à sequestro, appellans liberè fructus percipit. Cap. 61.

SI à sequestro fuerit appellatum, & appellatio legitimè prosecuta fuerit, ea pendente, possessores bonorum sequestratorum, & alii eorum nomine liberè, & impunè utantur eisdem.

DE REGVLIS IVRI S.



Quod non est licitum in lege, necessitas facit
licitum.

Quæ propter necessitatem introducta sunt,
non debent in argumentum trahi.

Semel malus, semper præsumitur esse malus.

Quod omnes tangit debet ab omnibus approbari.

Refertur ad universos, quod publicè fit per maiorem partem.

Cum tempus in Testamento adjicitur, credendum est pro
hærede adjectum, nisi alio mens fuerit Testantis.

Quæ in testamento ita scripta sunt, ut intelligi non possint,
perinde sunt, ac si scripta non essent.

In pœnalibus causis benignius interpretandum est.

Ferè in omnibus pœnalibus iudiciis, & ætati, impruden-
tiæ succurritur.

Impiitia culpæ annumeratur.

Generi per speciem derogatur.

Semper generalibus specialia insunt.

In toto pars continetur.

Accessorum naturam sequi congruit Principalis.

Cum principalis causa non consistit, nec ea quæ sequuntur,
locum habent.

Nō debet, cui quod plus est licet, quod minus est, nō licere.

Nōn potest dolo carere, qui imperio magistratus non ob-
temperat.

Hereditas est successio in universum jus, quod defunctus
habuit tempore mortis.

Qui rebus mobilibus præficiuntur per defuncti testamen-
tum, hæredes testamentarii sive executores appellamus.

Hæredis appellatio est oēs significari successores credendum est.

Decr. 4.

*De reg.
ulis ju-
ris ff.*

122.68.

*& sext.
8.*

ff.

*De reg.
ff. 174.*

sex 80.

& 189.

113. &

60.

6

138

21

159

ff. de re.

62 & de

ver. sin.

24.

ff. 70.

- 173 Nulla mora ibi intelligitur, ibi nulla petitio est.
- 48 Qui dolo desit possidere, pro possessore damnatur.
- Quicquid calore iracundiae vel fit, aut dicitur, non prius ratum est, quam si perseverantia apparuerit iudicium animi fuisse.
- Quoties idem sermo duas sententias exprimit, ea potissimum accipiat, quae rei gerendae aptior est.
- 55 In dubiis benigniora sunt praefenda.
- 96 In obscuris, quod minimum est, sequendum.
- 10 Secundum naturam est, commoda cuiusque rei cum sequi, quem sequuntur commoda.
- (10. Vani temporis non iusta exculatio est.
194. 6. Rati habitio retrahitur, & mandato aequi paratur.
- 69 Ratum quis habere non potest, quod ipsius nomine gestum non est.
- 611 Cum sint partium iura obscura, Reo favendum est potius, quam Actori.
- 13 Ignorantia facti, non Iuris, excusat.
- 15 Odi restringi, favores convenit ampliari.
- 16 Decet concessum a principe beneficium, esse mansurum.
- 17 Indultum a jure beneficium non est alicui auferendum.
- Nullus pluribus uti defensionibus prohibetur.
- 21 Quod semel placuit, amplius displicere non potest.
- 22 Non debet aliquis alterius odio praegravari.
- 23 Sine culpa nisi subsit causa, non est aliquis puniendus.
- 27 Scienti, & consentienti non fit injuria, neque dolus.
- 34 Utile per inutile non debet vitari.
- 38 Ex eo non debet quis fructus consequi, quod visus est impugnare.
- 39 Cum quid prohibetur, prohibentur omnia quae sequuntur ex eo.
- 90 Pluralis locutio, duorum numero est contenta.

Imputati non debet ei, per quem non stat, si non facit quod per eum fuerat faciendum.	41
Qui tacit consentire videtur.	43
Qui tacet non fatetur, sed nec utique negare videtur.	ff. 184
Præsumitur ignorantia, ubi scientia non probetur.	f. 47.
Non præstat Impedimentum, quod de jure non sortitur effectum.	f. 52.
Qui prior est tempore, potior est jure.	f. 54.
Quod ob gratiam alicujus conceditur, non est in ejus dispendium retorquendum.	61
Nullus ex consilio (dummodo fraudulentum non sit) obligatur.	62
Exceptionem obiciens non videtur de intentione adversarii confiteri.	63
Quod suo nomine non licet, nec alieno licebit.	67
Potest quis per alium, quod potest facere per seipsum.	68
Quod alicui gratiose conceditur, non debet ab aliis in exemplum trahi.	74
Delictum personæ, in detrimentum Ecclesiæ, non debet redundare.	76
In generali concessione non veniunt ea, quæ quis non esset verisimiliter in spem concessurus.	81
Bona fides non patitur, ut bis idem exigatur.	83
Quum quid una via prohibetur alicui, ad id alia non debet admitti.	84
Infamibus non patent portæ dignitatis.	87
Is comittit in legem, qui legis verba complectens contra legis nititur voluntatem.	88
Non quicquid Iudicis potestate permittitur, juris necessitati subjicitur.	
De qua re cognovit Iudex, de ea quoque pronunciare cogendus est.	

- Nullus existimandus est dixisse, quod non mente prius agi-
taverit.
- ff. 195. Pronuntiatio sermonis in sexu masculino ad utrumq; sexū
plerumq; porrigitur.
- ff. 43.
& 44. Quæ esui, potui cultuiquæ corporis, quæq; ad vivendum
hujusmodi necessaria sunt, vestimenta quoq; & stramen-
ta, & cætera, quibus vivendi curandivè corporis nostri
gratia utimur, victus verbo continentur.
- ff. 51. Parentes appellatione, pater, avus, proavus, & omnes supe-
riores continentur: sed & mater avia & proavia.
- 220 Liberorum appellatione, nepotes & pronepotes cæteri-
que qui ex his descendunt, continentur.
- 201 Filii appellatione, sicuti filia, ita & nepos comprehenditur.
- ff. 64. Intestatus est, non tantum qui testamentum non facit, sed
etiam is, cujus ex testamento hæreditas adita non est.
- 79 Impensæ necessariae sunt, quæ si non fiant, res aut peritura
est aut deterior fiet, utiles, quæ rem meliorem faciunt vo-
luptuariæ, quæ speciem duntaxat ornant.
- 121 Usura pecunia in fructu non est, quia non ex ipso corpore
sed ex alia causa est, id est, ex nova obligatione.
- 129 Qui mortui, quiq; abortivi ante septimum mensem, aut octa-
vum nascuntur, neque nati, neq; procreati videntur.
- 141 Et mulier creditur filium habere cum moriretur, qui exci-
so ventre edere possit, tamen falsum est eam peperisse,
cui mortuæ filius expectus est.
- 152 Hominis appellatione, tam foeminam quàm masculum
contineri non dubitatur.
- Puri appellatione, etiam puella significatur.
- Solutionis verbo, satisfactionem quoq; omnem accipien-
dam placet, quam creditor acceptare voluerit.
- Qui in utero est, pro jam nato habetur, cum de ipsius com-
modo quaeritur.

Duobus negativis verbis, quasi permittit lex magis quàm prohibet. 237

Sylva cædua est, quæ in hoc habetur ut cedatur, & quæ suc- ff. 30
cisa rursus ex stirpibus aut radicibus renascitur.

Authentica sigilla declaramus nostra, Archiepiscoporum,
Episcoporum, Decanorum, Ecclesiarum Cathedral.
& earundam Ecclesiarum, Capitulorum, Archi-
diaconorum, & eorum Officialium. Quæ pe-
nes ipsos aut ipsorum legitimos deputa-
tos, & nullo modo apud suos
Registrarios, seu Actorum
scribas custodiri
volumus.

FINIS.



pertineat, in quibus crimen perjurii convincitur, ut infames sint, nec ad testimonium dicendum admittantur, nec unquam post tempus perjurii, juramentum illis deferatur, nisi forte oneris juramentum sit, in quo suam ipsi causam deteriore faciant. Deniq; quicumq; perjurio alteri damnum dederit, cogatur illi penè pro damno satisfacere.

De legitimis juramentis non detrahendis. Cap. 8.

NEc tamen iis perjurii poenis homines, ab omni genere juramentorum abalienari volumus. Itaq; si quis, auctoritatem legitima jurare, vel juramento interposito respondere jussus sit, judici hoc ritè postulanti non negabit, & si forte negare voluerit, in eo contumax censebitur, & excommunicationis poenam sustinebit, si major sit quatuordecim annis, & mente integra.

De fidei lase. Cap. 9.

FIrmissimum est vinculum, humanæ societatis fides, quæ propter in ea custodienda, legibus homines constringi debent. Itaq; si parta vel promissa non consistent, nec impleantur, in quæ vel à juratis vel non juratis consensus est vel seriò tantum affirmantibus, illos qui fidem hujusmodi suam sefellerint, primum arbitrariis poenis, à judiciis ecclesiasticis, affici volumus: deinde cogantur, ut illis personis plene satisfaciant, quæ sunt illorum perfidia deceptæ.

Exceptiones in perjurii & fidei lase culpis, quæ sint. Cap. 10.

Verum superiores hæc leges 2. exceptiones habere debent. Altera est, illos non debere perjuros videri, nec fidei lase foris, qui cum omnia summa fecerint, ut juramentum & fi-

deni

dum servarent, tamen aliqua sunt hujusmodi ratione impediti, quam vitare non poterant. Istis enim satis erit, iudicibus probare suam voluntatem & operam: secundo loco, nec illi sent fidei lēlores, aut perjuri censendi, quibus exciderunt subito, nec cogitantibus, nec opinantibus. promissa rerum iniquarum, inhonestarum, aut quæ fieri non possunt, vel si primum recta fuerint, & progressu temporis in hanc absurditatem degeneraverint. Hoc tamen posito, & retento, quod volens & sciens, qui rem inhonestam, injustam, aut quæ fieri non possit, juraverit, aut promiserit, illum quidem hoc crimine non teneri, si jurata non præstet. sed tamen Ecclesiastico iudici justas temeritatis suæ poenas daturum esse.

*Generalia juramenta. & promissa
qualia esse debent.*

Cap. II.

QUæ summatim jurat, vel promittat statuta, vel consuetudines Ecclesiarum, capitulorum, universitatem, vel hujusmodi quoruncunq; locorum, vel societatum, se conservaturum esse, non pōtest talis juramenti, vel promissi authoritate compelli, res ut iniquas suscipiat, aut eas, quæ fieri non possunt. Nec enim jurantis vel promittentis animis ullum honestum, ad talem perversitatem respectum habere potest. Quapropter in conclusionibus talium juramentorum, & promissorum, hoc attexi placet. Hæc omnibus paribus servabo, quibus cum sacra scriptura, cum legibus, civilibus, & Ecclesiasticis hujus regni consentient, & quantum vires meæ patientur,

DE IVRAMENTO CALUMNIÆ.

*Tam actor, quam reus initio litis, præstet juramentum
calumniæ. Cap. 1.*

QUoniam calumniantes odimus, & summo studio & cura averſamur, libidinem eorum, qui facile ætèmerè ad litigandum procedunt, reprimere sum mopere cupientes, necessarium duximus & præsentem legem ponere, per quam sancimus, quòd non aliter neq; actor, neq; reus in quibusvis causis ecclesiasticis, (nam & in iis frequenter calumniari solet) ad litis certamina admittatur, quam si in ipſo litis exordio, jusjurandum calumniæ subeat uterq;

*Judex cum primum ad munus admittitur, præstet juramentum
de calumnia. Cap. 2.*

Judex licet de calumnia in singulis causis non juret, tamen hoc juramenti genus, quoad omnes causas, in universum à se tractandas, ab initio cum suscipit, judicandi munus præstare debet.

Forma juramenti calumniæ. Cap. 3.

TAm actor, quam reus, cum de calumnia jurant, hæc precipuè testentur, se putare justam habere causam, nolle in universa actione (quæ subsequutura est) quicquam calumniari, nilq; largitos esse, aut largituros, aut per se, aut per alios, vel ad judicem vel ad alios corrumpendos, per quos judicium administratur: nolle tergiversari, aut dolos in probationibus nectere, neq; dilationes, vel in fraudem adversarii, vel ad protrahendam litem, petere, & deniq; se fideliter esse responsuros his omnibus, quæ in judicio (modo ad causam pertineant) ad ipsos requiruntur.

Juramentum malitiæ. Cap. 4.

Licet juramentum calumniæ semel exigatur quoad totam causam, post litis contestationem: attamen juramentum malitiæ, in omnibus litis partibus exigí potest, cum judici visum fuerit, neq; manifestum perjurium timeatur.

Discrimen inter juramentum malitiæ & juramentum calumniæ. Cap. 5.

Iuramentum malitiæ à juramento calumniæ hæc differt, quod hoc juramentum (non ut illud) ad totam litem refertur, sed ac illud tantum, quod tunc maliciose agi præsumitur, debetq; is, à quo exigitur, jurare, se non esse conscius sibi illius malitiæ, aut fraudis, qua studeat, in eo quod proponit, aut agit, adversarium circumvenire. Potestq; hoc juramentum gerí, & ante litis contestationem, & postea exigí, non solum à dominis litis, sed etiam ab eorum procuratoribus, & substitutis, ut dictum est, quoties præsumptio est, maliciose agi.

Juramentum aut per dominum litis fiat, aut per procuratorem. Cap. 6.

Dominus causæ de calumnia jurare debet, quando facile haberi potest, alioqui juramentum sufficiet procuratoris, modo speciale mandatum habeat ad jurandum in ea causâ de calumnia. Attamen si à domino tuit, ante discessum, universalis constitutus procurator negotiorum ejus, non erit opus speciali mandato. Si domini lius de calumnia jurarunt, & deinceps suos procuratores instituerint, ad litem proseguendam, procuratores etiam de calumnia jurare debebunt, sed ad hoc speciali mandato non opus erit.

De Juramento calumniæ.

*Inrans debet non leuem habere causæ
notitiam. Cap. 7.*

O Economum, seu procuratorem, aut syndicum, qui ad jurandum de calumnia est admittendus, justam, & non leuem causæ notitiam habere oportet.

*Mortuus alteri parte, successor idem præsta-
bit juramentum. Cap. 8.*

Quando is qui litem instituerit, mortuus fuerit hæres, aut successor ejus, qui litem est prosequuturus, juramentum calumniæ præstare debet, licet qui mortuus est juraverit.

In appellatione jurandum. Cap. 9.

In appellationis quoq; causa de calumnia jurandum est, quamvis ab initio institutæ litis juratum fuerit.

*Recusans juramentum calumniæ causa
cadat. Cap. 10.*

IS à quo juramentum calumniæ, seu malitiæ requiritur, si recuset ipsum præstare, causa cadet, sive reus fuerit, sive actor.

*Juramentum calumniæ non est omis-
tendum. Cap. 11.*

Sed quia veremur, ne forsitan partes collusionem quadam viuentis remittant sibi invicem hujusmodi sacramentum, & vel pacto sanctionem nostram deludant, præcipimus (quandoquidem non pro commodo privatorum tantummodo verumetiam pro communi utilitate, præsentem legem posuimus) quod judices minime patiantur jusjurandum istud, nedum expresse, sed ne tacite quidem remitti, sed illud (ut præmittitur) omnino exigant, & nullo modo prætermittant

termittant. Est enim hoc iuramentum calumniæ, inter legitimas observationes, iudiciorum numeratum. Quod si iudex neglexerit, præsertim à parte monitus, sententia ejus jure cassabitur.

De probationibus.

Probatio quid sit. Cap. 1.

PROBATIO est rei dubiæ, per legitima documenta, ostensio.

Reo confitente, non est opus probatione. Cap. 2.

QUID est opus causam in examen trahere, quam reus sua confessione certam facit, & indubitam? Proinde non est querenda probatio, cum reus id quod contra eum principaliter propositum est, fatetur. Probationis facultas amplianda potius quàm restringenda est, ut veritas in omnibus causis eluceat.

Species probationis. Cap. 3.

SIVE igitur per testes, instrumenta, præsumptiones, iudicia aut famam, probationes offerantur, prudens iudex cui multum quoad hoc tribuendum esse judicamus, facile existimabit (pensatis rerum & personarum circumstantiis) quatenus cuiq; credendum sit. Neq; enim ad unam probationis speciem iudex sese alligare debet, sed ex justa animi sui sententia æstimabit, quid aut credat, aut parum probatum sibi videatur, cum intelligat, multa sæpe conjunctim evincere, seorsim verò accepta nequaquam fidem facere.

Probatio non est admittenda, nisi reo praesente, aut per contumaciam absente. Cap. 4.

Q Vanquam verò iudici, & non parti, fides facienda sit, volumus tamen aliquod probationis genus adversus aliquem admitti, vel exhiberi, nisi ipso aut praesens fuerit, aut per contumaciam absens.

Probatio facienda est in iudicio coram iudice. Cap. 5.

Probatio recipienda est coram iudice, & in iudicio, non extra iudicium, neque coram notario aut tabellione.

Actori non reo interest probare. Cap. 6.

Actore non probante, reus etiam si nihil praestiterit, absolvendus est, nisi tantae adversus ipsum praesumptiones insurgant, ut in eum probationes transferri possint. Alioqui etiam non convenit, ut actore palam proficiente, se proficenti se probare non posse quod asseveravit, rerum incelsitate monstrandi contrarium astringat: cum per rerum naturam factum negantis nulla probatio sit. In negativis tamen, coarctatis loco & tempore, veterem modum probandi observari volumus.

Contraria probationes. Cap. 7.

Si ab una & eadem parte, contrariae probationes aliquando producantur invicem sibi ipsis & merito derogare debent. At si à diversis partibus contraria fortassis allegantur, & proponentibus huiusmodi probatione adhibita fuerint, fortiori probatione adhaerendum erit. Sed si de ea non constet, favendum est reo, nisi favor reipublicae, salus animarum, aut natura causae aliud suaserit.

*In communibus judiciis tam reo, quàm auctori
incumbit probatio. Cap. 8.*

IN communibus judiciis, tam auctor, quàm reus probationibus oneratur, isq; vincet, qui meliores, & efficaciores probationes attulerit: Sed si omnia hujusmodi æqualia sint, pro possessore judicabitur, nisi favor causæ aliud suaserit.

*Post publicationem, non licet contrarias
probationes afferre. Cap. 9.*

SI de impedimento aliquo, etiam in causâ matrimoniali, probationes aliquæ publicatæ sunt, nō licebit alteri parti contrarias probationes aliquando inferre, vel producere.

In omni actû judiciali adesse oportet aut notarium, aut duos testes. Cap. 10.

IN recipiendis probationibus, atq; in omnibus aliis actibus judicialibus, iudex debet publicum notarium, aut duos, loco illius, honestos viros adhibere, per quos cuncta quæ aguntur fideliter scribi mandamus, ut si quæ postea super auctoritatis oriatur controversia, ea penitus per ipsa originalia publica & communia tollatur.

Affirmanti incumbit probatio, non neganti. Cap. 11.

VT creditur, qui pecuniam petit, numeratam probare cogitur, ita rursus debitor, qui solutam affirmat, ejus rei probationem præstare debet. Ei enim incumbit probatio, qui affirmat, non qui negat.

Aliena à causa nihil probant. Cap. 12.

PRobationes vero, vel necessario, vel præsumptivè inferre debent,

debent, id, de quo agitur. Quæ verò aliena sunt à causa, seu controversia nihil probant.

Accusatores in iudicium deferre non debent rem, qua probari possit. Cap. 13.

SCiant cuncti accusatores, eam se rem deferre in publicam notationem debere, quæ munita sit idoneis testibus, vel instructa apertissimis documentis, vel iudiciis ad probationem indubitatis, & luce clarioribus expedita.

Testes Synodales. Cap. 14.

Testibus tamen synodalibus, ac aliis probationibus ex magnis & vehementioribus suspicionibus exortis, antequam vim, veteremq; auctoritatem reservamus.

Officium injunctum quisq; probare tenetur se implerisse. Cap. 15.

Quotiescunq; aliquis ex officio sibi injecto, aliquid facere tenetur. Ipse semper probare debet quod officium suum hujusmodi, ac onus injectum fideliter adimplevit, vel per eum non stetit, quo minus adimplevit.

Monumenta publica. Cap. 16.

Census & monumenta publica potiora testibus esse censemus.

Reus potest probandi onus in se suscipere. Cap. 17.

Potest reus onus probandi in se assumere, & docere d jure suo, licet ad hoc nullo jure astringatur.

Reus exceptiones suas probare debet. Cap. 18.

Qui dolo aliquid factum esse dicit, seu excipit, ipse de dolo docere

docere debet. In exceptionibus quoq; omnibus reus actoris partes sustinebit, ipsamq; exceptionem (ut actor suam intentionem) implere cogetur, qui mutatam voluntatem dicit, probare hoc necesse habet.

*Ad probandum ea quæ nihil causam iurant, nemo
amittatur. Cap. 19.*

AD probationem illius rei, nemo admitti debet, quæ etiam probata nihil relevaret, ne & partes inanibus expensis onerentur, & lites plus justo differantur.

*Quando confessio omnibus probationibus sit
preferenda. Cap. 20.*

PROBATIONES omnes confessioni partis merito cedere debent. Sive igitur contra instrumenta, testes, aut sententiam, in favorem suum introductam, sive latam, aliquid confitetur, locum tamen temper obtinebit, contrariis probationibus obfistentibus, nisi animæ periculum in causa vertatur, aut leges confessioni huiusmodi resistant, & nisi confessio pro causa confitentis faciat.

*Probationes valent etiam nullo designato termino
ad probandum. Cap. 21.*

PROBATIONES non censentur reprobatae, licet sine assignatione alicujus termini, aut nulla ad probandum concessa dilatione, factæ reperiantur.

*Probationes inductæ ad unum effectum valent
ad alium. Cap. 22.*

PROBATIONES inductas ad unum effectum facere fidem ad alium effectum inter easdem personas æquum esse judicamus.

Alleganti statui ignorantiam non facile creditur. Cap. 23.

Alleganti constitutionis, aut statui ignorantiam, non est credendum, nisi probationem suæ ignorantiae adducat, aut præsumptiones verisimiles, quibus iudex (consideratis rei & personæ circumstantiis) possit in plenam probationem alleganti ignorantiam iuramentum differre.

Probatio per iuramentum. Cap. 24.

Quando aliquid ad conscientiam solam pertinet, per iuramentum admittitur probatio.

Aliquando negativa probanda est. Cap. 25.

Abea parte quæ dicit adversarium suum ab aliquo jure prohibitum esse, speciali lege, vel constitutione id probari oportet. Idem respondendum est, si quis neget aliquid recte factum, ipsam præstare debere probationem.

Antiquitatis probatio. Cap. 26.

In finibus ac rebus antiquis probandis, fama, ac testes de laucito, libriq. antiqui, sine suspitione aliqua confecti, custoditi, & reperti possunt iudicem ad credulitatem adducere, ut rectè pro sic probante, sententiam ferat, nisi adversæ partis fortiores probationes aliud requirant.

Acta iudicii fideliter custodienda. Cap. 27.

Acta iudicii plenam inducunt probationem, volutus igitur eadem omnia & singula fideliter descripta, ac more solito, clausa transmitti ad iudices appellationis, illud requirantes, seu exigentes, ut ex illis colligant, an per anteriorem iudicem rectè iudicatum existat.

DE POSESSIONE.

Cap. 1.

Possessori non ineubit onus probandi, res posses-
sas ad se pertinere, cum actore in probatione
deficiente, dominium apud possessorem manē-
re debeat. In possessionis jure is superior, &
victor existimabitur, qui de antiquore possessione, fidem
facere possit, maxime si illa aliquo titulo justificata sit, nisi
altera pars meliores & efficaciores probationes introduxe-
rit, possessionem suam justificantes.

Res alienas possidens, licet justam causam tenendi for-
tassis non habeat, non nisi intentionem suam implenti re sti-
tuere cogitur.

Si fraude, vel violentia, possessionem rei alienæ aliquis
nactus fuerit, illa possessio non solum illi non proderit, sed
eum fortiori probatione aggravat, si ipse rem ipsam, vel
suam, vel sibi debitam postea affirmet.

DE FIDE.

De fide instrumentorum. Cap. 1.

In persequendis litibus, eandem vim obtineant fides in-
strumentorum, & depositiones testium.

Instrumenta publica. Cap. 2.

Instrumentorum alia sunt publica, alia privata. Publica
quæ à notorio nostra autoritate creato, cum subscripti-
one testium fiunt. Quæ autem nostri, alicujusvè Archie-
piscopi, Episcopi, Archidiaconi ejusvè commissarii, seu of-
ficialis

ficialis, aut alterius cujuscunq; , publicum gerentis officium sigilli appensione muniantur, autentica rectè nuncupentur.

Instrumenta privata. Cap. 3.

SCRIPTA privata dicimus, quæ à privatis personis conficiuntur, nec aliquo publico, seu autentico sigillo coadjuvatur, quæ nisi ex Archivo publico causam in se continentia, proferantur, vel alii probata fuerint, fidem facere nolumus.

Privata scripta non valent, nisi trium testium subscriptione firmentur. Cap. 4.

PRIVATA scripta, quibus inter aliquas personas contrahitur, tum in judicio valida sunt, & robur habent, si trium testium subscriptione firmentur, ne manus ambiguitate, atq; characterum collatione, cum utriusq; partis periculo sit laborandum, ne per fidei negandi, quæ acta sunt, de-
tur occasio.

Libri mercatorum. Cap. 5.

EXEMPLO perniciosum est, ut ei scripturæ credatur, quæ unusquisq; annotatione propria debitorem sibi aliquem constituit, unde neminem ex suis subnotationibus, debiti probationem præbere posset oportet, mercatorum tamen & aliorum artem aliquam approbatam exercentium, libris, & rationibus, cum aliis adminiculis, plenam fidem adhiberi volumus.

Modus conficiendi instrumenta. Cap. 6.

IN conficiendo instrumento. hanc seriem observari volumus, ut scriba cum primis à dei nomine auspicetur, annum domini subdat, regis nomen, titulum, & regni annum posthac mensem, & diem ejus, & nomen loci, ubi contractus initur. Deinde narrentur, quæ sunt exponenda, testes
ad-

adscribantur, aut subscribant. Notarii quoq; obsignatio, cum subscriptione, ac proprio signo, in fine adjiciatur, scriptura cum alieno sigillo minuta non minorem facit fidem, quam si proprio esset obsignata, si hoc ipsum, & cautela in eadem exprimat.

Scripturarum comparatio. Cap. 7.

Scripturae legitimo modo comparatae semiplenam faciunt probationem.

Instrumenta ipsa in iudicio exhibenda sunt. Cap. 8.

Instrumento publico causam suam probaturus, ipsum exhibeat in iudicio, exemplaria nempe nihil faciant, nisi congrui iudicis auctoritate descripta fuerint. Instrumento semel in iudicio producto, viso, ac praelecto, sufficiat verum ipsius exemplum, fideliter cum originali auctoritate iudicis collatum actis iudicii esse insertum.

Instrumenta quando exhibenda sunt. Cap. 9.

Vnusquisq; instrumenta, usq; ad conclusionem in causa, vel in causis, in quibus non concluditur, usq; ad secundam termini, ad audiendam sententiam, assignationem exhibendi facultatem habeat. Et non potest, nisi iudici, qui de causa cognoscit, ex iusta causa aliter visum fuerit.

Contraria scripta. Cap. 10.

Sibi imputet, qui contrarias inter se scripturas, in iudicio protulerit, fidem sibi invicem derogantes, cum in ipsius fuerit potestate quam maluerit non proferre.

Instrumenta publica valent mortuo testibus. Cap. 11.

Scripta publica, propter mortem testium in eisdem descriptorum

ptorum, deficere nulla ratio permittit.

De exustis aut amissis instrumentis. Cap. 12.

SIcut iniquum est, instrumentis vi ignis consumptis, debitores reuere solutionem, ita non statim casum conquirentibus facile credendum est. Intelligere itaq; debetis, nō existentibus instrumentis, aliis argumentis probare debere fidem petitionibus adesse. Apud eos, qui rem gestam ignorauerunt, amissorum instrumentorum habita testatio, nihil ad probationem veritatis prodesse potest.

De instrumentis suspectis. Cap. 13.

Instrumentum, si in loco minus suspecto sit abrasum, per hoc non censetur vitiosum, nec corrui ex fractura sigilli. Si loco suspecto, instrumentum, vel rasuram, vel lituram habeat, aut aliud aliquod notabile vitium, corruptum quidem est, & improbatur. Verum non in uniuersum, sed solummodo quoad illud caput, ubi vitium est deprehensum. Quo vero ad alia capita, post fidem facere secus tamē statuimus, cū aliqua sua parte, instrumentum falsum convincitur, quoniam tunc totum suspectum redditur, & ut falsum improbari potest. Si sculptura sigilli, ejus dignitati vel officio, qui imposuisse dicitur minus conveniat, instrumentum redditur suspectum. Cum chartam scriptura multo vetustiore, vel dissimilitudinem in cera videas, instrumentum non immerito suspectum habeas. Instrumenti fides, in quo una littera, vel syllaba alterius loco apponitur, vel deest, si de sensu liquere possit, per hoc non vacillat. Propter falsum latineum, ex unius literæ, vel syllabæ appositione, loco alterius, aut literarum transpositione, vel similibus resultans instrumentum corrui nolumus.

Instru

Instrumenti improbatio. Cap. 14.

SI aliquod instrumentum, quasi falsum improbare in iudicio quis voluerit, primum iuramento se obstringat, quo se nil calumniandi causa esse ducturum testetur, alioqui non audiatur.

Ad aliquod instrumentum improbandum, quatuor aut quinque testes ad minimum exigantur, qui sint probatæ fidei, & iudici omnino videantur idonei.

De instrumentorum custodia. Cap. 15.

SI de tabulis testamenti, vel aliis instrumentis communibus deponendis agatur, & dubitetur, apud quem ea deponi oporteat, semper leniorem juniori, & ampliores honoris inferiori, & marem fœminæ præferemus.

Instrumentum à diversis tabellionibus factum. Cap. 16.

INstrumentum ab aliquo tabellione inceptum, nec dum vel propter subitanæ fortasse mortem, vel propter diuturnum impedimentum perfectum, auctoritate ordinarii, & iis requirentibus, quorum interest, potest à quovis alio tabellione perfici, perpernam ut habeat fidem.

Descriptio vetustissimi instrumenti. Cap. 17.

SI instrumentum propter vetustatem vel aliam justam causam describi petatur, congruo iudici offeratur, qui si diligenter inspectum in nulla sui parte vitiatum reperit, per publicam personam præcipiat describi, eandem auctoritatem per hoc cum originali habiturum.

Antiquitatis probatio. Cap. 18.

IN factis antiquis, & quæ hominis excedunt memoriam, libros antiquos, & id genus alias privatas scripturas in
Archive

De Crimine falsi.

Archivo publico aliàs fideliter custoditas plenam fidem facere statuiamus.

Scripturis authenticis detrahatur fides, si unus ex testibus contradixerit. Cap. 19.

Sigillis authenticis, ac instrumentis, quibus ipsa appenduntur, seu adhibentur, consueta fidem volumus adhibere donec per probationes contrarias reprobentur, meritoque fides illius instrumenti vacillabit, cui vel unus testis in eodem descriptus contradixerit.

Adversarius non est cogendus in medium proferre quod contra se faciat. Cap. 20.

Actori deliberandum est antequam agat, quibus probationibus uti voluerit, frustra expectaturus, ut adversarius suus cogatur aliquid, quod contra se faciat, in medium proferre. Civilium tamen legum dispositioni, quoad instrumentorum editionem, per hanc legem nolumus derogari.

De rationibus defuncti. Cap. 21.

Rationes defuncti, quæ in bonis ejus inveniuntur, ad probationem sibi debitæ quantitatis, solæ sufficere non possunt, nec etiam si in ultima voluntate, defunctus certam pecuniæ quantitatem, aut etiam res certas sibi debere significavit.

De crimine falsi.

Crimen falsum quid sit, & quando committatur. Cap. 1.

Crimen falsi, veritatis est immutatio, quæ dolo malo sit, & cum jactura fratris conjungitur, & cum in

in verbis tum in scriptis committitur: deniq; in omnibus quæ in iudicio, & usu publico rata & firma esse debent, principio in hoc crimen incidunt, qui falsa testimonia dicunt. Deinde qui mercede etiam adducuntur, vel ut testimonium non ferant, vel ut ferant.

In eodem crimine sunt, qui testamenta supremas hominum voluntates, codicillos, acta, instrumenta, syngraphas, vel alia ejus generis quascunq; probationes, ex quibus in judiciis fides fieri possit, nuntiaverint, vel ulla ratione perverterint, vel ad opprimendam, vel occulendam ista celaverint, diffregerint, combusserint, aut sponte summo verint, aut quoruncunq; scriptorum hujus generis signa corruperint, seu ipsa scripta deleverint, seu quocunq; modo interleverint, nec solum authores ipsi sunt rei, verum etiam, & illi tenentur, qui scripta vel adulterata, vel ullo modo depravata descripserint, obsignaverint, recitaverint, & in uxerint, allegaverint ad iudicium, vel qui talia scripta fieri pronuntiaverint aut consenserint ut fierent, modo scientes. hæc egerint, & dolo malo. Tenentur etiã, qui citationes, inhibitiones, decreta, edicta, acta, vel scripta sive civilistori, sive ecclesiastici, malitia violaverint quocunq; modo, vel eorum obsignationes, & signa seu corruperint, seu pro veris falsa subjecerint. Hoc falsi crimen etiam in illis hæret, qui nomina ponunt in scriptis absentium, quasi præsentibus fuissent, vel ipsa nomina distorquent, pervertunt, aut immutant dolo malo. Idem, qui falsas literas, vel edicta falsa, in nomine iudicis, tam civilium, quàm ecclesiasticorum mittunt aut divulgant. Ad illos etiam crimen falsi pertinet, qui signis quomodocunq; detractis, aut dimotis, alienas literas patefaciunt, licet sint fortè privatorum hominum, & eas vel ipsi legunt, vel adversario ejus, à quo sunt scriptæ, legendas villo

modo curant, aut permittant: illo lemper proviso, quòd scientes & dolo malo faciant: hujus etiam criminis rei sunt, qui apud se deposita quæcunq; instrumenta, cum illis, qui contrarias etiam partes tuentur, communicant, nisi judicis assensu fecerint, aut illius, qui instrumenta deposuit, & cui subserviunt. Eadem est illorum causa, & par culpa, qui testamentum clausum, aut quomodocunq; involutum explicant & evolvunt, si fraus suberat, & si nullum, in patefaciendo, jus habebant, ut id justè possent facere, quod eodem modo valet in his, qui codices rationarios, præsertim mercatorum, quæcunq; ratione corrumpunt, vel folia ex illis aliqua eximunt. Participes sunt hujus criminis ipsi etiam notorii, & scribæ, cum testes scriptorum adhibent rerum omnium quæ tractantur, ignaros, si scientes hoc, & dolo malo fecerint. Similiter peccant, qui supplicando, aut petendo quippiam à principibus, metuuntur, seu veritatem ad rem præsentem necessariam tacent.

Omnis igitur ad principes talis obreptio justissimum habere videtur hoc supplicium, ut illis omnibus careant, ad quæ non veritate, sed mendacio, & simulatione pervenerint. Deinde involvuntur omnes in hoc crimen, qui literas, instrumenta, syngraphas & hujus generis alia quæcunq; scripta, cum illa sciant vitiata, vel depravata esse tamen eadè apud se detinent, & illa nec rumpunt, nec exurunt, nec ullo modo abolent. Imò ne notam quidem apponunt ullam, qua secerni possint. Nam damnum ex illis, ad posteros sæpe descendit. Deniq; illos etiam æquum est huc annumerari, quorum tam insatiabilis & hians cupiditas est, ut eandem rem solidam & integram, diversis pacis distrahant, & diversis hominibus dividant.

Hujus criminis rei & suspecti quomodo conveniuntur. Cap.2.

HOs igitur ac eorum similes, contra quos falsi crimen obijci potest, iudex istis quatuor rationibus conveniet, par inquisitionem nimirū, aut accusationem, vel exceptionē, vel denuntiationem. Qui verò falsi non obsurè suspectus fuerit, cum iudex apprehendi curabit, & apprehensum non liberabit, donec illi de veritate plane constituerit.

Convictorum pena. Cap.3.

Qui verò accusati fuerint, & legitime convicti, si cōquiri possint, & inveniri, poenas ecclesiasticas subibunt iudicum arbitrio ritè pronuntiātas. Deinde fructibus carebunt, & emolumentis quæ fuerant ex scripturis corruptis, aut ulla ratione pervertis, ad se perventura, & illis etiam, quæ jam pervenerint. Præterea cogentur, quantum facultates sinent, illis omnibus plenè satisfacere, quorum conditio illorum fraude, ulla in re, deterior facta est. Infames etiam erunt, officiis, & beneficiis, si quæ sunt, removebuntur, & pellentur, & nec officiorum, nec beneficiorum unquam capaces erunt, ex eo tempore, quo in hoc genere criminis convicti damnatiq; sunt. Et si ministri fuerint, munere quo funguntur in Ecclesia, eos excludi oportet.

De scriptis corruptis quid statuendum sit. Cap.4.

Quoniam diximus falsariis quid faciendum sit, consequens est ut videamus, quid de scriptis ipsis statuendū sit, quæ quoniā corrupta depravataq; sunt, nullius illa momenti, aut ponderis esse volumus, nec in iudicium introducti, quin & illud præcautum sit, ut sententia si fuerit à iudicibus aliqua, vel falsorum testium, vel scripturarum vio-

latarum autoritate, per lata, revocetur eadem, & relaxatur, & omnino pro nulla sit, & alia nova pronuncietur, quæ conveniens sit regulæ veritatis & iustitiæ.

Fraus & dolus malus spectantur in crimine falsi. Cap. 5.

INterdum evenire potest, ut aliquis non dolo malo, nec sciens, sed ignorans, & ipse deceptus ab alio, falsum instrumentum pro vero sumat, & eo utatur, quod si accidat, & is qui scripto sit usus, innocentiam in hac re suam iudici probare possit, illum omnino volumus hoc crimine liberari, quod nunquam consistere potest, nisi fraus, & dolus malus ibi concurrerint.

Scriba vitium negligentia inductum quomodo puniatur. Cap. 6.

Accidit etiam, ut cū ex Archetypo, vel (ut vulgo nominant) originali describitur aliquod instrumentum, scriba negligens, & non satis animadvertens erret, ad aliquid secus ponat, quod in originali collocatum est. Quod si nulla fraude factum esse, nec dolo malo, scriba defenderi, & obtinuerit, falsi quidem non damnabitur, sed tamen negligentiae poenam dabit, quam iudex assignaverit. Etenim illum oportet in eo vigilare, ut suam scripturam, ad primum exemplum diligenter accommodaret, scriptum autem ipsum in quo sic aberratum est, nullū omnino fidem habere potest.

Sigilla universitatum & societatum sine consensu præfecti, & m. joris partis universitatis non valent. Cap. 7.

Sigilla capitulorum, ecclesiarum, universitatū, hospitalium, & aliarum id genus societatum, non oppugnantur, ad ullum diploma vel scriptum quodcūq; nisi præsens sit, aut con-

consentiat qui in societate praefectus est cæteris, & nisi cum praefecto conspiret, etiam major pars canonicorū, vel sociorum, vel collegarum, vel ejus cujuscunq; universitatis, penes quam eo tempore rerum generandum autoritas est. Quia in re qui secus fecerint, aut fieri procuraverint, acerbè judicium Ecclesiasticorum arbitratu puniantur, & instrumenta vel diplomata, vel scripta cujuscunq; generis secus obsignata, quàm præcepimus, ut falsa removeri volumus, & pro nullis haberi. Et si fortè per illa quicquam damni fuerit, cujusquam rebus illatum, pro illo plenè satisfiet ab his, qui vel ipsi consignarunt, vel effecerunt, vel consenserunt, ut consignarentur scripta secus, quàm à nobis prius est constitutum.

DE TESTIBVS, EO- RUMVE DICTIS.

*Quando testes examinandi sunt ante litem
contestatam. Cap. I.*

Considerandum est, an probatio per testes fienda sit in causa principali, an in causa accessoria, & emergenti. Si in causa incidenti, & accessoria (cujusmodi sunt, quæ oriuntur ex oppositis exceptionibus dilatoriis, & declinatoriis judicii, atq; etiam peremptoriis quibusdā, ut est exceptio transactionis rei judicatae, si is finitio per jusjurandū) non est opus ut expectetur litis contestatio, quia tales controversiae obstant, quo minus fieri judicium de principali quaestione possit, nisi de illis prius cōstet id quod cōstare non potest, si non offerantur probationes. Necessè est itaq; testes, ad probandas tales exceptiones, ante litis contestationem in principali causa factam admitti. In causa verò principali regulariter non admittitur testium probatio,

nisi lis contestata sit, quia ante lris contestationem constitui non potest, quæ sit inter litigantes principalis controversia. Ineptus itaq; est iudex, qui admitteret ejus rei probationem fieri, de cujus controversia nondum ei satis constaret. Nonnunquam tamen & principalis negotii testes recipiuntur ante lris contestationem, sed hoc fit certis solum ex causis, & ex beneficio quodam juris, ut si quis diurnam absentiam, aut mortem metuat eorum, quibus compertum sit negotium, quod in controversiam venire possit, curare potest, ut ad æternam memoriam publico instrumento eorum testimonia describantur, vel si lis jam nota sit, ut à iudice examinetur, lite nondum contestata. Ubicumq; autem id fuerit factum, necesse est ut depositiones testium consignentur, & quamprimum fieri possit, denuncientur illis, quos metuat, quis sibi futuros adversarios ea in re, nec publicentur, donec elapsus sit annus post receptionem talium testium, aut lis sit contestata, ne fraudi sit illis ignorasse, ea de re, receptos esse testes.

Dilatio ad producendum testes. Cap. 2.

EA pars cui incumbit probatio, potest petere sibi dari dilationem à iudice, ad producendum testes, quæ ei dare iudex tenetur, adhibita competenti moderatione temporis, secundum spacia, quibus distat testium habitatio à iudicis domicilio. Et dum curat tempus daræ dilationis, potest producens vel una, vel terna vice, ad iudicem nomina eorum, quos producturus est testes, referre, quarta vice hoc ei conceditur, nisi juret de calumnia.

Articuli probationis. Cap. 3.

RElatis ad iudicem nominibus testium, simul exhibenda sunt capita dicendi testimonii.

Testium

Testium citatio. Cap.4.

PRoducens verò testes curet eos à iudice citari, & eis certum constitui tempus deponendi suum testimonium. Suspecti enim habentur testes, qui se ultrò obtrudunt iudici, ad perhibendum testimonium. Ad fidem tamen rei gestæ etiam non rogati testes sufficiunt.

Adversa partis citatio. Cap.5.

Non solum autem testes, sed est pars, contra quam illi producuntur, vocanda est ad audiendum, & videndum testes produci; generali clausula citationum adjecta, quod sive venturus sit, sive non, tamen iudicem processurum in eausa, quantum de jure possit. Estq; simul ei facienda copia articulorum, quos ille, qui testes produxit, iudici exhibuit, ut si ei libeat, interponere possit suas interrogationes.

Interrogationes. Cap.6.

Interrogari autem potest & de personæ fide, & de negotii circumstantiis. Ad personæ fidem spectant explorandam studia, mores, voluntates, fortunæ, ætas, cognatio, totiusq; viræ conditio. Ad negotii verò circumstantias pertinent quomodo in ejus rei notitiam testis pervenerit, an ipsi negotio interfuerit, an ab aliis acceperit, & quare factum quodq; sit, quo tempore, quo loco, qua spe, quo consilio.

Dilatio ad interrogationes concipiendas. Cap.7.

AD has autem interrogationes concipiendas, itidem potest peri dilatio à parte, contra quam testes producuntur. Non autem debet iudex interrogationum copiam facere parti producenti testes, ne eos ex his ad respondendum instituat.

Pro.

Potestatio in exhibitione interrogationum. Cap. 8.

POtest quoq; pars in exhibitione interrogationum, protestari, quod eatenus velit admittere testes productos, ut sibi salva maneat jus reprobandi eorum personas, & dicta, per alios testes. Nisi enim quis ante publicationem testimoniorum, de reprobatione testium, protestatus fuerit, postea non auditur, nisi juret se nulla malitia, nec dolo ad protrahendam litem, ad faciendum talem reprobationem, induci, & hunc primum se id reperisse, quod testibus objecturus sit.

Juramentum testium. Cap. 9.

Requiritur autem, ut testes juramentum præstent, antequam quicquam deponatur, quia testi non jurato, quantumvis religiosus ille fuerit, non creditur in alterius præjudicium. Iurabunt autem totam dictu os veritatem, quam norunt, de re super qua jurant, nec ullam admixtuos falsitatem, quod pro utraq; parte dicent veritatem, quam sciunt ad negotium pertinere, etiam non interrogati, & quod nec pretio, nec amore, aut odio, nec timore, aut commodo quocunque dicent testimonium. Nihilominus partibus invicem renuentibus ut non jurent testes, creditur etiam non juratis. Juramentum testium extendere volumus ad omnem causam, & etiam interrogatoria quæcunq; legitimæ rei, nisi specialiter super uno articulo producantur.

Diebus feriatis non juretur. Cap. 10.

Testes diebus feriatis juramentum ne præstent, cum de processu juris sit & actus judicialis. Examinari verò testes jurati quocunq; tempore possunt, quia examinatio testimonium non est judiciali actus, sed seorsim, & secreto loco fit.

ut liberiores sint testes, ad dicendum testimonium. Nam testimonium habetur pro nullo, quod palam omnibus dictum est.

Delegatio examinationis. Cap. 11.

POtest autem iudex, vel ipse testes examinare, vel id munus alteri committere, verum is, qui commiserit testium examinationem, non potest porro alii delegare, quia ejus industria videtur esse electa.

Rejectione testium quando fienda. Cap. 12.

Testes admitti volumus ad dicendum testimonium, etiam si contra eorum personas objectum sit, nisi objecta sit eis excommunicatio, aut apponens afferat promptam suae oppositionis probationem.

Testes per iudicem cogendi sunt si venire recusant. Cap. 13.

SI qui testes requisiti venire recusaverint, hi iudicis auctoritate compellendi sunt, cum non minus ferè delinquat is, qui veritatem suppressere conatur, quam qui falso deposuerit.

Qui in testimonium venire cogi non possunt. Cap. 14.

Testes non temerè evocandi sunt per longum iter multoq; minus milites à suis signis vocandi sunt, perhibendi testimonii causa.

Ad nobiles & debiles eundem est, pro illorum examinatione. Cap. 15.

SI testes in majori aliqua dignitate constituti fuerint, aut aliquo naturali inevitabili impedimento detenti, ut ad

Hh

iudici-

judicium congruè & commodè venire non possunt, tunc judex aut eisdem descendat, aut examinationem illorum bono viro committat.

Officium testium. Cap. 16.

Officium testes in hoc maxime veritatur, ut de rebus sibi bene notis veritatem exponat. Prohibemus igitur, ne qui testes cujuscunq; status, conditionis, seu nominis existant, judicandi officium in se assumant, neq; de criminibus aliquibus aliquid statuunt, nec etiam inquirent, nisi ad mandatum illius judicis, qui cognitionem ipsius causæ in qua aliquid agere conantur, habere dinoscantur, sub poena contemptus.

Qui à testimonio repellendi sunt. Cap. 17.

Repelli volumus à testimonio, omnes de crimine aliquo famoso condemnatos, inimicos capitales domesticos, quibus imperari potest ratione patriæ vel dominicæ potestatis, parentes etiâ, & eos qui loco parentum sunt impuberes, ac mente captos, palam quæstum facientes, proximas, & causarum sollicitatores in illis causis, quas sollicitasse noscuntur (nisi utraq; pars consentiat.) Nec non eos, qui in re sua testimonium dicere conantur, à testimonio penitus arceantur. De criminibus autem suspecti mercenarii (aliâs prohi. & honesti) amici, mulieres, consanguinei, cum quibus matrimonium de jure divi non prohibetur, qui ante alteram partem testimonium dixerint, ad testimonium admitti possunt. Sed bonus judex ex fide, dignitate, moribus, gravitate constantiaq; illorum, ac rei, de qua controvertitur, mole, facilitè existimare poterit, quid aut credat, aut parum per ipsos probatum opinari debeat.

Quorundam testimonia repellenda sunt. Cap. 18.

Qui falso, vel varia testimonia dixerint, vel utriq; parti causam prodiderint, quiq; ob testimonium dicendum, vel non dicendum, pecuniam recipisse iudicati fuerint, non solum fide omni carebunt, sed etiam à iudicibus condignè punientur, & parti læsæ satisfaciant.

Qui à testimonio repellendi sunt. Cap. 19.

Particeps criminis, minorq; viginti annis, in criminalibus causis, testimonium reddere non ce bent. Nec is etiam qui ante in simili causa testimonium in eum dixisse probabitur. Procuratores, advocati, cæterique negocia aliqujus gerentes ad testimonium pro dominis suis non admittantur.

At si adversa pars eorum testimoniis uti voluerit, veritatem, quam noverint, post depositum officium, dicere cogentur.

Testes de universitate. Cap. 20.

Singuli de universitate aliqua possunt esse testes, in causa ipsius universitatis, si non principaliter de jure ipsius testis agatur, aut de singulari suo, & non universitatis commodo, agatur.

Testes domestici quando adhibere possunt. Cap. 21.

Vsu compertum est, nonnullos sive tædio prioris conjugii affectos, sive spe secundi magis prosperi matrimonii ductos, crimē adulterii conjugibus suis impingere. Sit igitur iudex in hac parte prudēs, nec facile sibi imponi permittat, nec quibuscunq; credat, qui suspicione aliqua laborēt. quivē dictorum suorum probabilem aliquam, & cōcludentem rationem non attulerint. Sed quando de natura istius actus

non solent testes adhiberi, domesticis (aliâs honestis, & fide dignis) credi potest, nisi partes accusatæ bona fama, & inculpata vita conversatioq; honesta præponderet.

Qui semel approbat personam testis, semper videtur approbare, nisi nova emerferit exceptio. Cap. 22.

Qui approbat personam testis, in uno actu, approbat eam in omni alio, nisi nova infirmandi causâ supervenerit. Ideo contra personam testis, quem quis semel produxerit, non potest apponere, nisi causâ de novo emerferit, contra ejus tamen dicta licebit opponere.

In aliena causâ plures testes ex eadem familia adhiberi possunt. Cap. 23.

Nil obstat, quo minus plures etiam testes, ex eadem familia, alieno negotio semper possunt adhiberi.

Testis alicujus scripti propter crimen postea commissum aut patefactum rejici non debet. Cap. 24.

Si quis ex testibus, testamenti quidem, aut alterius cujusquam instrumenti, confectionis tempore (in quo ipse testis describitur) liber, aut ab omni crimine alienus communi hominû aestimatione, & opinione habebatur, testimonium ipsius ex crimine aliquo latenti, seu ex delicto aliquo postea detecto, patefacto, seu commissio, infici non debet, nec quicquam fidei illius detrahendum est, nisi testator, per tres menses, à crimine hujusmodi patefacto supervixerit, nec alium loco illius submitendum curaverit.

*Qui poenitentiam egerunt, ad testimonii fidem
restitui possunt. Cap. 25.*

CAeterum cum nos semper, pro pietate nostra, in subditos nostros magis cupiamus eos semper lucrari, quam in desperationem adigere, si quis criminofus crimini suo penitus renunciaverit, ac condignam poenitentiam ecclesiae iudicio, pro eodem peregerit, ac ad frugaliorem vitam redierit, testimonii tunc dicendi facultatem illi restituendam duximus.

Quibus testibus fides sit habenda. Cap. 26.

Testibus juratis, & non testimoniis convenit fidem adhibere, illis tamen testibus credendum est, qui concludenter aut praesumptivè, rem, de qua agitur, approbant.

*Super eisdem aut contrariis articulis non licet saepius
testes producere. Cap. 27.*

Quicumq; semel, aut plures testes aliquos produxerit, ac iustificata tractaverit, aut quoquo modo eadem didicerit, non habebit ipse licentiam, vel eosdem, vel alios super eisdem, vel directo contrariis articulis, producendi.

Quando testes repeti possunt. Cap. 28.

Testes plenè examinandi sunt, nec à suis negotiis saepe avocandi, si tamen aut dolo iudicis, aut negligentia, debito modo examinati non sunt, id parti rectè libellanti, seu articulos proponenti nocere non debet, quin eidem testes repeti possunt. Ceterum si partis culpa, ut negligentia, defectus aliquis in testium dictis deprehendatur, illi nusquam succurratur, nec ipsis testes postea repetiti, sive ex officio, sive ad ejus instantiam aliquid sibi prodesse poterunt.

Pœna testium pejurantium. Cap. 29.

SI quis posthac adeò officii sui immemor fuerit, ut aliqua affectione ductus falsa, aut multa varia reddidisse deprehendatur testimonia, is extraordinariè, pro arbitrio iudicis, quem in hac parte offenderit, punietur. Volumusq; omnes ministros nostros, in executione pœnarum, huiusmodi falsis testibus infligatorum, sive infligendarum, ad requisitionem dictorum iudicum, promptos ac paratos semper esse, sub pœna contemptus.

Quando testis rationem sui dicti reddere teneatur. Cap. 30.

TESTIS in actis omnibus, sensu corporeo perceptilibus, debet reddere rationem dicti sui, per illum sensum, ita deum si fuerit interrogatus. At in rebus sensibus huiusmodi nō subjectis, debet rationē reddere non interrogatus.

De testibus extra judicialibus. Cap. 31.

DICTUM testis iudiciale non tollitur, per dictum suum extrajudiciale contrarium, sed nisi aliquam justum rationē, quod tam varia aut repugnantia protulerit testimonia, reddere idem testis poterit, multum fidei illius detrahetur.

Testibus expensa sunt solvenda. Cap. 32.

QUOTIESCUNQ; testes a suis negotiis, pro ferendo testimonio, advocantur, id fieri volumus expensis partis eos producentis, qui expensas illorum, tempore accepti itineris donec iterum ad habitationes suas reversi fuerint, sustinebit.

Reprobatorii testes non sunt per alios reprobandi. Cap. 33.

REPROBATORII reprobatorii ū testiū admittendi nō sunt, ne si producendi quartos, contra tertios, & sic deinceps
licentia

licentia tribueretur, negotium longius quam par est, protelari contingeret.

Dicta testium interpretanda sunt, secundum loquendi consuetudinem. Cap. 34.

Testium dicta non cavillanda, sed potius benignè interpretanda sunt, maximè verò secundum communem usum, ac ipsius testis loquendi consuetudinem.

Quando dictum unius testis suppletur per dictum alterius. Cap. 35.

Dictum quoque unius testis suppletur, per dictum alterius testis, plenius deponentis, interpretationemque à pleniori illo dicto meritò recipiet, si modo constet, quòd de uno, & eodem facto deponere conentur.

Testis inconstans. Cap. 36.

Testes, qui adversus fidem testationis suæ, vacillant, audiendi non sunt.

Pars intensionem suam obscuram interpretari potest. Cap. 37.

Si testes clarè de re aliqua testificantur, quæ obscurè fortassis à parte proponebatur, potest tamen pars suam intensionem interpretari, ut dicta testium illi profint.

Testes pro utraq; parte deponere debent, si requiratur. Cap. 38.

Testes pro utraque parte deponere debent, si requirantur, vel à iudice, vel à parte non producente, licet à parte principaliter producente expensas recipiunt.

Examinatio testium. Cap. 39.

Notarii opera, & non industria, in examinatione testium videtur elevari, idè ad mandatū iudicis debent scribere redi-

& a testium, etiā extensivè, prout unusquisq; loquutus fuerit

cum

cum in verbis omiſſis plus aliquando efficaciæ reperitur, quàm in iis, quæ à notariis quibuſdam deſcribuntur.

Teſtes ſingulares. Cap. 40.

Teſtes ſingulares nihil probant, adeo ut veteres non permittebant iuramentum, etiam in defectu probationis, tales teſtes producenti, deferre, niſi huiusmodi ſingularitas tendat ad unum, & eundem finem quod & non 2p. probamus.

Variatio teſtium. Cap. 41.

Si qui tamen teſtes deponant, de aliqua ſumma debita, aliqui de majori, aliqui rursus de minori, ac in una aliqua ſumma, numerus ſufficiens concordat, poteſt illis iudex fidem adhibere, ſi nihil aliud eſt, quod illorum fidei detrahat.

Teſtimonia de ſcire & credere. Cap. 42.

Licet teſtes ſæpe adeò rudes ſunt, & ignari, ut nihil diſtinguant inter verba veritatis aſſertiva (ut ſcio) ac illa, quæ nihil neceſſario ponunt (ut credo videtur, & recordatur) tamen nolumus fidem huiusmodi teſtibus adhiberi, ſi ipſi de natura horum verborum, à iudicibus noſtris admoniti, (quod ſemper fieri volumus) congrua non reddiderint teſtimonia. In caſibus tam en illis, in quibus veteres leges fidem huiusmodi teſtimoniis adhiberi voluerunt, idem obſervandum duximus.

De teſtibus examinatis coram arbitris. Cap. 43.

Teſtibus examinatis coram arbitris, non tenetur quis ſtare, coram iudice, ſi vivunt, ſed poteſt petere eos iterum examinar i, ſi velit. Sed ſi ſunt mortui, non requiritur ulterior examinatio, ſed ſtandum erit eis, ſicut ſi coram iudice fuiſſent recepti, ſalvo tamen jure objiciendi contra perſonas & dicta.

Quomodo iudex de multis testibus iudicabit. Cap. 44.

SI testes omnes ejusdem honestatis, & existimationis sunt, & negotii qualitas, ac iudicis etiam motus, cum iis concurrat, sequenda sunt omnia testimonia. Se verò ex his quidam illorum aliud dixerint, licet impari numero, credendum est, quòd naturæ negotii convenit, & quòd inimicitiae aut gratiae suspitione careat, confirmabitq; iudex motum animi sui ex argumentis, & testimoniis, quæ & rei aptiora, & vero proximiora esse compererit, neq; enim ad multitudinem respici oportet, sed ad sinceram testimoniorum fidem, & testimonia, quibus potius lux veritatis afflucit.

Variatio testium quando non noceat. Cap. 45.

SI testes in circumstantiis non necessariis (ad quas simplices homines non solent magnopere respicere) varii aliquando inveniuntur, in rei tamen, de qua agitur, substantia, convenient, plena fides illis adhibenda est. Neq; enim omnis varietas reprobata est, sed ea tantum, quæ contrarietatem quandam, & impossibilitatem in se contineat, nihilq; nocet narrandi diversitas, cum eadem dicuntur.

Præferendi sunt testes qui absolvunt, his qui condemnant. Cap. 46.

CUM ad absolvendum potius quàm ad condemnandum promptiora sūt jura nostra, volumus, quòd si testes aliqui faciant pro bona fama, seu innocentia alicujus, ac rursus alii pro mala fama, seu noxa, quòd præferantur hi qui pro innocentia fecerint, modo alias ipsi testes inter se æquales fuerint.

De numero testium. Cap. 47.

QUanquam quibusdam legibus amplissimis numerus testium definitus sit, tamen hanc licentiam ad sufficientem numerum coarctamus, ut iudices tamen moderentur, & cum solum numerum, quæ necessarium esse putaverint, evocari patiantur, ne effrenata potestate ad vexandos homines superflua testium multitudo protrahatur. At ubi numerus testium non requiritur, duo testes probabunt.

*Iudex testibus jubere potest silentium, & mutare articulo-
rum ordinem in examinatione. Cap. 48.*

IUDICIS est cuncta rimari, & varietatem plena inquisitione discutere, ideo ei permittimus ut jungat testibus, juramenti religione, ne dicta sui contestibus, aut aliis quibusvis propalent, ac ut testes (non observato ordine articulo-
rum) super omnibus examinare possit, prout ei videbitur.

In anima periculo juramentum exigere potest. Cap. 49.

SI acta nihil probaverint, iudex juramentum exigere potest à parte principali, ubicunq; animæ periculum vertitur.

*Testimoniorum copia partibus non est
neganda. Cap. 50.*

IUDex post testium publicationem, testimoniorum copiam facit partibus petentibus, ipso retinente originale. Ex iudicis est illis constituere terminum, intra quem publicata testimonia evertant, aut teneantur, cum hac interminatione

one, quòd si istud facere neglexerint, deinceps non sit admissurus, ut id faciat.

Testimoniorum publicatio. Cap. 51.

EXaminatis testibus, ea pars cui maximè interest testimonia esse nota, petere potest à iudice, ut ea publicentur. Id vero ut rite fiat, necesse est partes citari ad audiendū testimonia publicari. Ita vero fiet publicatio, si aut ipse iudex, aut publicus notarius præsentibus partibus palam testimonia recitat, aut coram exhibeat chartam, in qua ea descripta sunt, & clara vòce testetur in ea contineri depositiones testium productorum fideliter annotatas, quas sua exhibitione publicatas velit. Postea iudex partibus constituet terminum, intra quem, accepturi sunt exempla testimoniorum, & alium terminum, intra quem disputaturi sint, si velint.

Testium productio post testimoniorum publicationem. Cap. 52.

QUamvis partibus non regulariter permittatur, ut post testimoniorum publicationem, denuò alios testes producant. Iudex tamen ratione sui officii, non solū potest post testimoniorum receptionem, sed & postquam in causa conclusum est, teste examinatos potest denuò interrogare de re, quem sua de positione non satis declarasse videtur, si ejus notitia necessaria, aut utilis appareat ad causæ cognitionem. Et si iudex ex scripto hoc non faciat, possunt partes petere à iudice, ut id fiat.

Quando admittitur probatio post testium publicationem. Cap. 53.

RURLUS si post testium publicationem, quisquā probare aliquid voluerit, quod in prioribus suis articulis, quo-

ad necessitatem facti & probationis, inesse dinoscatur, id ei nullatenus permittatur. Sed si quod inopinatum, & de quo quis facile cogitare non poterat, a diversa parte probatum fuerit, quod causæ alterius magnopere noceat, non incongruum esse putamus, id à parte læla (si potest) reprobatum in publicatione testium non obstante. In causis etiam matrimonialibus, favore animarum olim constitutum erat, ut testium publicatio, aliorum testium productioni non obstaret, quod nos moderantes ita temperamus, ut publicatio in his causis non noceat. Si teste illi post publicationem producendi omni exceptione majores fuerint, ac tales, qui omni careant suspitione, ac quibus merito credendum est, alioqui iudex eos vel non admittat, vel fidem, quam voluerit, illis adhibere poterit.

Neque testes, neq; dicta testium refelli possunt, post primam assignationem ad audiendum sententiam. Cap. 54.

SI quid in dictis testium à veritate alienum deprehenditur, aut persona illius reprobari aliquando possit, id usq; ad primam assignationem ad audiendum sententiam proponi permittimus, sive quis protestatus fuerit contra eos, sive non est protestatus.

Officium iudicis in examinandis testibus. Cap. 55.

Pertinet autem peculiariter ad officium iudicis, diligenter testes examinare de singulis negotii circumstantiis, ut quod per partes, vel earum advocatos omissum fortè sit, in articulis, & interrogatoriis cupiendis, illud ipse suppleat.

De consuetudine.

Consuetudo quid sit. Cap. 1.

Consuetudo est jus quoddam moribus institutum, quod pro lege suscipitur cum deficit lex, seu jus quoddam moribus, seu usibus populi totius, vel majoris partis, ratione initiatum, continuatum, & constitutum, legis habens auctoritatem. Ex non scripto enim jus venit, quod usus approbavit. Nam diurni mores consensu utentium comprobati legem imitantur.

*Consuetudo non valet contra rationem,
aut legem. Cap. 2.*

Quamvis consuetudinis, usq; longævi non sit utilis auctoritas, veruntamen non est usq; adeo valitura, ut aut rationem vincat, aut legem, seu juri positivo præjudicium generare debeat.

*Consuetudo non valet contra jus divinum,
aut naturale. Cap. 3.*

Cum peccata tantò sint graviora, quantò diutius infelicem animam detinet alligatam, nemo sanæ mentis intelligit juri divino aut naturali (cujus transgressio periculum salutis inducit) quamcunq; consuetudine (quæ dicenda est verius in hac parte corruptela) possit aliquatenus derogari. Quælibet enim consuetudo, quantumvis vetusta, quantumvis vulgata veritati omnino postponenda, & usus, qui veritati est contrarius, est abolendus.

Statuta & consuetudines ecclesiæ cathedralis non sunt mutanda, sine Episcopi & capituli consensu. Cap. 4.

Quia novitates sæpenumero partunt discordiã non immerito statuendū videtur, ne quis episcopus absq; consensu capituli, statuta, aut cōsuetudines ecclesiæ cathedralis

immutare, aut novas facere possit. Idem nec capitulum, si-
ne Episcopo. Quod si aliter tacta fuerint, decernantur ir-
rita, nisi statuta, & consuetudines huiusmodi priores verbo
Dei, aut Ecclesiæ edificationi repugnent.

De Præscriptionibus.

Præscriptio quid sit. Cap. 1.

Præscriptio est jus quoddam, ex tempore con-
gruens, autoritate legum vim capiens, poenam
negligentibus inferens, & finem litibus impo-
nens. Quod non in totum à naturali jure rece-
dit, nec per omnia ei servit. Quemadmodum enim natura
æquum est, neminem debere locupletari cum alterius ja-
ctura: ita naturali rationi congruum est, & negligentibus
poenam inferri, & finem litibus imponi.

Præscriptio decimarum in aliena parochia. Cap. 2.

Si una Ecclesia decimas in alterius parochia, quadragin-
ta annos possederit, volumus de jure meliorem conditi-
onem fieri possidentis: quia quadragenalis præscriptio
omnem prorsus actionem excludat.

Malæ fidei possessor præscribere non potest. Cap. 3.

Nulla antiqua dierum possessio juvat aliquem malæ fi-
dei possessorem, nisi resipuerit, postquam si aliena
noverit possidere, cum bonæ fidei possessor dici non po-
test. Derogandum enim erit omni constitutioni, atq; con-
suetudini quæ absq; mortali peccato non potest observari.
Oportet igitur eum, qui præscribit, ut in nulla temporis
parte,

parte, rei habeat conscientiam alienæ, sitq; in bona fide constitutus, sine qua nulla valet præscriptio Ecclesiastica.

Interruptio tollit præscriptionem. Cap. 4.

SI de præscriptione, & interruptione, mota fuerit quaestio cum receptis testibus, seu probationibus (quæ recipi debent ab utraq; parte) probata fuerit interruptio, præscriptio non tenebit.

Contra visitantes nemo præscribere potest. Cap. 5.

Quia secundum Apostolum, qui spiritualia seminat, non est magnum, si metat carnalia (cum nemo suis stipendius, militare cogatur) statuimus, ne subdius contra superiorem visitationem, aut procurationem ratione visitationis debitam, in seipso præscribere possit. Allegantes igitur se non meminisse procurationem solvisse, aut petitam fuisse, audiendos non fore decernimus. Sed negantes poena condigna afficiendos, nec non ad condignam satisfactionem compellendos, quacumq; præscriptione temporis non obstante, statuimus.

Præscriptio Ecclesiarum vel decimarum in aliena diocesi. Cap. 6.

Episcopum qui ecclesias, & decimas in aliena diocesi selegium præscripsisse proponit, oportet huiusmodi præscriptionis titulum allegare, & cum jus commune contra ipsum faciat) probare. Nam licet ei, qui rem præscribit ecclesiasticam, si sibi non est contrarium jus commune, vel contra eum præsumptio non habetur, sufficiat bona fides. Ubi tamen est ei jus commune contrarium, vel habetur præsumptio contra ipsum, bona fides, non sufficit, sed est necessarius titulus, qui possessori causam tribuat, præscribendi, nisi tantum

ti temporis allegetur præscriptio, cujus contraria memoria non existit.

Præscriptio vel interrumpi potest, vel cessare, vel impediri. Cap. 7.

PRÆSCRIPTIO aliquando cessat, aliquando interruptitur, sed non idem æstimandum, quando cessat, & quando rumpitur. Cessare præscriptio dicitur, quando propter aliquod privilegiū personæ cujus res est, aut conditionē ipsius rei, non habet locum præscriptio. Similis huic cessationi videri potest impeditio, quando præscriptio quasi interstitit, ut cū propter publicum aliquem motum iudicia exerce-re, & jus suū n requirere non licet, ut in tempore belli, vel quando in loco jus, non redditur, & defectu iudicis, vel reip. atq; tempore pestis. In quibus casibus & similibus, præscriptio non prorsus interm. ritur, sed vi quadam impedita interquiescit, & præsertim cum actoris protestatio intercedit. Interrumpi verò naturaliter præscriptio dicitur, cū cœpta retrahitur, ne progredi possit. Id verò fit, cum possessio nobis non vi legitima, quam vocant compulsiva, sed violenta eripitur. Et ratio est, quis sine possessione præscriptio non procedit. Est autem in naturali interruptione hoc regulare, quod ea prodest omnibus, qui habent jus in re. Rumpitur etiā præscriptio, quando is, cujus res est, illam contestata lite, in iudicio repetit, quavis litem non perficiat. Item per alluvionem maris, aut fluminis, per solutionem pensionis, aut partis debiti, per secundam cautionem à debitore factam. Impeditur ad hæc præscriptio, ne currat, quando is, cujus res est, illam non potest repetere ut sunt impuberes, quiq; adhuc sub aliena potest. ite continentur, & furiosi, quibus etiam adnumeres excommunicatos: Nam dum ita sunt, non audiuntur sui repetentes. Præscriptiōi

scriptioni conjunctæ cum bona fide, nemo per suum pactum potest renunciare, cum præscriptio sit propter bonum publicum inventa, ne scilicet dominia rerum sint incerta, & jus publicum pacto privatorum non remittatur. Ad præscribendum in rebus corporalibus, ut est servitus prædii, jurisdictionis, & consimilia, non requiritur possessio, sed scientia, & patientia adversarii. Interumpitur quoque præscriptio, ne currat protestatione coram iudice, vel si ejus copia non fiat coram notario, & testibus, quo protestationis genere principes inter se utuntur, ad impediendam præscriptionem, cum se se non possint convenire sub iudice, qui sit utrique parti communis.

Quiete dicitur quis possidere, quando non vocatur in iudicio, sincere autem quando cum bona fide: bona autem fides in dubio præsumitur, & quando non habetur notitia rei alienæ. Mala verò probatur variis modis, primò per confessionem propriam possidentis: Secundò per famam, quæ erat in vicinia. Tertio per denunciationem factam tempore contractus. Deniq; per incidentes conjecturas, & si contra jus fuit acquisita, & non observata juris solennitate. Præscriptio contra bona Ecclesiæ, vel pia legata, non currit minor quadragenaria, post quam elapsam, potest ecclesia in integrum restitui: si tamen restitutio intra quadrennium petita fuerit. Nam post hoc tempus non auditur. Mala fides præscriptionem impedit, priusquàm terminus ejus elabatur. Ac cum perfecta fuerit præscriptio, bonam habens fidem conjunctam, si postea res præscripta noscatur fuisse aliena, minimè cogitur, qui præscripsit eam, restituere. Nam quando novit alterius eam fuisse, jam non alienam, sed suam ceperat possidere. Nam leges & jura ei addixerunt. Qui alieno nomine possidet, non præscribit usu capionis, triū annorum spatium assignatur: præscriptionis autem, quoad præ-

lentes decem, quoad absentes viginti, longior est triginta, longissimè verò 40, annorum, utq; usucapio ad res mobiles pertinet, ita præscriptio ad immobiles.

DE VIOLENTA PERCUSSIONE CLERICORUM.

Vis contra clericum quibus penis afficiatur. Cap. 1.

QUicunq; manus violentas in clericum sciens iniecerit, nisi voluerit arbitrato iudicum Ecclesiasticorum ei satisfacere, poenitentiamq; subire tam atroci scelere dignam, in excommunicationem ruet. A qua nullo modo patimur illum sublevari, donec poenitentia plenè sit perfunctus, ordinarii sui arbitrato indicenda.

Qua sunt exceptiones in hac causa. Cap. 2.

QUoniam omnis honesta ratio relinqui debet, expediendæ salutis si quis se legitimè defendens, aut iustitiæ serviens, ad vim contra clericum progressus sit, si coram Ordinario suo patefecerit vim, his causis profectam esse, quas posuimus, omnino illum liberari volumus, & sine poena dimitti. Est quoq; par clericorum poena, si violentas manus in laicos homines iniecerint.

De Præsumptionibus.

Præsumptio quid sit. Cap. 1.

PRæsumptio est alicujus rei, ex variis circumstantiis collecta conjectura.

Præsumptio temeraria & probabilis. Cap. 2.

TEMeraria præsumptio ex mera suspitione profiscitur, & nulli vestigio rei gestæ incumbit. Probabilis verò

rei

rei vestigiis inhæret, licet per seipsam, non tollit dubitationem, sed tantum credulitatem inducat.

Probabilis præsumptio, vel unius testis assertionem, aut aliqua semiplena probatione adjuta, plenam fidem facit. Temeraria verò prorsus est rejicienda.

Præsumptio violenta. Cap. 3.

Violenta præsumptio est, quæ judiciis adeò a pertis inititur, ut id quod esse contenditur, inde quodammodo necessariò sequi videatur. Iudex non ad unam speciem probationis animum suum coarctabit. Et ideo in causis, quæ de sua natura directe probari nequeunt, præsumptionibus ferendâ sententiam, adduci poterit. Ex violenta præsumptione iudicem posse ferre sententiâ exemplo regis Salomonis docemur, qui causam inter duas mulieres audiens atq; naturali unius amore, alteriusq; odio erga infantem, veram matrem discernens, eundem mulieri, quæ divisionem abhorrebat, adjudicavit. Curet attamen iudex, ut violenta præsumptio qua motus est ad ferendam sententiam, scripta extet in actis, quò appareat sententiæ latæ fundamentum.

Probatio carnalis copula per præsumptiones. Cap. 4.

Violenta præsumptione probari carnalem commixtionem nullus dubitet, veluti si masculus & foemina, solus cum sola, nudus cum nuda, in eodem lecto jacentes deprehensi fuerint. In probanda commixtione maris, & foeminæ, sufficiat probatio actuum propinquorum ad eam, dum tamen testium accedat credulitas. Uxor cui maritus non abs re denunciabit, ne cum eo, quem suspectum habuerit, colloqueretur, secreto vè consortio uteretur, si mariti denunciationem spernat, adultera censeatur.

Quis sit habendus pro patre. Cap. 5.

Ei filius esse præsumitur, in cujus domo, & cujus ex uxore quis nascitur, licet uxor foris à tempore conceptionis

cum alio concuberit, nisi mariti diuturna absentia adversa-
vè valetudo, aut alia justa causa, aliud suadeat.

Præsumptio mali animi. Cap. 6.

IS qui contra legum interdicta, quicquam molitur, ma-
lam fidem semper habere præsumitur. Deprehensi in de-
licto semper præsumitur malus animus. Itaque qui cum
nocuisse alicui joco se id fecisse dicit, tanquam obnoxius te-
netur, nisi suum probet innocentiam.

Præsumptio boni animi. Cap. 7.

PER exteriora, quæ intus sunt præsumatur. Quemcunq; i-
gitur studere virtutibus, præterea simplicitati, & mo-
destiæ videris, hujus bonum & rectum esse animum intelli-
gas. Ex transacta cujuslibet vita dignoscere possumus, quid
de subsequenti ejus conversatione præsumamus. Quia
præteritorum consideratio nos instruit de futuris.

Qui ad objecta criminata cet suspectus est. Cap. 8.

SI quis ad crimina, quæ sibi fuerint objecta, vel propo-
sita in judicio ad respondendum, taceat, præsumptio-
nem haud levem præbet defensionem se non habere.

*Qui subterfugia querit, malam causam habere
præsumitur. Cap. 9.*

QUISQUE dilationibus judicium subterfugere conatur,
is malum causam semper fovere præsumatur.

Quando ignorantia non est præsumenda. Cap. 10.

EA quæ publicè aguntur, & quæ quis indagare debet,
nemo ignorare censetur.

Latere

Latere non potest vicinos, quod ad nos in longinquo per-
venit, vicinis enim cum res præsumantur, notiores esse,
quam remotis, illis cum primis creditur.

De fama. Cap. 11.

Communis & pervulgata fama de aliquo gravem indu-
cit præsumptionem.

Præsumptio continentia. Cap. 12.

Non præsumitur incontinens in senili ætate, qui in ju-
ventute continuit : atque id maxime si divinarum li-
terarum studiis incumbit, & eo genere doctrinæ apprimè
fuerit ornatus.

Præsumptio ex habitu. Cap. 13.

Talis quisque præsumitur in quali habitu reperitur.

Præsumitur neminem velle prodere suo. Cap. 14.

Præsumitur neminem esse, qui sua bona velit aut prodi-
gere, aut perdere.

Præsumitur non mutari voluntatem, nisi probetur. Cap. 15.

Quilibet præsumitur manere in eadem voluntate, qua
semel fuisse constat. Proinde qui mutatam asserit vo-
luntatem, probare debet.

Judicis sententia præsumitur bona. Cap. 16.

Propter religionem judicantis, semper pro ejus senten-
tia est præsumendum, nisi per appellationem fuerit su-
spensa.

Præsumitur pro scriptura. Cap. 17.

PRæsumitur pro scriptura, nisi aliud actum, aliudvè scriptum esse probetur.

Præsumptio juris & de jure. Cap. 18.

PRæsumptio non est tanti momenti, quin contraria probatione elidatur, nisi sit præsumptio juris, & de jure, quam sola ejus confessione, de cujus commodo agitur, tolli posse putamus.

Pares præsumptiones se mutuo consciunt. Cap. 19.

DUæ præsumptiones paris potentiae invicem se collidunt, & major minorem vincit, prorsusq; enervat.

Præsumptio infirmitatis tollitur per actum. Cap. 20.

PRæsumptionem infirmitatis tolli per exercitium actus non compassibilis cum infirmitate, manifesti juris est.

Index ex circumstantiis judicabit. Cap. 21.

SI probationes rei, & actoris, tantum præsumptivè concludant, judicis est, ex diligenti circumstantiarum consideratione judicare. Ut cum vir se sponsam suam cognovisse affirmat, illa verò illud negat, matronæq; aliquæ quæ corpus inspiciebant cum illa consentiant, judex considerat oportunitate cognoscendi, mora, & diutina conversatione, & ætate utriusque, & matronarum fide, & peritia, quid sequendum sit judicabit.

De Diffamationibus.

Obretractores legibus esse puniendos. Cap. 1.

QUoniam omnes Christiani mutua charitate veros se debent Christi discipulos esse ostendere, coercendi quorundam improborum malevolentia est, qui fratres odio tam capitali prosequuntur, ut illos falsis criminibus ca-

lum.

lumniose velint opprimere. Quo fit ut legum fræna illorum licentiæ sentiamus injicienda, quorû mentes Christiana charitas, quæ prorsus illis abest, mollire non potest, & quos ipsi per se non movet officium, illos juris acerbitate denunciemus.

Obtrectatores quando & quomodo puniantur. Cap. 2.

Primum igitur hoc constitutum sit, ut quicumq; in litiosa voluntate, ac dolo malo famam cujusquam crimine confecto, ac e mentito violaverint, aut ullo modo ut violaretur effecerint, aut sermone contumelioso contra quenquam utuntur, aut libellum famosum vel ipsi componunt, aut scribunt, vel ab aliis compositum, aut scriptum cû invenerint, non continuo rumpunt, aut ignibus cremant, sed divulgant aut in lucem proferunt, aut proferendum curant, primum quidem ab eo cui hæc facta est injuria (si modo velit injuriam prosequi) deducantur ad Ecclesiæ pastorem, & seniores, qui talium obtrectatorum importunitatem vehementiq; sermone perterrefaciant. In quorum auctoritate si acquiescere velint, & hominis existimationem quam ante calumniis oppugnaverant, recolligere parati sint, quantum in se est, & recuperare, in eo ipso causa terminetur: Nec ille, qui calumniis fuerit appetitus, ullam suis obtrectatoribus exhibebit aliam molestiam, nec illos ad judices Ordinarios trahet. Nam præcipua semper ratio salutis animarum esse debet, & sumptus non necessarii, quantum licet, sunt amputandi. Verum hujusmodi calumniatores, & obtrectatores, si nolunt salutaribus pastorum, & seniorum præceptis inflecti, tum demum ad ipsos judices Ecclesiasticos illorum nomina deferantur; apud quos (cum manifestis probationibus, de calumniis illorum, & obtrectationibus plenè constiterit) damnentur sententia judicum ad illas pecuniarum summas in cistas pauperum infundendas, quæ suarum Ecclesiarum propriæ sunt,

quis

quis illorū opes commodè videbuntur ferre posse, & etiā excommunicationis poena plectantur, à qua nullo modo volumus illos liberari, donec arbitrato iudicis ecclesiastici satisfactum est illi, cui injuria facta est, & etiam ea perfuncti sint poenitentia, quæ tanto crimini convenire videbitur.

Qui probant crimen objectum, non puniuntur. Cap. 3.

QUoniam reipublicæ vehementer interest, ut crimina supplicis coerceantur, & sua cuiq; justa defensio reservetur, constituimus, ut si quis aliquem reum fecerit accusatione, denunciatione, vel exceptione, vel alia quacunque ratione legitima, & solenni, iudicique criminis objecti fidem fecerit, illum (quoniam non calumniam, sed veritatem sequi ut sit) omnium legis istius poena liberari debere. Si verò, qui accusaverit, fuerit causa dejectus, poenis legis teneatur, nisi possit ostendere, quodd non propositio male dicendi, nec calumniandi voluntate, sed aliqua justa ratione fuerit ad hoc institutum adductus.

De dilationibus.

Dilatio quid sit. Cap. 1.

Dilatio est agendi facultas, infra tempus, vel à legibus, vel ex conventionem partium præscriptum.

Dilationum species. Cap. 2.

Dilationum alia est legalis, quæ à legibus definitur. Appellandum enim, & petendum restitutionem in integrum, & similia tempus à legibus præscribitur. Iudicialis quæ datur arbitrio iudicis. Conventionalis, quæ terminum habet

habet ex conventionē partium. Ex dilationibus judicialibus citatoria datur à iudice, ad comparandum. Deliberatoria ob lato libello datur ad deliberandum de his, quæ petuntur, vel de cedendo, vel de lite suspicienda. Recusatoria terminum concedit, ad proponendas exceptiones omnes, & ad declinandum, seu differendum iudicium. Probatoria datur ad probandum, & allegandum in causa. Definitoria datur ad negotium definiendum. Iudicatoria datur condemnatis ad patiendum, vel solvendum iudicata. Appellatoria datur ad appellandum.

Dilationes quantum fieri possent, amputande sunt. Cap. 3.

Materias dilationum ubiq; amputare volumus, & hac ratione iudicibus non concedimus dandæ dilationis, quoties voluerint, facultatem, sed quatenus rerum urgentissima ratio, & necessitas desideratæ instructionis exegerit. Idcirco non nisi iusta de causa petenti, bonaq; fide imploranti dilatio concedi debet. Proinde si morandæ solutionis gratia, à debitore falsi crimen objicitur, nihilominus, salva executione criminis, debitorem ad solutionē compelli volumus. Et idem in consimilibus faciendum existimamus.

Certa dilationum spatia. Cap. 4.

Quamvis jure antiquo receptum sit, ut quælibet citatio spatium decem dierum concedat, & dentur ad deliberandum viginti dies, protestibus, & instrumentis producendis, quando fuerint in provincia tres menses: quando in locis provinciæ contiguis, sex. Quando in transmarinis regionibus, novem. Actori verò contumaci triginta dies, Ista nihilominus dilationes iudicum arbitrio (ratione habita personarum, locorum & causarum) magis minusvè contrahi volumus. Prorogari verò nullo modo. Cumq; iudex

eas multum contraxerit, causas exprimat, quæ in actis inferantur ut appellandi materia præcidatur. Appellatoriâ tamen dilatio iudicis arbitrio non mutabitur. Semper enim erit quindecim dierum, qui neque contrahentur, neque ampliabuntur.

Dilationes quæ ad causæ cognitionem pertinent, iudice sedente, & pars adversa præsentē, fiant. Cap. 5.

Dilationes citatoriæ, atque deliberatoriæ, licet à iudice non sedente, sed ambulante in loco iudicii, concedi possint. Attamen quæ causæ cognitionem requirunt à iudice sedente dari volumus, & dum adversaria pars adest, ut si reclamet, & de dilationibus huiusmodi quæstio emergat, sententia iudicis lis dirimatur.

Si iudex tempore probationum præscriptio ius non dicat, pars ad tempus amissum restituetur. Cap. 6.

Si tamen non fiat per partem, quò minus facere possit suas probationes in dilatione ei data, sed fiat per iudicem, quia non reddit ius in illo die, tunc non est danda nova dilatio. Sed volumus partem eandem restitui ad tempus amissum.

Terminus dilationis utriq; parti communis sit. Cap. 7.

VBicunque à iudice data erit dilatio, statuimus, ut idem terminus sit communis utrique parti. Ita ut utraque possit in illo probare. Sed si is, cui data est dilatio, re integra, renunciaverit dilationi, adversarium ratione ejusdem dilationis posse probare volumus.

Dilatio

Dilatio certum tempus præferri cre habet. Cap. 8.

Volumus dilationem à iudice partibus datam, certam esse, vel per numerationem dierum, vel ad certum tempus.

Data dilatione cessat iudicii officium, dum durat dilatio. Cap. 9.

Data dilatione, iudicis officium conquiescere decernimus, donec petiti temporis deflexerint curricula, ferri illi tempori non excludendis, sed connumerandis.

Qui prodiderit acta, ad aliam probationem non admittetur. Cap. 10.

Si quis probaverit intentionem suam per testes, vel per aliud simile, & postea prodiderit acta, etiam si casum possit probare, nullum esse ei amplius dandam dilationem volumus.

Libellus si in citatione inseratur, excludit dilationem ad deliberandum. Cap. 11.

Cum in citando, exemplum libelli reo transmittitur, vocatusq; ad respondendum, deliberatorie dilationes ei non dabuntur, modo citatio æquum, & decentem contineat terminum, alioqui dilationes ad deliberandum habebit.

In causa initio non dabitur aëtori tempus, ad deliberandum. Cap. 12.

Deliberatorie dilationes ab initio causæ aëtori non conceduntur. (existimatur enim venire instructus) Attamen, si reus excipiat, vel illum reconveniat, dilationem aliquam ad deliberandum jure habebit.

Mutatio libelli non semper requirit novam dilationem, ad respondendum. Cap. 13.

SI libellus mutatur in eo quod non alterat primam petitionem, quo minus de ea certus esse possit reus, non erunt novæ dilationes deliberatoriæ concedendæ. Nam cum plenè quis potuit instrui per primum libellum, licet aliquid addatur, quod non mutat naturam negotii, novæ non erunt imparticiendæ dilationes.

Prorogatio dilationis. Cap. 14.

Pures dilationes quàm leges nostræ permittunt, nolumus alicui dari, tamen decernimus eas posse prorogari ex causa, & illæ non erunt novæ dilationes, sed priores prorogatae. Prorogatio enim debet fieri antequàm primum tempus dilationis sit finitum, tempore autem toto finito, nolumus tunc posse habere locum prorogationem, sed erit nova dilatio.

Secunda dilatio ex causa dari potest. Cap. 15.

Secundam dilationem ex causa dandam esse statuimus, & hoc solummodo respectu temporis, in quo impeditus fuit aliquis, & respectu ejus rei, in qua fuit impeditus. Et ideò si aliquis impeditus fuerit, producere unum testem, & procuravit quantum potuit, in prima dilatione eundem producere, dabitur nova dilatio ad producendum illum testem, & non alios, quos non procuravit in prima dilatione producendos.

Dilatio potest quando revocari. Cap. 16.

Dilatio, quæ de partium consensu data est, altera parte invitâ, non debet sine causa revocari, sed quando judex ex officio

officio suo dilationem præfixit, si causa tollatur, quæ illum movit, cum potest revocare.

Dilatio data reo ad jurandum intelligenda est dari auctori ad probandum. Cap. 17.

DEcernimus dilationem datam reo ad jurandum, etiam intelligi debere datam auctori, ad probandum per testes, vel instrumenta.

Dilatio quando reus opponit exceptiones. Cap. 18.

VTriq; parti dilationem dari debere de iuribus suis decernimus, quando reus opponit exceptiones.

Dilatio ad consulendum. Cap. 19.

POtest à principio dilatio peti ad illos cōsulendos, quorum cōsiliū arduitas causæ requirit. Et quos aliqua ex parte negotium tangit, ut ab eis, is qui citatus est, informetur. Si pendente causa, super quopiam emergente, positiones offerantur dandæ sunt induciæ procuratori, ut dominum suum consulere possit, si tale sit emergens, ut probabiliter nihil ab initio de hoc scire potuerit, dominus constituens. Nam si ab initio prævideri potuisset, & à causa principali perspicuum dependentiam haberet, tempus ei ut dominum suum consulat, non dabitur. Est enim quod dominus sibi imputet, quare ab initio, ut debuit, procuratorem suum plenè non instruxerit.

Citatio peremptoria. Cap. 20.

Citationi peremptoriæ nimis brevis terminus non affigatur, nisi maxima necessitas id suggerat. Alioqui parti sic vocatæ licebit appellare.

Propter injustas dilationes licet appellare. Cap. 21.

SI iudex abique causa, & injustè, dilationes vel contrahat, vel ampliet, ab eo licet appellare.

Citatio terna. Cap. 22.

Citatoriæ dilationes aut sunt tres, aut una esto peremptoriè inscripta, sed quæ spatium temporis id concedat, quod tribus æquari, & congruere possit.

Præter citatoriam primam & secundam dilationem, alia sunt peremptoria, licet fortasse non sit inscribantur. Cap. 23.

Absens reipublica causa à iudicio excusabitur.

Absens reipub. causa tantisper à terminis in iudicio sibi præfixis excusatur, quamdiu causa absentiae durat.

De remoto ab administratione. Cap. 24.

Delapidatione suspectus, & ob id ab administratione remotus, quanvis nondum sit restitutus, in iudicio respondere cogitur, neque restituetur, nisi causa cognita absolvatur.

Quando idem terminus duobus actis præscribi potest. Cap. 25.

Licebit eundem terminum duobus actibus præfigere, quando simul, & in idem tempus possunt concurrere, ut ad producendum testes probatorios, & ad producendum reprobatorios. Nihil enim vetat iudicem testes admittere simul, super principali, & reprobatorios. At si actus ordine successivo sint explicandi, eundem terminum communem habere non poterunt. Iudici licet dilationem dando, vel adhuc pendente, quæ jam data est, terminum ad alium actum, successivè explicandum statuere, tam eidem quam alteri parti: quoniam

niam sic dilationi jam concessæ, nullum sit præjudicium ut si decem dies, ad instrumenta producenda, & quinque ad testes assignentur, non enim hii se mutuo actus impediunt. At si unus actus pendet ab altero, id facere non convenit. Male quippe darentur decem dies, ad positiones producendas, & decem ad intentionem probandam, quia positiones fortasse tamen erunt claræ, ut probatione non ogeant, vel adeo erunt ineptæ, ut omnino sint repudiandæ.

Index uni parti parcere non potest, in alterius partis præjudicium. Cap. 26.

TAmetsi iudex propitius non nihil potest reo contumaci parcere (unum scilicet aut alterum diem illum, post terminum peremptorium, expectando) id tamen in præjudicium partis nò faciat, neque ita ut impensas non jubeat recompenfari.

Diebus feriatis judicia non fiant. Cap. 27.

Feriis institutis ad honorem dei, ut sunt omnes festi dies, à litibus, & judiciis abstineri volumus, neque testes his temporibus dicent testimonia, atque processus tunc facti, & sententia lata non valebit.

Repentinæ feriæ, quæ jussu nostræ Regiæ majestatis indicuntur, vel ob res foeliciter gestas, vel propter inaugurationem regni, vel publicas supplicationis, feriis institutis ad honorem dei sunt pares, & ejusdem rationis, utque illis cōtendere non licet in judicio, (etiam volentibus partibus) ita in istis non concedatur.

Quæ in feriis liceant. Cip. 28.

IN feriis, quæ ad pacē & concordiam pertinent, fieri permittimus, ut juramenta, facta, transactiones. Licebit etiam his diebus miserabilium personarum causas agere.

Cita

De Exceptionibus.

Citationes non fiant diebus feriatis. Cap. 29.

Citationes, qui fiant die feriato, non valent, & cum nominatim diem feriatum præfigunt ad comparandum, sunt temerariæ. Proinde citet iudex ad certum diem, & adjiciat, quod si dies is fuerit feriatum, proximo venias.

De messe & Vindemiis. Cap. 30.

His feriis, quæ ad hominum utilitatem sunt institutæ, ut messis, & vindemiarum, partes pro suo arbitrio renunciare possint. Quod si faciant, & processus judicialis, & sententia lata valebit. Testes tamen compelli non possunt, ut diebus testificentur, si nolint.

Feriis hominum causa institutis, non solum partes renunciare queunt, sed certis de causis cogi possunt, ut ad iudicium veniant, ut si res tempore sit peritura, nec patiarur moram. Ad hæc, sententia, quæ ante has ferias lata fuit, per eas mandari potest executioni, & gravia in Deum scelera cognosci possunt, & puniri.

De certis feriis. Cap. 31.

Toto quadragesimæ tempore, septem diebus post resurrectionis festum, & septem diebus ante natalem domini, quiescant iudicia.

De Exceptionibus.

Exceptio quid sit. Cap. 1.

Exceptio est defensio, qua conventus in iudicio conatur agentem à se depellere, atque ab actione, vel ejus effectu excludere.

Excep-

Exceptiones peremptoriae & dilatoria. Cap. 2.

PERemptoriae exceptiones, si probentur, susceptas actiones seu lites penitus tollunt. Dilatoriae vero illas tantum differunt. Et inter dilatorias, aliquae appellantur declinatoriae, sumunturq; ab observatione iudiciorum, à ratione personarum, loci, & temporis, ac rescripti, & iudicium conantur declinare.

Exceptiones reales & personales. Cap. 3.

REales exceptiones ita rebus, de quibus agitur, cohaerent, ut ad omnes illos devolvantur, ad quos res extenduntur, de quibus agitur. Exceptio enim, quae convenit reo, convenit etiam ejus fideiussori. Personales autem sic certè alicui personae sunt propriae, ut ad alios non transeant.

Exceptiones peremptoriae semper possunt obijci. Cap. 4.

EXceptiones peremptoriae sunt perpetuae. Nam semper obstant agentibus, neque illis praescribitur, quo minus in omni parte iudicii, auctori obijci valeant.

Quae exceptiones sint temporariae. Cap. 5.

Dilatoriae, atq; declinatoriae exceptiones temporariae sunt. Nam illis qui utuntur, causari solent tempus, aut solutione conditum (aut intra quod leges agere prohibent) nondum elapsum esse, vel conditionem appositam nondum extare, vel iudicem non esse competentem, & alia id genus. Exceptiones huiusmodi auctorem in perpetuum non vetant, quin agat, sed ob mutationem rerum, & temporum facile potest contingere, ut amplius locum non habeant. Sunt etiam ea de causa temporariae, quoniam si quis

cis non utatur tempore, à jure præscripto, illis deinceps uti non poterit.

Declinatoria exceptiones quando sint opponenda, & quando probanda. Cap. 6.

OMnes exceptiones declinatorias (cum processum judicii impediant non autem causam perimant) ante litis contestationem, vel primum causæ actum, si lis non sit contestanda, proponi volumus. Et si quis ante litem contestatam, vel primum actum, eas proponere omiserit, illis postea non utatur: Quoniam eas prætereundo actis videtur consensisse. Atque hujusmodi exceptiones cum objectæ fuerint, probari à reo volumus, priusquam vel ad litis contestationem, vel ad primum causæ actum veniatur.

Exceptiones dilatorie quando proponenda, & probanda. Cap. 7.

Dilatoriae verò exceptiones (quibus non processus judicii sed actoris intentio impeditur) cum ad negotium, & rem, quæ agitur, pertineant, & ipsæ proponantur ante litis contestationem, sed eas probare nullus reus cogatur, antequam ipse actor suam intentionem probare cæperit. Atamen etiam si post litis contestationem proponantur, non erunt repellendæ à judicio.

Declinatoria exceptio contra judicem ante omnes alias proponenda. Cap. 8.

Exceptio declinatoria, quæ contra judicem est, non solum ante litis contestationem debet proponi, sed ante omnes alias, sive dilatorias, sive declinatorias. Nam si de aliis incipiat reus respondere in judicio, judicem videbitur ut suum approbare.

*Terminum esse proponendum à iudice ante litis contestationem,
ad omnes dilatorias exceptiones pro-
nendas. Cap. 9.*

NE dilatoriis exceptionibus lites malitiosè protrahan-
tur, iudici mandamus, ut ante litis contestationem,
certum aliquem terminum præscribat, intra quem si reus
omnes dilatorias non opponat, deinceps de iis non audia-
tur, nisi fortassis aliqua ex tempore oriatur inter agendum,
aut si prius fuit, reo non erit cognita, aut si fuit cognita,
tunc non habuit, ex quo illam probaret, quod postea illi
occurrit. Qua de re priusquam audiat, iuramento mali-
tiæ interponat.

*Tempus proponendarum exceptionum perem-
ptiarum. Cap. 10.*

PEremptoriæ exceptiones, quæ iudicium impediunt, &
causam perimunt, ut exceptio rei iudicatæ, transactiõnis
& litis finitiæ, possunt & ante, & post litis contestationem
opponi. Quæ verò solum causam, & negotium perimunt,
ut exceptio pacti de non petendo, & similia, rectè oppo-
nuntur lite demum contestata.

*Quæ exceptiones per totam causam objici
possunt. Cap. 11.*

EXceptiones excommunicationis, & falsi procuratoris
per totam causam objici possunt.

*Exceptio excommunicationis infra octo dies est
post probanda. Cap. 12.*

VT verò lites plus iusto non protelentur, præcipimus ut is
qui excommunicationem objicit, speciem illius, & nomen ex-
communicatoris exprimat, sciturus eam se deferre debere in

publicam notionem, quam intra octo dierum spatium (die in quo proponitur minimè computato) probare valeat apertissimis documentis. Quòd si non probaverit iudex, in causa procedere non omittat, rerum in expensis, quas actor ob hoc, diebus illis se fecisse docuerit, præhabita taxatione condemnans.

De exceptionibus mixtis. Cap. 13.

EXceptiones mixtæ, quæ sic dicuntur, ut partim dilatoriaræ sunt, & partim peremptoriæ, si post litis contestationem proponantur, vim dilatoriarum non habebunt, sed tantum peremptoriæ censebuntur.

Dilatoria iudicii processum impediens omiſſa in prima instantia in appellatione non poterit objici. Cap. 14.

EXceptio dilatoria, quæ iudicii processum impedit, in causa principali non opposita, in appellatione abjici non poterit.

Peremptoria omiſſa in prima instantia possunt in appellatione objici. Cap. 15.

SI peremptoriæ exceptiones in instantia omiſſæ fuerint, & quidem non ex malitia, neque ad vexandum adversarium, in appellatione produci poterunt. Non autem declinatoriæ, aut dilatoriæ ille exceptiones, quæ iudicii processum elidunt, sed illas tantum licebit objicere quæ negotium ipsum, & rei summam spectant, modò prius ex malitia non fuerint omiſſæ.

Quid sit replicatio & quando sit probanda. Cap. 16.

AD reorum exceptiones, actores replicationes adhibere solent, quæ nihil aliud sunt, quàm allegationes actorum, per

per quas exceptio solvitur: neq; actor cogi debet ad suam replicationem probandam, nisi prius reus probaverit exceptionem.

An iudex de replicationibus pronunciare debeat. Cap. 17.

VT iudex de replicationibus pronunciet, non est necessarium: quia vires earum satis intelligi poterunt, cum iudex de ipsis exceptionibus constituerit, an admittendæ, vel repudiandæ sint.

Quantum possit replicatio paræ criminis. Cap. 18.

Replicatio paræ criminis repellit excipientem. Nam exceptio alicujus criminis ab illo non debet opponi, qui eodem laborare vincitur.

Neq; excipiens, neq; replicans omnia fatetur, quæ dicit excipiendo, vel replicando. Cap. 19.

EXcipientes non est censendus fateri omnia, quæ in ejus exceptione includuntur, quemadmodum & actor non omnia judicabitur fateri, quæ in replicatione continentur.

De exceptione contra testes, cujusmodi sit, & quamdiu valeat. Cap. 20.

EXceptio contra testes cum non sit dilatoria, indirectæ, & obliquè est peremptoria: Nam ea spectat ut probationem tollat, quia sublata jus actoris eliditur. Ea verò duplex est, nam vel contra personas testium excipitur, cum criminosi dicuntur, vel aliqua alia ratione non idonei, vel contra testium dicta, ut cum falsi arguuntur. Exceptio igitur contra personas testium usq; ad sententiam potest objici, & probari. Postea verò non audietur, nisi ad appellationem ventum fuerit. Ibi enim poterit objici. Si verò excipiantur testes

falsum dixisse, usque ad viginti annos locum habet exceptio, ne dum in appellatione, quod tamen recipi volumus cum in agendo non fuit proposita. Nam si tunc objecta est, & non probata, minimè valebit ejus vis ad annos viginti, sed tantum in appellatione repeti poterit.

*De exceptione contra testes, & replicatione
testium. Cap. 21.*

TEstis contra quem excipitur de crimine, si contra excipientem de eodem crimine replicet, ob id non admittetur ad testimonium. Quia non relatione criminis reus purgatur, sed si se innocentem ostenderit.

De Sententia & re judicata.

*Judex quando allegata & probata sequi potest contra
conscientiam. Cap. 1.*



Tile est, quod à doctis & sapientibus præcipitur, ne quis in judicando sequatur aliquam suam cogitationem, quam secum domo attulerit in judicium, sed secundum allegata & probata pronunciet. Sed hæc regula locum habere debet, quando judex levibus quibusdam argumenti ductus existimat aliter se rem habere quam probatū sit. Nam isto casu potius sequi debet allegata & probata, quā suam opinionem & conscientiam, ex quadam imaginatione conceptā. Si verò judex habet conscientiam rei indubitā, tunc nullo modo debet aliquid statuere, contra eā, propter allegata & probata. Sed & in hoc casu rursus distinguere debet. Nam si judex habeat conscientiam contra reum, & tamen in actis reus probatur

tur innocens, tum propter suam conscientiam, qua scit eum innocentem, condemnare eum non debet, sed illum, secundum id quod probatum est, absolvere. Quia etiam hoc faciat, non tamen potest dici eum contra conscientiam fecisse, eum reum non ut innocentem, sed ab instantia iudicii tantum absolvat. Si vero iudex habeat conscientiam pro reo, contra allegata & probata, tum non debet contra indubitatam conscientiam in causa decernere. * Quia iudici credendum est, qui allegat conscientiam in præjudicium alterius, si eam probare possit.

Videtur
reducere.

Quoniam iudex non potest supplere omissa in facto, operæpretium est judicare, quoniam modo possit conscientiam suam pro reo contra allegata & probata adducere, ut non impingat in constitutiones, quibus prohibetur aliquid supplere in facto. In tali igitur casu iudex per consultationem superiori iudici declaret suam conscientiam. Petat igitur à parte urgente, ac precibus instet, ut det sibi spatium consulendi superiorem iudicem, cui suam, cum exposuit conscientiam, potestatem facit, ut si tanquam veritatis testem audiat, ac deinceps juxta allegata & probata sententiam pronunciet, neque ut iudex factum supplet, sed ut minister justitiæ cavet in ejus culpa innocentia proximi oneretur.

Index primum certam exquirere debet facti notitiam. Cap. 2.

Iudex in hoc potissimum incumbat, ut ante omnia certus sit de facto, & precipue in criminalibus quosvis audiat, innocentiam cujusvis probaturos, donec in plenam causæ cognitionem veniat. Nam in iudiciis ordinariis iudices jubentur plena inquisitione rei qualitatem discutere. In criminalibus vero iudiciis tam clara requiritur facti notitia, ut non permittatur juramenti dilatio, in defectu apertarum probationum, sicut in causis civilibus.

Deinde

Deinde exquirat quod in facto jus sit. Cap. 3.

Post certam facti cognitionem, proximum est ut sententia, qua declaraturus est jus, facto probato sit conveniens, & juri atque consuetudini, quibus quæque regio, aut civitas in ea specie facti utitur. Si vero neque ex lege, neq; ex consuetudine manifesta, judici constare possit, quid in casu proposito pro jure habendum sit, procedendum illi est, de similibus ad similia jura, donec argumento aliquo ex usitato jure ducto, constituere possit quid cum sequi in pronunciando oporteat.

Si ambigat favendum est reo. Cap. 4.

Si verò neque id quidem consequi sua investigatione, aut peritorum consultatione possit, tum in dubio juriis potius pro reo, quam pro actore pronunciandum est, nisi actor foveat causam favorabiliorem.

Quid sit sententia. Cap. 5.

Hactenus traditum est, quæ sunt judici consideranda, antequam ad ferendam sententiã progrediatur. Statuendũ nunc est de ipsa sententia, ut intelligi possit, quæ pronuntiatio judicis mereatur dici sententia, ea solũ pronuntiatio judicis meretur dici sententia, qua finis imponitur controversiæ, legitima disceptatione in judicium ductæ.

Quomodo sententia recte feratur. Cap. 6.

Statuimus igitur, ut in observatione solennitas circa ferendas sententiãs, partes ad sententiã audiendam citentur. Alioqui (cum maximi præjudicii sit sententia) eam, partibus non citatis, pro nulla haberi volumus. Deinde statuimus, ut præsentibus partibus, vel altera contumaciter, absente, sententia à iudice tribunali, vel alio loco honesto
vel

sto vel publico sedente, promulgetur quodque sententia concepta ex breviculo, in quo est descripta, per judicem aut tabellarium recitetur, iudice clarè attestante, se juxta recitata ex scripto, de causa pronunciare, nisi talis sit casus, de quo verbo tenus, absq; breviculo, liceat pronunciare.

Si lis debeat per sententiam dirimi inter contententes, necesse est ejus orationem non esse exegeticam, sed definitivam, & decisoriam. Porro non sufficit sententiam esse absolutoriam, vel condemnatoriam, nisi in ea etiam diserte res exprimantur, ad quas præstandas, aut ferendas, reum condemnet, aut à quibus eum liberet. Est enim judici omnino conandum, ut quam fieri possit, sententiam ferat certam, & præcipuè secundum libelli petitionem, dirigenda est certitudo sententiæ.

Vitandum quoq; est ratione certitudinis, quæ in causarum decisione requiritur, ne sententia sub conditione feratur. Operæpretium non est ut causa, quæ judicem moveat, ut sententiam ferat, in sententia exprimatur. Verum si propter ineptitudinem libelli lata sit sententia, tunc necesse est ut causa ineptitudinis sententiæ inseratur, qua reus ab instantia judicii absolvatur. Sed tamen est necessarium in causa approbationis, ut iudex ad quem appellatum est, semper inserat causam in sententia. Nam judicare eum oportet, quare latam sententiam ab inferiori iudice, vel approbet, vel improbet.

Sententiarum species. Cap. 7.

Forma sententiarum generali absoluta, tandem ad sententiarum species est descendendum, & primum de interlocutoria est decernendum, quia ad eam ordine procedendi in causis prius pervenitur.

De sententia interlocutoria. Cap. 8.

Sententiæ igitur interlocutoriam eam esse decernimus,
N. n. qua

qua aditus ad principalis causæ cognitionem paratur. Id vero duobus fit modis, aut enim iudex simpliciter aliquid imperat litigantibus ut faciant, aut remoras exceptionum (quas utrinque attulerunt) sua pronuntiatione aufert, ut abique obstaculis ad decisionem principalis causæ venire possit. Unde eam sic definiri volumus. Interloquutoria sententia est, quæ inter principium, & finem causæ fertur, super iis quæ incidunt, vel emergunt, citra principalis causæ cognitionem. Talis igitur sententiæ non fit tanta vis, quanta in definitiva. Nam ea lata semper potest revocari per iudicem, nisi per eam iusserit partem alteri aliquid restituere, vel dare. Tunc enim iudex eam revocare non potest, quia definitivæ speciem habet, ut cum propter aliquam contumaciam, aliqui pars alteri condemnatur in expensis solvendis, aut si iusserit expoliatum restitui in possessionem, priusquam procedatur in petitorio. Idem censendum est de omnibus exceptionibus peremptoriis. Nisi enim lata de eis sententia firma haberetur, at iudici liceret, quoties illi visum esset, eam revocare, tum incerta admodum esset progressio ad principalis causæ decisionem.

De sententia definitiva. Cap. 9.

Impensius verò in sententia definitiva (qui de principali causa pronuntiatur) operam navari decernimus. Nam si quid ex illis, quæ circa actus, aut quæ in ipsa forma orationis observanda esse iudicavimus, omissum sit, tanquam illegitimam eam rejiciendam esse volumus.

Sententia definitivæ retractari non potest nisi contra ius divinum feratur. Cap. 10.

Porro si nihil talium in sententia definitiva desideretur, ut tanquam illegitimo modo lata, pro nulla haberi possit,

fit, nec ab ea intra spatium, quo appellari permiffa est, appellatum fit, tunc eam in rem judicatam transire volumus, hoc est, talem confequi auctoritatē, ut contravenire nemo possit: nec judici quidem liceat eam revocare, mutare, aut aliquam ejus partem tollere, vel emendare, five bene, five male suo officio in ea partē ferenda functus sit. Sed in hac regula magnopere observandum, quòd sententia contra jus litigantium male lata transeat in rem judicatam, modò ab ea appellatum non fit. Sed secus esse statuimus, si sententia manifestam iniquitatem continens est ipso jure nulla, nec debet quis jure cogi, ut ei stet, etiamsi ab ea appellare sit prohibitus. Proinde sententia, quæ sine peccato mortali servari non potest, rectè à judice revocatur, & à litigantibus tanquam nulla negligitur, quia transire in rem judicatam non potest, propter offensionem conscientiae, licet etiam judex mutabit sententiam, si viderit eam obesse rei publicæ.

Judici quando liceat sententiam mutare, addere, & minuire.

Cap. II.

Vltium grammaticum, si quod est in verbis sententiæ, illud per judicem tolli liceat. Porro judex sententiam definitivam latam non solum mutare, sed & supplere in pronunciando, de accessionibus & immuntionibus actionum, si tamen eadem die, qua ferat sententiam, id ab eo fiat, & antequam pronuncietur in actis id petitus sit. Nephas enim videtur, peracto semel in judicio, iterum permittere, ut ex se pita lite, nova lis de actionibus & immuntionibus actionum moveatur.

Alias immuntionibus.